



Bosna i Hercegovina  
Federacija Bosne i Hercegovine  
Tuzlanski kanton  
VLADA

## **IZVJEŠTAJ O RADU VLADE TUZLANSKOG KANTONA ZA 2014. GODINU**

Tuzla, februar 2015. godine

## SADRŽAJ

<b>1. UVODNI DIO .....</b>	<b>5</b>
<b>2. SAZIV VLADE U IZVJEŠTAJNOM PERIODU .....</b>	<b>9</b>
<b>3. PROGRAMSKI DIO .....</b>	<b>11</b>
BORAČKO-INVALIDSKA ZAŠTITA.....	11
FINANSIJE .....	12
INDUSTRIJA, ENERGETIKA I RUDARSTVO.....	14
OBRAZOVANJE, NAUKA, KULTURA I SPORT .....	16
POLJOPRIVREDA, ŠUMARSTVO I VODOPRIVREDA .....	20
PRAVOSUĐE I UPRAVA .....	22
PROSTORNO UREĐENJE I ZAŠTITA OKOLICE .....	23
RAD, SOCIJALNA POLITIKA I POVRATAK .....	24
RAZVOJ I PODUZETNIŠTVO .....	25
SIGURNOST I UNUTRAŠNJI POSLOVI.....	27
TRGOVINA, TURIZAM I SAOBRAĆAJ .....	30
ZDRAVSTVO.....	31
URED PREMIJERA .....	33
CIVILNA ZAŠTITA.....	34
INSPEKCIJSKI POSLOVI.....	36
KANTONALNI ZAVOD ZA PRUŽANJE PRAVNE POMOĆI.....	37
INTERNA REVIZIJA.....	38
PRIVATIZACIJA .....	39
UPRAVLJANJE ROBNIM REZERVAMA.....	40
UPRAVLJANJE KONCESIJAMA .....	41
<b>4. NORMATIVNI DIO .....</b>	<b>43</b>
MINISTARSTVO ZA BORAČKA PITANJA TUZLANSKOG KANTONA .....	43
MINISTARSTVO FINANSIJA .....	46

MINISTARSTVO INDUSTRIJE, ENERGETIKE I RUDARSTVA TUZLANSKOG KANTONA .....	47
MINISTARSTVO OBRAZOVANJA, NAUKE, KULTURE I SPORTA TUZLANSKOG KANTONA .....	48
MINISTARSTVO POLJOPRIVREDE, ŠUMARSTVA I VODOPRIVREDE TUZLANSKOG KANTONA .....	50
MINISTARSTVO PRAVOSUĐA I UPRAVE TUZLANSKOG KANTONA.....	52
MINISTARSTVO PROSTORNOG UREĐENJA I ZAŠTITE OKOLICE TUZLANSKOG KANTONA .....	53
MINISTARSTVO ZA RAD, SOCIJALNU POLITIKU I POVRATAK TUZLANSKOG KANTONA .....	55
MINISTARSTVO RAZVOJA I PODUZETNIŠTVA TUZLANSKOG KANTONA.....	58
MINISTARSTVO UNUTRAŠNJIH POSLOVA TUZLANSKOG KANTONA .....	59
MINISTARSTVO TRGOVINE, TURIZMA I SAOBRAĆAJA TUZLANSKOG KANTONA .....	60
MINISTARSTVO ZDRAVSTVA TUZLANSKOG KANTONA .....	63
URED PREMIJERA .....	66
KANTONALNA UPRAVA CIVILNE ZAŠTITE .....	67
KANTONALNA UPRAVA ZA INSPEKCIJSKE POSLOVE.....	69
KANTONALNI ZAVOD ZA PRUŽANJE PRAVNE POMOĆI.....	69
URED ZA INTERNU REVIZIJU.....	69
KANTONALNA AGENCIJA ZA PRIVATIZACIJU.....	70
KANTONALNA DIREKCIJA ROBNIH REZERVI.....	70
KOMISIJA ZA KONCESIJE TK .....	70
PEDAGOŠKI ZAVOD TUZLANSKOG KANTONA.....	70
<b>5. TEMATSKI DIO.....</b>	<b>71</b>
MINISTARSTVO ZA BORAČKA PITANJA TUZLANSKOG KANTONA .....	71
MINISTARSTVO FINANSIJA .....	71
MINISTARSTVO INDUSTRIJE, ENERGETIKE I RUDARSTVA TUZLANSKOG KANTONA .....	72

MINISTARSTVO OBRAZOVANJA, NAUKE, KULTURE I SPORTA TUZLANSKOG KANTONA .....	75
PEDAGOŠKI ZAVOD TUZLANSKOG KANTONA.....	77
MINISTARSTVO POLJOPRIVREDE, ŠUMARSTVA I VODOPRIVREDE TUZLANSKOG KANTONA .....	77
MINISTARSTVO PRAVOSUĐA I UPRAVE TUZLANSKOG KANTONA.....	80
MINISTARSTVO PROSTORNOG UREĐENJA I ZAŠTITE OKOLICE TUZLANSKOG KANTONA .....	82
MINISTARSTVO ZA RAD, SOCIJALNU POLITIKU I POVRATAK TUZLANSKOG KANTONA .....	83
MINISTARSTVO RAZVOJA I PODUZETNIŠTVA TUZLANSKOG KANTONA.....	84
MINISTARSTVO UNUTRAŠNJIH POSLOVA TUZLANSKOG KANTONA .....	85
MINISTARSTVO TRGOVINE, TURIZMA I SAOBRAĆAJA TUZLANSKOG KANTONA .....	85
MINISTARSTVO ZDRAVSTVA TUZLANSKOG KANTONA .....	88
URED PREMIJERA .....	89
KANTONALNA UPRAVA CIVILNE ZAŠTITE .....	89
KANTONALNA UPRAVA ZA INSPEKCIJSKE POSLOVE .....	90
KANTONALNI ZAVOD ZA PRUŽANJE PRAVNE POMOĆI.....	90
URED ZA INTERNU REVIZIJU.....	90
KANTONALNA AGENCIJA ZA PRIVATIZACIJU.....	90
KANTONALNA DIREKCIJA ROBNIH REZERVI.....	91
KOMISIJA ZA KONCESIJE TUZLANSKOG KANTONA.....	91
<b>6. KAPITALNI PROJEKTI.....</b>	<b>92</b>
<b>7. OCJENA STANJA I POSTIGNUTIH REZULTATA .....</b>	<b>99</b>
<b>8. PROGRAMSKA ORIJENTACIJA .....</b>	<b>106</b>

## 1. UVODNI DIO

Na području Tuzlanskog kantona, po prvi put u Bosni i Hercegovini, na zahtjev građana, u martu 2014. godine formirana je ekspertna Vlada. Imajući u vidu da se Tuzlanski kanton nalazio u najvećoj socijalnoj i ekonomskoj krizi nakon rata, koji je sve aktere političke i uopšte društvene scene stavio pred krupne političke i moralne izazove, Vlada je definisala temeljne ciljeve i principe na kojima je gradila svoju politiku i rješenja za novu zaposlenost i ekonomski rast u pravednijem društvu, a to su sigurnost, pravednost, solidarnost, zapošljavanje i općedruštveni napredak Tuzlanskog kantona.

Fokus djelovanja Vlade Tuzlanskog kantona u 2014. godini bio je usmjeren na privredni sektor i realizaciju aktivnosti definisanih u Smjernicama i ciljevima rada Vlade Tuzlanskog kantona za 2014. godinu. Temeljeći svoj rad na prethodno navedenim principima, Vlada TK uspjela je stabilizirati stanje u Tuzlanskom kantonu nakon socijalnih nemira i uložila je maksimalne napore u poticaj razvoju privrede i otvaranju novih radnih mjesta.

Svojim radom, Vlada je osigurala sigurnost građanima TK, kontinuitet isplata plata svim budžetskim korisnicima, pravednost u raspodjeli ograničenih budžetskih sredstava prema općinama i Gradu Tuzla, solidarnost u pristupu raznim ciljnim skupinama i sl. Uloženi su maksimalni naponi za otvaranje novih radnih mjesta, smanjena rastrošnost budžetskih sredstava, donesen veliki broj odluka i prijedloga zakona čija primjena osigurava višemilionske uštede u ovoj i narednim godinama. Efekti rada Vlade Tuzlanskog kantona u 2014. godini bi zasigurno bili veći da nije bilo šteta izazvanih prirodnim katastrofama.

Preuzimanjem mandata u 2014. godini, Vlada Tuzlanskog kantona je kreirala i usvojila dokument „Smjernice i ciljevi rada Vlade Tuzlanskog kantona za 2014. godinu – temeljna usmjerenja do okončanja mandata Vlade u 2014. godini“ koji je definisao temeljne ciljeve i programski okvir rada Vlade do kraja 2014. godine. Također, donesen je i Program rada Vlade Tuzlanskog kantona za 2014. godinu.

U Smjernicama i ciljevima rada Vlade Tuzlanskog kantona u 2014. godini i Programu rada za 2014. godinu, Vlada Tuzlanskog kantona istaknula je da su sigurnost, pravednost, solidarnost, zapošljavanje i općedruštveni napredak Tuzlanskog kantona, a samim tim i svih njegovih građana, temeljni ciljevi i principi na kojima će Vlada graditi svoju politiku i rješenja za novu zaposlenost i ekonomski rast u pravednijem društvu, te da će navedena rješenja temeljiti na tri osnovna stupa:

- zaposlenosti i ekonomskom rastu temeljenom na stvaranju novih vrijednosti;
- manjoj i djelotvornijoj javnoj potrošnji;
- mijenjanju sistema društvenih vrijednosti i odlikovanju Vlade pravednošću, transparentnosti i nekorumpiranosti.

Istaknuto je da će se sve politike i programi istodobno provoditi u tri faze:

1. sanacijom naslijeđenih problema,
2. pokretanjem novoga stvaralačkog ciklusa, i
3. korištenjem novostvorenih vrijednosti prema novim principima.

Vladin model i programi ekonomskog razvoja u 2014. godini, temeljili su se na osnovnim odrednicama:

- rebalans i projiciranje Budžeta tekuće godine bez deficita, održivi rast budžetskih prihoda, uz dovođenje budžetskih rashoda u sklad s fiskalnim kapacitetima i razvojnim potrebama,
- stvaranje boljih i novih radnih mjesta,
- rast BDP-a i zapošljavanje na temelju novog investicijskoga ciklusa,
- suzbijanje korupcije iz tijela kantonalne javne vlasti,
- djelotvorna javna uprave i odgovorno upravljanje javnim preduzećima, javnim ustanovama, agencijama, zavodima i državnom imovinom,
- usklađivanje osnovnih poluga razvoja, kao što su energetika, rudarstvo, zaštita okoliša, malo i srednje poduzetništvo, turizam i obrazovanje, sa učinkovitim korištenjem ljudskih, prirodnih i drugih resursa kojima obiluje Tuzlanski kanton,
- zaštita radničkih prava i prava na poštenu plaću za pošten rad, povećanje konkurentnosti na tržištu rada,
- održavanje sistema socijalne zaštite u funkciji osiguranja jednakih šansi za najosjetljivije društvene grupe.

Zaposlenost i ekonomski rast temeljen na stvaranju novih vrijednosti, Vlada je osigurala kroz aktivnosti na unapređenju poslovnog ambijenta, kroz značajnu podršku u promociji procesa finansijske konsolidacije i uključenju privrednih društava sa područja Tuzlanskog kantona u proces finansijske konsolidacije, pri čemu je zahtjeve za odobrenje finansijske konsolidacije u propisanom roku u 2014. godini podnijelo ukupno 7 privrednih društava sa većinskim državnim vlasništvom sa područja Tuzlanskog kantona, kroz izdvajanje sredstava za potrebe zdravstvenog osiguranja, povezivanja radnog staža, ekonomsku održivost i sprovođenje stečajnog postupka za 13 privrednih društava, realizaciju aktivnosti na pokretanju proizvodnje, odnosno eksploatacije magnezita u „Rudniku nemetala Kladanj“ d.o.o. Kladanj, nakon 22 godine mirovanja poslovanja u ovom rudniku, kroz osiguranje posla za privredna društva „TTU“, „Aida“ i „Livnica čelika“, te maksimalne napore usmjerene na otvaranje novih radnih mjesta.

U prilog navedenom govore i podaci Federalnog zavoda za statistiku, te je u periodu mart – oktobar 2014. godine, na području Tuzlanskog kantona povećan broj zaposlenih za 1.131 lica (u martu zaposleno 80.965; u oktobru 82.096), te nije došlo do povećanja nezaposlenih - svega 15 lica više (u martu 99.074; u novembru 99.089).

Manju i djelotvorniju javnu potrošnju Vlada Tuzlanskog kantona je osigurala nizom mjera čime je smanjena rastrošnost budžetskih sredstava. Donesen je veliki broj odluka i prijedloga zakona čija primjena je osigurala višemilionske uštede u 2014., ali i narednim godinama. Samo u 2014. godini projicirani budžetski deficit će u odnosu na planirani biti manji za najmanje 42 miliona KM, a da nije bilo šteta izazvanih prirodnim katastrofama taj iznos bi se dodatno smanjio.

Navedene uštede Vlada je osigurala, između ostalog i kroz slijedeće mjere:

- Ukinuta je mogućnost korištenja službenih vozila izvan radnog vremena za rukovodioce svih kantonalnih organa i službi.
- Sagledano je stanje voznog parka svih kantonalnih organa uprave i službi i njihovih optimalnih potreba, te u smislu njihovog racionalnog korištenja i omogućavanja

izvršavanja osnovnih funkcija svih nadležnih organa i službi predložen njihov preraspored.

- Službena putovanja rukovodilaca i drugih uposlenika svedena su na optimalnu i neophodnu mjeru, te umanjene dnevnice za obavljena službena putovanja u BiH sa 25 KM na 10 KM, što je predstavljalo umanjnje za 60%.
- Za najmanje 20% su umanjeni troškovi upotrebe službenih mobilnih telefona za sve rukovodioce kantonalnih organa i službi, kao i drugih zaposlenika koji to pravo imaju u skladu sa aktima Vlade Kantona.
- Svi fiksni priključci po organima, službama i drugim institucijama Tuzlanskog kantona ograničeni su na način onemogućavanja pozivanja van pozivnog područja Tuzlanskog kantona (035), izuzev jednog od dva priključka, zavisno od nadležnosti i potreba funkcionisanja organa ili institucije, uz ograničenje maksimalne moguće potrošnje u toku jednog mjeseca.
- Obustavljen je obračun i isplata dijela plaće koji je po posebnim odlukama utvrđen kao poseban položajni dodatak za funkcionere, rukovodioce i rukovodeće državne službenike, kao i rukovodioce i uposlenike drugih kantonalnih organa i institucija za 50%, a za preostalih 50% preporučeno je da se dobrovoljno izdoje u Fond solidarnosti.
- Naknade po osnovu jubilarnih nagrada se, u skladu sa važećim propisima, nisu planirale i isplaćivale za zaposlene kod budžetskih korisnika, sve dok Budžet Tuzlanskog kantona posluje sa deficitom.
- Za 50% su smanjene su naknade svim članovima komisija i radnih tijela, uključujući i Kantonalni štab civilne zaštite, koje obrazuje Vlada Tuzlanskog kantona, kantonalna ministarstva i samostalne uprave i upravne organizacije.
- Za 50% su smanjeni troškovi reprezentacije kod svih kantonalnih organa, službi i institucija. Putem nadležnih ministarstava tražena je primjena ove mjere i kod svih privrednih društava, javnih preduzeća, javnih ustanova i drugih kantonalnih institucija.
- Utvrđeni su najviši iznosi naknada za rad predsjednika i članova upravnih i nadzornih odbora i drugih organa u privrednim društvima, javnim preduzećima, javnim i drugim ustanovama, zavodima, agencijama i direkcijama koji su u nadležnosti Tuzlanskog kantona, u visini od 120,00 KM mjesečno za predsjednika i 100,00 KM za članove. Istovremeno, resorna ministarstva su sagledala mogućnost i pokrenula proceduru za smanjenje broja članova upravnih i nadzornih odbora gdje su za to postojale zakonske mogućnosti.

Mijenjanje sistema društvenih vrijednosti i odlikovanje Vlade pravednošću, transparentnosti i nekorumpiranosti, Vlada je dokazala kroz osiguranje sigurnosti građanima TK, kontinuitet isplata plata svim budžetskim korisnicima, pravednosti u raspodjeli ograničenih budžetskih sredstava prema općinama te solidarnosti u pristupu raznim ciljnim skupinama. Svoj rad Vlada je temeljila na transparentnosti o čemu najbolje svjedoči sadržaj zvaničnog web portala Vlade TK, na kojem je **od 27.03.2014. godine objavljeno 429 različitih informacija**. Od navedenog datuma web stranica Vlade je posjećena od strane 98.273 posjetioca sa 280.580 sesija, odnosno pregleda različitih stranica na web stranici Vlade, od čega su 64% ponovljena posjetioca, a 36% novih posjetilaca. Različite stranice na web stranici Vlade su, u navedenom periodu, pregledane **845.162 puta**. Najveći broj posjeta web stranici Vlade ostvaren je iz

Bosne i Hercegovine (95%), zatim Hrvatske (1%), Srbije (0,8%), Njemačke (0,4%) itd.

Navedeno se ogleda i tome da su sve plate prema budžetskim korisnicama isplaćene na vrijeme, i to za prosječno 9.800 lica. Transferi za socijalnu politiku, boračko invalidsku zaštitu i podršku poljoprivrednoj proizvodnji, izvršeni su u većim iznosima nego u bilo kojoj godini u periodu od 2010.-2014. godine, te je osiguran pristup zdravstvenoj zaštiti “obespravljenim radnicima” iz svih firmi Tuzlanskog kantona za oko 1.000 lica.

U Programu rada za 2014. godinu, Vlada Tuzlanskog kantona preuzela je viziju definisanu u zvaničnom strateškom dokumentu razvoja, odnosno u Strategiji razvoja Tuzlanskog kantona za period 2008.-2013. godina, a ista glasi „Tuzlanski kanton je otvorena, ekonomski i društveno dinamična europska regija, koja na prepoznatljiv način u okviru Bosne i Hercegovine i šireg okruženja, osigurava ekonomsku, kulturnu i socijalnu atraktivnost, razvoj i kvalitetu života za svoje građane i ljude koji na njemu borave, investiraju i stvaraju“. Navedena vizija je revidirana u procesu izrade Strategije razvoja Tuzlanskog kantona za period 2016.-2020. godina, kojeg je Vlada Tuzlanskog kantona pokrenula u maju 2014. godine, te će ista služiti kao programska orijentacija za naredni period. Postavljena misija Vlade Tuzlanskog kantona ogledala se u tome da se kroz odgovoran, transparentan i razvojno orijentiran rad doprinosi unapređenju stanja i kvaliteta života građana Tuzlanskog kantona.

Definisano je i da će se vizija i misija ostvarivati kroz postizanje slijedećih ključnih razvojnih ciljeva:

1. Unapređenje poslovnog ambijenta na Tuzlanskom kantonu za razvoj konkurentne privrede i privlačenje novih investicija.
2. Razvoj ljudskih resursa i unapređenje kvaliteta života građana Tuzlanskog kantona.
3. Postizanje uravnoteženog i održivog razvoja Tuzlanskog kantona.

Sve realizirane aktivnosti Vlade Tuzlanskog kantona u mandatnom periodu od marta do decembra 2014. godine doprinosile su ostvarenju navedenih strateških ciljeva.

Saziv Vlade Tuzlanskog kantona do 7. februara 2014. godine je održao ukupno 3 sjednice, od čega 2 redovne i 1 vanrednu sjednicu sa donesene ukupno 42 mjere (32 odluke, 1 rješenje, 2 zaključka, 2 uredbe i 5 ostalih mjera).

Od imenovanja novog saziva Vlade Tuzlanskog kantona 26. marta do 31. decembra 2014. godine, Vlada Tuzlanskog kantona održala je ukupno **67 sjednica sa 723 tačke dnevnog reda**, od čega 36 redovnih i 31 vanrednu sjednicu. Tokom ovih 67 sjednica doneseno je ukupno **1.155 mjera** (632 odluke, 249 rješenja, 239 zaključaka, 4 uredbe, 4 amandmana i 23 ostale mjere), što čini u **prosjeku 17 mjera po sjednici**. Utvrđeno je 25 nacrti i prijedloga zakona koji su bili u funkciji ispunjenja ciljeva rada Vlade TK u 2014. godini.

Skupštini Tuzlanskog kantona na razmatranje je dostavljeno 88 materijala, koja je do Općih izbora 2014. godine razmatrala 60 materijala, od kojih 55 je usvojeno, dok je 5 informacija u različitim oblastima razmatrano, ali nije podržano od strane Skupštine.

Programom rada Vlade TK za 2014. godinu planirano je ukupno 200 mjera (114 normativnih i 86 tematskih mjera), od čega je ukupno realizovano 159 mjera (79 normativnih i 80 tematskih).



## 2. SAZIV VLADE U IZVJEŠTAJNOM PERIODU

Članovi Vlade Tuzlanskog kantona u periodu 01. 01. 2014. – 11. 02. 2014. godine su bili:

1. Premijer Kantona  
Sead Čaušević, 11.02.2011. – 15.05.2013. godine, 31.05.-11.02.2014. godine
2. Ministar finansija  
Alisa Bijedić, 04.06.2012. godine – 11.02.2014. godine
3. Ministar prostornog uređenja i zaštite okolice  
Mirsad Hadžiselimović, 13.06.2012. godine – 31.05.2013. godine  
Božo Antunović, 31.05.2013. godine – 11.02.2014. godine
4. Ministar za boračka pitanja  
Zijad Mahmutović, 13.06.2012. godine – 31.05.2013. godine  
Ibrahim Salihović, 31.05.2013. godine – 11.02.2014. godine
5. Ministar obrazovanja, nauke, kulture i sporta  
Adem Šehidić, 31.05.2013. godine – 11.02.2014. godine
6. Ministar pravosuđa i uprave  
Alen Taletović, 11.02.2011. godine – 11.02.2014. godine
7. Ministar poljoprivrede, šumarstva i vodoprivrede  
Edin Ajanović, 13.06.2012. godine – 14.11.2013. godine  
Sead Hasić, 14.11.2013. godine – 11.02.2014. godine
8. Ministar razvoja i poduzetništva  
Petar Simić, 31.05.2013. godine – 11.02.2014. godine
9. Ministar industrije, energetike i rudarstva  
Željko Knežiček, 11.02.2013. godine – 14.11.2013. godine  
Zvonimir Iveljić, 14.11.2013. godine – 11.02.2014. godine
10. Ministar unutrašnjih poslova  
Zoran Teofilović, 31.05.2013. godine – 11.02.2014. godine
11. Ministar za rad, socijalnu politiku i povratak  
Samir Ništović, 31.05.2013. godine – 14.11.2013. godine  
Emir Hujdurović, 14.11.2013. godine – 11.02.2014. godin
12. Ministar zdravstva  
Nermina Hadžigrahić, 31.05.2013. godine – 11.02.2014. godine
13. Ministar trgovine, turizma i saobraćaja  
Senaid Hadžić od 21.12.2012. – 11.02.2014. godine

Članovi Vlade Tuzlanskog kantona u periodu 27. 03. 2014. godine

1. Premijer Kantona  
Bahrija Umihanić, 27.03.2014. godine
2. Ministar finansija  
Miralem Nuhanović, 27.03.2014. godine
3. Ministar prostornog uređenja i zaštite okolice  
Zvezdan Karadžin, 27.03.2014. godine
4. Ministar za boračka pitanja  
Zudin Mahmutović, 27.03.2014. godine
5. Ministar obrazovanja, nauke, kulture i sporta  
Mirsad Kunić, 27.03.2014. godine
6. Ministar pravosuđa i uprave  
Ivana Veselčić, 27.03.2014. godine
7. Ministar poljoprivrede, šumarstva i vodoprivrede  
Samid Šarac, 27.03.2014. godine
8. Ministar razvoja i poduzetništva  
Jelena Ilić, 27.03.2014. godine
9. Ministar industrije, energetike i rudarstva  
Mulaga Fejzić, 27.03.2014. godine
10. Ministar unutrašnjih poslova  
Midhat Dobrinjić, 27.03.2014. godine
11. Ministar za rad, socijalnu politiku i povratak  
Meliha Bijedić, 27.03.2014. godine
12. Ministar zdravstva  
Alen Kamerić, 27.03.2014. godine
13. Ministar trgovine, turizma i saobraćaja  
Mustafa Isabegović, 27.03.2014. godine

### **3. PROGRAMSKI DIO**

U programskom dijelu Izvještaja o radu Vlade Tuzlanskog kantona dat je sažet pregled programskih aktivnosti ministarstava i organa uprave Tuzlanskog kantona provedenih u 2014. godini.

#### **BORAČKO-INVALIDSKA ZAŠTITA**

Ministarstvo za boračka pitanja je u 2014. godini svojim Programom rada predvidjelo realizaciju tri strateška cilja koja se odnose na zapošljavanje branilaca i članova njihovih porodica sa područja Tuzlanskog kantona, obezbjeđenje sredstava za obavljanje pripravničkog/volonterskog staža branilaca i članova njihovih porodica i stambeno zbrinjavanje socijalno ugroženih branilaca i članova njihovih porodica.

U svrhu provođenja prvog strateškog cilja, Vlada Kantona je na prijedlog Ministarstva donijela Program korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2014. godini i Program o rasporedu sredstava u svrhu zapošljavanja branilaca i članova njihovih porodica. I pored donošenja programa, strateški cilj nije ostvaren u prethodnom periodu, isključivo iz razloga što u skladu sa odredbama provedena dva postupka javnih nabavki nije bilo niti jedne zainteresovane poslovne banke putem koje bi se realizovala sredstva.

Vlada Tuzlanskog kantona je u 2014. godini donijela program o rasporedu i visini sredstava predviđenih za namjene stipendiranja boraca i članova njihovih porodica. Navedeni projekat je blagovremeno okončan i pravo na dodjelu stipendija ostvarilo je ukupno 1.716 boraca i članova njihovih porodica, sa ukupnim finansijskim efektom u visini od 975.240,00 KM.

Također, Vlada Tuzlanskog kantona je u 2014. godini, na prijedlog Ministarstva za boračka pitanja, donijela novi podzakonski akt kojim su utvrđeni uslovi, kriteriji i postupak za obavljanje pripravničkog/ volonterskog staža boraca i članova njihovih porodica. Projekat je okončan i pravo na obavljanje pripravničkog/volonterskog staža boraca i članova njihovih porodica ostvarilo je ukupno 194 kandidata, uz ukupna izdvojena finansijska sredstva u visini od 770.000 KM.

U 2014. godini je po prvi put započet i uspješno okončan projekat stambenog zbrinjavanja socijalno ugroženih boraca i članova njihovih porodica. U tu svrhu donijet je odgovarajući provedbeni propis, angažovano lice građevinske struke koje je utvrdilo činjenično stanje na terenu i u zavisnosti od stambene situacije boraca, utvrdilo finansijska sredstva neophodna da se stambeni objekat dovede u funkciju stanovanja. Na ovaj način pomoć u stambenom zbrinjavanju pružena je za 71 borca, a ukupna finansijska sredstva izdvojena u ovu svrhu iznosila su 300.000 KM.

Posebna pažnja je posvećena obezbjeđenju zdravstvene zaštite boraca i članova njihovih porodica. Za borce i članove njihovih porodica obezbijedena je premija osiguranja („markice“) za 56.693 korisnika prava, kao i ostvarivanje prava na obavezno zdravstveno osiguranje za 5.076 korisnika. U kontekstu zdravstvene zaštite kontinuirano se realizuje pravo na ortopedsku pomagala za ratne vojne invalide, higijensko sanitetski materijal za osobe sa paraplegijom, zatim lijekove i banjsko klimatsko liječenje za ratne vojne invalide i pomoć u liječenju boraca i članova njihovih porodica.

U 2014. godini okončana je aktivnost na dodjeli stanova u vlasništvo za branioce i članove njihovih porodica u gradu Tuzla i općinama Lukavac i Kalesija.

Uz poseban angažman ovog Ministarstva, branioci i članovi njihovih porodica sa područja općine Srebrenik su konačno ostvarili pravo vlasništva na stanove koje su otplatili 2005. godine a koji su uredno otkupljeni i otplaćeni u postupku koji je provodio Kantonalni fond za izgradnju stanova, a čiji je pravni slednik Ministarstvo za boračka pitanja Tuzlanskog kantona. Model uknjižbe 10 stambenih jedinica u općini Srebrenik, poslužiće kao model uknjižbe i za grad Tuzla i općinu Kladanj, gdje kupci otplaćenih stanova još uvijek nisu u mogućnosti postati i vlasnici istih.

Prateći iznimno tešku materijalno - socijalnu situaciju branilačke populacije, Ministarstvo za boračka pitanja je kroz jednokratne novčane pomoći za nabavku udžbenika za osnovno obrazovanje, jednokratne pomoći za teško materijalno stanje branioca i članova njihovih porodica, kao i pomoć porodici u troškovima sahrane/dženaze dodijelilo ukupan iznos sredstava od 957.000 KM.

Neposredno prije imenovanja ovog saziva Vlade Tuzlanskog kantona, Skupština Tuzlanskog kantona donijela je Zakon o izmjenama i dopunama Zakona o dopunskim pravima boraca i članova njihovih porodica. Obzirom na navedene izmjene i dopune, odmah se pristupilo donošenju odgovarajućih podzakonskih propisa i usaglašavanja istih sa izmjenama i dopunama Zakona. Poseban akcenat u Zakonu, dat je zapošljavanju boraca i članova njihovih porodica. U skladu sa izmijenjenim članom Zakona, na osnovu zaključka Skupštine Tuzlanskog kantona, na prijedlog Ministarstva za boračka pitanja Tuzlanskog kantona, donijet je Pravilnik o jedinstvenim kriterijima za zapošljavanje u institucijama Tuzlanskog kantona. Na ovaj način po prvi put je uveden kao zvaničan kriterij za zapošljavanje i pripadnost branilačkoj populaciji te omogućeno da oko 70 boraca zasnuju radni odnos u oblasti obrazovanja, te određeni broj u zdravstvu i ministarstvu unutrašnjih poslova.

## **FINANSIJE**

Preuzimanjem mandata u martu 2014. godine zatečen je planirani deficit za 2014. godinu u iznosu od 62.799.529,00 KM uz vanjske otplate od 5.150.471 KM. Tokom 2014. godine pripremljena su dva rebalansa Budžeta Tuzlanskog kantona, te je kao rezultat svih napora Vlade Tuzlanskog kantona očekivano ostvarenje deficita u 2014. godini oko 20.000.000 KM, što je manje za oko 42.000.000 KM u odnosu na planirani deficit prema prvobitno usvojenom Budžetu Tuzlanskog kantona za 2014. godinu<sup>1</sup>. Ministarstvo finansija je u 2014. godini, u cilju održanja fiskalne stabilnosti izradilo Budžet Tuzlanskog kantona za 2014. godinu, učestvovalo u pripremi dva rebalansa Budžeta za 2014. godinu te Zakona o izvršenju Budžeta TK. Kreiran je i prijedlog Dokumenta okvirnog budžeta (DOB-a) za period 2015.-2017. godine koji je, nakon usvajanja, povučen zbog zahtjeva sindikata budžetskih korisnika te je formirana radna grupa za kreiranje novog prijedloga Dokumenta.

Prioritetan zadatak Ministarstva finansija Tuzlanskog kantona, u 2014. godini, odnosio se na praćenje prikupljanja javnih prihoda koji su Zakonom o pripadnosti javnih prihoda u Federaciji BiH i finansiranju Federacije BiH, stavljeni u nadležnost Kantona. Također, Ministarstvo finansija permanentno je pratilo izvršenje Budžeta Tuzlanskog kantona za 2014. godinu i o tome izvještavalo Vladu Tuzlanskog kantona.

<sup>1</sup> Iznosi su okvirni, jer Godišnji obračun Budžeta za 2014. godinu nije još uvijek završen zbog utvrđenog zakonskog roka završnih knjiženja.

Budžet Tuzlanskog kantona za 2014. godinu, bio je planiran u što realnijim okvirima, kako u odnosu na prihodovnu stranu, tako još više u odnosu na stranu rashoda i izdataka. Osnovni problem Budžeta Tuzlanskog kantona za 2014. godinu sastojao se u davanju prijedloga za pokriće deficita nastalog do 31.12.2013. godine, kao i prethodne godine. Poznato je da sredstva Međunarodnog monetarnog fonda (MMF-a) nisu transferisana prema kantonima, zbog razloga na koje Tuzlanski kanton nije mogao uticati, te je Ministarstvo finansija kroz Budžet TK za 2014. godinu predlagalo najefikasnija rješenja za pokriće deficita. Novi Zakon o budžetima u Federaciji BiH, je donesen i počeo se primjenjivati od 01.01.2014.godine.

Kolegij Skupštine Tuzlanskog kantona svojim zaključkom od 24.06.2014. godine od Vlade Tuzlanskog kantona zahtijevao je izradu Informacije o hronologiji nastanka deficita u Budžetu Tuzlanskog kantona, koju je pripremio Ministarstvo finansija.

Budžetom Tuzlanskog kantona za 2014. godinu u članu 1. u rubrici primitaka planirani su primici od domaćeg zaduživanja za finansiranje budžetskog deficita nastalog do 31.12.2013. godine, odnosno za pokriće budžetskog deficita nastalog do 31.12.2012. godine. Naime, kako je procedura kreditnog zaduženja započeta u 2013. godini i kako je odobreno kreditno zaduženje u iznosu od 21.500.000,00 KM, dio kreditnog zaduženja realiziran je u 2014.godini zbog dešavanja na području Tuzlanskog kantona. Stanje prirodne nesreće koje je proglašeno na području Tuzlanskog kantona, a koje je uzrokovano prirodnom nesrećom izazvanom poplavama i klizištima imalo je posljedice i na Budžet Tuzlanskog kantona u smislu pada prihoda.

Ministarstvo finansija predložilo je, a Skupština Tuzlanskog kantona prihvatila, prijedlog Federalnog ministarstva finansija broj: 08-14-3748/14 od 16.06.2014. godine, kojim je od Tuzlanskog kantona, odnosno Ministarstva finansija traženo izjašnjenje u pogledu Zaključka Vlade Federacije BiH broj: V 1046 /2014. od 05.06.2014. godine, na način izjašnjenja koji krediti po osnovu vanjskog duga se žele reprogramirati kao pomoć Kantonu, te je predložen reprogram sljedećih kredita:

1. Ugovor o prenosu kreditnih sredstava po III Stand by aranžmanu Međunarodnog monetarnog fonda (MMF) između Federacije Bosne i Hercegovine i Tuzlanskog kantona broj: 07/1-14-19282/09 od 28.10.2009. godine (za navedeni Ugovor postoji potpisan Ugovor o reprogramu obaveza po osnovu III Stand by aranžmana Međunarodnog monetarnog fonda (MMF) između Federacije Bosne i Hercegovine i Tuzlanskog kantona broj: 07/1-14-160/13 od 07.01.2013. godine).
2. Podugovor o kreditu između Vlade Federacije BiH i Vlade Tuzlanskog kantona broj: 07/14-2078/06 od 28.08.2006. godine.

Stoga je Vlada Tuzlanskog kantona, podnijela zahtjev Federalnom ministarstvu finansija za reprogram gore navedenih kredita do kraja 2017. godine. Međutim, reprogram po osnovu Ugovora o prenosu kreditnih sredstava po III Stand by aranžmanu Međunarodnog monetarnog fonda (MMF) između Federacije Bosne i Hercegovine i Tuzlanskog kantona, nije odobren.

Također, tačkom 4. Zaključka Vlade Federacije BiH utvrđeno je da je Vlada Federacije BiH podržala inicijativu da se u periodu moratorija u Budžetu FBiH osiguraju transferi kantonima koji su pogođeni poplavama i klizištima u svrhu plaćanja kamata na reprogramirane kredite uz prijedlog da se dio oslobođenih sredstava direktno usmjeri u obnovu, sanaciju i zaštitu od poplava i klizišta, te je Ministarstvo finansija na osnovu navedene tačke uputilo zahtjev da se u Budžetu Federacije BiH osigura transfer za Tuzlanski kanton u svrhu plaćanja kamata za kredit „Plava Bolnica“, međutim, još uvijek nije dobiven na potpis ugovor o reprogramu za Plavu bolnicu.

## INDUSTRIJA, ENERGETIKA I RUDARSTVO

Ministarstvo industrije, energetike i rudarstva je u 2014. godini bilo usmjereno na realizaciju dva strateška cilja koja su se odnosila na konsolidaciju i razvoj privrednih subjekata iz resorne oblasti te efikasno korištenje prirodnih resursa i obnovljivih izvora energije.

U okviru programa „Revitalizacija i finansijska konsolidacija privrednih društava iz resorne oblasti“, Ministarstvo i Vlada Tuzlanskog kantona su shodno Zakonu o finansijskoj konsolidaciji privrednih društava u Federaciji BiH („Službene novine FBiH“, broj: 52/14) i Uredbi o postupku finansijske konsolidacije privrednih društava u Federaciji BiH („Službene novine Federacije BiH“ broj: 70/14) podržali pripremu dokumentacije za podnošenje aplikacija za finansijsku konsolidaciju od strane privrednih društava iz oblasti industrije, energetike i rudarstva. U Zakonom predviđenom roku, sedam privrednih društava je podnijelo zahtjeve za donošenje Odluke o prihvatanju programa finansijske konsolidacije i to Rudnik soli „Tuzla“ d.d. Tuzla, Tvornica transportnih uređaja d.d. Tuzla, „Livnica čelika“ d.o.o. Tuzla, „Bosnia Valves“ d.o.o. Tuzla, FO „Aida“ Tuzla, „Koksno-hemijski kombinat“ d.d. Lukavac i „Elektromontaža“ d.o.o. Tuzla. Ovdje je potrebno napomenuti da je i privredno društvo Konjuh d.d. Kladanj, također, podnijelo zahtjev za finansijsku konsolidaciju, ali isto spada u resor Ministarstva trgovine, turizma i saobraćaja Tuzlanskog kantona.

U okviru programa raspodjele sredstava sa potrošačke jedinice 13010002 – „Pomoć privrednim društvima u postizanju ekonomske samoodrživosti“ Ministarstvo je dodijelilo ukupno 376.076,61 KM za Livnicu čelika d.o.o. Tuzla, FO „Aida“ Tuzla, Tvornicu transportnih uređaja d.d. Tuzla, „Elektromontaža“ d.o.o. Tuzla te „Koksno hemijski kombinat“ d.d. Lukavac.

Programom raspodjele sredstava sa potrošačke jedinice 13010002 – „Intervencije javnim preduzećima i privrednim društvima“ poziciji „Pomoć privrednim društvima u slučaju havarija industrijskih postrojenja, elementarnih nepogoda koje su prouzrokovale veću materijalnu štetu i drugim slučajevima za koje Ministarstvo procjeni da treba hitno djelovati“ odobrena su finansijska sredstva u iznosu od 65.064 KM privrednom društvu „Livnica čelika“ d.o.o. Tuzla kao hitna intervencija za popravku peći.

Ministarstvo industrije, energetike i rudarstva je u toku 2014. godine vodilo aktivnosti na uvezivanju radnog staža zaposlenicima koji su stekli uslove za penzionisanje do 31.12.2013. godine kao i ratnim vojnim invalidima koji su ispunili uslove za penzionisanje do 31.05.2014. godine u privrednim društvima sa većinskim državnim kapitalom nad kojima, u ime Vlade Tuzlanskog kantona, resorno Ministarstvo vrši nadzor i upravljanje. Izmirivanje obaveza za doprinose za PIO je obezbjeđeno putem Vlade Tuzlanskog kantona i to sa budžetske pozicije 11010017 „Sredstva sa ESCROW računa“ (namjenska sredstva). Iz resorne oblasti ovog ministarstva Programom je obuhvaćeno 7 privrednih društava, odnosno 47 uposlenika sa ukupnim iznosom od 739.680,80 KM, i to zaposlenici FO „Aida“ Tuzla (10 zaposlenika), „Rudnici nemetala Kladanj“ d.d. Kladanj (1 zaposlenik), „Livnica čelika“ d.o.o. Tuzla/ „Bosnia valves“ d.o.o. Tuzla (5 zaposlenika), „Koksno hemijski kombinat“ d.d. Lukavac (1 zaposlenik), „Polet“ d.d. Tuzla (5 zaposlenika) i „Tvornica transportnih uređaja“ d.d. Tuzla (25 zaposlenika). Sve druge obaveze u cilju ostvarivanja prava na penziju odobrene su u iznosu od 114.664,71 KM.

Za zdravstveno osiguranje zaposlenika u privrednim društvima sa većinskim državnim kapitalom ukupno odobrena finansijska sredstva iznosila su 74.589,00 KM čime je

obezbjeđen pristup pravima iz obaveznog zdravstvenog osiguranja za zaposlenike privrednih društava sa većinskim državnim kapitalom a koja u održavanju tekuće likvidnosti nisu u mogućnosti da plaćaju zdravstveno osiguranje i to za period januar-decembar 2014. godine i to za slijedeća privredna društva: FO „Aida“ Tuzla, Unioninvest „Mašinska montaža“ Tuzla, „Rudnici nemetala Kladanj“ d.d. Kladanj, „Elektromontaža“ d.o.o. Tuzla, „Livnica čelika“ d.o.o. Tuzla, „Bosnia valves“ d.o.o. Tuzla, „Koksno hemijski kombinat“ d.d. Lukavac, „Polet“ d.d. Tuzla i „Borac“ d.d. Banovići (za zaposlenike ovog privrednog društva obezbjeđena je zdravstvena zaštita za novembar i decembar 2014. godine). Na ovaj način obezbjeđeno je zdravstveno osiguranje za oko 560 zaposlenika i članova njihovih porodica.

Također, putem Ministarstva industrije, energetike i rudarstva obezbjeđeno je zdravstveno osiguranje zaposlenicima i članovima njihovih porodica privrednih društava u privatnom vlasništvu, i to: „Dita“ d.d. Tuzla, „Konjuh“ d.d. Živinice, „Poliolchem“ d.d. Tuzla i „Resod Guming“ d.d. Tuzla i to za period od 07.03.-31.12.2014. godine. Na ovaj način obezbjeđena je zdravstvena zaštita za 484 zaposlenika, a ukupan iznos sredstava koji je odobren za ove namjene iznosio je 54.914,80 KM.

Kada je u pitanju pomoć privrednim društvima treba napomenuti da su preko Ministarstva industrije, energetike i rudarstva realizovane dvije odluke o odobravanju sredstava sa pozicije „Tekuća rezerva“ na ime socijalne pomoći zaposlenicima privrednog društva Fabrika obuće „Aida“ d.d. Tuzla. Ukupan iznos odobrenih sredstava za ovu namjenu je 115.600,00 KM te isplaćena socijalna pomoć u iznosu od 200 KM i 150 KM po zaposlenom radniku.

Navedeni programi pomoći privrednim društvima iz resorne nadležnosti doprinijeli su zadržavanju postojećih radnih mjesta, obezbjeđenju zdravstvene zaštite zaposlenicima u privrednim društvima sa većinskim državnim kapitalom iz nadležnosti Ministarstva industrije, energetike i rudarstva, kao i njihovim porodicama, te omogućeno penzionisanje radnika privrednih društava sa većinskim državnim kapitalom iz resorne nadležnosti.

Pokretanje proizvodnog procesa u industriji deterdženata „Dita“ d.d. Tuzla bio jedan od najbitnijih projekata saziva Vlade Tuzlanskog kantona imenovanog u martu 2014. godine. Rješenjem ministra industrije, energetike i rudarstva, formiran je stručni tim za analizu mogućnosti i izradu „Elaborata o mogućnosti pokretanja proizvodnog procesa u društvu „Dita“ d.d. Tuzla“ koji je izradio isti. Odabran je pristup kupovine većinskog udjela dionica, radi sticanja aktivne uloge u revitalizaciji poslovanja kroz proces finansijske konsolidacije. Namjera je bila, kroz proces konsolidacije, pokrenuti proizvodnju, riješiti radno-pravni status zaposlenih, otvoriti nova radna mjesta, pronaći renomiranog strateškog partnera koji bi garantirao kontinuitet poslovanja. U slučaju privrednog društva „Dita“ naišlo se na prepreke pravne prirode čija priroda je takva da se privremeno proces koji je došao u završnu fazu mora zaustaviti, s obzirom da prijedlog ugovora o kupovini dionica nije dobio pozitivno mišljenje od strane relevantnih institucija Vlade Tuzlanskog kantona.

U cilju doprinosa realizaciji drugog strateškog cilja koji se odnosio na efikasno korištenje prirodnih resursa i obnovljivih izvora energije, Ministarstvo industrije, energetike i rudarstva je realiziralo dva programa. Ministarstvo u svojoj nadležnosti ima privredno društvo „Rudnici nemetala Kladanj“ d.o.o. Kladanj, koje je bilo neaktivno od marta 1992. godine. Do 2014. godine realizovane su dvije neuspješne prodaje dionica privrednog društva, te su i pored navedenog stvoreni uslovi za uspješan proces pokretanja proizvodnje. Uz zajedničke napore Vlade Tuzlanskog kantona, Općine Kladanj, Komisije za koncesije Tuzlanskog kantona i Kantonalne agencije za privatizaciju, te uz iskazan interes privrednog društva Rudar d.o.o.



Tuzla, u 2014. godini započete su aktivnosti na pokretanju proizvodnje, odnosno eksploataciji magnezita u „Rudniku nemetala Kladanj“ d.o.o. Kladanj, nakon 22 godine mirovanja poslovanja u ovom rudniku. O uspjehu navedenog programa govore slijedeći rezultati ostvareni sa krajem decembra 2014. godine: dvanaest radnika „Rudnika nemetala Kladanj“ d.o.o. Kladanj primljeno je u radni odnos na neodređeno vrijeme uz redovno izmirenje obaveza iz radnog odnosa, nakon potpisivanja Ugovora uplaćena je koncesiona naknada u iznosu od 76.000 KM (ukupna koncesiona naknada 133.000 KM), izrađen Program rada Rudnika kojim će po fazama biti izraženi elementi pokretanja proizvodnje i razvoj rudnika, izvršen prijem novih zaposlenika, te su 63 zaposlenika angažovana na gradilištu Kladanj, u periodu od tri godine od dana potpisivanja Ugovora biti će izvršena finansijska ulaganja minimalno od 2.000.000,00 KM i to minimalno u prvoj godini 500.000,00 KM (za četiri mjeseca u 2014. godini uloženo 1.658.379,22 KM).

Ministarstvo je posebnu pažnju posvetilo i jačanju kadrovskih kapaciteta i unapređenju saradnje sa vladinim i nevladinim sektorom uključenih u programe energetske efikasnosti i primjene alternativnih izvora energije te povećanju kontrole realizacije koncesionih ugovora

U oblasti koncesija potrebno je istaknuti 19 zaključenih Ugovora o koncesijama, te da je u 2014. godini po osnovu koncesione naknade od koncesionara iz nadležnosti Ministarstva industrije, energetike i rudarstva naplaćeno 3.969.876,58 KM, što predstavlja povećanje od 48,75 % ili 1.301.080,55 KM u odnosu na 2013. godinu, kada je naplaćeno 2.668.796,03 KM.

## **OBRAZOVANJE, NAUKA, KULTURA I SPORT**

### **Sprovedene aktivnosti Ministarstva obrazovanja, nauke, kulture i sporta u 2014. godini**

Ministarstvo obrazovanja, nauke, kulture i sporta je u 2014. godini realiziralo aktivnosti usmjerene ka postizanju strateških ciljeva koji se odnose na razvoj institucionalnih kapaciteta Ministarstva u skladu sa zahtjevima reforme javne uprave, stvaranje optimalnih uvjeta za realizaciju obaveznog programa predškolskog odgoja za djecu koja su pred polazak u osnovnu školu, unapređenje rada kroz realizaciju redovnih aktivnosti ustanova kulture, čiji osnivač ili suosnivač je Tuzlanski kanton, i podrška manifestacijama kulture od šireg značaja, podizanje stručnog kvaliteta i unapređivanje obrazovnog nivoa uposlenika u bibliotečkoj i arhivskoj djelatnosti, te stvaranje uslova za razvoj i unapređenje masovnosti i kvaliteta, te materijalno-tehničkih pretpostavki, posebno među mladima, u oblasti sporta i tjelesne kulture - od osnovne škole nadalje.

U cilju stvaranja optimalnih uvjeta za realizaciju Obaveznog programa predškolskog odgoja za djecu pred polazak u osnovnu školu u 2014. godini, Ministarstvo obrazovanja, nauke, kulture i sporta je u saradnji sa Pedagoškim zavodom Tuzlanskog kantona i organizacijom Save the Children nastavilo sa realizacijom projekta „Obrazovanje po mjeri djeteta – BiH na putu ka EU“. U 2014. godini uz finansijsku podršku Save the Children opremljeno je 13 učionica u osnovnim školama u sredinama gdje nema predškolskih ustanova kako bi se predškolski odgoj približio korisnicima. Zatim, opremljena su 2 Centra za rani rast i razvoj u općinama Čelić i Teočak koje nemaju predškolske ustanove i 3 učionice u predškolskim ustanovama u općinama Gračanica, Živinice i Tuzla. Iz Budžeta Kantona za potrebe predškolskog odgoja i obrazovanja u 2014. godini planirana su sredstva za opremanje 12 učionica u iznosu od 63.000,00 KM, kao i sredstva za didaktički materijal u iznosu od 18.000,00 KM.



Ministarstvo obrazovanja, nauke, kulture i sporta je u saradnji sa UNICEF-om i predškolskim ustanovama u pedagoškoj 2013/2014. godini implementirao Projekat „Povećajmo mogućnosti djeci u BiH za rano učenje“, kojim je besplatno obuhvaćeno 532 djece, od toga 33 djece Roma i 41 dijete sa poteškoćama u razvoju. Projektom su obuhvaćena djeca uzrasta od 4 do 6 godina života koja do sada nisu pohađala predškolsko obrazovanje, u tri općine Tuzlanskog kantona: Gračanica, Tuzla i Živinice. Radi se o JU Dječije obdanište „Naša djeca“ Gračanica (158 djece), JU za predškolski odgoj i obrazovanje „Naše dijete“ Tuzla (159 djece) i JU Dječije obdanište Živinice (215 djece). Projekat je finansirao UNICEF u iznosu od cca. 52.000,00 KM uz sufinansiranje jednog seminara za odgajatelje od strane Ministarstva.

Vlada Tuzlanskog kantona je putem Ministarstva obrazovanja, nauke, kulture i sporta svojim aktivnostima omogućila otpočinjanje procedure akreditacije Univerziteta u Tuzli, što je važan korak ka unapređenju kvaliteta obrazovnog procesa na ovoj instituciji i jačanja njegove priznatosti u zemljama Europe. Vlada Tuzlanskog kantona je, također, svojim odlukama omogućila prijem 56 asistenata i viših asistenata, 8 nastavnika i određeni broj ostalog osoblja u radni odnos na Univerzitetu u Tuzli, a u skladu sa njegovim iskazanim potrebama. Kako bi olakšala i podržala neometan protok novca za učešće Univerziteta u domaćim i međunarodnim naučno-istraživačkim projektima, Vlada Tuzlanskog kantona je u Ministarstvu finansija omogućila otvaranje posebnog podračuna za namjenska sredstva uplaćena po osnovu naučno-istraživačkog rada.

Ostali ključni rezultati u oblasti obrazovanja, nauke, kulture i sporta:

- Ministarstvo obrazovanja, nauke, kulture i sporta donijelo je odluku o provođenju eksterne provjere znanja za učenike završnog razreda devetogodišnje osnovne škole. Eksterna provjera znanja za učenike završnog razreda devetogodišnje osnovne škole realizirala se iz bosanskog, hrvatskog, srpskog jezika i književnosti i matematike sa gradivom iz osmog i devetog razreda. Eksterna provjera znanja provedena je u 83 osnovne škole Tuzlanskog kantona, te je njome obuhvaćeno je 3.971 učenika devetog razreda.
- Prvi put je u 2014. godini Ministarstvo uspjelo iznajmiti 5 kompleta udžbenika na Brajevom pismu za slabovidne i slijepe učenike osnovnih škola od JU Centar za slijepu i slabovidnu djecu i omladinu Sarajevo.
- Izmjenom Pravilnika o unutrašnjoj organizaciji Ministarstva pokrenut je postupak profesionalizacije komisije za polaganje vozačkih ispita, odnosno zapošljavanja 7 uposlenika od čega 4 državna službenika i 3 namještenika. Ovim postupkom izvršit će se profesionalizacija ispitne komisije i smanjiti rashodi za provođenje postupka polaganja vozačkih ispita za 50 % (cca. 150.000,00 KM na godišnjem nivou).
- Otvoreno je vozačko ispitno mjesto u Kalesiji, čime je građanima ove općine omogućeno polaganje vozačkih ispita u općini prebivališta, a izvršeno je rasterećenje ulica na području grada Tuzle smanjenjem prisustva kandidata u osposobljavanju za 30%.
- Organizovani su ciklusi stručnih ispita iz arhivističke i bibliotečke djelatnosti, kojima je obuhvaćeno oko 200 kandidata.
- Uzeto je aktivno učešće u pripremi i organizovanju obilježavanja 60-godišnjih jubileja rada i postojanja Arhiva TK i Bosanskog kulturnog centra.
- Izvršena je raspodjela sredstava za sufinansijsku podršku manifestacijama kulture od interesa za Tuzlanski kanton (20 manifestacija u osam općina Kantona).
- Po prvi put nogometna reprezentacija Bosne i Hercegovine je odigrala zvaničnu prijateljsku utakmicu na području Tuzlanskog kantona, a u 2014. godini, održan je i kvalifikacioni meč rukometne reprezentacije Bosne i Hercegovine protiv Danske, a za

Europsko prvenstvo 2016. godine u Poljskoj. Vlada Tuzlanskog kantona podržala je organizaciju ova dva značajna sportska događaja.

- U saradnji sa Sportskim savezom Tuzlanskog kantona redovno praćeno i podržavano učešće predstavnika Tuzlanskog kantona - pojedinačno i kolektivno - u ligaškim takmičenjima na kantonalnom, entitetskom i državnom nivou.
- Neposredno učešće u osiguravanju uslova (finansijskih i drugih) za dva važna sportska događaja - zvanične nastupe košarkaške (august) i rukometne (novembar) selekcije Bosne i Hercegovine u Tuzli.

### **Sprovedene aktivnosti Pedagoškog zavoda Tuzlanskog kantona u 2014. godini**

Kao prvi strateški cilj, Pedagoški zavod Tuzlanskog kantona je u 2014. godini postavio razvoj institucionalnih kapaciteta Zavoda u skladu sa zahtjevima reforme javne uprave i reforme obrazovanja, koji je podrazumijevao razvoj ljudskih resursa, unapređenje horizontalne i vertikalne koordinacije/komunikacije i unapređenje materijalno-tehničke opremljenosti Zavoda. U okviru doprinosa ostvarenju navedenom cilju i realizacije spomenutih programa Zavod je u 2014. godini izvršio prijem stručnog savjetnika za mašinsku grupu predmeta, dok su savjetnici i službenici Zavoda učestvovali u nizu aktivnosti, obuka, konferencija, edukativnih sastanaka, kao što su aktivnosti APOSO BiH u izradi Zajedničkih jezgri NPP, obuka iz "Socijalne kohezije", obuka iz pet modula programa Podrška učenju odraslih GIZ-a, prezentacija "učenja na daljinu", sastanak predstavnika obrazovnih vlasti po nivoima na temu "Analiza realizacije - Strategije stručnog obrazovanja u BiH za period 2007.-2013.", međunarodna konferencija „Vještine u obrazovanju 21.vijek“, edukativni sastanak - Modeli razvoja obuke menadžmenta u BiH u Sarajevu u organizaciji OSCE-a, konferencija u organizaciji GIZ-a na temu „Obuka predavača za obrazovanje odraslih - evropski modeli“ i drugi. Izrađen je i novi dizajn web stranice Pedagoškog zavoda sa ažuriranim informacijama te po prvi puta na stranicu [malamatura.pztz.ba](http://malamatura.pztz.ba) postavljen Katalog zbirki zadataka za matematiku, bosanski, hrvatski i srpski jezik i književnost namijenjen učenicima kao pomoć za polaganje male mature. Dodatno, u okviru aktivnosti na unapređenju materijalno-tehničke opremljenosti Zavoda, između ostalog, izrađeni su software-i za eksternu veliku i malu maturu, izrađen novi cms web sistem PZTZ-a, u koordinaciji Zavoda u 13 osnovnih škola i 3 predškolske ustanove obezbijedena je oprema za po jednu učionicu u vrijednosti od po 5.000 KM, iz donatorskih sredstava Save the Children 36 škola u koordinaciji Zavoda dobilo je opremu u vrijednosti od po 1.700 KM, dok je u općinama Teočak i Čelić opremljen po jedan centar za rani rast i razvoj sa tendencijom da se ovi centri razvijaju u predškolske ustanove.

Potrebno je istaknuti da su zahvaljujući realizaciji projekta "Obrazovanje po mjeri djeteta u TK - BiH na putu ka EU", kojeg implementira Pedagoški zavod, identificirani sistemski problemi nepovezanog djelovanja lokalne zajednice i kantonalnih vlasti posebno kada je riječ o djeci koja napuštaju osnovno obrazovanje. Trenutno se vrši obuka djece koja su napustila obrazovanje po skraćenom programu kako bi sustigli svoju generaciju i redovno pohađali nastavu osnovnog obrazovanja.

U okviru strateškog cilja kreiranja ambijenta za realizaciju odgojno-obrazovnih programa u ustanovama predškolskog, osnovnog i srednjeg odgoja i obrazovanja, rađeno je na razvijanju optimalne mreže odgojno-obrazovnih ustanova i programa usmjerenih na razvoj ljudskih potencijala u skladu sa potrebama društva i tržišta rada.

U 2014. godini urađena je Zajednička jezgra Nastavnog plana i programa (ZJNPP) za jezičku grupu predmeta, prirodne nauke, društveno-humanističke nauke i matematiku u saradnji sa

Agencijom za predškolsko, osnovno i srednje obrazovanje. Također, provedena je javna rasprava o ZJNPP sa predstavnicima predškolskih ustanova (odgajateljima), osnovnih (nastavnicima) i srednjih (profesorima) škola za područje jezično i prirodne nauke. Urađen je Okvirni Nastavni plan i program za informatiku i tehnički odgoj za predškolsko i osnovno obrazovanje, te izvršeno poboljšanje postojećeg Nastavnog plana i programa/Kurikuluma osnovne škole koristeći rezultate Zajedničkih jezgri Nastavnog plana i programa Agencije za predškolsko, osnovno i srednje obrazovanje BiH za sedam grupa predmeta. Dodatno, urađeno je poboljšanje za 27 obaveznih nastavnih i 13 izbornih predmeta. Predstavnici Zavoda su učestvovali i sproveli niz aktivnosti u oblasti razvojnog planiranja i programiranja, te aktivnosti u oblasti izrade okvirnih dokumenata i praćenja realizacije dokumenata na nivou BiH, kao što su: "Smjernice za profesionalni razvoj i napredovanje nastavnika u BiH", „Opis profila koordinatora praktične nastave za Turističko – ugostiteljske škole“ i dr. Uzeto je učešće u radu niza komisija vladinih i nevladinih organizacija u poboljšanju obrazovanja kao djelatnosti od posebnog društvenog interesa, i to 13 komisija i 3 radne grupe. Trinaest savjetnika Pedagoškog zavoda Tuzlanskog kantona je, kroz rad u okviru općinskih mreža škola, pružalo podršku, između ostalih, i u područjima rada sa Aktivom direktora, medijacije između roditelja i škole, prezentacije rada škola na nivou općina, Kantona, Federacije te rada sa Vijećem učenika i Vijećem roditelja na nivou općina, a urađen je i niz analiza i istraživanja koje su doprinijele sagledavanju stanja u različitim aspektima oblasti predškolskog, osnovnog i srednjeg obrazovanja i kreiranju smjernica za dalja unapređenja.

Jedan od postavljenih strateških ciljeva Zavoda u 2014. godini odnosio se na pružanje usluga nastavnicima i školama da bi se osigurala njihova kvalifikovanost i opremljenost prema međunarodnim standardima.

U okviru programa „Intenziviranje edukacije, obrazovanja, iskorištavanje vlastitih resursa i kapaciteta u povezivanju obrazovnih institucija, privrednih subjekata i tržišta rada“, te u okviru njega programa stručnog usavršavanja sa općim temama, 1.579 učesnika (nastavnici, pedagozi, direktori, roditelji učenici, zaposlenici Zavoda) je prošlo obuku kroz Program „Indeks inkluzivnosti“, 176 učesnika kroz Program „Komunikologija“, 338 učesnika kroz Program „Odgoj“, 468 učesnika kroz Program „Kurikulum/Nastavni plan i program i organizacija nastave“ te 444 učesnika kroz Program praćenja, ocjenjivanja i vođenja dokumentacije. Obuku u okviru programa stručnog usavršavanja sa temama specifičnim za nastavni predmet je prošao 781, dok je 58 učesnika učestvovalo u obuci u okviru programa stručnog usavršavanja iz obrazovnog menadžmenta. Petstotinajedanaest kandidata je u 2014. godini osposobljeno za samostalan odgojno - obrazovni rad (položilo stručni ispit).

Pedagoški zavod je u 2014. godini sprovodio aktivnosti i na praćenju i unapređenju sistema kvaliteta rada škola i predškolskih ustanova. Vršen je i opći nadzor – vrednovanje kvaliteta rada škola, kao i uže stručni nadzor. U eksternoj maturi testirano je 3.543 učenika završnih razreda gimnazija, dok je u eksternom testiranju osnovnih škola testirano 3.907 učenika završnih devetih razreda osnovnih škola Tuzlanskog kantona. U 2014. godini održano je 13 općinskih takmičenja osnovnih škola, 2 općinska takmičenja za srednje škole, 10 kantonalnih takmičenja osnovnih škola, 10 kantonalnih takmičenja srednjih škola te federalno takmičenje za osnovne škole iz biologije u Gradačcu. Pedagoški zavod je pružio podršku, saradivao i učestvovao u nizu sajмова, festivala i smotri učesnika, te ostvario niz saradnji na projektima.

## **POLJOPRIVREDA, ŠUMARSTVO I VODOPRIVREDA**

Ministarstvo poljoprivrede, šumarstva i vodoprivrede je u 2014. godini svoje aktivnosti usmjerilo u realizaciju pet strateških ciljeva, koji su se odnosili na razvoj organizacionih i institucionalnih kapaciteta Ministarstva, povećanje produktivnosti poljoprivredne proizvodnje i podizanje konkurentnosti poljoprivrednih proizvođača, poboljšanje stanja u oblasti upravljanja vodama finansiranjem projekata od značaja za Kanton i projekata od općinskog značaja, zaštitu zdravlja životinja i poboljšanje kvaliteta šumskog ekosistema.

U toku 2014. godine se sprovodilo specijalističko usavršavanje i educiranje uposlenika u cilju sticanja znanja i vještina, u skladu s programom usavršavanja Agencije za državnu službu i organiziranim obukama u okviru Projekta integriranog lokalnog razvoja (ILDLP), finansiranog od SDC-a i UNDP-a i projekta „Progres“ - Zaštita prirode i globalizacija obnovljivih izvora energije, u organizaciji Udruženja za razvoj Nerda - treningom iz oblasti upravljanja projektnim ciklusom (PCM), kao i obukama i edukacijama u organizaciji drugih institucija. Realizovana su sredstva novčane podrške u poljoprivredi i ruralnom razvoju iz Budžeta Federacije BiH i Budžeta Tuzlanskog kantona u skladu sa Zakonom o novčanim podrškama u poljoprivredi i ruralnom razvoju i Zakonom o novčanim podrškama u poljoprivredi i ruralnom razvoju Tuzlanskog kantona, te podzakonskim aktima koji regulišu ovu oblast, a u cilju povećanja produktivnosti poljoprivredne proizvodnje i podizanja konkurentnosti poljoprivrednih proizvođača.

Programom korištenja sredstava prikupljenih od promjene namjene poljoprivrednog zemljišta u 2014. godini planirana su sredstva za realizaciju projekta višenamjenskog vrednovanja korištenja i zaštite zemljišta i izradu karte upotrebne vrijednosti zemljišta za područje općina Banovići, Sapna, Kladanj, Tuzla i Lukavac, te projekti uređenja zemljišta na području općina Gračanica, Kalesija, Srebrenik, Tuzla i Živinice. Program je donesen u roku definisanim Akcionim planom, dok je rok za realizaciju Programa bio 31.12.2014. godine. Međutim, kako je Programom predviđeno da općine provode proceduru javne nabavke za izbor najpovoljnijeg ponuđača, odnosno izvođača radova, do kraja godine proceduru su završile općine Sapna, Kladanj i Banovići za kartu upotrebne vrijednosti, te općine Gračanica, Kalesija, Tuzla i Živinice za projekte uređenja zemljišta. Projekt na području općine Gračanica je u cijelosti realiziran, dok će se na području drugih općina realizacija započeti kad to dozvole vremenski uvjeti.

Program edukacije poljoprivrednih proizvođača realiziran je tokom cijele godine kroz aktivnosti uposlenika Poljoprivrednog zavoda, putem pojedinačnih i grupnih edukacija, a odnosio se na edukaciju u pogledu primjene savremene tehnologije u primarnoj poljoprivrednoj proizvodnji, te u oblasti zakonske regulative koja reguliše oblast novčanih podrški, kako na federalnom, tako na kantonalnom nivou.

Ministarstvo je u skladu sa federalnim i kantonalnim zakonom o vodama, te odredbama Zakona o izvršenju budžeta Tuzlanskog kantona za 2014. godinu, donijelo Program ulaganja sredstava vodnih naknada u oblast vodoprivrede za 2014. godinu na koji je Vlada Tuzlanskog kantona dala saglasnost. Programom su utvrđeni prihodi vodnih naknada koji pripadaju Tuzlanskom kantonu, način raspodjele, odnosno ulaganja namjenskih sredstava i način realizacije Programa. Program je donesen u roku definisanim Akcionim planom, dok je rok za realizaciju Programa bio 31.12.2014. godine, no većina procedura javne nabavke za projekte i aktivnosti nije završena, što prolongira zaključenje ugovora o prenosu sredstava između Ministarstva i općina za narednu godinu. Realizacijom projekata planiranih Programom povećat će se procenat stanovništva obuhvaćenog javnim vodosnabdijevanjem u Tuzli, Doboju

Istoku, Kladnju, smanjit će se postojeći gubici vode Gradačcu, povećat će se procenat stanovništva obuhvaćenog javnim sistemom odvodnje otpadnih voda u Banovićima i Sapni, kao i procenat stanovništva priključenog na postrojenja za prečišćavanje otpadnih voda, prije svega u Živinicama, te će se povećati dužina uređenih vodotoka, kao i broj stambenih i privrednih objekata trajno zaštićenih od štetnog djelovanja voda u Doboj Istoku, Gračanici, Lukavcu i Tuzli.

Programom mjera zdravstvene zaštite životinja na Tuzlanskom kantonu za 2014. godinu utvrđene su mjere za sprečavanje, otkrivanje, kontrolu i suzbijanje zaraznih i parazitarnih oboljenja kod životinja na području Tuzlanskog kantona, čijom je realizacijom uspostavljena kontrola prisustva bolesti, smanjena prisutnost zoonoza i drugih zaraznih bolesti domaćih i divljih životinja, što je doprinijelo potpunoj eradikaciji bolesti od značaja za Federaciju Bosne i Hercegovine i Tuzlanski kanton.

Ministarstvo je u skladu sa Zakonom o šumama Tuzlanskog kantona i Zakonom o izvršenju budžeta Tuzlanskog kantona za 2014. godinu, na prijedlog Kantonalne uprave za šumarstvo, donijelo Program utroška sredstava prikupljenih u skladu sa Zakonom o šumama za 2014. godinu (u daljem tekstu: Program), na koji je Vlada Tuzlanskog kantona dala saglasnost. Programom kao i Odlukom o izmjenama Programa, omogućeno je finansiranje poslova čuvanja državnih šuma i stručnih poslova gospodarenja u privatnim šumama, te je zaključen Sporazum o regulisanju međusobnih prava i obaveza između Ministarstva i JP „Šume Tuzlanskog kantona“ D.D. Kladanj, koji se odnosi na obavljanje poslova i finansiranje troškova čuvarske službe u državnim šumama, stručnih poslova gospodarenja privatnim šumama i poslova iz člana 15. stav (6) Zakona o šumama za 2014. godinu, kao i Sporazum za obavljanje istih poslova u 2013. godini, s obzirom da navedeni Sporazum nije bio zaključen u prethodnoj godini. Program je realiziran većim dijelom, odnosno iskazano procentualno sa stepenom realizacije 89%. Izostala je realizacija u dijelu kapitalnih izdataka, za nabavku stalnih sredstava (opreme i poslovnih prostorija), jer nije izvršena uspostava čuvarske službe u okviru Kantonalne uprave za šumarstvo i navedene poslove je i dalje obavljalo JP „Šume Tuzlanskog kantona“ D.D. Kladanj.

U 2014. godini Ministarstvo poljoprivrede, šumarstva i vodoprivrede Tuzlanskog kantona je nastavilo realizaciju projekta „Optimizacija sistema odvodnje i tretmana komunalnih otpadnih voda u slivu akumulacije Modrac“ kojeg finansiraju WBIF, EBRD, SIDA i Vlada Tuzlanskog kantona, a čiji je cilj zaštita akumulacije Modrac, u smislu poboljšanja kvaliteta vode akumulacije, i povećanje izgubljene korisne zapremine, odnosno raspoložive količine vode u akumulaciji. U okviru projekta „Poboljšanje kvaliteta vode akumulacije Modrac primjenom mjera ekoremedijacije koji se finansira sredstvima UNIDO programa (grant sredstva Vlade Republike Slovenije) bazirano na zajednički identifikovanim zagađivačima u slivu, kroz Prvi izvještaj o progresu, prezentiran i prihvaćen u augustu 2014. godine, izvršeno je utvrđivanje hotspotova u slivu akumulacije prema Unido metodologiji i metodologiji Limnos, definisani su hotspotovi koji mogu biti riješeni mjerama ekoremedijacije, identifikovane potencijalne lokacije za implementaciju pilot projekta mjera ekoremedijacije, i lokacija SOS Selo mira Turija odabrana za gradnju biljno-zemljanog uređaja za prečišćavanje otpadnih voda, dok su u septembru 2014. godine pokrenute pripreme aktivnosti na izradi investiciono-tehničke dokumentacije i prikupljanju dokumenata potrebnih za gradnju.

Obzirom na činjenicu da su sistematska osmatranja brane Modrac koja traju od njene izgradnje, početkom 2000.-tih ukazala na promjenu statičkog sistema čija je posljedica smanjenje nosivosti konstrukcije, odnosno stanje koje karakteriše uslovna stabilnost, te na neophodnost sanacionih radova kojim bi se uspostavio funkcionalan objekat u pogledu stabilnosti i vododrživosti, najznačajniji i finansijski i tehnički najzahtjevniji projekat, koji se

fazno realizira od 2007. godine, jeste sanacija brane Modrac. Vlada Tuzlanskog kantona je 2014. godine iz sredstava vodnih naknada koja pripadaju Kantonu, izdvojila 1,25 miliona KM za nastavak sanacionih radova III faze, čiji završetak se planira 2015. godine. Sanacija brane Modrac od izuzetnog je značaja za Tuzlanski kanton, posebno imajući u vidu elementarne nepogode koje su pogodile Tuzlanski kanton u 2014. godini.

## **PRAVOSUĐE I UPRAVA**

U 2014. godini, Ministarstvo pravosuđa i uprave je bilo usmjereno na ostvarenje tri strateška cilja koja su se odnosila na promovisanje i dalje unapređenje rada za opće dobro, stvaranje uslova za otpočinjanje rada Općinskog suda u Srebreniku te uspostavljanje efikasne i odgovorne administracije. Ministarstvo je u 2014. godini sprovodilo aktivnosti u svrhu realizacije cilja koji se odnosio na promoviranje i dalje unapređenje primjene rada za opće dobro na slobodi te je izražen interes potencijalnih poslodavaca, ali je izostalo povećanje broja osuđenika koji će kaznu zatvora zamijeniti radom za opće dobro, iz razloga što Ministarstvo nije u mogućnosti da utiče na osuđena lica da se u većem broju odlučuju na ovu zakonsku mogućnost, iako je ukupan broj osoba koje su izvršile mjeru rada za opće dobro povećan sa 6, koliko ih je bilo u 2013. godini, na 8 koliko ih je ukupno evidentirano na kraju 2014. godine.

Ostvarenje doprinosa strateškom cilju stvaranja uslova za otpočinjanje rada Općinskog suda u Srebreniku odnosno realizaciju programa koji se odnosio na povećanje broja općinskih sudova na području Kantona, nije bilo moguće ostvariti iz dva razloga. Prije svega Visoko sudsko i tužilačko vijeće BiH nije utvrdilo polazne kriterije i parametre za Općinski sud u Srebreniku, a i realizacija navedene aktivnosti je, s obzirom na stanje Budžeta Kantona, uslovljena preraspodjelom ili osiguravanjem dodatnih izvora prihoda za finansiranje i tog suda, kao još jednog budžetskog korisnika i potrošačke jedinice.

Ministarstvo je ostvarilo i doprinos uspostavljanju efikasne i odgovorne administracije te realiziralo program koji se odnosio na stručno usavršavanje i educiranje uposlenika u Ministarstvu, te je svima, a posebno državnim službenicima, omogućeno da se, ovisno o dostignutom stepenu stručnog usavršavanja i poslova koje obavljaju odnosno za koje imaju afiniteta, sami opredijele za program i pojedine tematske cjeline. Obuka je pretežno obavljana u organizaciji Agencije za državnu službu Federacije Bosne i Hercegovine, ali su tokom 2014. godine uposlenici Ministarstva, po prvi put, učestvovali i na obukama Direkcije za evropske integracije Bosne i Hercegovine. Ministarstvo pravosuđa i uprave je imalo ključnu ulogu u pripremi seta novih propisa za uspostavljanje i dalje vođenje Registra administrativnih postupaka koje vode organi uprave Tuzlanskog kantona, čime je omogućeno konačno uspostavljanje i funkcionisanje navedenog registra u elektronskom obliku, što ima višestruke pozitivne efekte i u značajnoj mjeri pojednostavljuje procedure i skraćuje rokove za rješavanje upravnih stvari u postupku pred kantonalnim organima uprave.

U okviru značajnih aktivnosti Ministarstva pravosuđa i uprave Tuzlanskog kantona u 2014. godini svakako spadaju i aktivnosti na osiguranju pretpostavki za nastavak projekta rekonstrukcije objekta Doma armije za potrebe Općinskog suda u Tuzli koji se provodi uz finansijsku pomoć Europske Unije u okviru IPA 2012/2013, te će se s obzirom na izuzetnu važnost projekta i dalje nastaviti iznalaziti rješenja kako bi se navedeni projekat implementirao.

## PROSTORNO UREĐENJE I ZAŠTITA OKOLICE

Ministarstvo prostornog uređenja i zaštite okolice je svojim Programom rada za 2014. godinu bilo usmjereno na realizaciju tri strateška cilja, među kojima plansko korištenje prostora u skladu sa smjernicama iz Prostornog plana TK 2005.-2025., unapređenje kvaliteta okoliša kroz približavanje evropskim standardima u ovoj oblasti i unapređenje kadrovske strukture Ministarstva i osiguranje kvalitetne tehničke opremljenosti.

U 2014. godini, Ministarstvo je vodilo pripreme aktivnosti u cilju pokretanja postupka Izmjene i dopune Prostornog plana Tuzlanskog kantona za period 2005.-2025. Međutim, Odluka o pristupanju izradi Izmjena i dopuna Prostornog plana za područje Tuzlanskog kantona za period 2005.-2025. nije realizovana zbog nedostatka finansijskih sredstava u Budžetu Tuzlanskog kantona za ovu namjenu. Takođe iz istog razloga nisu realizovani Odluka o utvrđivanju uvjeta, kriterija i postupka za raspodjelu namjenskih sredstava iz naknada za korištenje podataka premjera i katastra za 2014. godinu i Program raspodjele namjenskih sredstava iz naknada za korištenje podataka premjera i katastra Ministarstva prostornog uređenja i zaštite okolice za 2014. godinu. U 2014. godini Ministarstvo prostornog uređenja i zaštite okolice je realiziralo aktivnosti na uspostavljanju i održavanju jedinstvenog informacionog sistema (GIS-a) prostornog planiranja i korištenja zemljišta i zaštite prostora Tuzlanskog kantona.

U 2014. godini usvojen je Nacrt Zakona o zaštiti od buke. Osnovni razlog za donošenje Zakona o zaštiti od buke jeste činjenica da je isti donesen prije donošenja federalnog zakona (Zakon o zaštiti od buke, „Službene novine Tuzlanskog kantona“, br. 10/04), te je nakon donošenja federalnog Zakona o zaštiti od buke („Službene novine Federacije BiH“, br. 110/12) došlo do potrebe usklađivanja kantonalnog sa federalnim zakonom. Drugi razlog je potreba za preciznijim definisanjem inspeksijskog nadzora u ovoj oblasti.

Ministarstvo prostornog uređenja i zaštite okolice je krajem 2014. godine bilo u završnoj fazi izrade Kantonalnog plana zaštite okoliša i Kantonalnog plana upravljanja otpadom, koje će po završetku uputiti u proceduru zvaničnog usvajanja. Kantonalni plan zaštite okoliša Tuzlanskog kantona 2012.-2018. godine ocrtava trenutno stanje okoliša i doprinosi realnom planiranju i realizaciji razvojnih planova u narednom periodu, podstiče učešće javnosti u razmatranju najznačajnijih okolinskih problema, daje mogućnost za racionalnije i efikasnije korištenje finansijskih i ljudskih resursa iz oblasti okoliša, stvara osnovu za obezbjeđenje sredstava iz fondova Evropske unije, namjenskih sredstava iz fondova za zaštitu okoliša, te privlačenje finansijskih sredstava za buduće rješavanje konkretnih okolinskih problema. Isti rezultati se očekuju u oblasti upravljanja otpadom kroz implementaciju kreiranog Kantonalnog plana upravljanja otpadom Tuzlanskog kantona 2013.-2018. godine.

U 2014. godini proširen je obuhvat i kvalitet izvještavanja sistema za kontrolu kvaliteta zraka na način da je instalirana stanica na području općine Lukavac, instaliran je i displej za prezentiranje podataka o stanju kvaliteta zraka i meteorologiji na području grada Tuzla, te je, instaliranjem novog softvera, poboljšana brzina i kvalitet obrade podataka.

Vlada Tuzlanskog kantona je izdvojila sredstva u ukupnom iznosu od 2.363.099,76 KM za projekte toplifikacije i druge projekte iz oblasti zaštite okolice grada Tuzla i općina Tuzlanskog kantona. Donesene su odluke i potpisani ugovori sa općinama Lukavac, Živinice, Sapna, Kladanj, Banovići, Gračanica, Gradačac, Dobož Istok, Kalesija, Teočak i Čelić, i gradom Tuzla.



Ostali ključni rezultati u oblasti prostornog uređenja i zaštite okolice:

- Urađena je Studija o energetskej efikasnosti javnih objekata u Tuzlanskom kantonu i energetske auditi za sedam škola sa područja Tuzlanskog kantona.
- U saradnji sa Fondom za zaštitu okoliša FBiH i UNDP-om započela je realizacija sanacije dvije škole sa područja Tuzlanskog kantona.
- U okviru "Habitat" projekta započela je realizacija projekta toplifikacije zgrada na području tri općine Tuzlanskog kantona.
- Dodijeljena su namjenska sredstva za javna preduzeća u iznosu od 274.649,00 KM, privredna društva u privatnom vlasništvu u iznosu od 250.000,00 KM i neprofitne organizacije – udruženja iz oblasti zaštite okolice u iznosu od 74.999,00 KM, putem javnih konkursa.
- Ministarstvo je aktivno učestvovalo u radu Kantonalnog štaba civilne zaštite, kontinuirano je praćeno stanje nastalo kao posljedica prirodnih nepogoda, te su vršene aktivnosti vezano za otklanjanje posljedica uzrokovanih prirodnim nepogodama.
- U saradnji sa Fondom za zaštitu okoliša FBiH i Rudnikom mrkog uglja „Banovići“ d.d. Banovići vođene su aktivnosti na rješavanju problema zagađenja jezera Modrac.

## **RAD, SOCIJALNA POLITIKA I POVRATAK**

Ministarstvo za rad, socijalnu politiku i povratak je u 2014. godini bilo strateški opredijeljeno na očuvanje postojećih radnih mjesta i stvaranje uslova za otvaranje novih radnih mjesta, podizanje nivoa održivosti sistema socijalne zaštite i potpuno uvođenje u prava lica i porodica definisanih Zakonom o socijalnoj zaštiti, zaštiti civilnih žrtava rata i zaštiti porodica sa djecom i nastavak procesa reforme socijalne zaštite, te pomoć povratnicima za održiv ostanak i pomoć raseljenim licima za subvenciju električne energije i naknade za zdravstveno osiguranje.

Ministarstvo za rad, socijalnu politiku i povratak Tuzlanskog kantona je u 2014. godini, u saradnji sa JU Služba za zapošljavanje TK-a i Federalnim zavodom za zapošljavanje, realizovalo programe očuvanja postojećih radnih mjesta i stvaranja uslova za otvaranje novih radnih mjesta (Jaćanje konkurentnosti na tržištu rada – Prvo radno iskustvo; Sufinansiranje zapošljavanja – Prilika za sve; Sufinansiranje sezonskog zapošljavanja i Sufinansiranje zapošljavanja teško zapošljivih osoba – Vaućer za posao) na osnovu kojih su zaposlene 1.824 osobe. U 2014. godini, realizovan je Program za sufinansiranje zapošljavanja Roma u okviru kojeg je zaposleno 6 pripadnika romske populacije. Program obuke za aktivno traženje posla u 2014. godini, rezultirao je zapošljavanjem 62 osobe i zakljućenjem ugovora o pripravničkom/volonterskom stažu 37 osoba korisnika obuke.

Donesen je i realiziran Program za ublažavanje stanja socijalnih potreba lica i porodica u stanju socijalnih potreba, koji je uključivao:

- raspodjelu sredstava jednokratnih novćanih pomoći centrima za socijalni rad, a za lica i porodice u stanju socijalne potrebe, u ukupnom iznosu od 560.202,00 KM;
- raspodjelu sredstava za materijalno zbrinjavanje lica u stanju socijalne potrebe u ukupnom iznosu od 667.480,00 KM;
- raspodjelu sredstava prevencije ovisnosti o drogama u ukupnom iznosu od 38.000,00 KM;
- raspodjelu sredstava za subvenciju prijevoza djece, ućenika i studenata u ukupnom iznosu od 743.700,00 KM.

Nastavljen je proces reforme sistema socijalne zaštite djece bez roditeljskog staranja i porodica pod rizikom od razdvajanja putem transformacije JU Dom za djecu bez roditeljskog



staranja Tuzla, a kroz realizaciju projekta „Transformacija JU Dom za djecu bez roditeljskog staranja Tuzla u niz novih usluga“, koji će podržati odrastanje djece u porodicama. Prvenstveno, izvršena je uspostava prihvatilišta za djecu koja se nađu u prosjačenju, skitnji ili radnoj eksploataciji. U 2014. godini završene su sve formalno-pravne pripreme za projekat „Izgradnja centra za autizam“. Nastavak gradnje prema projektu, očekuje se odmah nakon obezbjeđivanja sredstava od partnera na projektu „HILSWERK“ Austrija koji je ujedno i implementator svih aktivnosti u saradnji sa Ministarstvom.

Izdvojeno je 310.000,00 KM sredstava za realizaciju projekata povratnika koji se odnose na nabavku priključaka za mehanizaciju, motokultivatore, platenike, sitnu stoku, krupnu stoku, mašine i uređaje za bavljenje obrtničkom djelatnošću, kao i za hitne intervencije na infrastrukturi, kojim je obuhvaćeno 35 porodica na području Tuzlanskog kantona i 56 porodica na području Republike Srpske. Za materijalno zbrinjavanje raseljenih lica na području Tuzlanskog kantona za zdravstveno osiguranje, sufinansiranja troškova električne energije i nabavku ogrjeva, te za naknadu troškova ukopa/dženaza umrlih lica koja imaju/su imali status raseljenog lica na području Tuzlanskog kantona, izdvojeno je ukupno 479.413,31 KM.

U saradnji sa JU Služba za zapošljavanje TK, Ministarstvo za rad, socijalnu politiku i povratak Tuzlanskog kantona je u 2014. godini kreiralo Zakon o izmjenama i dopunama Zakona o osnivanju JU Služba za zapošljavanje TK-a u dijelu potrebe ukidanja poglavlja VII: Nadzorni odbor, član 15. istog Zakona čime su postignuti efekti u finansijskim sredstvima na godišnjem nivou 11.400,00 KM. Ministarstvo za rad, socijalnu politiku i povratak Tuzlanskog kantona je u 2014. godini izradilo Zakon o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Tuzlanskog kantona“, br. 7/14), koji je usvojen od strane Vlade i Skupštine Tuzlanskog kantona, a kojima su brisane odredbe Zakona u vezi sa ostvarivanjem prava na novčanu naknadu za pomoć i njegu od strane drugog lica, čime su napravljene uštede u Budžetu Tuzlanskog kantona u iznosu od cca. 490.000,00 KM za period juni-decembar 2014. godine.

U 2014. godini, izmijenjen je i dopunjen Pravilnik o načinu i postupku ostvarivanja prava na naknadu umjesto plate ženi-majci, odnosno drugom licu u radnom odnosu za vrijeme odsustvovanja sa posla radi trudnoće, porođaja i njege djeteta („Službene novine Tuzlanskog kantona“, br. 8/14) kojim je propisano da Ministarstvo za rad, socijalnu politiku i povratak poslodavcu vrši povrat isplaćenih sredstava na ime naknade plate, uključujući propisane doprinose, izuzev doprinosa na platu na teret poslodavca u visini propisanoj odredbama Zakona o doprinosima. Navedeni Pravilnik je dopunjen i u smislu propisivanja odredbe kojom je određen gubitak prava na naknadu plate ukoliko korisnik prava ne podnese zahtjev u roku od šest mjeseci od dana početka korištenja porodiljskog odsustva, a najkasnije do isteka porodiljskog odsustva. Izmjenama i dopunama Pravilnika napravljene su uštede u Budžetu Tuzlanskog kantona u iznosu od cca. 700.000,00 KM na godišnjem nivou, a koje će se odraziti u narednom periodu.

## **RAZVOJ I PODUZETNIŠTVO**

Ministarstvo razvoja i poduzetništva Tuzlanskog kantona je u 2014. godini u cilju jačanja internih upravljačkih sistema u MSP-ima i obrtima realiziralo 5 besplatnih seminara iz oblasti certificiranja po međunarodnim standardima za predstavnike malih i srednjih preduzeća i obrta sa područja Tuzlanskog kantona.

U saradnji sa Međunarodnom finansijskom korporacijom (IFC), članicom grupacije Svjetske banke, finaliziran je projekat „Unapređenje poslovnog ambijenta na Tuzlanskom kantonu s ciljem privlačenja novih investicija“ koji je omogućio smanjenje rokova i dokumentacije za provedbu administrativnih postupaka, te tako građani i privrednici Tuzlanskog kantona sada mogu lakše i brže doći do dozvola, licenci, odobrenja i slično. Na web stranici Vlade Tuzlanskog kantona postavljen je elektronski registar administrativnih postupaka koji sadrži sve potrebne informacije o administrativnim postupcima koje provode ministarstva i organi uprave Tuzlanskog kantona. Implementacijom ovog projekta značajno su olakšani preduslovi za razvoj i neometano poslovanje postojećih privrednih subjekata, ali su dugoročno unaprijeđeni i preduslovi za pokretanje novih biznisa, kao kreatora novih radnih mjesta. Ministarstvo je koordiniralo navedenim projektom i ažuriralo je Listu investicionih poticaja koji se dodjeljuju od strane ministarstava i organa uprave Tuzlanskog kantona, koja se objavljuje na web stranici Vlade Kantona.

U 2014. godini započet je proces izrade integrisane Strategije razvoja Tuzlanskog kantona za period 2016.-2020. godina, uz podršku Projekta integriranog lokalnog razvoja (ILDP), zajedničke inicijative Razvojnog programa Ujedinjenih nacija (UNDP) i Švicarske agencije za razvoj i saradnju (SDC). U ovom procesu Ministarstvo je vršilo ulogu koordinatora i određeno je kao implementaciona jedinica za Tuzlanski kanton. Ovaj dokument biti će ishodište i jedan od preduslova za konkurisanje za EU fondove, korištenje IPA fondova, kao i za apliciranje za ostale eksterne izvore finansiranja za razvojne programe Tuzlanskog kantona. Također, ILDP pruža tehničku podršku Vladi Tuzlanskog kantona u analizi i jačanju kapaciteta za upravljanje razvojem. Tokom 2014. godine održano je 6 sjednica Kantonalnog odbora za razvoj (KOR), tijela zaduženog za pripremu i organizovanje procesa izrade integrirane Strategije razvoja Tuzlanskog kantona za period 2016.-2020. godina, izradu strateške platforme, sektorskih planova, operativnog dijela te nacrtu integrirane Strategije razvoja Kantona. Također, održana su 2 sastanka Partnerske grupe za razvoj koja je šire konsultativno tijelo koje ima savjetodavnu ulogu u procesima definiranja, realizacije, monitoringa, evaluacije i izvještavanja o realizaciji razvojnih prioriteta u Kantonu i djeluje u skladu sa načelima partnerstva i saradnje, te se na ovaj način osigurava da se strategijom obuhvate potrebe svih lokalnih zajednica i građana Tuzlanskog kantona. U okviru procesa izrade ovog strateškog dokumenta, u 2014. godini Kantonalni odbor za razvoj kreirao je socio-ekonomsku analizu, SWOT analizu, strateške fokuse te strateške ciljeve i viziju razvoja Tuzlanskog kantona uobličene u Stratešku platformu razvoja Tuzlanskog kantona, a u 2015. godini slijedi faza programiranja, operativnog planiranja, kreiranja nacrtu Strategije razvoja, prezentacija Vladi i Skupštini Tuzlanskog kantona, te finalno usvajanje dokumenta.

Izrađen je i Program javnih investicija za period 2015.-2017. godina koji je usvojen od strane Vlade Tuzlanskog kantona. Program javnih investicija se, pored kandidovanih projekata, sastoji i od kapitalnih projekata sa osiguranim izvorima finansiranja, čija je realizacija u toku, te služi i kao osnova za analizu javnih investicija. Isti sadrži ukupno 77 projekata, od čega se 22 odnose za projekte u implementaciji, a 55 za kandidovane projekte sa ukupnom planiranom vrijednošću u iznosu od 347.417.680,02 KM. Tuzlanski kanton je u 2014. godini uključen u PIMIS sistem koji omogućava unaprijeđenje procesa izrade Programa javnih investicija Kantona i Federacije BiH.

U okviru godišnjeg programa poticaja „Podrška razvoju Kantona“ podržano je ukupno 90 korisnika (malih i srednjih preduzeća, obrtnika i udruženja). U saradnji sa RTV TK realiziran je projekat „Tragom uspješnih“ u okviru kojeg su, kroz ciklus od 13 emisija, prezentovane uspješne poduzetničke prakse u Tuzlanskom kantonu, saradnja lokalnih i kantonalnih vlasti sa privrednicima, prednosti vođenja vlastitog biznisa, ali i problemi i poteškoće sa kojima se susreću

poduzetnici. U okviru emisija predstavljeno je 45 poduzetnika, vlasnika i direktora biznisa, iz grada Tuzla i 12 općina Tuzlanskog kantona. U svrhu podrške razvoju omladinskom poduzetništvu Ministarstvo je kreiralo Program „Business start up fond za mlade sa područja Tuzlanskog kantona“. Nažalost, zbog stalnog prolongiranja implementacije programa, u pitanje je dovedena i podrška od strane Projekta zapošljavanja mladih YEP, s obzirom da je realizacija svih aktivnosti projekta vezana ugovorom sa Švajcarskom agencijom za razvoj i saradnju (SDC) do 31. marta 2015. godine, što u krajnjem slučaju znači da će sva sredstva koja Projekat zapošljavanja mladih YEP nije realizirao do kraja 2014. godine, biti preusmjerena u druge svrhe. Stoga, Ministarstvo razvoja i poduzetništva nije bilo u mogućnosti da započne implementaciju programa „Business start up fond za mlade sa područja Tuzlanskog kantona“, ali će i dalje raditi na iznalaženju mogućnosti za realizaciju programa.

U svrhu sinhronizacije procesa strateškog planiranja, monitoringa, evaluacije i izvještavanja o urađenim aktivnostima, odnosno usklađivanja svih strateških aktivnosti sa višim nivoima vlasti na kantonalnom nivou, Ministarstvo razvoja i poduzetništva je koordiniralo aktivnosti donošenja Akcionog plana za Tuzlanski kanton za realizaciju Strategije razvoja i Strategije socijalnog uključivanja BiH za period 2014.-2016. godina i za period 2015.-2017. godina. Nakon usvajanja dokumenata od strane Vlade Tuzlanskog kantona, isti su proslijeđeni Federalnom zavodu za programiranje razvoja.

Predstavnici Ministarstva razvoja i poduzetništva su u velikom broju uzeli učešće u obukama Direkcije za evropske integracije BiH iz Programa obrazovanja iz oblasti evropskih integracija „Učimo o EU - dokučimo EU“, te na taj način značajno unaprijedili kapacitete Ministarstva i usavršili znanja o procesu evropskih integracija u BiH. U cilju većeg stepena informiranosti ciljnih korisnika Ministarstva, tokom 2014. godine je finalizirano prikupljanje podataka neophodnih za objavu na Info desku, kao informativnom alatu za poticaj razvoja poduzetništva. Značajne aktivnosti sprovedene su i okviru angažmana u AFTERCARE programu za podršku stranim investitorima u BiH.

Na prijedlog Ministarstva Vlada i Skupština Tuzlanskog kantona usvojile su Zakon o podsticajima za zapošljavanje i intervencijama u privrednim subjektima („Službene novine Tuzlanskog kantona“ br: 08/14) čime je stvorena osnova za formiranje instrumenta Fonda solidarnosti usmjerenog na podršku novom zapošljavanju. Uz podršku Projekta zapošljavanja mladih u BiH (YEP) kreirana je i uspostavljena web aplikacija u svrhu evidencije i transparentne objave prikupljenih sredstava za podsticaj novog zapošljavanja na području TK.

## **SIGURNOST I UNUTRAŠNJI POSLOVI**

### **Stanje sigurnosti u 2014. godini**

Uz kontinuiranu podršku Skupštine i Vlade Tuzlanskog kantona, Kantonalno Ministarstvo unutrašnjih poslova je, u okviru datih mogućnosti, u 2014. godini nastavilo aktivnosti na stvaranju i razvoju moderne, jake, profesionalne, tehnički opremljene i kadrovski osposobljene policije. Preduzete su neophodne mjere i aktivnosti za otvorenu saradnju i partnerstvo sa svim relevantnim subjektima u društvu, a posebno sa građanima. Između ostalih faktora, aktivnosti MUP-a TK su doprinijele da stanje kriminaliteta na području Tuzlanskog kantona u 2014. godine u odnosu na prošlu godinu karakteriše smanjenje broja krivičnih djela za 355 krivičnih djela ili 5,1%, dok je broj prijavljenih učinilaca krivičnih djela veći za 1.586 učinilaca ili 30,1%. Procenat otkrivenosti krivičnih djela prijavljenih po nepoznatom učiniocu iznosi 40,75%, dok je procenat ukupne rasvijetljenosti krivičnih djela 61,11%.

U odnosu na 2013. godinu, došlo je do smanjenja broja krivičnih djela protiv imovine za 371 krivično djelo ili 7,9%, krivičnih djela iz drugih posebnih zakona za 25 krivičnih djela ili 15,9%, krivičnih djela protiv sigurnosti javnog prometa za 20 krivičnih djela ili 7,7%, krivičnih djela protiv pravosuđa za 17 krivičnih djela ili 43,6%, krivičnih djela protiv života i tijela za 16 krivičnih djela ili 4,0%, i dr., dok je povećan broj krivičnih djela protiv braka, porodice i mladeži za 55 krivičnih djela ili 23,2%, krivičnih djela protiv slobode i prava čovjeka i građanina za 23 krivična djela ili 22,8%, krivičnih djela protiv okoliša, poljoprivrede i prirodnih dobara za 12 krivičnih djela ili 8,5%, krivičnih djela protiv privrede, poslovanja i sigurnosti platnog prometa za 7 krivičnih djela ili 35,0%, krivičnih djela protiv podmićivanja i krivičnih djela protiv službene i druge odgovorne funkcije za 5 krivičnih djela ili 9,4%, i dr.

Stanje javnog reda i mira na području Tuzlanskog kantona u 2014. godini je povoljnije i karakteriše ga smanjenje broja evidentiranih prekršaja za 107 prekršaja ili za 3,7%, dok je broj počinitelja prekršaja smanjen za 173 lica ili 4,5%. Pokazatelji stanja sigurnosti saobraćaja na putevima Tuzlanskog kantona ukazuju na određena poboljšanja u ovoj oblasti sa aspekta brojnosti događanja saobraćajnih nezgoda i njihovih posljedica po učesnike u saobraćaju. U toku 2014. godine, evidentiran je pad ukupnog broja saobraćajnih nezgoda za 120 saobraćajnih nezgoda ili 4,2%. I pored pozitivnih pokazatelja osnovnih sigurnosnih parametara u 2014. godini, procjene stanja sigurnosti ukazuju na pojačane kriminalne aktivnosti pojedinaca i kriminalnih grupa, uz pojavu novih oblika nezakonitog i društveno štetnog ponašanja, uz jaku domaću i međunarodnu organizovanost, praćene devalvacijom sistema društvenih vrijednosti i jačanjem korupcije na svim nivoima javne uprave.

### **Sprovedene aktivnosti Ministarstva unutrašnjih poslova u 2014. godini**

U okviru strateškog cilja koji se odnosi na unapređenje stanja lične i imovinske sigurnosti i zaštite ljudskih prava i građana, te podizanje nivoa kvaliteta pružanja usluga stanovništvu Tuzlanskog kantona, u okviru programa efikasnijeg suprotstavljanja policije teškim krivičnim djelima, u 2014. godini donesen je Strateški plan Operativnih aktivnosti Uprave policije MUP-a TK-a kojim je predviđeno preduzimanje planskih, prostorno-vremenskih aktivnosti, koje će biti prepoznatljive od strane javnosti izražene kroz osjećaj sigurnosti i sticanja povjerenja zajednice, te pružanja podrške u radu službenika policije.

Također, sačinjeni su Operativni planovi na sprečavanju i otkrivanju krivičnih djela usmjerenih protiv imovine (teških krađa, krađa i razbojništva), zatim privrednog-finansijskog kriminaliteta i korupcije, borbe protiv zloupotrebe opojnih droga, te sprečavanja i otkrivanja krivičnih djela iz oblasti maloljetničke delikvencije i nasilja u porodici.

U cilju unapređenja stanja javnog reda i mira na području Tuzlanskog kantona, preduzete su planirane preventivne mjere i aktivnosti na nivoima policijskih stanica. Pored toga, kontinuirano se radi na sprovođenju PIP-a "Vodič većih javnih događaja", kao i "Strateškog operativnog plana za sprečavanje narušavanja javnog reda i mira u većem obimu na sportskim manifestacijama i drugim javnim skupovima visokog rizika na području FBiH".

Kampanja "Budi na pravoj strani – izaberi život bez oružja" sprovedena je i dalje se sprovodi sa uspjehom na cijelom prostoru Tuzlanskog kantona tokom cijele godine, kojom prilikom su građani dobrovoljno predali značajne količine nelegalnog naoružanja, minsko-eksplozivnih sredstava i municije.

U 2014. godini ostvarena je bolja saradnja policije i građana povratnika kroz koncept rada policije u zajednici i implementaciju projekta “Jačanje sposobnosti lokalne policije u pogledu sigurnosti povratka”, te uspješno realizovan operativni plan “Srebrenica 2014.” u julu 2014. godine, kao i Plan obezbjeđenja javnog skupa “Stazama egzodusa”, održan u septembru 2014. godine u organizaciji Udruženja vozućana Doboj.

U okviru programa unapređenja stanja sigurnosti saobraćaja upućena je inicijativa za izmjene i dopune Zakona o osnovama sigurnosti saobraćaja u BiH koje su se odnosile na otklanjanje nedostataka u kaznenim odredbama za određene prekršaje, koje su usvojene.

Stepen efikasnosti i stepen ažurnosti u oblasti izdavanja identifikacionih dokumenata je ostvaren na nivou prethodne godine.

U okviru cilja koji se odnosio na jačanje mehanizama sigurnosti i zaštite građana kroz unapređenje zakonskog okvira, razvijanje operativne efektivnosti i efikasnosti službi MUP-a TK za uspješnije suočavanje sa svim sigurnosnim izazovima, Ministarstvo je uputilo prijedlog izmjena i dopuna Zakona o unutrašnjim poslovima Tuzlanskog kantona koji je usvojen od strane Skupštine Tuzlanskog kantona.

Kako bi se povećala efikasnost policije u borbi protiv interne i eksterne korupcije, preduzete su mjere u cilju uspostavljanja efikasnijih mehanizama evidentiranja, dokumentovanja i rasvjetljavanja prijavljenih slučajeva interne i eksterne korupcije.

Također, u 2014. godini nastavljene su aktivnosti na unapređenju kriminalističko-obavještajnog rada u svim organizacionim jedinicama Uprave policije MUP-a TK. Posebna pažnja usmjerena je na stručno usavršavanje policijskih službenika, jačanje kapaciteta policijskih stanica za kriminalističko-obavještajne poslove i unapređenje sistema razmjene kriminalističko-obavještajnih podataka između policijskih agencija na državnom, entitetskom i kantonalnom nivou.

U 2014. godini, Ministarstvo unutrašnjih poslova Tuzlanskog kantona je u cilju unapređenja upravljanja resursima Ministarstva posebnu pažnju posvetilo poboljšanju materijalno-tehničke opremljenosti organizacionih jedinica Ministarstva i Uprave policije, kao i poboljšanju uslova rada zaposlenih.

S aspekta razvoja i osavremenjavanja informaciono-telekomunikacionog sistema posebno se ističu aktivnosti na uvezivanju organizacionih jedinica MUP-a TK u SDH telekomunikacionu mrežu BiH sa posebnim akcentom na povećanje brzine prenosa podataka te podizanje nivoa pouzdanosti i sigurnosti cjelokupnog sistema. Uspostavljen je brži, ekonomični i racionalniji sistem razmjene i protoka informacija i podataka kako između organizacionih jedinica MUP-a tako i sa drugim agencijama za sprovođenje zakona, domaćim i međunarodnim institucijama, kao i sa građanima, te realizovan Sporazum o elektronskoj razmjeni podataka iz evidencija policijskih tijela i tužilaštava u BiH, a nastavljeno je i aktivno učešće u radu Monitoring tima i radnih grupa kako na nivou FBiH tako i na državnom nivou.

## TRGOVINA, TURIZAM I SAOBRAĆAJ

U okviru strateškog cilja koji se odnosio na jačanje svijesti građana o značaju kupovine i potrošnje domaćih proizvoda za sveukupni društveni razvoj, Ministarstvo trgovine, turizma i saobraćaja je u 2014. godini realiziralo medijski projekat pod nazivom „Kupujmo-koristimo domaće“. Projekat je obuhvatio emitovanje dva TV spota i 12 emisija u trajanju od 30 minuta od mjeseca juna do kraja 2014. godine na Radio televiziji Tuzlanskog kantona, u kojima su gosti bili privrednici sa područja Tuzlanskog kantona, predstavnici Vlade Tuzlanskog kantona i drugi relevantni akteri.

Strateškim ciljem – usmjeren razvoj turizma na području Tuzlanskog kantona i adekvatna promocija turističkih potencijala, Ministarstvo je planiralo realizaciju dva programa, odnosno izradu programa za razvoj seoskog turizma i izradu programa međusobne saradnje. Iako, zbog nedostatka finansijskih sredstava u Budžetu Tuzlanskog kantona, nije došlo do realizacije planiranog programa za razvoj seoskog turizma i programa međusobne saradnje, Ministarstvo je preduzelo niz pripremnih radnji kako bi se ove planirane aktivnosti mogle realizirati u narednom periodu (prikupljanje podataka o registriranim obiteljskim poljoprivrednim gazdinstvima, početak izdavanja licence za putničke agencije i dr.).

Razvoj saobraćaja (brži protok ljudi i roba) i saobraćajne infrastrukture kao važnog faktora u ukupnom razvoju Tuzlanskog kantona bio je treći strateški cilj Ministarstva u 2014. godini, u okviru kojeg je planirana realizacija šest programa. U saradnji sa Kantonalnom upravom za inspeksijske poslove, Ministarstvom unutrašnjih poslova, kao i nadležnim općinskim službama za poslove saobraćaja permanentno je sproveden Operativni plan mjera na suzbijanju nelegalnog rada u oblasti prijevoza na području TK, uz prezentiranje postignutih rezultata (smanjen broj nelegalnih prijevoznika) i mjera koje su preduzete na sprečavanju nelegalnog prijevoza na području TK svim zainteresiranim stranama. Permanentno je vršena primjena Odluke Vlade TK o načinu rada i postupanja po administrativnim postupcima u Tuzlanskom kantonu iz oblasti trgovine, turizma i saobraćaja s ciljem da se unaprijedi poslovni ambijent, odnosno da se privrednicima olakša i ubrza dobijanje neophodne dokumentacije. Donesena je Odluka o utvrđivanju programa utroška namjenskih sredstava uplaćenih na osnovu naknada za obavljene tehničke preglede vozila. Nakon donošenja federalne Odluke o kategorizaciji cesta u autoceste i brze ceste, magistralne ceste i regionalne ceste, Ministarstvo je, na prijedlog i u saradnji sa nadležnim općinskim službama, pripremio i predložilo Odluku o kategorizaciji lokalnih cesta i ulica u gradovima na području Tuzlanskog kantona. Vlada je donijela odluku 16.09.2014. godine.

U oblasti vazdušnog saobraćaja, nastavljeno je sa sprovođenjem usvojenog Plana mjera za poboljšanje rada JP „Međunarodni aerodrom Tuzla“ i aktivnostima na projektu „Međunarodni aerodrom Tuzla Regionalni Cargo centar sa Airparkom“. Nastavljeno je i sa aktivnostima na razvoju avio saobraćaja otvaranjem novih avio linija tako da, pored destinacija otvorenih u 2013. godini (Malmö, Gothenburg i Basel), Wizz Air kao najznačajniji partner aerodroma je u 2014. godini otvorio i dvije dodatne destinacije (Dortmund i Eindhoven). Broj putnika prevezenih u 2014. godini u odnosu na 2013. godinu se povećao sa 61.564 na 151.285 prevezenih putnika. U novembru 2014. godine potpisan je novi 5-godišnji ugovor sa Wizz Air-om koji podrazumijeva otvaranje baze Wizz Air-a na aerodromu Tuzla i dodatne 4 destinacije sa aerodroma Tuzla (Stockholm, Oslo, Frankfurt-Hahn, Memingen-Minhen). Očekivani broj putnika koji bi se trebali prevesti sa aerodroma Tuzla u 2015. godini je oko 250.000, a projekcijom za 2016. godinu je predviđeno oko 350.000 prevezenih putnika.

Rađeno je na implementaciji „Osnova strategije razvoja regionalnih cesta Tuzlanskog kantona za period 2013.-2023. godina”, te na pripremama na izradi Srednjoročnog programa održavanja i zaštite, kao i programa rekonstrukcije, izgradnje i obnove regionalnih cesta i planova razvoja cesta Tuzlanskog kantona. Intenzivirane su i aktivnosti u saradnji sa Federalnim ministarstvom prometa i komunikacija na primjeni Kantonalnog daljinara i minimalnih vremena vožnje za kantonalne i općinske linije na području Tuzlanskog kantona. Vođene su aktivnosti da se autobuska stajališta na regionalnoj i lokalnoj cestovnoj mreži (S3 i S4), koja se koriste u linijskom prijevozu putnika, uredi i obilježe u skladu sa Zakonom o cestovnom prijevozu na području Tuzlanskog kantona i Pravilnikom o minimalnim tehničkim uvjetima za izgradnju i upotrebu autobuskih stajališta i Zakonom o cestama Federacije BiH.

## **ZDRAVSTVO**

U okviru strateškog cilja koji se odnosio na ostvarenje dostupnije zdravstvene zaštite, Ministarstvo zdravstva je u 2014. godini sprovodilo aktivnosti na reorganizaciji i usklađivanju javnih zdravstvenih ustanova te implementaciji projekta jačanja zdravstvenog sektora – HSEP.

I u 2014. godini Ministarstvo zdravstva je na prijedlog Zavoda za javno zdravstvo TK donijelo Plan i program mjera za unapređenje zdravstvene zaštite iz obaveznog zdravstvenog osiguranja za područje Tuzlanskog kantona za 2014. godinu, kojim su utvrđene posebne mjere za unapređenje određenih zdravstvenih djelatnosti koje se pružaju u JZU UKC Tuzla, te izvršilo dodatno prilagođavanje standarda i normativa zdravstvene zaštite, što je za rezultat imalo kvalitetniju zdravstvenu uslugu za pacijenta i finansijsku održivost ustanove. Intenzivnim radom Vlade TK, Ministarstva zdravstva te direktora i UO JZU UKC Tuzla, okončan je proces akreditacije ustanove pri čemu je JZU UKC Tuzla postala i zvanično jedan od 4 referentna centra u BiH (Sarajevo, Mostar, Banja Luka) čime se stvorila mogućnost daljeg napretka JZU UKC Tuzla i omogućilo bolje pružanje zdravstvene zaštite svim stanovnicima na području TK, a i šire. Potrebno je naglasiti da je poslovanje JZU UKC Tuzla 2014. godine bilo najuspješnije od 2007. godine.

U skladu sa odredbama Zakona o zdravstvenoj zaštiti okončan je postupak preuzimanja osnivačkih prava nad Zavodom za javno zdravstvo TK, te izvršeno usklađivanje organizacije i rada Zavoda za javno zdravstvo sa zakonom.

U okviru programa Implementacije projekta jačanja zdravstvenog sektora – HSEP Ministarstvo zdravstva TK je u saradnji sa Federalnim ministarstvom zdravstva i zdravstvenim ustanovama na području Kantona preduzelo aktivnosti na jačanju primarne zdravstvene zaštite kroz intenzivniju implementaciju porodične medicine i reorganizaciju domova zdravlja, kako bi se osiguralo smanjenje nejednakosti u dostupnosti zdravstvene zaštite, omogućio kontinuitet zdravstvene zaštite sa drugim nivoima zdravstvenog sistema prema potrebama lokalne zajednice i kako bi se na ekonomičan način zdravstveni sistem nosio sa sve većim pitanjima kao što su masovne nezarazne bolesti.

Posebna pažnja je posvećena jačanju vještina timova porodične medicine kroz dodatnu obuku iz porodične medicine, nastavku programa specijalizacije iz porodične medicine, kao i podršci u akademskom razvoju osoblja edukativnih centara porodične medicine. Uz obuku, nastavljeno je opremanje ambulanti porodične medicine, posebno u dijelu nabavke informatičke i mrežne opreme za ambulante porodične medicine.



U okviru strateškog cilja prevencije i unapređivanja zdravstvenog stanja stanovništva, akcent Ministarstva u 2014. godini je bio na programu realizacije preventivnih programa rane dijagnostike i to: prevenciju i ranu dijagnostiku karcinoma dojke, karcinoma grlića maternice, kolorektalnog karcinoma te karcinoma kože. U 2014. godini su utvrđeni i odobreni spomenuti programi, obezbjeđena potrebna finansijska sredstva i zaključeni ugovori između Zavoda zdravstvenog osiguranja Tuzlanskog kantona i zdravstvenih ustanova primarnog i sekundarnog nivoa zdravstvene zaštite. Programima su obuhvaćene rizične skupine osiguranih lica.

Neposredno po formiranju saziva Vlade TK u martu 2014. godini intenzivno je započet rad na izmjeni zakonskih odredbi u smislu izmjene Pravilnika o stavljanju i skidanju lijekova sa Esencijalne liste. Nakon sačinjenog dopisa prema svim farmaceutskim kućama koje posluju na teritoriji BiH dobio se pismeni pristanak na smanjenje cijena lijekova od 10%. U dogovoru sa Federalnim ministrom zdravstva pokušala se izmijeniti jedna riječ u Pravilniku, a koja se odnosi na „obavezujuću“ cijenu lijekova koja je nanijela nemjerljivu štetu zdravstvenom sistemu u Federaciji BiH, a insistiralo se da riječ bude zamijenjena maksimalnom cijenom lijeka. I pored nekoliko bezuspješnih razgovora sa Premijerom Federacije i resornim ministrom zdravstva nisu se uspjele usaglasiti promjene Pravilnika. Intenzivan pritisak na Federalnu Vladu urodio je plodom tek koncem mjeseca septembra 2014. godine kada je došlo do smanjenja cijena lijekova na teritoriji FBiH za oko 10%, što je donijelo uštedu Zavodu zdravstvenog osiguranja Tuzlanskog kantona na mjesečnom nivou od oko 250.000 KM odnosno godišnje oko 3 miliona KM. Odmah je sačinjena i lista esencijalnih lijekova za područje TK.

U toku 2014. godine Ministarstvo zdravstva je izradilo prijedlog Pozitivne liste lijekova, shodno Odluci Vlade Federacije BiH, i ista je usvojena od strane Vlade TK. Dakle, izrađena je i usvojena A - Pozitivna lista lijekova, na kojoj se nalaze lijekovi koji se finansiraju iz sredstava obaveznog zdravstvenog osiguranja, za koje nije dozvoljeno određivanje neposrednog učešća (participacije) od strane osiguranih lica, te B - Pozitivna lista lijekova, na kojoj se nalaze lijekovi koji se finansiraju iz sredstava obaveznog zdravstvenog osiguranja za koje je dozvoljeno određivanje neposrednog učešća (participacije) od strane osiguranih lica.

Kao treći strateški cilj za 2014. godinu Ministarstvo zdravstva je postavilo informatizaciju zdravstvenog sistema na području Kantona. U sklopu programa Nabavke informatičke opreme i softvera Ministarstvo zdravstva TK je preduzelo aktivnosti u vezi sa implementacijom središnjeg dijela informacionog sistema, te u tom pogledu ostvarilo saradnju sa Ministarstvom zdravlja Republike Hrvatske i Hrvatskim zavodom zdravstvenog osiguranja, koji su izrazili spremnost za pružanje pomoći i ustupanje softverskih aplikacija kroz donaciju. Ministarstvo zdravstva TK je u saradnji sa Federalnim ministarstvom zdravstva preduzelo aktivnosti koje su rezultirale nabavkom informatičke i mrežne opreme za ambulante porodične medicine. Osim toga, u 2014. godini započeto je izdavanje elektronskih zdravstvenih kartica.

Kao značajnu aktivnost Ministarstva u 2014. godini potrebno je istaknuti i da je pred Skupštinom Tuzlanskog kantona pokrenuta Inicijativa za zaštitu domaće farmaceutske proizvodnje koja bi donijela dobrobit domaćim kompanijama te otvorila prostor ka novom zapošljavanju - samo na području TK otvorilo bi se novih 100 radnih mjesta u farmaceutskoj industriji. I pored usvojenog Zaključka Skupštine TK, koji je prosljeđen Vladi Federacije BiH, nije se uspjele sa primjenom predloženih smjernica za zaštitu domaće proizvodnje. Obzirom da domaće farmaceutske kuće (Bosnalijek, Farmavita, Hemofarm i Zada) posjeduju



proizvodne kapacitete za snabdijevanje od oko 80% lijekova sa Federalne liste lijekova, istim bi se omogućilo povećanje proizvodnje i plasman lijekova na teritoriji BiH. Godišnja potrošnja lijekova na području TK iznosi oko 40 miliona KM, od čega 32 miliona ide stranim farmaceutskim firmama, a samo 8 miliona domaćim. Primjenom ranije navedenih zakonskih odredbi dodatno bi se osnažila domaća farmaceutska proizvodnja, čime bi se promijenio odnos domaćih i stranih farmaceutskih kompanija što bi zadržalo novac u BiH.

Također, intenzivnim radom Vlade TK omogućilo se Zavodu zdravstvenog osiguranja Tuzlanskog kantona da u cijelosti ispoštuje sve ugovorne obaveze prema zdravstvenim ustanovama na području TK što se nije desilo posljednjih pet godina. Intenzivno se radilo na naplati zakonskih odredbi, u smislu naplate zdravstvenog osiguranja - ino dugovanje, Rudnici Kreka a što je u konačnici donijelo oko 5 miliona KM zdravstvenom sektoru Tuzlanskog kantona.

## **URED PREMIJERA**

Uz tehničku pomoć Međunarodne finansijske korporacije (IFC), članice grupacije Svjetske banke i Udruženja za razvoj NERDA, Ured premijera Tuzlanskog kantona je, po prvi put, kreirao Vodič za investitore Tuzlanskog kantona, na bosanskom i engleskom jeziku, kao dokument koji obuhvata najznačajnije informacije koje potencijalni i postojeći investitori trebaju ukoliko žele investirati u Tuzlanskom kantonu. Ovakvim dokumentom, Vlada će biti u mogućnosti da inicira interes potencijalnih investitora za ulaganja na području Tuzlanskog kantona, a što u konačnici može dovesti do otvaranja novih radnih mjesta kroz pokretanje biznisa od strane investitora. Vodič je postavljen na web stranicu Vlade Tuzlanskog kantona, te odštampan u 400 primjeraka. Primjerci Vodiča distribuirani su relevantnim akterima za oblast investicija (Agencija za unapređenje stranih investicija u BiH – FIPA, Vanjskotrgovinska komora BiH, BIGMEV i drugi), ali će, također, biti dostupni svim zainteresiranim investitorima koji budu u posjeti Vladi Tuzlanskog kantona.

U saradnji sa Ministarstvom razvoja i poduzetništva, koordinatorom dva značajna projekta ovog saziva Vlade Tuzlanskog kantona, Ured Premijera učestvovao je u realizaciji aktivnosti na finalizaciji projekta „Unapređenje poslovnog ambijenta na Tuzlanskom kantonu s ciljem privlačenja novih investicija" koji je omogućio smanjenje rokova i dokumentacije za provedbu administrativnih postupaka, a koji se sprovodio u saradnji sa Međunarodnom finansijskom korporacijom (IFC), članicom grupacije Svjetske banke. Ured premijera, u saradnji sa Uredom za zajedničke poslove kantonalnih organa uprave, koordinirao je izradu mjesečnih izvještaja o postupanju po administrativnim postupcima službenika ministarstava i organa uprave Tuzlanskog kantona. Na osnovu do sada usvojenih akata i dostavljenih izvještaja, Međunarodna finansijska korporacija (IFC) će u saradnji sa Vladom Tuzlanskog kantona pripremiti prijedlog Odluke o načinu izvještavanja, obradi i analizi podataka od značaja za postupanje u administrativnim postupcima organa uprave Tuzlanskog kantona koja će definisati metodologiju i način praćenja postupanja po administrativnim postupcima organa uprave TK, čime će se budućim Vladama Tuzlanskog kantona osigurati osnov za dalja praćenja i unapređenja postupanja po administrativnim postupcima koje provode kantonalni organi uprave, kao dijelu sveobuhvatnog poslovnog okruženja na nivou Kantona.

Ured Premijera koordinirao je radom Kantonalnog odbora za razvoj (KOR), tijela zaduženog za pripremu i organizovanje procesa izrade integrirane Strategije razvoja Tuzlanskog kantona za period 2016. - 2020. godina, izradu strateške platforme, sektorskih planova, operativnog dijela te nacрта integrirane Strategije razvoja Kantona. Strategija razvoja Tuzlanskog kantona

je jedan od najznačajnijih projekata kojeg je Vlada Tuzlanskog kantona započela u maju 2014. godine u saradnji sa Projektom integriranog lokalnog razvoja (ILDLP), a koji će služiti za realno planiranje budućih razvojnih programa Kantona, osigurati usklađivanje Budžeta Tuzlanskog kantona sa ovim strateškim dokumentom, te biti osnova i poluga za privlačenje sredstava iz međunarodnih fondova, prije svega fondova Europske Unije.

Uz koordinaciju Ureda premijera, predstavnici osam ministarstava Tuzlanskog kantona učestvovali su na šestodnevnoj obuci na temu Upravljanja projektnim ciklusom (PCM) prema EU metodologiji, koja je održana u tri ciklusa tokom 2014. godine. Navedena obuka je bila dio dodatne podrške koju Projekat integriranog lokalnog razvoja (ILDLP projekat), kao zajednička inicijativa Švicarske agencije za razvoj i saradnju (SDC) i Razvojnog programa Ujedinjenih nacija Bosne i Hercegovine (UNDP BiH), pruža partnerskim kantonima u procesima pripreme, revizije i implementacije kantonalnih razvojnih strategija, između ostalih i Tuzlanskom kantonu. U okviru obuke kreirani su nacrti dvije projektne aplikacije za projekat „Čišćenja nanosa iz jezera Modrac“ i „Razvoja kapaciteta Međunarodnog aerodroma Tuzla u svrhu stvaranja preduslova za razvoj cargo centra“ čijoj finalizaciji je potrebno pristupiti u narednom periodu, u cilju pripreme projektnih aplikacija za apliciranje za međunarodne fondove. Također, šest predstavnika ministarstava Tuzlanskog kantona učestvovalo je i na četvorodnevnoj obuci „Upravljanje projektnim ciklusom“ u organizaciji Udruženja za razvoj NERDA, a u okviru projekta „PROGRES“ (EU IPA CBC).

Ured premijera je samostalno, ali i u saradnji sa Ministarstvom finansija, kreirao značajan broj studija i analiza („Analiza Budžeta Tuzlanskog kantona za period 2005.-2014. godine i projekcije izvršenja do kraja 2014. godine“, „Elaborat o stanju u privredi Tuzlanskog kantona“, „Informacija o stanju u privrednim društvima sa većinskim udjelom vlasništva Tuzlanskog kantona sa programom mjera za poduzimanje aktivnosti u 2014. godini“) koje će ubuduće biti kvalitetna podloga za kreiranje ekonomskih politika.

U koordinaciji Ureda Premijera distribuirane su informacije i osigurano učešće predstavnika ministarstava i organa uprave Tuzlanskog kantona na edukacijama u organizaciji Direkcije za europske integracije BiH u okviru Programa obrazovanja iz oblasti europskih integracija „Učimo o EU – dokučimo EU“ koja se realizira u skladu sa odredbama Odluke o uvjetima i načinu učešća na obukama iz oblasti europskih integracija i Odlukom o obaveznim obukama iz oblasti europskih integracija (Službeni glasnik BiH broj 15/14).

## **CIVILNA ZAŠTITA**

Kantonalna uprava civilne zaštite (KUCZ) je svoje aktivnosti u 2014. godini usmjerila na izvještavanje, planiranje, programiranje, organiziranje, obučavanje, organiziranje polaganja ispita za vatrogasca i protupožarnu zaštitu, deminiranje, informisanje, finansiranje, donošenje i izmjenu propisa i provođenje inspeksijskog nadzora. U izvještajnom periodu, Kantonalna uprava civilne zaštite je izradila Izvještaj o radu Kantonalne uprave civilne zaštite i pregled aktivnosti u oblasti zaštite i spašavanja na području Tuzlanskog kantona u 2013. godini, mjesečne izvještaje o radu KUCZ sa pregledom aktivnosti u oblasti zaštite i spašavanja na području Tuzlanskog kantona u 2014. godini i mjesečne izvještaje o radu Inspektorata za zaštitu i spašavanje, kao i mjesečne planove rada Kantonalne uprave civilne zaštite i mjesečne planove rada Inspektorata za zaštitu i spašavanje, te Program rada Kantonalne uprave civilne zaštite za 2014. godinu i Program rada Inspektorata za zaštitu i spašavanje za 2014. godinu. Izrađen je prijedlog Pravilnika o unutrašnjoj organizaciji Kantonalne uprave civilne zaštite,

koji, međutim, zbog prosvjeda građana u prvom dijelu godine i prirodnih nesreća, nije razmatran na Kolegiju i Sjednici Vlade TK.

U 2014. godini donijeta je Uredba o organiziranju službi zaštite i spašavanja na području Tuzlanskog kantona, provedene su aktivnosti na usaglašavanju primjene iste, te vršene pripreme aktivnosti za potpisivanje ugovora i stavljanje u funkciju navedenih službi. Kantonalna uprava civilne zaštite je obuku Kantonalnog štaba civilne zaštite, obuku općinskih štabova civilne zaštite i vježbe snaga civilne zaštite, realizirala kroz direktno učešće u akcijama zaštite i spašavanja za vrijeme proglašenog stanja prirodne nesreće zbog poplava i klizišta. Provedeno je polaganje ispita za vatrogasca i za protupožarnu zaštitu, omogućeno formiranjem Komisije za polaganje ispita za vatrogasca u skladu sa Uredbom o sadržaju, načinu i programu polaganja ispita u oblasti vatrogastva ("Službene novine Federacije BiH", broj 93/12) i Komisije za polaganje ispita za protupožarnu zaštitu, u skladu sa Programom polaganja ispita za protivpožarnu zaštitu ("Službene novine Federacije BiH", broj 67/13).

U području deminiranja KUCZ je u 2014. godini izradila Informaciju o ostvarenim rezultatima deminiranja i uništavanja neeksplozivnih ubojitih sredstava na području TK u 2013. godini i Listu prioriteta deminiranja na području Tuzlanskog kantona za 2014. godinu. Takođe, vršena je koordinacija Kantonalnog tima za deminiranje i uništavanje neeksplozivnih ubojitih sredstava i koordinacija poslova deminiranja na području TK. KUCZ je u 2014. godini izradila brojne informacije i izvještaje u oblasti zaštite i spašavanja za Vladu i Skupštinu TK, uputila odgovore na poslanička pitanja i organizovala konferencija za medije, te provodila druge oblike saradnje sa medijima.

U izvještajnom periodu, takođe je kreiran Plan potrebnih budžetskih sredstava za finansiranje rada KUCZ u 2014. godini, Izvještaj o prikupljanju, raspodjeli i korištenju sredstava posebne naknade za zaštitu od prirodnih i drugih nesreća u 2013. godini, Plan o korištenju sredstava posebne naknade za zaštitu od prirodnih i drugih nesreća u 2014. godini i Plan korištenja sredstava naknade za zaštitu od požara i vatrogastvo u 2014. godini. Kantonalna uprava civilne zaštite je, u dijelu propisa, kreirala Uredbu o organiziranju službi zaštite i spašavanja u Tuzlanskom kantonu, Odluku o korištenju finansijskih sredstava namijenjenih za zaštitu od požara i vatrogastvo na području Tuzlanskog kantona, Odluku o dodjeli pomoći općinama Tuzlanskog kantona iz sredstava posebne naknade za zaštitu od prirodnih i drugih nesreća i Odluku o osnivanju Kantonalnog štaba civilne zaštite. Sva četiri propisa su usvojena od strane Vlade Tuzlanskog kantona.

Planirani inspekcijski nadzor je realizovan kroz izradu Izvještaja o radu Inspektorata za zaštitu i spašavanje KUCZ za 2013. godinu i Programa rada Inspektorata za zaštitu i spašavanje KUCZ za 2014. godinu. U toku 2014. godine izvršeno je ukupno 358 inspekcijskih pregleda (210 redovnih i 148 kontrolnih), donijeto 178 rješenja o otklanjanju nedostataka, naloženo 647 mjera, prilikom kontrole konstatovano da je izvršeno 465 mjera, te podnijeto 11 zahtjeva za pokretanje prekršajnog postupka. Na inspekcijskim poslovima radila su tri inspektora, i to: Kantonalni inspektor za civilnu zaštitu, Kantonalni inspektor za zaštitu od požara i Kantonalni inspektor za vatrogastvo.

Za vrijeme prosvjeda građana u februaru 2014. godine direktor KUCZ je u skladu sa članom 134. Zakona o zaštiti i spašavanju, angažirao dijelove vatrogasnih jedinica općina Srebrenik, Kalesija i Lukavac i zajedno sa vatrogascima Općine Tuzla u koordiniranoj akciji omogućio gašenje požara na zgradi „SODA SO“, u kojoj je bila smještena Vlada TK, i zgradi općinske administracije Općine Tuzla.

Tokom trajanja prirodne nepogode od poplava i klizišta na području Tuzlanskog kantona u 2014. godini, KUCZ pratila je stanje zaštite i spašavanja na području cijelog kantona, preduzimala je mjere i aktivnosti iz svoje nadležnosti, podsticala je, usmjeravala i koordinirala aktivnosti kantonalnih organa uprave i drugih organa na vršenju poslova zaštite i spašavanja. Pored ogromnih materijalnih šteta poplave i klizišta prouzročile su i evakuaciju velikog broja stanovnika (7.286) na području Tuzlanskog kantona, uslijed čega su lokalne zajednice bile prinuđene formirati više prihvatnih centara za privremeni smještaj evakuisanih lica. Prihvatni centri su formirani u općinama Sapna, Tuzla i Živinice (VB „Dubrave), a KUCZ je zajedno sa OSCZ i OS BiH vršila koordinaciju ovih aktivnosti. KUCZ je u koordinaciji sa Kantonalnim štabom civilne zaštite i Kantonalnim centrom za prijem, uskladištenje i distribuciju humanitarnih roba, vršila aktivnosti vezane za prijem, skladištenje i raspodjelu donirane opreme i sredstava, naročito prijem međunarodne humanitarne pomoći i smještaj iste u iznajmljena skladišta. Takođe su provođene aktivnosti hitnog deminiranja, protivepidemijske sistematske dezinfekcije, dezinsekcije i deratizacije i druge aktivnosti.

## **INSPEKCIJSKI POSLOVI**

Kantonalna uprava za inspekcijske poslove je u 2014. godini izvršila i u elektronskoj formi obradila 16.253 kontrole, zatim 9.918 predmeta zavedenih u Djelovodniku predmeta i akata, što ukupno iznosi 26.171 predmet, odnosno ukupno obradila 83.430 akata u tim predmetima, od čega je uradila 69.334 izlazna akta. Obzirom da je Godišnjim Planom rada za Kantonalnu upravu za inspekcijske poslove TK planirano da se u izvještajnom periodu izvrši 11.650 kontrola, može se konstatovati, da je Plan realizovan u cijelosti, odnosno da je u izvještajnom periodu izvršeno 4.603 kontrola više nego je planirano, ili prikazano u relativnom odnosu, plan je prebačen za 39,5%.

Od ukupnog broja izvršenih pregleda po službenoj dužnosti, inspektori Kantonalne uprave za inspekcijske poslove su izvršili 9.464 redovna pregleda, 1.612 pregleda po predstavkama, 3.635 kontrolnih pregleda i 1.542 pregleda po zahtjevima stranaka. Od ukupnog broja 9.464 redovnih pregleda, koje su izvršili inspektori ove Uprave, 3.455 pregleda se odnosi na fizička lica, a 6.009 pregleda ili procentualno 63,5% se odnosi na pravna lica. Od ukupno 1.612 pregleda izvršenih po predstavkama, 786 pregleda se odnosi na fizička lica, a 826 ili procentualno 51,2% se odnosi na pravna lica. Od ukupno 3.635 kontrolnih pregleda, 1.525 pregleda se odnosi na fizička lica, a 2.110 pregleda ili procentualno 58% se odnosi na pravna lica. Od 1.542 pregleda po zahtjevima stranaka, 770 pregleda se odnosi na fizička, a 772 ili procentualno 50,1% pregleda na pravna lica. U izvještajnom periodu od ukupnog broja subjekata nadzora kontrolisanih od strane inspektora Kantonalne uprave za inspekcijske poslove, 11.378 ili procentualno 70,0% je imalo uredne nalaze i protiv istih nisu preduzimane nikakve mjere, dok je od ukupnog broja kontrolisanih subjekata, 4.199 bilo u prekršaju ili procentualno 25,8%, a u 676 slučajeva ili procentualno u 4,2% nije izvršen inspekcijski nadzor iz objektivnih okolnosti, kao što su neprisustvo subjekta nadzora, prestanak rada subjekta nadzora ili iz drugih razloga objektivne prirode.

Prilikom vršenja nadzora, na osnovu uočenih i evidentiranih inspekcijskih nalaza kod subjekata nadzora koji se odnose na kršenje zakonskih odredbi, isti su sankcionisani i tom prilikom izricane su upravne, prekršajne i druge mjere. U izvještajnom periodu, Kantonalna uprava za inspekcijske poslove Tuzlanskog kantona, u svim upravnim oblastima, je naložila, izrekla i donijela 12.310 upravnih i drugih mjera i akata.

Po pitanju ishoda preduzetih upravnih mjera može se konstatovati sljedeće:

- po osnovu 646 izdatih rješenja o zabrani rada bez odobrenja, 55 subjekata nadzora je registrovalo djelatnost, 85 subjekata nadzora je prestalo sa radom, 370 subjekata nadzora je otklonilo nedostatke po izrečenim zabranama, a 5 subjekata nadzora je nastavilo raditi i nakon izrečene zabrane rada;
- po osnovu izdatih 2.810 rješenja za otklanjanje nedostataka, 2.317 subjekata nadzora je otklonilo nedostatke, a 41 subjekt nadzora nije otklonio nedostatke, dok se 452 subjekta nadzora nisu kontrolisala iz razloga što u izvještajnom periodu nije bio istekao rok za otklanjanje nedostataka;
- po izdatim rješenjima i potvrđama o oduzimanju robe doneseno je 6 rješenja o uništenju oduzete robe u vrijednosti od 904,70 KM, doneseno je 1 rješenje o prodaji oduzete robe u iznosu od 810,00 KM.

U okviru izrečenih prekršajnih mjera– sankcija, podneseno je 15 krivičnih prijava, 15 zahtjeva za pokretanje prekršajnog postupka, i izdato 1.270 prekršajnih naloga u ukupnoj vrijednosti od 795.530,00 KM.

Od ukupno izdatih 1.270 prekršajnih naloga, ishod po istim izgleda kako slijedi:

- izvršena su 583 prekršajna naloga u vrijednosti od 178.611,00 KM ili procentualno 45,9%;
- 153 prekršajna naloga u vrijednosti od 71.838,00 KM nisu izvršena ili procentualno 12,0% i vode se u Registru novčanih kazni (RNK);
- u 273 slučaja u vrijednosti od 314.577,00 KM ili procentualno 21,5% po osnovu izrečene novčane kazne putem prekršajnog naloga, zatraženo je sudsko odlučivanje, a 191 prekršajni nalog u vrijednosti od 213.850,00 KM, koji su bili na sudskom odlučivanju je riješen;
- broj nedospjelih prekršajnih naloga za naplatu je 261 ili procentualno 20,6%, u vrijednosti od 203.504,00 KM.

## **KANTONALNI ZAVOD ZA PRUŽANJE PRAVNE POMOĆI**

U toku 2014.godine, Kantonalni zavod za pružanje pravne pomoći je, kroz pravilnu primjenu Zakona o upravnom postupku tj. ekonomično i efikasno rješavanje po zahtjevima za pružanje pravne pomoći i donošenje rješenja o odobravanju pružanja pravne pomoći, obezbijedio pravilnu primjenu Zakona o pružanju pravne pomoći, sa ciljem osiguranja pravne pomoći građanima slabog imovnog stanja, kao i ostvarivanja prava garantovanih ustavom, zakonima, kao i drugim propisima, radi jednakog pristupa pravdi i pravičnom suđenju. Zavod je u upravnom postupku rješavao po zahtjevima građana slabog imovnog stanja za pružanje pravne pomoći, o kojima odlučuje direktor Zavoda, u skladu sa odredbama Zakona o upravnom postupku („Službene novine Federacije BiH,“ broj: 2/99 i 48/99) i Zakona o pružanju pravne pomoći („Službene novine Tuzlanskog kantona,“ broj:10/08), pa time, pored angažmana pravnih zastupnika Zavoda kao branilaca u krivičnim i prekršajnim postupcima, pravni zastupnici Zavoda zastupaju građane slabog imovnog stanja i u parničnim, vanparničnim, upravnim postupcima i upravnim sporovima, te izvršnim i drugim postupcima propisanim posebnim zakonima, čime građani slabog imovnog stanja, pod uslovima propisanim zakonom, imaju sveobuhvatnu i veoma kvalitetnu stručnu pravnu pomoć za zaštitu njihovih prava i pravnih interesa. Također, u krivičnom i prekršajnom postupku, u skladu sa zakonom, Zavod je pružao pravnu pomoć (odbrana i zastupanje) i građanima koji nemaju prebivalište na području Tuzlanskog kantona, a koji, također, nemaju dovoljno imovine ili drugih sredstava da plate troškove zastupanja od strane advokata, (ako je krivično



djelo, ili prekršaj, učinjeno na području Tuzlanskog kantona), kao i u slučaju ako je sud stranci postavio pravnog zastupnika Zavoda za branioca u krivičnom ili prekršajnom postupku, odnosno punomoćnika u parničnom ili drugim postupcima.

Zahvaljujući donacijama UNDP-a u Bosni i Hercegovini i Međunarodne finansijske korporacije (IFC), te angažovanjem Federalne agencije za državnu službu, Centra za edukaciju sudija i tužilaca u Federaciji Bosne i Hercegovine i drugih relevantnih i kompetentnih pružalaca usluga edukacija i stručnih obuka za sticanje znanja i vještina zastupanja stranaka pred sudovima, Zavod je sproveo brojne aktivnosti edukacije pravnih zastupnika i drugih zaposlenika Zavoda.

## **INTERNA REVIZIJA**

U okviru strateškog cilja koji se odnosi na razvoj institucionalnih kapaciteta Ureda za internu reviziju Vlade TK, podizanje svijesti o internoj reviziji i održavanje i unapređenje nezavisnosti interne revizije, Ured za internu reviziju je u 2014. godini, u saradnji sa Centralnom harmonizacijskom jedinicom pri Federalnom ministarstvu finansija, omogućio specijalističko usavršavanje i dalje educiranje uposlenika u cilju sticanja znanja i vještina iz oblasti interne revizije, u okviru II ciklusa obuke za interne revizore, a u okviru Projekta jačanja upravljanja javnim finansijama GFA (ranije PIFC). U periodu 2014. godine, u okviru navedenog projekta, uposlenici su prošli obuke srednjeg nivoa interne revizije, revizije zasnovane na sistemu, strateško planiranje, informacioni sistemi i druge. Svojim aktivnostima u 2014. godini interna revizija je radila na programu unapređenja koordinacije, komunikacije i promocije u okviru kojeg je unaprijeđena komunikacija i koordinacija između Ureda i budžetskih korisnika Tuzlanskog kantona s ciljem davanja većeg doprinosa unapređenju sistema internih kontrola kod budžetskih korisnika. Većina budžetskih korisnika je vodila određene aktivnosti oko postupanja po preporukama datim od strane interne revizije što je imalo uticaj na unapređenje sistema internih kontrola. Ured za internu reviziju je u 2014. godini kontinuirano upoznao budžetske korisnike TK sa sistemom internih kontrola i pružao asistencije i konsultacije budžetskim korisnicima u vezi sa sistemom internih kontrola i adekvatnim upravljanjem rizicima. Većina budžetskih korisnika je unaprijedila sistem internih kontrola, između ostalog i na način što su izradili kontrolna okruženja i izvršili procjenu i rangiranje rizika.

U okviru strateškog cilja unapređenja aktivnosti interne revizije u segmentima identifikacije i procjene rizika, svakodnevne, nezavisne i objektivne procjene adekvatnosti i efikasnosti finansijskog upravljanja i kontrole i konsultacija i preporuka menadžmentu prilikom donošenja odluka, Ured za internu reviziju je u 2014. godini vršio procjene rizika i kategorizaciju slabih tačaka sistema prema rangu rizika (visok, srednji i nizak). Rizici su se utvrđivali kroz razgovore sa rukovodiocima i zaposlenim, putem upitnika, kao i na osnovu iskustva i diskusija između samih revizora. Utvrđeni rizici su rangirani, utvrđeni su prioriteta i date informacije za donošenje odluka o onim rizicima na koje se treba usmjeriti. Neki od poslovnih procesa ocijenjeni stepenom visokog rizika su: planiranje i donošenje budžeta, javne nabavke, novčani tok, plaće i naknade, namjenska sredstva, vlastiti prihodi, tekući i kapitalni transferi i drugi.

Ured za internu reviziju, u toku 2014. godine, vršio je internu reviziju organizacionih dijelova, programa, aktivnosti i procesa kod budžetskih korisnika Tuzlanskog kantona na način propisan odredbama Zakona o internoj reviziji i Metodologiji rada interne revizije u javnom

sektoru u FBiH (priprema, planiranje i provođenje pojedinačnih internih revizija, izvještavanje revidiranih korisnika i praćenje postupanja po preporukama).

Na Zahtjev Vlade Kantona u drugom kvartalu 2014. godine obavljene su revizije poslovanja uprava, upravnih organizacija i zavoda Tuzlanskog kantona, a za broj navedenih revizija po zahtjevu umanjen je broj izvođenja drugih planiranih revizija. Zbog obavljanja internih revizija po zahtjevu Vlade Kantona nije urađeno devet planiranih internih revizija.

Također, Uredu za internu reviziju je u 2014. godini, od strane budžetskih korisnika dostavljeno 16 zahtjeva za davanje mišljenja i jedan zahtjev za dostavljanje informacije, na koje je Ured odgovorio davanjem revizorskog mišljenja i informacije.

## **PRIVATIZACIJA**

U 2014. godini, Kantonalna agencija za privatizaciju je svojim strateškim ciljevima bila usmjerena na aktivnosti pokretanja proizvodnje u „Rudniku nemetala Kladanj“ d.o.o. Kladanj i privatizacije komunalnih preduzeća i rješavanje problematike isknjižavanja vrijednosti dobara u općoj upotrebi iz početnog bilansa stanja preduzeća.

Aktivnosti na rješavanju statusa “Rudnici nemetala Kladanj” d.o.o. Kladanj u 2014. godini, krenule su u pravcu dodjele koncesionog prava novom pravnom licu. Aktivnosti su dobile na intenzitetu po prijemu pisma namjere firme „Rudar“ d.o.o. Tuzla. U cilju postizanja adekvatnih rješenja, a s obzirom na specifičnosti Rudnika nemetala Kladanj i njihov ekonomsko finansijski položaj, održano je više radnih sastanaka sa nadležnim resornim ministarstvom – Ministarstvom industrije, energetike i rudarstva, Načelnikom općine Kladanj i ovlaštenim licima u Preduzeću. Sačinjen je kratak profil Preduzeća sa osnovnim karakteristikama i obrazloženjem mogućnosti i načina na koji bi se izvršilo pokretanje proizvodnje u skladu sa važećim zakonskim propisima i podzakonskim aktima. Predložen je model prijenosa koncesionog prava novom pravnom licu. Ministarstvo je prihvatilo model i provodilo aktivnosti prijenosa koncesionog prava po osnovu ugovora o poslovno-tehničkoj saradnji dva privredna subjekta u cilju pokretanja proizvodnje u rudniku. Ovaj postupak je okončan potpisivanjem navedenog ugovora.

Napori i aktivnosti na privatizaciji komunalnih preduzeća i rješavanje problematike isknjižavanja vrijednosti dobara u općoj upotrebi iz početnog bilansa stanja preduzeća, bili su usmjereni na 12 komunalnih preduzeća, u resorima nekoliko ministarstava.

Kod preduzeća „Centralno grijanje“ d.d. Tuzla, JKP „Vodovod i kanalizacija“ Tuzla, JKP „Vodovod i kanalizacija“ Gračanica, JP „Komunalac“ d.d. Gradačac, JKP „Komunalno“, d.d. Živinice, JKP „Komemorativni centar“ d.o.o. Tuzla i „Tržnice pijace“ d.o.o. Tuzla, Kantonalna agencija za privatizaciju je pružala stručnu pomoć ministarstvu i preduzeću, te vodila upravni postupak koji je rezultat isknjižavanja vrijednosti dobara u općoj upotrebi iz početnog bilansa preduzeća, koji je bio osnov za utvrđivanje početne vrijednosti prilikom prodaje 49% ukupnog kapitala preduzeća. U slučaju JKP „Komunalac“ Tuzla, Kantonalna agencija za privatizaciju je uputila zahtjev prema osnivaču za izjašnjenje o statusu preduzeća, a u vezi odredbe člana 3. stav 4. i 5. Zakona o privatizaciji preduzeća.

U procesu privatizacije JP „Komus“ d.o.o. Gračanica, Kantonalna agencija za privatizaciju je uputila zahtjev prema osnivaču za izjašnjenje o statusu preduzeća, a u vezi odredbe člana 3. stav 4. i 5. Zakona o privatizaciji preduzeća, pružala stručnu pomoć ministarstvu i preduzeću, vodila upravni postupak koji je rezultat isknjižavanja vrijednosti dobara u općoj upotrebi iz

početnog bilansa preduzeća, koji je bio osnov za utvrđivanje početne vrijednosti prilikom prodaje 49% ukupnog kapitala preduzeća, te je objavila kao ništavno Rješenje o odobravanju početnog bilansa i programa i Rješenje o odobravanju upisa izvršene privatizacije i povratu certifikata. Kod JP „Rad“ Lukavac, Upravni odbor Kantonalne agencije za privatizaciju je, po prihvatanju Analize zakonitosti izvršene privatizacije „Rad“ Lukavac (broj 03-953/2014 od 29.12.2014. godine), donio Odluku o odobravanju korigovanog početnog bilansa i odobravanju korigovanog programa privatizacije „Rad“ Lukavac. Dana 30.12.2014. godine Kantonalna agencija za privatizaciju je donijela Rješenje o odobravanju korigovanog početnog bilansa i odobravanju korigovanog programa privatizacije „Rad“ Lukavac.

U toku izvještajnog perioda, izvršene su pripreme i upućen zahtjev JP „Komunalac“ d.d. Kladanji JP „9. Septembar“ d.d. Srebrenik za dostavljanje izmijenjenog programa privatizacije i izmijenjenog početnog bilansa na datum sa kojim je vršena prodaja državnog kapitala, a koji neće sadržavati vrijednost dobara u općoj upotrebi, nakon što Općinsko vijeće o proglašenju dobara u općoj upotrebi donese odgovarajuću odluku. U cilju blagovremenog okončanja postupka u više navrata održani su radni sastanci sa navedenim privrednim subjektima. Kod JP „Komunalac“ d.d. Kladanj, kontrolisan je dostavljeni početni bilans i program privatizacije sa pratećom dokumentacijom, te izvršena priprema i donošenje odluka o odobravanju početnog bilansa i programa privatizacije. Također, kod oba preduzeća, vođen je upravni postupak koji je rezultat isknjižavanja vrijednosti dobara u općoj upotrebi iz početnog bilansa preduzeća, koji je bio osnov za utvrđivanje početne vrijednosti prilikom prodaje 49% ukupnog kapitala preduzeća.

## **UPRAVLJANJE ROBNIM REZERVAMA**

Utvrđivanje obima i strukture robnih rezervi u skladu sa zakonskim normama i standardima, kontinuirano proširenje obima i strukture obima postojećih robnih rezervi kroz planiranje nabavki osnovnih artikala, te obezbjeđenje osnovnih artikala za robne rezerve (pšenica) kroz otkup tržnih viškova poljoprivrednih proizvoda i programe sufinansiranja proizvodnje određenih artikala za potrebe robnih rezervi, bili su strateški ciljevi Kantonalne direkcije robnih rezervi (KDRR) u 2014. godini.

Osnovna opća struktura robnih rezervi je uglavnom definisana zakonskim odredbama, a struktura robnih rezervi Tuzlanskog kantona u skladu sa trenutnim potrebama i finansijskim mogućnostima je predložena kroz plan nabavki robnih rezervi u 2014. godini. Za sve artikle sa kojim raspolaže Kantonalna direkcija robnih rezervi obezbjeđen je adekvatan skladišni prostor za kvalitetno i sigurno uskladištenje određenih roba. Pored kvalitetnog uskladištenja pojedinih roba obezbijedeno je i blagovremeno znavljanje određenih roba radi održavanja dobrih rokova upotrebe za navedene robe. So i začin DO-DO su uskladišteni u Fabrici Soli Tuzla. Začin se nalazi u sirovinama i po potrebi bit će upakovan u odgovarajuću ambalažu. Nafta i lož ulje su uskladišteni u Terminalima Federacije u Živinicama. Ulje je uskladišteno u Fabrici ulja „Bimal“ Brčko i nalazi se u rinfuzi, a po potrebi pakuje se u odgovarajuću ambalažu 1/1. Pšenica je uskladištena u kvalitetnim i uslovnim skladištima mlina „Eurotrans“ Gradačac. Obezbiđeno je kvalitetno znavljanja i redovno tretiranje pšenice protiv određenih štetočina i vlage. Šećer je uskladišten u skladištima „Aragold“ Brčko pri fabrici šećera Brčko gdje je obezbijedeno adekvatno znavljanje.

Aktivnosti na planu proširenja obima i strukture robnih rezervi u skladu sa predloženim planom novih nabavki robnih rezervi u 2014. godini su izostali, kao i programske aktivnosti na obezbjeđenju pšenice kroz programe sufinansiranja proizvodnje.



Za vrijeme trajanja prirodne nesreće od poplava i klizišta na području Tuzlanskog kantona u 2014. godini, Kantonalna direkcija robnih rezervi je organizovala transport, prijem, uskladištenje i distribuciju međunarodne i druge pomoći upućene stanovništvu Tuzlanskog kantona od oko 526 tona razne robe. Kantonalna direkcija robnih rezervi Tuzla je iz zaliha robnih rezervi kojima raspolaže izdala 6.400 litara dizel goriva (nafte D-2) općinskim štabovima civilne zaštite sa područja Tuzlanskog kantona, Ministarstvu unutrašnjih poslova Tuzlanskog kantona i Crvenom križu Tuzlanskog kantona kao hitnu intervenciju radi zaštite i spašavanja ljudi i materijalnih dobara u toku djelovanja prirodne nesreće od poplava.

## **UPRAVLJANJE KONCESIJAMA**

U izvještajnom periodu nije bilo prijedloga od strane ministarstava kao potencijalnih koncesora, za dodjelu koncesija putem javnog poziva, tako da su aktivnosti Komisije bile usmjerene na realizaciju ranije započetih postupaka dodjele koncesija. Tokom 2014. godine, Komisija je održala 27 sjednica. Na sjednicama su razmatrani dostavljeni zahtjevi i materijali od strane resornih ministarstava u Vladi TK u skladu sa propisanim procedurama. U izvještajnom periodu od strane resornih ministarstava dostavljeno je 20 zahtjeva za rješavanje i odlučivanje, i nakon njihovih razmatranja, Komisija je donijela 2 Odluke o odobravanju Studije tehnno-ekonomske opravdanosti, 2 Odluke o davanju ovlaštenja za vođenje pregovora, 7 Odluka o odobravanju ugovora i aneksa ugovora, 4 Mišljenja na obračun minimalnih naknada za koncesije, 3 prijedloga odluke o dodjeli koncesije, 1 prijedlog odluke o prenosu ugovora o koncesiji i 1 prijedlog odluke o odobravanju prenosa glasačkih prava.

Od 9 predmeta za koje je planirano okončanje postupaka i zaključenje ugovora o koncesiji tokom 2014. godine, to je učinjeno za dva predmeta i to kod Ministarstva industrije, energetike i rudarstva za eksploataciju podzemne termomineralne vode na području općine Gradačac i za eksploataciju rude magnezita na području općine Kladanj. Ugovor o koncesiji za eksploataciju rude magnezita na području općine Kladanj je prenesen na privredno društvo „Rudar“ d.o.o. Tuzla, koje je izvršilo ulaganja i stvorilo pretpostavke da se sa eksploatacijom rude magnezita krene već u proljeće 2015. godine. Pored činjenice o preuzimanju postojećih radnika „Rudnika magnezita Kladanj“ d.o.o. Kladanj i zapošljavanju novih radnika, značajno je što će doći do pokretanja proizvodnje koja je prekinuta od 1992. godine.

U zadnjem kvartalu 2014. godine riješeno je pitanje nadležnosti u postupku dodjele koncesije za izgradnju mini hidroelektrane na rijeci Spreči na području općine Gračanica, po samoinicijativnoj ponudi privrednog društva „EEH Hidroenergija“ d.o.o. Gračanica, tako da je u ovom predmetu, koji nije bio obuhvaćen Programom rada za 2014. godini, započet postupak dodjele koncesije.

Komisija za koncesije je u 2014. godini, po osnovu zakonski definisanih zadataka po Zakonu o javno-privatnom partnerstvu („Službene novine Tuzlanskog kantona“, br. 14/12), obavila razgovore o mogućim predmetima za realizaciju po modelu javno-privatnog partnerstva. Radi se o projektu izgradnje i rekonstrukcije objekta za formiranje Centra za smještaj starih osoba na Majevidi, o čemu je razgovarano sa predstavnicima općine Srebrenik i izvršen izlazak na lice mjesta, tj. na objekat stare osnovne škole – Donji Srebrenik. Drugi razgovor je obavljen sa predstavnicima Klinike za fizikalnu medicinu i rehabilitaciju koji su iskazali interes za izradu protetičkih sredstava u većem obimu i stvaranje uslova za izlazak na strana tržišta sa svojim proizvodima.

Pored razmatranja dostavljenih zahtjeva i donošenja odluka i zaključaka po određenim predmetima, Komisija je na sjednicama razmatrala i planove i izvještaje o izvršenim kontrolnim nadzorima rada koncesionara i praćenju izvršenja ugovora o koncesijama, razmatrala i donijela izvještaj o radu za 2013. godinu, razmatrala i utvrđivala stavove po pitanju učešća na javnim raspravama, dostavljala odgovore na upite ministarstava u Vladi TK, javnih organa TK, Federacije BiH i BiH, pravnih i fizičkih lica čiji je predmet interesovanja bio najčešće tok aktivnosti i potrebna dokumentacija za sticanje prava za korištenja predmeta koncesije i drugo.

## 4. NORMATIVNI DIO

### MINISTARSTVO ZA BORAČKA PITANJA TUZLANSKOG KANTONA

#### PROGRAMIRANI PROPISI KOJE JE DONIJELA VLADA TK I SKUPŠTINA TK

##### **Odluka o izmjenama i dopunama Odluke o utvrđivanju značajnih događaja, datuma i ličnosti za Tuzlanski kanton**

**Razlozi za donošenje:** Na osnovu ukazane potrebe i zbog dostavljenih inicijativa od branilačkih udruženja i saveza, neophodno je izmijeniti i dopuniti Odluku o utvrđivanju značajnih događaja, datuma i ličnosti za Tuzlanski kanton.

##### **Program korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2014. godini**

**Razlozi za donošenje:** U cilju raspodjele Budžetom planiranih finansijskih sredstava prema Zakonom o dopunskim pravima branilaca i članova njihovih porodica utvrđenih dopunskih prava, neophodno je donijeti Program korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko-invalidske zaštite u 2014. godini, kojim će se izvršiti se raspodjela planiranih budžetskih sredstva.

**Program donijela Skupština TK u periodu kada nije bila imenovana Vlada TK.**

##### **Program o rasporedu sredstva za 2014. godinu (branilački savezi)**

**Razlozi za donošenje:** U cilju raspodjele Budžetom planiranih finansijskih sredstava potrebno je donijeti Program o rasporedu sredstava za 2014. godinu kojim se utvrđuje raspored sredstava za rad i aktivnosti 13 kantonalnih udruženja branilačke populacije, u okviru razdjela 20, glava 02, potrošačko mjesto 0001– Branilačke organizacije i udruženja.

##### **Prijedlog Zakona o izmjenama i dopunama Zakona o dopunskim pravima branilaca i članova njihovih porodica**

**Razlozi za donošenje:** Na osnovu ukazane potrebe i zbog dostavljenih inicijativa od branilačkih udruženja i saveza, neophodno je izmijeniti i dopuniti Zakon o dopunskim pravima branilaca i članova njihovih porodica u svrhu kvalitetnijeg regulisanja određenih dopunskih prava.

##### **Odluka o dopunama Odluke o utvrđivanju uslova, kriterija i postupka dodjele sredstava za participaciju u troškovima učešća i organizovanja sportskih takmičenja i manifestacija invalidskim sportskim klubovima i savezima Tuzlanskog kantona**

**Razlozi za donošenje:** Na osnovu ukazane potrebe i zbog dostavljenih inicijativa, neophodno je pristupiti izmjenama i dopunama Odluke o utvrđivanju uslova, kriterija i postupka dodjele sredstava za participaciju u troškovima učešća i organizovanja sportskih takmičenja i manifestacija invalidskim sportskim klubovima i savezima Tuzlanskog kantona.

##### **Program o rasporedu sredstava za dodjelu stipendija studentima i učenicima pripadnicima branilačke populacije za školsku/studijsku 2013/2014. godinu**

**Razlozi za donošenje:** U cilju raspodjele Budžetom planiranih finansijskih sredstava potrebno je donijeti Program o rasporedu sredstava za dodjelu stipendija studentima i učenicima pripadnicima branilačke populacije za studijsku/školsku 2013/2014. godinu, kojim se planiraju se ukupna sredstva za dodjelu stipendija, definiše način korištenja sredstava i raspodjela sredstava prema kategorijama korisnika (porodice šehida - poginulih branilaca, ratnih vojnih invalida i demobilisanih branilaca), kao i visina stipendija za navedene

kategorije.

**Uredba o izmjenama i dopunama Uredbe o utvrđivanju uslova, kriterija i postupka za odobravanje finansijskih sredstava za pomoć u liječenju branilaca i članova njihovih porodica**

**Razlozi za donošenje:** Na osnovu ukazane potrebe, a radi usaglašavanja sa odredbama Zakona o izmjenama i dopunama Zakona o dopunskim pravima branilaca, i članova njihovih porodica, neophodna izmjena navedenog podzakonskog akta.

**Odluka o utvrđivanju uslova, kriterija i postupka za obavljanje pripravničkog i volonterskog staža branilaca i članova njihovih porodica**

**Razlozi za donošenje:** U cilju provođenja utvrđenog dopunskog prava neophodno je donijeti Odluku utvrđivanju uslova, kriterija i postupka za obavljanje pripravničkog i volonterskog staža branilaca i članova njihovih porodica, te utvrditi, uslove, kriterije i postupak za ostvarivanje navedenog prava a koja će omogućiti stvaranje preduslova za obavljanje pripravničkog/volonterskog staža i mogućnost zapošljavanja branilaca i članova njihovih porodica.

**Pravilnik o jedinstvenim kriterijima i pravilima za zapošljavanje branilaca i članova njihovih porodica u institucijama Tuzlanskog kantona**

**Razlozi za donošenje:** U cilju provođenja utvrđenog dopunskog prava neophodno je donijeti Pravilnik o jedinstvenim kriterijima i pravilima za zapošljavanje branilaca i članova njihovih porodica u institucijama Tuzlanskog kantona kojim će se omogućiti prednost pri zapošljavanju branilaca i članova njihovih porodica uvođenjem mjerljivih kriterija za bodovanje.

**Odluka o utvrđivanju uslova, kriterija i postupka za dodjelu sredstava u svrhu zapošljavanja branilaca i članova njihovih porodica**

**Razlozi za donošenje:** U cilju provođenja utvrđenog dopunskog prava neophodno je donijeti Odluku o utvrđivanju uslova, kriterija i postupka za dodjelu sredstava u svrhu bržeg zapošljavanja branilaca i članova njihovih porodica, te utvrditi, uslove, kriterije i postupak za ostvarivanje navedenog pravaa koje će omogućiti zapošljavanje branilaca i članova njihovih porodica.

**Program o rasporedu sredstava za obavljanje pripravničkog/volonterskog staža branilaca i članova njihovih porodica**

**Razlozi za donošenje:** U cilju raspodjele Budžetom planiranih finansijskih sredstava potrebno je donijeti Program o rasporedu sredstava za obavljanje pripravničkog/ volonterskog staža branilaca, i članova njihovih porodica kojim se planiraju ukupna sredstva za obavljanje pripravničkog staža branilaca, i članova njihovih porodica, definiše način korištenja sredstava i namjena istih.

**Program o rasporedu sredstava u svrhu zapošljavanja branilaca, i članova njihovih porodica**

**Razlozi za donošenje:** U cilju raspodjele Budžetom planiranih finansijskih sredstava potrebno je donijeti Program o rasporedu sredstava u svrhu zapošljavanja branilaca i članova njihovih porodica kojim se planiraju ukupna sredstva u svrhu zapošljavanja branilaca i članova njihovih porodica, definiše način korištenja sredstava i namjena istih.

### **Prijedlog Odluke o izmjenama i dopunama Odluke o proširenom obimu prava iz oblasti zdravstvene zaštite branilaca i članova njihovih porodica**

**Razlozi za donošenje:** Na osnovu podnijetih prijedloga branilačkih saveza kantonalnog nivoa i u cilju usaglašavanja sa Zakonom o dopunskim pravima branilaca i članova njihovih porodica koji je, pristupiće se izmjena i dopuna Odluku o proširenom obimu prava iz oblasti zdravstvene zaštite branilaca i članova njihovih porodica u cilju proširenja obima postojećih dopunskih prava i u cilju efikasnijeg ostvarivanja istih.

Programom rada Vlade planiran nacrt i prijedlog predmetne Odluke, ali je zbog hitnosti utvrđen prijedlog Odluke i dostavljen Skupštini TK na razmatranje.

### **Analiza o socijalno statusnim pitanjima branilačke populacije Tuzlanskog kantona**

**Razlozi za donošenje:** Analiza o socijalno statusnim pitanjima branilačke populacije Tuzlanskog kantona ima za cilj da se Vlada i Skupština Kantona upoznaju o socijalno statusnim pitanjima branilačke populacije, da se predoči analitičko stanje, sa potrebnim konstatacijama, zaključcima i prijedlozima o daljem radu u ovoj oblasti, kao i aktivnostima koje Ministarstvo preduzima u cilju poboljšanja položaja branilaca i članova njihovih porodica.

### **Nacrt Programa rada Ministarstva za boračka pitanja za 2015. godinu**

**Razlog donošenja:** Sačinjavanje Nacrta Programa rada Vlade TK za 2015. godinu

## **NEPROGRAMIRANE A IZVRŠENE MJERE**

### **Odluka izmjenama i dopunama Programa raspodjele korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima branilačko - invalidske zaštite u 2014. godini**

**Razlozi za donošenje:** U cilju preraspodjele Budžetom planiranih finansijskih sredstava potrebno je donijeti Odluku o izmjenama i dopunama Programa raspodjele korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima branilačko - invalidske zaštite u 2014. godini,

### **Odluke o izmjenama i dopunama Odluke o utvrđivanju uslova, kriterija i postupka za dodjelu stipendija braniteljima i članovima njihovih obitelji**

**Razlozi za donošenje:** U cilju provođenja utvrđenog dopunskog prava neophodno je donijeti Odluku o izmjenama i dopunama Odluke o utvrđivanju uslova, kriterija i postupka za dodjelu stipendija braniteljima i članovima njihovih obitelji a koja će omogućit stvaranje preduslova za realizaciju navedenog prava.

### **Odluka o izmjenama i dopunama Odluke o utvrđivanju značajnih događaja, datuma i ličnosti za Tuzlanski kanton**

**Razlozi za donošenje:** Na osnovu ukazane potrebe i zbog dostavljenih inicijativa od branilačkih udruženja i saveza, neophodno je izmijeniti i dopuniti Odluku o utvrđivanju značajnih događaja, datuma i ličnosti za Tuzlanski kanton, na način da se uvrste novi datumi, događaji i ličnosti značajni za Kanton.

### **Program obilježavanja značajnih datuma, događaja i ličnosti na području Tuzlanskog kantona sa rasporedom sredstava**

**Razlozi za donošenje:** U cilju raspodjele Budžetom planiranih finansijskih sredstava potrebno je donijeti Program obilježavanja značajnih datuma, događaja i ličnosti na području Tuzlanskog kantona sa rasporedom sredstava kojim se planiraju ukupna sredstva, definiše

visina sredstava i način sufinansiranja izdataka povodom obilježavanja značajnih datuma, događaja i ličnosti na području Bosne i Hercegovine, Federacije Bosne i Hercegovine i Tuzlanskog kantona, koje obilježavaju branilački savezi i organizacije.

## **MINISTARSTVO FINANSIJA**

### **PROGRAMIRANI PROPISI KOJE JE DONIJELA VLADA TK I SKUPŠTINA TK**

#### **Prijedlog Zakona o izmjenama i dopunama Zakona o porezu na imovinu, nasljeđe i poklon**

**Razlozi za donošenje:** Donošenjem Zakona omogućeno je da svaki privredni subjekt za registrovanu djelatnost ( a ne samo osnovnu) a za čije obavljanje koristi teretna i putnička motorna vozila ne plaća porez na imovinu. U praksi ovaj porez nisu ni plaćali obzirom da su kako smo naveli vršili registracije posebnih poslovnih jedinica i izlagali se novim troškovima.

#### **Smjernice ekonomske i fiskalne politike za period 2015-2017 godine**

**Razlog za donošenje:** Procjena prihoda i primitaka, te rashoda i izdataka za trogodišnji period sa indikatorima fiskalne i ekonomske politike i pretpostavkama društvenog i privrednog razvoja razlog su donošenja navedenog dokumenta.

#### **Dokument okvirnog Budžeta TK za period 2015-2017 godine**

**Razlozi za donošenje:** Zakonom se uređuje da je DOB akt koji sadrži makroekonomske projekcije i prognoze budžetskih sredstava i izdataka za naredne tri godine i na njemu zasniva pripremu i izradu budžeta.

Dokument je usvojen Odlukom Vlade Kantona broj:02/1-14-26311-1/14 od 02.12.2014. godine, i to u iznosu od 344.679.936,83 KM za 2015. godinu, 335.054.383,83 KM za 2016. godinu i 335.860.440,83 KM za 2017. godinu.

Vlada Tuzlanskog kantona je na sjednici održanoj dana 12.12.2014. godine donijela Odluku broj: 02/1-14-26311-2/14 o stavljanju van snage Odluke o usvajanju Dokumenta okvirnog budžeta Tuzlanskog kantona za period 2015.-2017. godina, broj:02/1-14-26311-1/14 od 02.12.2014. godine.

#### **Nacrt Programa rada Ministarstva finansija za 2015. godinu**

**Razlog donošenja:** Sačinjavanje Nacrta Programa rada Vlade TK za 2015. godinu

### **PRORGAMIRANE A NEIZVRŠENE MJERE**

#### **Nacrt Budžeta za Tuzlanskog kantona 2015. godinu**

#### **Prijedlog Budžeta za Tuzlanskog kantona 2015. godinu**

#### **Nacrt Zakona o izvršenju Budžeta Tuzlanskog kantona za 2015. godinu**

#### **Prijedlog Zakona o izvršenju Budžeta Tuzlanskog kantona za 2015. godinu**

**Razlozi neizvršavanja:** Donesena Odluka o privremenom finansiranju Budžeta Tuzlanskog kantona za period 01.01.-31.03.2015. godine.

### **NEPROGRAMIRANE A IZVRŠENE MJERE**

#### **Izmjene i dopune Budžeta Tuzlanskog kantona za 2014. godinu**

Prve Izmjene i dopune Budžeta Tuzlanskog kantona za 2014. godine usvojene su 25.07.2014. godine, te je Budžet utvrđen u iznosu od 418.774.622,99 KM i isti je objavljen u «Službenim novinama TK» broj: 10/14.

Druge Izmjene i dopune Budžeta Tuzlanskog kantona za 2014. godine usvojene su 07.10.2014. godine, te je Budžet utvrđen u iznosu od 421.710.321,92 KM i isti je objavljen u «Službenim novinama TK» broj: 13/14.

Treće Izmjene i dopune Budžeta Tuzlanskog kantona za 2014. godine usvojene su 25.12.2014. godine, te je Budžet utvrđen u iznosu od 422.242.008,52 KM i isti je objavljen u «Službenim novinama TK» broj: 16/14.

#### **Zakon o izvršenju Budžeta Tuzlanskog kantona za 2014. godinu**

**Razlozi donošenja:** Novim Zakonom o budžetima u Federaciji BiH, koji se počeo primjenjivati od 01.01.2014.godine i koji mnoga pitanja definiše na drugačiji način u odnosu na dosadašnja rješenja, zahtijevao je donošenje novog Zakona o izvršenju Budžeta Tuzlanskog kantona za 2014.godinu. Novi Zakon o izvršenju Budžeta Tuzlanskog kantona za 2014.godinu donesen je dana 25.07.2014.godine, a objavljen je u «Službenim novinama TK» broj: 10/14.

#### **Odluka o privremenom finansiranju Tuzlanskog kantona za period 01.01.2015. do 31.03.2015. godinu**

**Razlozi donošenja:** Kako Budžet Tuzlanskog kantona nije donesen, Skupština Tuzlanskog kantona je na sjednici održanoj dana 25.12.2014. godine donijela Odluku o privremenom finansiranju Tuzlanskog kantona za period 01.01. 2015. do 31.03.2015.godine u iznosu od 67.983.979,66 KM i ista je objavljena u «Službenim novinama TK» broj: 17/14.

### **MINISTARSTVO INDUSTRIJE, ENERGETIKE I RUDARSTVA TUZLANSKOG KANTONA**

#### **PROGRAMIRANI PROPISI KOJE JE DONIJELA VLADA TK I SKUPŠTINA TK**

##### **Odluka o utvrđivanju uslova i kriterija za korištenje sredstava sa budžetske pozicije „Intervencije javnim preduzećima i privrednim društvima“ 13010002**

**Razlozi za donošenje:** Odluka o utvrđivanju uslova i kriterija donosi se u cilju utvrđivanja opštih kriterija za ostvarivanje prava privrednih društava iz resorne oblasti na finansijsku podršku.

##### **Program raspodjele sredstava sa budžetske pozicije “Intervencije javnim preduzećima i privrednim društvima” 13010002**

**Na Program saglasnost dala Skupština TK u periodu kada nije bila imenovana Vlada TK**

**Razlozi za donošenje:** Programom rasporeda sredstava sa budžetske pozicije “Intervencije javnim preduzećima i privrednim društvima“ vrši se raspodjela planiranih budžetskih sredstava korisnicima koji ispunjavaju uslove propisanih Odlukom o uslovima i kriterijima za korištenje sredstava sa budžetske pozicije „Intervencije javnim preduzećima i privrednim društvima“.

##### **Nacrt Programa rada Ministarstva finansija za 2015. godinu**

**Razlog donošenja:** Sačinjavanje Nacrta Programa rada Vlade TK za 2015. godinu



## **NEPROGRAMIRANE A IZVRŠENE MJERE**

### **Zakon o izmjenama i dopunama Zakona o koncesijama**

**Razlozi za donošenje:** Vlada Tuzlanskog kantona u sklopu provođenja aktivnosti na uravnoteženju Budžeta Tuzlanskog kantona predlaže oprihodovanje za dio prihoda ostvarenih od naknada za koncesije koje pripadaju Budžetu Tuzlanskog kantona a koje su ostvarene i neutrošene do 31.12.2014 godine. Donošenjem ovog zakona smanjio bi se deficit budžeta Tuzlanskog kantona za dio prihoda od naknada za koncesije koji pripada Kantonu i za koje nisu stvorene obaveze. Prijedlog ovog Zakona ne utiče na prihode od naknada za koncesije koje pripadaju opštinama.

**Plan revitalizacije privrednog društva “Dita” d.d. Tuzla**

**Odluka o izmjenama i dopunama Programa raspodjele sredstava sa potrošačke jedinice 13010002 – “Intervencije javnim preduzećima i privrednim društvima”**

## **MINISTARSTVO OBRAZOVANJA, NAUKE, KULTURE I SPORTA TUZLANSKOG KANTONA**

### **PROGRAMIRANI PROPISI KOJE JE DONIJELA VLADA TK I SKUPŠTINA TK**

#### **Nacrt Zakona o osnovnom odgoju i obrazovanju**

**Razlog za donošenje:** Popuna pravnih praznina uočenih u dosadašnjoj primjeni Zakona o osnovnom odgoju i obrazovanju.

#### **Prijedlog Zakona o osnovnom odgoju i obrazovanju**

**Razlog za donošenje:** Popuna pravnih praznina uočenih u dosadašnjoj primjeni Zakona o osnovnom odgoju i obrazovanju.

Prijedlog Zakona o osnovnom odgoju i obrazovanju nije razmatran na sjednici Skupštine TK, predlagač povukao Zakon.

#### **Nacrt Zakona o obrazovanju odraslih**

**Razlog za donošenje:** Definisane i preciziranje obrazovanja odraslih, jer do sada Kanton nije imao Zakon o obrazovanju odraslih.

Vlada TK je donijela Zaključak kojim je traženo od Skupštine Tuzlanskog kantona da u dnevni red sjednice uvrsti nacrt Zakona o obrazovanju odraslih utvrđen Odlukom Vlade Tuzlanskog kantona broj: 02/1-38-29553-3/13 od 23.12.2013. godine i dostavljen Skupštini uz akt broj: 02/1-05-31230/13 od 26.12.2013. godine.

#### **Prijedlog Zakona o obrazovanju odraslih**

**Razlog za donošenje:** Definisane i preciziranje obrazovanja odraslih, jer do sada Kanton nije imao Zakon o obrazovanju odraslih.

#### **Prijedlog Zakona o izmjenama Zakona o visokom obrazovanju**

**Razlog za donošenje:** Popuna pravnih praznina uočenih u dosadašnjoj primjeni Zakona o visokom obrazovanju.

**Odluka o utvrđivanju kriterija za sufinansiranje troškova prijevoza učenika osnovnih škola za period januar-jun školske 2013/2014. godine i septembar-decembar 2014/2015. godine**

**Razlozi za donošenje:** U skladu sa članom 12. stav 3. Zakona o osnovnom odgoju i obrazovanju („Službene novine Tuzlanskog kantona“, broj: 6/04, 7/05 i 17/11) definisana je obaveza prijevoza učenika koji stanuju na udaljenosti većoj od četiri kilometra do najbliže škole.

**Odluka o sufinansiranju troškova smještaja i ishrane studenata u studentskim domovima**

**Razlog za donošenje:** Unapređenje studentskog standarda

**Odluka o utvrđivanju uslova, kriterija i postupka za raspodjelu sredstava sa potrošačke jedinice 24010003 - Tjelesna kultura i sport za 2014. godinu**

**Razlozi za donošenje:** Finansiranje sporta i tjelesne kulture iz javnih sredstava kojim se podstiče obavljanje i razvoj sportske djelatnosti

**Odluka o utvrđivanju uslova, kriterija i postupka za raspodjelu sredstava sa potrošačke jedinice 24010013 – Manifestacije kulture od interesa za Tuzlanski kanton za 2014. godinu sa Programom**

**Razlozi za donošenje:** Utvrđivanje kriterija, uslova i postupka za sufinansiranje manifestacija kulture od interesa za TK u 2014. godini.

**Odluku o utvrđivanju uslova, kriterija i postupka za raspodjelu sredstava sa potrošačke jedinice 24010005 - Izdavačka djelatnost za 2014. godinu sa Programom**

**Razlozi za donošenje:** Utvrđivanje kriterija, uslova i postupka za sufinansiranje izdavačke djelatnosti na području Tuzlanskog kantona u 2013. godini.

**Nacrt Programa rada Ministarstva finansija za 2015. godinu**

**Razlog donošenja:** Sačinjavanje Nacrta Programa rada Vlade TK za 2015. godinu

## **PROGRAMIRANE A NEIZVRŠENE MJERE**

**Prijedlog Zakona o obrazovanju odraslih**

**Razlozi neizvršenja:** Prijedlog Zakona trebao se razmatrati u oktobru, ali nije zbog općih izbora i konstituisanja Skupštine.

**Standardi i normativi visokog obrazovanja**

**Razlog za donošenje:** Popuna pravnih praznina uočenih u dosadašnjoj primjeni Standarda i normativa visokog obrazovanja.

Vlada nije prihvatila predložene Standarde i normative visokog obrazovanja.

**Program raspodjele sredstava sa pozicije Mediji**

**Razlog neizvršavanja:** Program raspodjele sredstava sa pozicije Mediji, Ministarstvo je sačinilo i prosljedilo Vladi TK. Vlade TK nije podržala dostavljeni prijedlog.

**Godišnji program razvoja sporta u 2015. godini**

**Razlozi neizvršenja:** Zbog kadrovske nepopunjenosti službenika u odjeljenju za kulturu i sport i ne izvršavanje obaveze Sportskog saveza TK.

## **NEPROGRAMIRANE A IZVRŠENE MJERE**

### **Prijedlog Zakona o izmjenama i dopunama zakona o srednjem obrazovanju i odgoju**

**Razlog za donošenje:** Popuna pravnih praznina uočenih u dosadašnjoj primjeni Zakona o srednjem obrazovanju i odgoju.

Prijedlog Zakona o izmjenama i dopunama zakona o srednjem obrazovanju i odgoju nije razmatran na sjednici Skupštine TK.

### **Prijedlog odluke o dopuni Standarda visokog obrazovanja i normativa**

Vlada nije prihvatila Prijedlog odluke.

### **Prijedlog Zakona o izmjenama Zakona o visokom obrazovanju**

**Razlog za donošenje:** Popuna pravnih praznina uočenih u dosadašnjoj primjeni Zakona o visokom obrazovanju.

### **Prijedlog Zakona o izmjenama i dopunama Zakona o osnivanju Javne ustanove Bosanski kulturni centar Tuzlanskog kantona**

**Razlozi za donošenje:** Usklađivanje Zakona sa drugim zakonskim propisima (npr. smanjenje broja članova Upravnog odbora).

## **MINISTARSTVO POLJOPRIVREDE, ŠUMARSTVA I VODOPRIVREDE TUZLANSKOG KANTONA**

### **PROGRAMIRANI PROPISI KOJE JE DONIJELA VLADA TK I SKUPŠTINA TK**

#### **Nacrt Zakona o novčanim podrškama u poljoprivredi i ruralnom razvoju Tuzlanskog kantona**

**Rok za izradu:** januar 2014. godine

**Razlozi za donošenje:** S obzirom da Federalni Zakon o novčanim podrškama u poljoprivredi i ruralnom razvoju, koji je objavljen je u "Službenim novinama Federacije Bosne i Hercegovine" broj: 42/10 i stupio na snagu dana 29.07.2010. godine, drugačije uređuje pitanje ostvarivanja novčane podrške, u odnosu na raniji Zakon o novčanoj podršci, bilo je neophodno Kantonalni Zakon o novčanoj podršci u primarnoj poljoprivrednoj proizvodnji uskladiti sa odredbama navedenog Federalnog Zakona.

#### **Prijedlog Zakona o novčanim podrškama u poljoprivredi i ruralnom razvoju Tuzlanskog kantona**

**Rok za izradu:** juni 2014. godine

**Razlozi za donošenje:** S obzirom da Federalni Zakon o novčanim podrškama u poljoprivredi i ruralnom razvoju, koji je objavljen je u "Službenim novinama Federacije Bosne i Hercegovine" broj: 42/10 i stupio na snagu dana 29.07.2010. godine, drugačije uređuje pitanje ostvarivanja novčane podrške, u odnosu na raniji Zakon o novčanoj podršci, bilo je neophodno Kantonalni Zakon o novčanoj podršci u primarnoj poljoprivrednoj proizvodnji uskladiti sa odredbama navedenog Federalnog Zakona.

Ministarstvo je pripremlilo tekst Zakona o novčanim podrškama u poljoprivredi i ruralnom razvoju Tuzlanskog kantona ( u daljem tekstu: Zakon) koji je na prijedlog Vlade Tuzlanskog Ministarstva donijela Skupština Tuzlanskog kantona na sjednici održanoj 09.06.2014. godine. Novim Zakonom se osigurala harmonizacija mjera novčanih podrški na kantonalnom i federalnom nivou, te definirale mjere podrške poljoprivrednoj proizvodnji i mjere strukturne politike, koje će omogućiti sigurnost i kontinuitet novčanih podrški, sa ciljem stvaranja i

poticanja poljoprivredne proizvodnje, poboljšanja životnog standarda poljoprivrednih proizvođača, sa posebnim akcentom na stvaranju povoljnijih uvjeta za rješavanje njihovog radno-pravnog statusa.

Kako bi se potaklo zapošljavanje u oblasti poljoprivrede, Programom novčanih podrški u poljoprivredi i ruralnom razvoju u 2014. godini po prvi put su realizirana novčana sredstva za podršku vlasnicima obrta, kojima je poljoprivreda osnovna djelatnost, a koja su namijenjena finansiranju troškova penzionog i zdravstvenog osiguranja, te novčana sredstva za ostvarivanje većeg iznosa novčane podrške za obrte za 20% u odnosu na fizička lica u okviru modela poticaja proizvodnji.

Na ovaj način se nastoji potaknuti poljoprivredne proizvođače koji nemaju riješen radno-pravni status, da to učine u okviru djelatnosti kojom se već bave, te se očekuje da će u narednoj godini, s obzirom da su navedeni Zakon i prateći podzakonski akti doneseni tek u drugoj polovini 2014. godine, ova mjera dati još značajnije rezultate, s jedne strane u pravcu povećanja obima poljoprivredne proizvodnje, a s druge strane u pravcu smanjenja broja nezaposlenih, te je za očekivati da će se u 2015. godini broj novoregistriranih obrta u oblasti poljoprivrede povećati za cca. 300 novih obrta.

U skladu sa Zakonom doneseni su u 2014. godini Pravilnik o ostvarivanju novčanih podrški po modelu podrške proizvodnji, Pravilnik o ostvarivanju novčanih podrški po modelu kapitalnih ulaganja, Pravilnik o ostvarivanju novčanih podrški po modelu ruralnog razvoja i Pravilnik o ostvarivanju novčanih podrški po modelu ostalih vrsta podrški, kojima su propisani posebni uvjeti i procedura ostvarivanja prava na novčanu podršku.

Za razliku od ranijih godina, kada su pravilnici donošeni samo za tekuću godinu, odredbe pravilnika koji su doneseni u 2014. godine propisuju uvjete ostvarivanja prava na novčanu podršku i za naredne godine, odnosno sve dok se ne ukaže potreba za eventualnim izmjenama. Na taj način omogućeno je poljoprivrednim proizvođačima da se blagovremeno upoznaju sa uvjetima za ostvarenje prava na novčanu podršku.

### **Plan jesenje sjetve**

**Razlozi za donošenje:** Plan jesenje sjetve se donosi u cilju upoznavanja Vlade Tuzlanskog kantona i javnosti o planu jesenje sjetve na području Tuzlanskog kantona.

## **NEPROGRAMIRANE A IZVRŠENE MJERE**

### **Prijedlog Zakona o izmjeni Zakona o šumama**

**Razlozi za donošenje:** Članom 60. Zakona o šumama (daljem tekstu: Zakon) u stavu 1. je propisano da će Kantonalna uprava poslove uspostave čuvarske službe preuzeti najkasnije do 31.12.2014. godine. U stavu 2. istog člana navedeno je da će do preuzimanja poslova iz stava 1. ovog člana, poslove čuvarske službe obavljati korisnik državnih šuma, u skladu sa sporazumom koji će se zaključiti između Ministarstva i korisnika državnih šuma.

Imajući u vidu navedeno, kao i činjenicu da se nisu stekli uvjeti za preuzimanje tih poslova u Kantonalnoj upravi za šumarstvo, bilo je neophodno pripremiti prijedlog Zakona o izmjeni Zakona o šumama kojim se propisuje da će poslove čuvarske službe obavljati korisnik državnih šuma na osnovu sporazuma koji će zaključiti Ministarstvo i korisnik državnih šuma, a do uspostave čuvarske službe u Kantonalnoj upravi za šumarstvo.

Vlada Tuzlanskog kantona je Odlukom broj: 02/1-26-02800/14 od 09.12.2014. godine utvrdila Prijedlog Zakona o izmjeni Zakona o šumama i uputila Skupštini Tuzlanskog kantona u dalju proceduru, s prijedlogom da se Zakon donese po hitnom postupku.

## **MINISTARSTVO PRAVOSUĐA I UPRAVE TUZLANSKOG KANTONA**

### **PROGRAMIRANI PROPISI KOJE JE DONIJELA VLADA TK I SKUPŠTINA TK**

#### **Nacrt Zakona o robnim rezervama**

**Razlozi za donošenje:** Nakon potvrđivanja imenovanja Vlade, u martu 2014. godine, intenzivirane su aktivnosti na pripremi Zakona o robnim rezervama u cilju regulisanja svih pitanja vezano za robne rezerve ovog Kantona, što je veoma značajno, a bilo je i posebno aktuelno u kriznim situacijama koje su se na području Kantona i šire dešavale tokom protekle godine. Naime, ocijenjeno je da je još uvijek važeći Zakon o robnim rezervama Tuzlansko-podrinjskog kantona dosta arhaičan i prevaziđen, što je sasvim razumljivo kada se ima u vidu da je donesen još 1997. godine i da nikada nije inoviran.

U međuvremenu je došlo do brojnih suštinskih, ali i značajnih terminoloških promjena, posebno u pogledu naziva kantona i preduzeća kao i potreba i mogućnost za proširivanjem djelokruga rada Kantonalne direkcije robnih rezervi.

Zbog toga je bilo neophodno pripremiti i utvrditi nacrt novog Zakona kojim bi se u cijelosti aktuelizirala sva pitanja u ovoj oblasti. U tom pogledu je Ministarstvo okončalo ove aktivnosti 16.07.2014. godine, kada je pripremljeni nacrt Zakona upućen Vladi na razmatranje, sa prijedlogom Programa javne rasprave i prethodno pribavljenim afirmativnim mišljenjima kantonalnog Ministarstva finansija i Ureda za zakonodavstvo.

Vlada je pripremljeni Nacrt Zakona o robnim rezervama razmatrala i utvrdila na sjednici održanoj 22.07.2014. godine, o čemu je tom prilikom donijela Odluku broj: 02/1-02-10825/14, te je isti upućen u dalju skupštinsku proceduru.

### **PROGRAMIRANE A NEIZVRŠENE MJERE**

#### **Prijedlog Zakon o izmjenama i dopunama Zakona o pružanju pravne pomoći**

**Razlozi neizvršenja:** Zakon o pružanju pravne pomoći, koji je donesen na sjednici Skupštine Tuzlanskog kantona održanoj 29.08.2008. godine, jednim dijelom je implementiran polovinom 2009. godine imenovanjem direktora Kantonalnog zavoda za pružanje pravne pomoći, čime je formalno-pravno taj Zavod i otpočeo sa radom. Ostale pretpostavke za obavljanje poslova iz nadležnosti tog Zavoda u punom obimu su se stekle početkom 2010. godine, kada su počeli sa radom pomoćnici direktora koji, pored direktora, obavljaju poslove pružanja pravne pomoći kao pravni zastupnici. Tokom dosadašnjeg rada Zavoda i provedbe postojećih zakonskih normi, uočeno je da pojedina pitanja treba doraditi ili na drugačiji način regulisati, što je rezultiralo potrebom za određenim izmjenama i dopunama na normativnom planu.

U tom smislu, Ministarstvo je pripremlilo nacrt Zakona o izmjenama i dopunama Zakona o pružanju pravne pomoći, koji je Skupština Tuzlanskog kantona, razmatrala i prihvatila 18.12.2013.godine, nakon čega je uslijedila javna rasprava i sumiranje rezultata javne rasprave, te priprema prijedloga tog zakona. Sve te aktivnosti su okončane krajem izvještajnog perioda i za Vladu je pripremljen prijedlog Zakona sa Izvještajem o provedenoj javnoj raspravi, koji će nakon razmatranja i utvrđivanja biti upućen u dalju zakonodavnu proceduru.

#### **Prijedloga Zakona o robnim rezervama**

**Razlozi neizvršenja:** Prema utvrđenim programima rada za 2014. godinu, evidentno je da nije do kraja realizovana jedna programske obaveze, ali je značajno napomenuti da je Ministarstvo bilo spremno da izvrši svoj dio obaveza u pripremi prijedloga Zakona o robnim rezervama.

Rok za izvršenje ove obaveze je bio decembar 2014. godine, ali ta obaveza nije mogla biti izvršena iz razloga što Skupština Kantona nije razmatrala i usvojila nacrt tog zakona, iako joj je Vlada, kao što je i navedeno, isti uputila u dalju proceduru.

## **NEPROGRAMIRANI A IZVRŠENI POSLOVI**

Sekretar Ministarstva je učestvovao u izradi Zakona o podsticajima za zapošljavanje i intervencijama u privrednim subjektima, koji je Skupština Kantona donijela 09.06.2014. godine, a isti je objavljen u Službenim novinama Tuzlanskog kantona broj 08/14, dajući svoj puni doprinos kreiranju najboljih mogućih zakonskih odredbi za stvaranje dodatnih mogućnosti novog zapošljavanja i privrednog razvoja Tuzlanskog kantona.

Takođe, nakon smjene Vlade Tuzlanskog kantona (u daljem tekstu: Vlada), početkom 2013. godine, Ministarstvo je dalo značajan doprinos na pripremi seta novih propisa za uspostavljanje i vođenje Registra administrativnih postupaka koje vode organi uprave Tuzlanskog kantona, čime je omogućeno uspješno okončanje projekta "Unaprjeđenje poslovnog ambijenta u Tuzlanskom kantonu s ciljem privlačenja novih investicija", koji je implementiran u suradnji sa predstavnicima Međunarodne finansijske korporacije u Bosni i Hercegovini (u daljem tekstu: IFC).

Kao rezultat tih aktivnosti pripremljeni su i Vlada je na sjednici održanoj 22.04.2014. godine donijela: Odluku o uspostavi Registra administrativnih postupaka Tuzlanskog kantona, Odluku o načinu rada i postupcima u administrativnim postupcima organa uprave Tuzlanskog kantona i Pravilnik o vođenju i održavanju Registra administrativnih postupaka.

Na taj način, kao i daljim radom predstavnika Ministarstva u Regulatornom tijelu za vođenje Registra, dat je veliki doprinos u konačnom uspostavljanju i funkcionisanju Elektronskog registra administrativnih postupaka, čime su informacije u vezi s tim postale dostupnije svim zainteresiranim subjektima, pojednostavljeno je pokretanje određenih postupaka, uvedena je obaveza obavljanja pojedinih radnji po službenoj dužnosti i to u rokovima kraćim od prekluzivnih rokova, a sve u cilju olakšavanja investitorima i drugim strankama pribavljanja pojedinih dozvola i jednostavnijeg, te bržeg i efikasnijeg ostvarivanja njihovih prava pred kantonalnim organima uprave.

## **MINISTARSTVO PROSTORNOG UREĐENJA I ZAŠTITE OKOLICE TUZLANSKOG KANTONA**

### **PROGRAMIRANI PROPISI KOJE JE DONIJELA VLADA TK I SKUPŠTINA TK**

#### **Nacrt Zakona o zaštiti od buke**

**Razlozi za donošenje:** Razlog donošenja Zakona o zaštiti od buke je donošenje federalnog Zakona o buci sa kojim treba da se uskladi, naročito u pogledu nadležnosti i izdavanja saglasnosti za obavljanje stručnih poslova mjerenja buke.

Zakon je usvojen u formi nacrta, a u formi prijedloga će biti upućen u proceduru usvajanja početkom godine iz razloga što je javna rasprava po ovom Zakonu produžena zbog toga što je od nekoliko općina sa područja Tuzlanskog kantona iskazan zahtjev za dodatnim konsultacijama kao i zbog toga što su se čekale određene preporuke od strane federalnog Ministarstva okoliša i turizma, koje još uvijek nisu pristigle.

#### **Zakon o izmjenama i dopunama Zakona o proglašenju dijela područja planine Konjuh Zaštićenim pejzažom „Konjuh“**

**Razlozi za donošenje:** Razlog za donošenje Zakona je sadržan u članu 11. Zakona o proglašenju dijela područja planine Konjuh Zaštićenim pejzažom „Konjuh“ kojim je

propisano da će se Prostornim planom posebnih obilježja utvrditi definitivne granice između zona. Obzirom da je donesen Prostorni plan posebnih obilježja potrebno je izmijeniti članove koji definišu granice i površine, na način da se izvrši usaglašavanje sa navedenim planskim dokumentima.

Zakon o izmjenama i dopunama Zakona o proglašenju dijela područja planine Konjuh Zaštićenim pejzažom „Konjuh“ je usvojen i objavljen u „Službenim novinama Tuzlanskog kantona“, broj: 8/14.

### **Odluka o utvrđivanju uvjeta, kriterija i postupka za raspodjelu namjenskih sredstava iz ekoloških naknada za 2014. godinu**

**Razlozi za donošenje:** Utvrđivanje uslova, kriterija i postupka za raspodjelu sredstava sa potrošačke jedinice „ekološke naknade – namjenska sredstva“ u cilju finansiranja aktivnosti iz oblasti zaštite okolice u 2014. godini.

Ministarstvo je donijelo predmetnu Odluku, na koju je Vlada Tuzlanskog kantona dala svoju saglasnost.

### **Program raspodjele namjenskih sredstava Ministarstva prostornog uređenja i zaštite okolice za 2014. godinu**

**Razlozi za donošenje:** Zakonom o izvršenju Budžeta Tuzlanskog kantona (član 34.) regulisano je da se raspodjela sredstava vrši u skladu sa donesenim Programom resornog ministarstva.

### **Nacrt Programa rada Ministarstva finansija za 2015. godinu**

**Razlog donošenja:** Sačinjavanje Nacrta Programa rada Vlade TK za 2015. godinu

## **PROGAMIRANE A NEIZVRŠENE MJERE**

### **Prijedlog Zakona o zaštiti od buke**

**Razlozi za neizvršavanje:** Zakon je usvojen u formi nacrta, a u formi prijedloga će biti upućen u proceduru usvajanja početkom godine iz razloga što je javna rasprava po ovom Zakonu produžena zbog toga što je od nekoliko općina sa područja Tuzlanskog kantona iskazan zahtjev za dodatnim konsultacijama kao i zbog toga što su se čekale određene preporuke od strane federalnog Ministarstva okoliša i turizma, koje još uvijek nisu pristigle.

### **Odluka o pristupanju izradi Izmjena i dopuna Prostornog plana za područje Tuzlanskog kantona za period 2005. - 2025. godine**

**Razlozi za neizvršavanje:** Prostorni plan za područje Tuzlanskog kantona za period 2005.-2025. godine, zajedno sa Odlukom o provođenju Prostornog plana usvojen je od strane Skupštine Tuzlanskog kantona 2006. godine („Službene novine Tuzlanskog kantona“, broj: 9/06). Zadnjim četverogodišnjim Izvještajem o stanju u prostoru Tuzlanskog kantona za period 2008.-2011. godine, koji je razmatrala i usvojila Vlada Tuzlanskog kantona na sjednici održanoj 09.02.2012. godine, konstatovano je između ostalog, da je potrebno u slijedećem planskom razdoblju, nakon izrade i usvajanja prostornih planova općina, pristupiti izmjenama i dopunama Prostornog plana Tuzlanskog kantona.

Također, Prostorni plan Federacije BiH za period 2008.-2028. godine je u fazi prijedloga proslijeđen prema Vladi FBiH na postupak usvajanja, te je nakon njegovog donošenja, obavezno usaglašavanje Prostornog plana Kantona sa istim.

Ministarstvo prostornog uređenja i zaštite okolice je pripremlilo dokumente potrebne za pokretanje postupka izmjena i dopuna Prostornog plana Tuzlanskog kantona – Program i plan aktivnosti za pripremu i izradu izmjena i dopuna Prostornog plana Tuzlanskog kantona, te Odluke o pristupanju izradi izmjena i dopuna Prostornog plana Tuzlanskog kantona, koja u



sebi sadrži i smjernice za izradu izmjena i dopuna navedenog planskog dokumenta. Međutim, navedena Odluka nije realizovana zbog nedostatka finansijskih sredstava u Budžetu Tuzlanskog kantona za ovu namjenu.

**Odluka o utvrđivanju uvjeta, kriterija i postupka za raspodjelu namjenskih sredstava iz naknada za korištenje podataka premjera i katastra za 2014. godinu**

**Razlozi za neizvršavanje:** Odluka o utvrđivanju uvjeta, kriterija i postupka za raspodjelu namjenskih sredstava iz naknada za korištenje podataka premjera i katastra za 2014. godinu nije realizovana zbog nedostatka finansijskih sredstava u Budžetu Tuzlanskog kantona za ovu namjenu.

**Kantonalni plan zaštite okoliša Tuzlanskog kantona 2012. - 2018. godine**

**Razlozi za neizvršavanje:** Odredbom člana 45. Zakona o zaštiti okoliša propisano je da sistem okolinskog planiranja obuhvata donošenje određenih programskih dokumenata, između ostalog i Kantonalnog plana zaštite okoliša. Odredbama člana 49. navedenog Zakona određeno je da su kantoni dužni donijeti Kantonalni plan zaštite okoliša usklađen sa federalnom Strategijom zaštite okoliša, te da kantonalno ministarstvo priprema prijedlog Plana zaštite okoliša. Navedenim članom, takođe je propisano da Skupština Kantona donosi Kantonalni plan zaštite okoliša na period od najmanje pet godina.

Kantonalni plan je u završnoj fazi izrade i uputit će se u proceduru usvajanja početkom 2015. godine.

**Kantonalni plan upravljanja otpadom Tuzlanskog kantona 2013. - 2018. godine**

**Razlozi za neizvršavanje:** Odredbom člana 9. stav 1. Zakona o upravljanju otpadom propisano je da će svaki kanton donijeti Plan upravljanja otpadom na svom području. Odredbom istog člana navedenog Zakona određeno je da Plan mora biti usaglašen sa Strategijom upravljanja otpadom Federacije BiH.

Kantonalni plan je u završnoj fazi izrade i uputit će se u proceduru usvajanja početkom 2015. godine.

**MINISTARSTVO ZA RAD, SOCIJALNU POLITIKU I POVRATAK TUZLANSKOG KANTONA**

**PROGRAMIRANI PROPISI KOJE JE DONIJELA VLADA TK I SKUPŠTINA TK**

**Prijedlog Zakon o izmjenama i dopunama Zakona o osnivanju JU Služba za zapošljavanje Tuzlanskog kantona**

**Razlozi za donošenje:** Izmjena Zakona o osnivanju JU Službe za zapošljavanje TK je išla u pravcu ukidanja Nadzornog odbora. Budući da Federalni zavod za zapošljavanje nema Nadzornog odbora, te da su nadležnosti Nadzornog odbora u velikoj mjeri inkorporirane u nadležnosti Upravnog odbora i jedinice Interne revizije čija je uspostava u toku izvršene su navedene izmjene, a jedan od razloga navedenih izmjena je da se u značajnoj mjeri smanje troškovi poslovanja JU Službe za zapošljavanje TK-a.

**Prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata, zaštiti porodice sa djecom - prečišćeni tekst**

**Razlozi donošenja:** Rješenjem Ustavnog suda Bosne i Hercegovine („Sl.Glasnik BiH“ broj: 5/14 od 21.01.2014. godine) utvrđeno je da odredba člana 18.d. stav 4. Zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom („Sl.novine FBiH“ broj: 14/09) prestaje da važi narednog dana od dana

objavljivanja ove odluke u „Službenom Glasniku BiH“, odnosno ista je prestala da važi 22.01.2014. godine. S tim u vezi Zakonom o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom („Sl.novine TK“ broj: 7/14) brisane su odredbe koje se odnose na ostvarivanje prava na novčanu naknadu za pomoć i njegu do strane drugog lica. Nastavak korištenja prava obezbijeđen je putem Federalnog ministarstva za ova lica ali i za nove korisnike koji mogu ostvariti pravo.

Programom rada Vlade TK bilo planirano donošenje navedenog Zakona i u formi nacrtu i u formi prijedloga, ali je isti realizovan zbog hitnosti samo u formi prijedloga

**Program raspodjele sredstava jednokratnih novčanih pomoći za 2014. godinu**

**Razlozi za donošenje:** Pomoć porodicama i pojedincima koji se nađu u stanju socijalne potrebe što ima za cilj smanjenje ukupnog siromaštva

**Program raspodjele sredstava za materijalno zbrinjavanje lica u stanju socijalne potrebe za 2014. godinu**

**Razlozi za donošenje:** Pomoć za realizaciju aktivnosti organizacija i udruženja koje doprinose provođenju rehabilitacije, nabavke ortopedskih pomagala, direktne ishrane korisnika i kućne njega za lica i porodice koje su u stanju socijalne potrebe.

**Program raspodjele sredstava za prevenciju ovisnosti o drogama za 2014. godinu**

**Razlozi za donošenje:** Ovim programom prevencije planira se uticati na stajanje ovisnosti o psiho-aktivnim supstancama putem podrške programima prevencije organizacijama, udruženjima i institucijama koje imaju odgovarajuće kadrovske, stručne i kompetentne osobe koje mogu doprinijeti smanjenju ili odvratanju od upotrebe ovih štetnih supstanci.

**Odluka o subvencioniranju troškova prevoza djece, učenika i studenata za školsku 2014/2015. godinu**

**Razlozi za donošenje:** Pomoć u subvenciji troškova prevoza za djecu, učenike i studente koji su korisnici: stalne novčane pomoći; primaju uvećani dječiji dodatka i bez roditeljskog staranja i, kao i eventualno za njihove pratioce.

**Odluka o utvrđivanju programa, uslova, kriterija i postupka za raspodjelu sredstava Budžeta TK za 2014. godinu sa budžetske pozicije 23040001, „Podrška povratku prognanih lica“**

**Razlozi za donošenje:** Povećati broj povratnika u prijeratna prebivališta i povratak učiniti održivim.

**Odluka o utvrđivanju programa, uslova, kriterija i postupaka za raspored sredstava Budžeta TK-a za 2014. godinu sa Budžetske pozicije 23040002 „Materijalno zbrinjavanje socijalno ugroženih“**

**Razlozi za donošenje:** Pomoć u zbrinjavanju raseljenih lica u kolektivnim naseljima na području Tuzlanskog kantona (subvencije za električnu energiju i obezbjeđenje ogreva u zimskom periodu)

**Akcionni plan za prevenciju i borbu protiv nasilja u porodici za područje Tuzlanskog kantona za period 2014-2015. godina**

**Razlozi za donošenje:** Nastavak započetih aktivnosti oko interesornog djelovanja na prevenciji nasilja u porodici, provođenju tretmana i učešća u realizaciji izrečenih zaštitnih mjera.

## **Analiza stanja i potreba za neprofitno socijalno stambeno zbrinjavanje lica u stanju socijalne potrebe**

**Razlozi za donošenje:** U koordinaciji Ministarstva za ljudska prava i izbjeglice, a u partnerstvu sa HILSWERK Austrija i CRS planirana je izrada strategije za neprofitno-socijalno stanovanje. U sklopu toga resorna kantonalna ministarstva imaju obavezu izrade analize stanja i potrebe za ovim vidom stambene podrške. S toga je predložen programski zadatak za navedeni period.

## **Nacrt Programa rada Ministarstva za rad, socijalnu politiku i povratak za 2015. godinu** **Razlog donošenja:** Sačinjavanje Nacrta Programa rada Vlade TK za 2015. godinu

## **NEPROGRAMIRANE A IZVRŠENE MJERE**

### **Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta JU Služba za zapošljavanje TK**

**Razlozi za donošenje:** Obaveza proizašla iz usvajanja Zakon o izmjenama i dopunama Zakona o osnivanju JU Služba za zapošljavanje TK-a.

### **Odluka o privremenom finansiranju JU službe za zapošljavanje TK-a za 01.01. do 31.03.2015. godine**

**Razlozi za donošenje:** Zakonska obaveza prema odredbama Zakona o budžetima u F BiH („Službene novine Federacije BiH“, broj: 102/13 i 13/14) je da Vlada razmatra Finansijski plan vanbudžetskog fonda koji donosi Upravni odbor vanbudžetskog fonda, a saglasnost daje Skupština Kantona.

### **Odluka o izmjenama i dopunama Programa raspodjele sredstava za materijalno zbrinjavanje lica u stanju socijalne potrebe za 2014. godine**

**Razlozi za donošenje:** U cilju realizacije zahtjeva radnika firmi sa područja Tuzlanskog kantona za isplatu jednokratne novčane pomoći Ministarstvo je predložilo, a Vlada TK dala saglasnost na izmjene i dopune Programa raspodjele sredstava za materijalno zbrinjavanje lica u stanju socijalne potrebe za 2014. godinu. Sredstva za realizaciju programa Ministarstvo je obezbjedilo preraspodjelom sredstava sa drugih budžetskih pozicija i na taj način je preko HO „Merhamet“ radnicima obezbjeđen prehrambeni paket u vrijednosti od 180,00 KM.

### **Odluka o izmjenama i dopunama Programa raspodjele sredstava privremenih, jednokratnih i drugih novčanih pomoći za 2014. godinu**

**Razlozi za donošenje:** U cilju realizacije zahtjeva radnika firmi sa područja Tuzlanskog kantona za isplatu jednokratne novčane pomoći Ministarstvo je predložilo, a Vlada TK dala saglasnost na izmjene i dopune Programa raspodjele sredstava privremenih, jednokratnih i drugih novčanih pomoći za 2014. godinu. Sredstva za realizaciju Programa su obezbjeđena iz „Tekuće rezerve“ na osnovu Odluke Vlade TK i na taj način je radnicima isplaćena jednokratna novčana pomoć u iznosu od po 220,00 KM po radniku.

### **Program mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla**

**Razlozi za donošenje:** Cilj Vlade Tuzlanskog kantona i resornog Ministarstva za rad, socijalnu politiku i povratak je da svim zaposlenim koji su stekli uslove za penzionisanje, kao i za one zaposlenike za čijim radom je prestala potreba u društvima sa većinskim državnim kapitalom u kojima Vlada Tuzlanskog kantona vrši prava i obaveze upravljanja, sa sjedištem na području TK-a omogući uvezivanje penzionog staža i odlazak u penziju.

## **PROGRAMIRANE A NEIZVRŠENE MJERE**

### **Finansijski plan JU službe za zapošljavanje TK-a za 2015. godinu**

**Razlog neizvršavanja:** Nije usvojen Finansijski plan zbog neusvajanja Budžeta TK. Donesena Odluka o privremenom finansiranju za 2015. godinu

### **Nacrt i Prijedlog Zakona o neprofitnom socijalnom stanovanju Tuzlanskog kantona**

**Razlog neizvršavanja:** Nacrt i prijedlog navedenog Zakona planiran programom nije realizovan radi detaljnije pripreme Zakona sukladno uputama iz Analize stanja i potreba za neprofitno socijalno stanovanje.

## **MINISTARSTVO RAZVOJA I PODUZETNIŠTVA TUZLANSKOG KANTONA**

### **PROGRAMIRANI PROPISI KOJE JE DONIJELA VLADA TK I SKUPŠTINA TK**

#### **Akcioni plan za realizaciju Strategije razvoja i Strategije socijalnog uključivanja BiH za Tuzlanski kanton za razdoblje 2014 - 2016. godina**

**Razlog donošenja:** Radi usklađivanja svih strateških aktivnosti sa višim nivoima vlasti na kantonalnom nivou

#### **Akcioni plan za realizaciju Strategije razvoja i Strategije socijalnog uključivanja BiH za Tuzlanski kanton za razdoblje 2015 - 2017. godina**

**Razlog donošenja:** Radi usklađivanja svih strateških aktivnosti sa višim nivoima vlasti na kantonalnom nivou

#### **Nacrt Programa javnih investicija TK 2015 - 2017. godina sa Listom prioriteta kandidiranih projekata**

**Razlog donošenja:** Radi objedinjava svih projekata organa uprave i općinskih službi TK te dostavljanja Jedinici za upravljanje dugom pri Federalnom ministarstvu finansija (DCU) radi verifikovanja i eventualnog odobravanja novčanih sredstava za realizaciju projekata

#### **Prijedlog Programa javnih investicija TK 2015 - 2017. godina sa Listom prioriteta kandidiranih projekata**

**Razlog donošenja:** Radi objedinjava svih projekata organa uprave i općinskih službi TK te dostavljanja Jedinici za upravljanje dugom pri Federalnom ministarstvu finansija (DCU) radi verifikovanja i eventualnog odobravanja novčanih sredstava za realizaciju projekata

#### **Prijedlog Zakona o podsticajima za zapošljavanje i intervencijama u privrednim subjektima – Zakon usvojen po hitnoj proceduri**

**Razlog donošenja:** Podsticanje novog zapošljavanja i privrednog razvoja Tuzlanskog kantona

#### **Program Business Start Up Fond za mlade sa područja Tuzlanskog kantona**

**Razlog donošenja:** Radi doprinosa privrednom razvoju Tuzlanskog kantona kroz omogućavanje uslova za samozapošljavanje mladih i podizanje poduzetničkog duha na području Tuzlanskog kantona.

**Odluka o utvrđivanju programa, uslova, kriterija i postupaka za raspodjelu sredstava Budžeta Tuzlanskog kantona za 2014. godinu sa pozicije 21010006 „Podrška razvoju Kantona“**

**Razlog donošenja:** Radi stvaranja boljih uslova za rad i razvoj malih i srednjih poduzeća, rad udruženja, obrtnika i inovatora, putem sufinansiranja projekata podrške razvoju poduzetništva na Tuzlanskom kantonu.

#### **Nacrt Programa rada Ministarstva razvoja i poduzetništva za 2015. godinu**

Ministarstvo je sačinilo Program rada Ministarstva za 2015. godinu i dostavilo ga Vladi Tuzlanskog kantona.

#### **PROGRAMIRANE A NEIZVRŠENE MJERE**

##### **Izmjene Procedure izrade Programa javnih investicija Tuzlanskog kantona sa kriterijima za vrednovanje kandidiranih projekata**

**Razlog neizvršavanja:** Nisu realizovane iz razloga što su iste trebale da budu usklađene sa Uredbom o načinu i kriterijima za pripremu, izradu i praćenje realizacije programa javnih investicija, a čije je donošenje na nivou FBiH realizovano tek 23.12.2014. godine, iako je bilo planirano u prvoj polovini godine.

#### **NEPROGRAMIRANE A IZVRŠENE MJERE**

##### **Odluka uspostavi registra administrativnih postupaka Tuzlanskog kantona**

##### **Odluka o načinu rada i postupanja u administrativnim postupcima organa uprave Tuzlanskog kantona**

##### **Pravilnik o vođenju i održavanju registra administrativnih postupaka**

**Razlozi za donošenje:** Ovi akti su doneseni radi uspostave, utvrđivanja načina i postupanja u radu regulatornog tijela u rješavanju predmeta administrativnog postupka, kao i radi uspostave i vođenja registra administrativnih postupaka svih organa Tuzlanskog kantona koji vode administrativne postupke.

#### **MINISTARSTVO UNUTRAŠNJIH POSLOVA TUZLANSKOG KANTONA**

#### **PROGRAMIRANI PROPISI KOJE JE DONIJELA VLADA TK I SKUPŠTINA TK**

##### **Prijedlog Zakona o izmjenama i dopunama Zakona o unutrašnjim poslovima Tuzlanskog kantona**

**Razlozi za donošenje:** Zakon o unutrašnjim poslovima Tuzlanskog kantona ("Službene novine Tuzlanskog kantona", broj: 4/10, 5/11 i 14/11), je mijenjan više puta u toku 2011. godine i 2012. godine. Naime, odredbama člana 6. Zakona propisano je da Uprava policije stiče status budžetskog korisnika unutar budžetskog razdjela Ministarstva unutrašnjih poslova Tuzlanskog kantona i samostalno koristi sredstva za određene namjene.

Polazeći od činjenice, da od donošenja Zakona do danas, nisu obezbijeđene sve normativne, finansijske i tehničke pretpostavke za finansijsko osamostaljenje Uprave policije MUP TK i da su u toku aktivnosti izrade radne verzije Zakona o unutrašnjim poslovima - kantona, na nivou Federalnog i kantonalnih ministarstava unutrašnjih poslova, u kojoj će biti usaglašeni stavovi ministarstava, zasnovani na međusobnom uvažavanju i saradnji, uz odgovarajući stepen operativne, finansijske i kadrovske nezavisnosti policijskog komesara u operativnom rukovođenju policijskim operacijama, u skladu sa propisima, pravima i odgovornostima, kao i preciziranje ovlaštenja ministra unutrašnjih poslova prema policijskom komesaru u skladu sa Zakonom.

## **PROGRAMIRANE A NEIZVRŠENE MJERE**

### **Prijedlog Zakona o izmjenama i dopunama Zakona o policijskim službenicima Tuzlanskog kantona**

**Razlozi neizvršavanja:** Zbog kašnjenja u donošenju Zakona o policijskim službenicima na federalnom nivou, odgođeno je razmatranje i usvajanje Prijedlog Zakona o izmjenama i dopunama Zakona o policijskim službenicima Tuzlanskog kantona.

## **MINISTARSTVO TRGOVINE, TURIZMA I SAOBRAĆAJA TUZLANSKOG KANTONA**

### **PROGRAMIRANI PROPISI KOJE JE DONIJELA VLADA TK I SKUPŠTINA TK**

#### **Prijedlog Zakona o turističkoj djelatnosti**

**Razlozi donošenja:** Obzirom na činjenicu da su nova zakonska rješenja na nivou Federacije BiH ostala nedorečena po mnogim pitanjima, te su ostavila mnogo pravnih praznina, odjeljenje trgovine i turizma Ministarstva je provelo aktivnosti na izradi teksta kantonalnog Zakona o turističkoj djelatnosti. Namjera je bila da, shodno ustavnim ovlaštenjima koja su nam data (turizam je u podijeljenoj nadležnosti između Federacije i kantona) i u okvirima koji su definisani federalnom zakonskom regulativom, uredimo obavljanje turističke djelatnosti na nivou Tuzlanskog Kantona.

Predloženi tekst zakona rađen je shodno Jedinstvenim pravilima za izradu pravnih propisa u institucijama BiH, a zakonska rješenja koja sadrži zadovoljavaju okvire Ustava i Federacije BiH i Tuzlanskog Kantona, federalnog Zakona o turističkoj djelatnosti, a zadovoljava i smjernice za usklađenost sa zakonodavstvom EU.

Poseban akcenat je stavljen na uređenje načina djelovanja putničkih agencija na prostorima Tuzlanskog kantona uvođenjem institucije – licenca za obavljanje poslova putničke agencije. Na taj način se želi, prvenstveno, zaštititi korisnik usluga, omogućiti ravnopravna tržišna konkurencija, smanjenje sive ekonomije i rada na crno, koje su posebno izražene u ovom sektoru.

Po prvi put se definiše pravac razvoja turizma na području TK, a to je razvijanje održivog turizma, što je u skladu sa evropskom orijentacijom u turizmu.

Uređuje se bavljenje i razvoj nekih specifičnih oblika turizma, karakterističnih i poželjnih na ovim prostorima: lovno-ribolovni turizam, renta-car usluge, kongresni, zdravstveni i pustolovni turizam, kao i dodatno uređenje oblasti seoskog-ruralnog turizma.

Efekti koji se očekuju donošenjem predloženog Zakona su: da se jasnim definisanjem načina i obima poslovanja privrednih subjekata u turizmu omogući ravnopravna tržišna konkurencija, da se siva ekonomija i rad na crno svedu na najmanju moguću mjeru. Postizanjem ovih rezultata doći će i do povećanja javnih prihoda, što se nameće kao još jedan imperativ usvajanjem predloženog Zakona. Ono što posebno naglašavamo jeste činjenica da primjena ovog Zakona ne implicira nikakva dodatna finansijska sredstva iz Budžeta Tuzlanskog Kantona.

#### **Program utroška namjenskih sredstava uplaćenih na osnovu naknada za obavljene tehničke preglede vozila - vrsta prihoda 722424**

**Razlozi donošenja:** Utvrđivanje visine sredstava prikupljenih od naknada za tehnički pregled vozila i načina raspodjele sredstava s ciljem povećanja nivoa bezbjednosti saobraćaja i unapređenja kontrole tehničke ispravnosti vozila u stanicama za tehnički pregled.

**Plan rada i finansijski plan rada Javne ustanove „Direkcija regionalnih cesta TK” za 2014. godinu**

Realizovano krajem 2013. godine

**Nacrt programa rada Ministarstva trgovine, turizma i saobraćaja za 2015. Godinu**

**Razlog donošenja:** Sačinjavanje Nacrta Programa rada Vlade TK za 2015. godinu

**PROGRAMIRANE A NEIZVRŠENE MJERE**

**Nacrt Zakona o turističkim zajednicama i promicanju turizma na području Tuzlanskog kantona**

**Razlozi neizvršavanja:** U toku je korigovanje radne verzije nacrta Zakona

**Nacrt Zakona o turističkim zajednicama i promicanju turizma na području Tuzlanskog kantona**

**Razlozi neizvršavanja:** U toku je korigovanje radne verzije nacrta Zakona

**Nacrt Zakona o izmjenama i dopunama Zakona o osnivanju Javne Ustanove Direkcija regionalnih cesta Tuzlanskog kantona**

**Razlog neizvršavanja:** Urađen nacrt Zakona i neposredno prije njegovog upućivanja u daljnju proceduru Federalno ministarstvo prometa i komunikacija pokrenulo proceduru izmjene federalnog Zakona o cestama. Od teksta ovog zakona znatno zavisi i naš zakon. Planiran u 2015. godini.

**Nacrt Zakona o izmjenama i dopunama Zakona o osnivanju Javne Ustanove Direkcija regionalnih cesta Tuzlanskog kantona**

**Razlog neizvršavanja:** Urađen nacrt Zakona i neposredno prije njegovog upućivanja u daljnju proceduru Federalno ministarstvo prometa i komunikacija pokrenulo proceduru izmjene federalnog Zakona o cestama. Od teksta ovog zakona znatno zavisi i naš zakon. Planiran u 2015. godini.

**Nacrt Zakona o izmjenama i dopunama Zakona o osnivanju Javnog preduzeća „Međunarodni aerodrom Tuzla**

**Razlog neizvršenja:** Radna verzija Zakona je urađena, ali nije riješeno pitanje njegove usaglašenosti, sa materijom koju reguliše Zakon o privrednim društvima i Zakon o ministarskim, vladinim i drugim imenovanjima u pogledu imenovanja direktora. Nakon rješavanja tog pitanja, Zakon će biti stavljen u proceduru. Planiran u 2015. godini.

**Prijedlog Zakona o izmjenama i dopunama Zakona o osnivanju Javnog preduzeća „Međunarodni aerodrom Tuzla**

**Razlog neizvršenja:** Radna verzija Zakona je urađena, ali nije riješeno pitanje njegove usaglašenosti, sa materijom koju reguliše Zakon o privrednim društvima i Zakon o ministarskim, vladinim i drugim imenovanjima u pogledu imenovanja direktora. Nakon rješavanja tog pitanja, Zakon će biti stavljen u proceduru. Planiran u 2015. godini.

**Odluka o utvrđivanju kriterija, uslova i postupka za raspodjelu sredstva sa pozicije Ministarstva - Vrsta prihoda 722424 - Naknada za tehnički pregled vozila**

**Razlozi neizvršavanja:** U skladu sa Programom, a na osnovu Zakona o izvršenju Budžeta TK, pripremljena je Odluka o kriterijima i upućena na mišljenje Komisiji za privredu, ekonomsku i finansijsku politiku Skupštine Kantona, 19.11.2014. godine. Mišljenje Komisije nije dostavljeno Ministarstvu i ta aktivnost nije mogla biti realizovana.



**Srednjoročni program održavanja i zaštite, kao i program rekonstrukcije, izgradnje i obnove regionalnih cesta u skladu sa Osnovom strategije razvoja regionalnih cesta Tuzlanskog kantona u periodu od 2013. do 2023. godine**

**Razlozi neizvršavanja:** Priprema Srednjoročnog programa je u obavezi JU Direkcija regionalnih cesta TK na osnovu Zakona o cestama FBiH. I pored inicijative Ministarstva, prijedlog Srednjoročnog programa nije dostavljen. Ministarstvo će ponovo tražiti od Direkcije izradu i dostavljanje prijedloga, kako bi nakon toga bio sačinjen konačan prijedlog i isti upućen prema Vladi.

**Plan i Program rada i Finansijskog plana J.P."Međunarodni aerodrom Tuzla" Tuzla za 2014. godinu**

**Razlog neizvršavanja:** Plan i program nisu dostavljeni Ministarstvu. Tokom 2014. godine vođene su aktivnosti na zamjeni upravljačke strukture u J.P."Međunarodni aerodrom Tuzla" (menadžment, nazorni odbor i dr.), kao i na stvaranju neophodnih pretpostavki za nesmetan rad aerodroma.

**Program „Razvoj seoskog turizma”**

**Razlozi neizvršenja:** Obzirom na stanje u Budžetu, nije došlo do realizacije planiranih aktivnosti, ali su tokom 2014. godine vršene pripreme kako bi se sa ovom aktivnošću nastavilo u narednom periodu (utvrđivanje broja OPG, priprema adekvatnog vodiča za bavljenje ovom vrstom turizma, i sl.)

## **NEPROGRAMIRANE A IZVRŠENE MJERE**

**Odluka o kategorizaciji nekategorisanih cesta u lokalne ceste i ulice u gradovima na području općina Tuzlanskog kantona**

**Razlog donošenja:** Nakon donošenja federalne Odluke o kategorizaciji cesta u autoceste i brze ceste, magistralne ceste i regionalne ceste, Ministarstvo je, na prijedlog i u saradnji sa nadležnim općinskim službama, pripremio i predložilo Odluku o kategorizaciji lokalnih cesta i ulica u gradovima na području Tuzlanskog kantona. Vlada je donijela Odluku 16.09.2014. godine. Projekat je od strateškog značaja za TK i općine TK jer se kategorizacija lokalnih cesta nije vršila u posljednjih 30-tak godina. U okviru projekta je kategorisano 1169,65 km lokalnih cesta i 172,901 km ulica u gradovima TK.

Projektom kategorizacije cesta na području Federacije BiH, odnosno na području Tuzlanskog kantona, kao i ravnomjernijom raspodjelom prihoda u ovisnosti od dužine i ranga cesta, kao i od saobraćajnog opterećenja kroz prosječan broj vozila koji koriste navedene ceste u posmatranom vremenskom razdoblju, doći ćemo do optimalnog modela finansiranja cestovne infrastrukture koji će za cilj imati stvaranje optimalnog transportnog sistema koji može omogućiti nesmetan razvoj privrede na području TK, odnosno Bosne i Hercegovine.

Stvaranjem optimalnog transportnog sistema omogućit će se nesmetan protok putnika i robe kako na području TK, tako i na području BiH, što će, nadamo se, doprinijeti bržem razvoju privrede i jačanju konkurentnosti privrednika iz oblasti prijevoza robe i putnika.

**Analiza voznog parka Vlade Tuzlanskog kantona sa prijedlogom racionalizacije**

**Razlog donošenja:** Zaključkom Vlade TK utvrđena je obaveza Ministarstva trgovine, turizma i saobraćaja TK da, u saradnji sa Uredom za zajedničke poslove kantonalnih organa Tuzlanskog kantona uradi analizu voznog parka Vlade TK i da predloži racionalizaciju voznog parka. Cilj je bio da se prikaže trenutno stanje voznog parka sa aspekta raspoloživosti vozila, broj vozila, broj uposlenih vozača, njihova angažiranost, starosna struktura voznog

parka, potreba za vozilima po institucijama i troškovi voznog parka, te da se na temelju tih podataka predloži racionalizacija i reorganizacija sistema upravljanja voznim parkom Vlade TK.

Na prijedlog Ministarstva Vlada je zaključkom usvojila **Analizu voznog parka Vlade TK sa prijedlogom racionalizacije**, donijela **Odluku o dodjeli službenih vozila**, **Odluku o raspoređivanju službenih vozila**. Smanjen je broj vozila u voznom parku Vlade TK, poboljšana je organizacija voznog parka Vlade TK u skladu sa potrebama institucija koje su obuhvaćene analizom.

#### **Uredba o uslovima i načinu korištenja i održavanja službenih putničkih vozila i kontroli utroška goriva u kantonalnim organima.**

**Razlog donošenja:** Zaključkom Vlade Tuzlanskog kantona o mjerama štednje broj: 02/1-14-009990/14 od 06.05.2014. godine, naloženo je da se izmijeni Uredba o načinu i uvjetima korištenja službenih putničkih vozila i kontroli utroška goriva kantonalnih organa („Službene novine TK“ broj 8/11, 1/12 i 2/12). Urađena Analiza voznog parka Vlade TK sa prijedlogom racionalizacije je pokazala da se mora donijeti potpuno nova uredba koja je prilagođena preporukama koje su navedene u Analizi. Ovom uredbom uređeni su uslovi i način korištenja službenih putničkih vozila, nadležnosti za odobravanje korištenja vozila koja su u vlasništvu Vlade Tuzlanskog kantona, kantonalnih organa uprave, kantonalnih upravnih organizacija, Kantonalnog pravobranilaštva, regulatornih tijela i drugih organa državne službe Tuzlanskog kantona, poslovi i zadaci ovlaštenog lica za upravljanje voznim parkom, način kontrole utroška goriva i održavanje vozila, kao i poslovi i zadaci za čije se izvršenje vozila mogu koristiti.

### **MINISTARSTVO ZDRAVSTVA TUZLANSKOG KANTONA**

#### **PROGRAMIRANI PROPISI KOJE JE DONIJELA VLADA TK I SKUPŠTINA TK**

##### **Odluku o utvrđivanju liste lijekova koji se mogu propisivati i izdavati na teret sredstava obaveznog zdravstvenog osiguranja Tuzlanskog kantona**

**Razlog za donošenje:** Zakonska obaveza iz člana 8. Zakona o lijekovima i člana 31. Pravilniku o bližim kriterijima za izbor lijekova, postupku i načinu izrade listi lijekova u Federaciji Bosne i Hercegovine, načinu stavljanja i skidanja lijekova sa listi lijekova, obavezama ministarstava zdravstva, zavoda zdravstvenog osiguranja, te proizvođača i prometnika lijekova uvrštenih na liste lijekova, kao i korištenje lijekova. Stupanjem na snagu Pravilnika proizašla je obaveza revizije kantonalnih listi lijekova.

##### **Odluka o Pozitivnoj listi lijekova Tuzlanskog kantona**

**Razlog za donošenje:** Zakonska obaveza iz člana 8. Zakona o lijekovima i člana 31. Pravilniku o bližim kriterijima za izbor lijekova, postupku i načinu izrade listi lijekova u Federaciji Bosne i Hercegovine, načinu stavljanja i skidanja lijekova sa listi lijekova, obavezama ministarstava zdravstva, zavoda zdravstvenog osiguranja, te proizvođača i prometnika lijekova uvrštenih na liste lijekova, kao i korištenje lijekova. Stupanjem na snagu Pravilnika proizašla je obaveza revizije kantonalnih listi lijekova.

##### **Finansijski plan Zavoda zdravstvenog osiguranja Tuzlanskog kantona za 2014. godinu**

**Razlog za donošenje:** Zakonska obaveza iz člana 18. Zakona o proračunima-budžetima u Federaciji Bosne i Hercegovine da Vlada Kantona razmatra finansijski plan izvanbudžetskog fonda koji na osnovu člana 82. i 103. Zakona o zdravstvenom osiguranju donosi Upravni odbor izvanbudžetskog fonda, a saglasnost daje Skupština Kantona.

### **Odluka o ostvarivanju prava iz primarne zdravstvene zaštite povratnika u Republiku Srpsku u JZU dom zdravlja na području Tuzlanskog kantona**

**Razlog za donošenje:** Sadržan je u Odluci Vlade Tuzlanskog kantona o ostvarivanju prava iz osnova socijalne, zdravstvene i boračko-invalidske zaštite povratnika na područje entiteta Republika Srpska i Brčko Distrikta („Službene novine Tuzlanskog kantona“, broj:8/12) u članu 1. stav 1. omogućeno je povratnicima u Republiku Srpsku pravo na korištenje primarne zdravstvene zaštite (primarni nivo) u JZU domovi zdravlja na području Tuzlanskog kantona. Članom 6. stav 2. propisano je da finansiranje prava iz člana 1. stav 2. odluke, vrši se u skladu sa odlukom Vlade Tuzlanskog kantona.

### **Nacrt programa rada Ministarstva zdravstva za 2015. godinu**

**Razlog donošenja:** Sačinjavanje Nacrta Programa rada Vlade TK za 2015. godinu

### **PROGRAMIRANE A NEIZVRŠENE MJERE**

#### **Finansijski plan Zavoda zdravstvenog osiguranja Tuzlanskog kantona za 2015. godinu**

**Razlog neizvršavanja:** Finansijski plan je pripremljen i usvojen od strane Upravnog odbora ZZO TK, te dostavljen Vladi TK u dalju proceduru. Finansijski plan za 2015. godinu nije razmatran na sjednici Vlade TK jer donesena Odluka o privremenom finansiranju ZZO TK za prva tri mjeseca 2015. godine.

#### **Smjernice za izradu Finansijskog plana Zavoda zdravstvenog osiguranja Tuzlanskog kantona za 2015. godinu**

**Razlog neizvršavanja:** Donesena Odluka o privremenom finansiranju ZZO TK za prva tri mjeseca 2015. godine.

#### **Odluka o utvrđivanju uslova, kriterija i postupaka za raspored sredstava sa pozicije „Tekući transferi“ sa prijedlogom Programa raspodjele sredstava za 2014. godinu**

**Razlog neizvršavanja:** Vlada Kantona razmatra i daje saglasnost na Program raspodjele koji se donosi u skladu sa Odlukom o utvrđivanju uslova, kriterija i postupaka za raspored sredstava sa pozicije „Tekući transferi“, uz prethodno pribavljeno mišljenje Komisije za rad zdravstvo i socijalnu politiku Skupštine Tuzlanskog kantona. Vlada TK nije dala saglasnost na pomenuti Program raspodjele iz razloga što nije pribavljeno traženo mišljenje Komisije za rad, zdravstvo i socijalnu politiku. Ministarstvo zdravstva TK je od strane Skupštine TK obaviješteno da ne postoji komisija koja bi trebala dati potrebno mišljenje.

### **NEPROGRAMIRANE A IZVRŠENE MJERE**

#### **Odluka o izmjenama i dopunama Odluke o jedinstvenoj listi ortopedskih i drugih pomagala**

**Razlog donošenja:** Odluka Upravnog odbora ZZOTK o stavljanju van snage Odluke o utvrđivanju Prijedloga Odluke o izmjeni i dopuni Odluke o jedinstvenoj listi ortopedskih i drugih pomagala, broj: 01-05-1-129/14 od 03.07.2014. godine, sve u cilju otklanjanja dilema u vezi sa primjenom člana 2. pomenute odluke koje se odnose na pojedina pomagala. Odluka je donijeta na osnovu člana 21. Statuta ZZOTK („Sl. novine TK“, br. 5/00 i 18/14).

**Prijedlog Odluke o preuzimanju osnivačkih prava nad Zavodom za javno zdravstvo Tuzlanskog kantona**

**Razlog donošenja:** Odredbe Zakona o zdravstvenoj zaštiti („Sl. novine FBiH“, br. 46/10 i 75/13) koji je stupio na snagu 10.08.2010. godine, prema kojim je bilo neophodno uskladiti organizaciju rada zavoda za javno zdravstvo sa istom.

**Prijedlog Odluke o davanju saglasnosti Statut Zavoda za javno zdravstvo Tuzlanskog kantona**

**Razlog donošenja:** Odredbe člana 65., u vezi sa članom 63. Zakona o zdravstvenoj zaštiti („Sl. novine FBiH“, br. 46/10 i 75/13), kao i odredbe člana 5. Odluke o preuzimanju osnivačkih prava nad Zavodom za javno zdravstvo Tuzlanskog kantona („Sl. novine TK“, br. 2/14).

**Prijedlog Zakona o izmjenama i dopunama Zakona o Zavodu zdravstvenog osiguranja Tuzlanskog kantona**

**Razlog donošenja:** Odredbe Izmjena i dopuna Zakona o zdravstvenom osiguranju („Sl. novine FBiH“, br. 7/02, 70/08, 48/11), zatim zakonske odredbe Zakona o zdravstvenoj zaštiti („Sl. novine FBiH“, br. 46/10), Zakona o jedinstvenom sistemu registracije, kontrole i naplate doprinosa („Sl. novine FBiH“, br. 42/09), Zakona o klasifikaciji djelatnosti u Bosni i Hercegovini („Sl. glasnik BiH“, br. 76/06, 100/08, 32/10) i Pravilnika o podnošenju prijave za upis i promjene upisa u jedinstveni sistem registracije, kontrole i naplate doprinosa („Sl. novine FBiH“, br. 73/09, 38/10, 77/10, 9/11).

**Prijedlog Zakona o regulisanju dospelih a neuplaćenih obaveza za zdravstveno osiguranje i osiguranje od nezaposlenosti rudnika uglja u Tuzlanskom kantonu**

**Razlog donošenja:** Odredbe člana 3. stav 3. Zakona o finansijskoj konsolidaciji rudnika uglja u Federaciji Bosne i Hercegovine prema obračunatim, a neuplaćenim javnim prihodima u periodu od 2009. do 2015. godine („Sl. novine FBiH“, br. 81/08, 109/12 i 5/14).

**Odluku o privremenom finansiranju Zavoda zdravstvenog osiguranja u periodu 01.01.-31.03.2015. godine**

**Razlozi donošenja:** Odredbe člana 103. Zakona o zdravstvenom osiguranju („Sl. novine FBiH“, br. 7/02, 70/08, 48/11), i članova 6., 35. i 38. Zakona o Budžetima u Federaciji BiH („Sl. novine FBiH“, br. 102/13, 9/14 i 13/14, kao i Zaključak Vlade TK, broj: 02/1-37-28357/14 od 09.12.2014. godine i Saglasnosti Ministra zdravstva TK, broj: 13/1-14-30080/14 od 12.12.2014. godine.

**Prijedlog Odluke o izmjenama i dopunama Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Tuzlanskog kantona**

**Razlog donošenja:** Zaključak Vlade TK, broj: 02/1-37-24827/14 od 04.11.2014. godine, koji mse zadužuje ZZO TK da zaposlenicima preduzeća d.o.o „Gredelj-Revom“ iz Dobošnice odmah izvrši ovjeru zdravstvenih legitimacija za mjesec novembar 2014. godine, te da se u cilju rješavanja daljeg pritupa zdravstvenoj zaštiti pomenutih zaposlenika hitno pokrene postupak za izmjene i dopune Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Tuzlanskog kantona.

## **URED PREMIJERA**

### **PROGRAMIRANI PROPISI KOJE JE DONIJELA VLADA TK I SKUPŠTINA TK**

#### **Odluka o određivanju manifestacija od interesa za Tuzlanski kanton za 2014. godinu**

**Razlog donošenja:** Održavanjem manifestacija od interesa za Tuzlanski kanton afirmiše se ekonomski održivi razvoj Tuzlanskog kantona, a kroz međunarodno učešće sajamskog karaktera ostvaruje se i međunarodna saradnja poduzetnika, općina i drugih.

#### **Odluka o utvrđivanju uslova, kriterija i postupka za raspodjelu sredstava sa potrošačke jedinice 11010020 – POMOĆ VJERSKIM ZAJEDNICAMA**

**Razlog donošenja:** Obilježavanje i čuvanje tradicije vjerskih zajednica, zaštita i čuvanje kulturne baštine naroda u BiH i promociju njihovih kulturnih vrijednosti, zaštita vjerskih objekata, odgojno-obrazovne djelatnosti, zdravstvenu i socijalnu zaštitu, karitativnu djelatnost ili izdavačku djelatnost, programi drugog karaktera koji su od interesa za Tuzlanski kanton.

#### **Odluka o utvrđivanju kriterija, uslova i postupka za raspodjelu sredstava sa potrošačke jedinice 11010022 – Mediji**

**Razlog donošenja:** Afirmacija poduzetništva, afirmacija obrtništva, umjetničkih i starih zanata, razvoj i unapređenje poljoprivrede, afirmacija i unapređenje turizma, privredni razvoj, racionalno korištenje energije, racionalno korištenje prirodnih mineralnih resursa, afirmacija korištenja obnovljivih izvora energije, zaštitu i očuvanje okolice, sa akcentom na zaštitu većih vodotoka i akumulacije Modrac, razvoj obrazovanja, te afirmaciju upisa učenika i studenata u tehničke škole, odnosno fakultete, djecu i mlade ili su namijenjeni djeci i mladima, zaštitu i unapređenje kulture, afirmacija moralnih vrijednosti, zaštitu ljudskog zdravlja, zaštitu i unapređenje civilnog društva.

**NAPOMENA:** Nije donesen Program raspodjele za Medije, te ova sredstva nisu ni realizovana

#### **Odluka o utvrđivanju uslova, kriterija i postupka za raspodjelu sredstava sa potrošačke jedinice 11010024 – subvencioniranje kamata za stambeno zbrinjavanje mladih**

**Razlog donošenja:** Pomoć mladima kroz subvencioniranje kamate za stambeno zbrinjavanje

### **NEPROGRAMIRANE A IZVRŠENE MJERE**

#### **Smjernice i ciljevi rada Vlade Tuzlanskog kantona za 2014. godinu**

**Razlog donošenja:** Upoznavanje sa temeljnim usmjerenjima, ciljevima i principima rada Vlade Tuzlanskog kantona imenovane 27.3.2014. godine, do okončanja mandata Vlade u 2014. godini.

#### **Odluka o pokretanju procesa izrade Strategije razvoja Tuzlanskog kantona za period 2016. - 2020. godina**

**Razlog donošenja:** Kreiranje pravne osnove za zvaničan proces izrade Strategije razvoja Tuzlanskog kantona za period 2016.-2020. godina, definisanje pretpostavki i karakteristika strateškog dokumenta, principa njegove izrade, izvora sredstava za finansiranja izrade Strategije, definisanje koordinatora izrade Strategije i implementacione jedinice za Tuzlanski kanton.

#### **Elaborat o stanju u privredi Tuzlanskog kantona**

**Razlog donošenja:** Kreiranje analitičke osnove za iskazivanje interesa Kantona za ulaganje u industrije/sektore privrede sa izrazitim potencijalom rasta.

**Odluka o utvrđivanju sredstava za raspodjelu sa potrošačke jedinice 11010009 - "Organizacije i udruženja Tuzlanskog kantona"**

**Razlog donošenja:** Podrška u radu nacionalnim kulturnim društvima: Bošnjačka zajednica kulture „Preporod”, Hrvatsko kulturno društvo „Napredak”, Hrvatsko društvo „Hrvatski dom” Tuzla i Srpsko kulturno prosvjetno društvo „Prosvjeta”, Srpsko građansko vijeće - Pokret za ravnopravnost Tuzlanskog kantona, Savezu udruženja slijepih građana Tuzlanskog kantona, Crvenom križu Tuzlanskog kantona i Fondaciji istina, pravda, pomirenje.

**Program raspodjele sredstava sa potrošačke jedinice 11010020 - "Pomoć vjerskim zajednicama za 2014. godinu"**

**Razlog donošenja:** Obilježavanje i čuvanje tradicije vjerskih zajednica, zaštita i čuvanje kulturne baštine naroda u BiH i promociju njihovih kulturnih vrijednosti, zaštita vjerskih objekata, odgojno-obrazovne djelatnosti, zdravstvenu i socijalnu zaštitu, karitativnu djelatnost ili izdavačku djelatnost, programi drugog karaktera koji su od interesa za Tuzlanski kanton.

**Program raspodjele sredstava sa potrošačke jedinice 11010024 – subvencioniranje kamata za stambeno zbrinjavanje mladih**

**Razlog donošenja:** Pomoć mladima kroz subvencioniranje kamate za stambeno zbrinjavanje

**Odluka o metodologiji izrade i donošenja programa rada i izvještaja o radu Vlade Tuzlanskog kantona, ministarstava, samostalnih kantonalnih uprava i kantonalnih upravnih organizacija**

**Razlog donošenja:** Uređenje metodologije izrade i donošenja godišnjih programa rada i godišnjih izvještaja o radu Vlade Tuzlanskog kantona, ministarstava, uprava i upravnih organizacija Tuzlanskog kantona.

**Uputstvo za izradu godišnjeg programa rada i izvještaja o radu Vlade Tuzlanskog kantona, ministarstava, samostalnih kantonalnih uprava i kantonalnih upravnih organizacija**

**Razlog donošenja:** Kreiranje pravne osnove za adekvatnije planiranje i praćenje realizacije programa rada Vlade Tuzlanskog kantona, ministarstava, samostalnih kantonalnih uprava i kantonalnih upravnih organizacija, kao i njihovo godišnje izvještavanje, a usklađeno sa principima strateškog planiranja i evaluacije.

**Uputstvo o metodologiji za izradu godišnjeg plana poslovanja javnih preduzeća i javnih ustanova Tuzlanskog kantona**

**Razlog donošenja:** Utvrđivanje metodologije izrade godišnjeg plana poslovanja javnih preduzeća i javnih ustanova čiji je osnivač Tuzlanski kanton ili kojima upravlja po osnovu učešća državnog kapitala, i s tim u vezi oblik, forma i sadržaj, te redosljed podataka i prikaz obaveznih pokazatelja koji će se obuhvatiti Godišnjim planom poslovanja.

**KANTONALNA UPRAVA CIVILNE ZAŠTITE**

**PROGRAMIRANI PROPISI KOJE JE DONIJELA VLADA TK I SKUPŠTINA TK**

**Odluka o dodjeli pomoći općinama iz sredstava posebne naknade za zaštitu od prirodnih i drugih nesreća**

**Razlozi za donošenje:** Dodjela pomoći općinama Tuzlanskog kantona iz neutrošenih sredstava posebne naknade za zaštitu od prirodnih i drugih nesreća do sada je regulisana

Odlukom o postupku i kriterijima za dodjelu pomoći općinama Tuzlanskog kantona iz sredstava posebne naknade za zaštitu od prirodnih i drugih nesreća („Službene novine TK“, broj: 6/12). Međutim, u međuvremenu su izmijenjeni federalni propisi na koje se naslanja navedena odluka, odnosno donijeta je Odluka o izmjenama i dopunama Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine F BiH“, broj: 80/13). Rješenja u navedenom federalnom propisu, kao i određene primjedbe i sugestije Ureda za reviziju, zahtijevale su donošenje nove Odluke.

### **Odluka o korištenju finansijskih sredstava namijenjenih za zaštitu od požara i vatrogastvo**

**Razlozi za donošenje:** Ovom Odlukom se, u skladu sa članom 137. stav 5. tačka 2) Zakona o zaštiti od požara i vatrogastvu („Službene novine Federacije BiH“, broj: 64/09), uređuju uslovi, prioritet i način korištenja finansijskih sredstava iz premije osiguranja imovine od požara i prirodnih sila i sredstava od naplaćene funkcionalne premije osiguranja, koja se odnosi na osiguranje motornih vozila.

### **Nacrt Programa rada Kantonalne uprave civilne zaštite za 2015. godinu**

**Razlog donošenja:** Sačinjavanje Nacrta Programa rada Vlade TK za 2015. godinu

## **NEPROGRAMIRANE A IZVRŠENE MJERE**

### **Odluka o osnivanju Kantonalnog štaba civilne zaštite**

**Razlozi za donošenje:** Funkcioniranje Kantonalnog štaba u stanju prirodne ili druge nesreće, kao i u drugim slučajevima, smanjenje broja članova Kantonalnog štaba, postupanje u slučaju da je komandant Kantonalnog štaba iz ministarstva koje daje i člana štaba, promjena sastava članova štaba, iz razloga čestih promjena u sastavu Vlade Kantona i nemogućnosti štaba da djeluje u okviru zadatog kvoruma, definisanje funkcionisanja Kantonalnog štaba do imenovanja novog saziva štaba, što je bio nedostatak u nekoliko zadnjih mjeseci, kada štab nije uopšte postojao i djelovao, iako je bilo potrebe za tim.

### **Odluka o izmjenama i dopunama Odluke o osnivanju Kantonalnog štaba civilne zaštite**

**Razlozi za donošenje:** Razlog za izmjene i dopune je u promjeni subjekta iz kojeg se delegira član štaba, radi efikasnijeg rada istog

### **Uredba o organiziranju službi zaštite i spašavanja u Tuzlanskom kantonu**

**Razlozi za donošenje:** Donošenje ove Uredbe potrebno je radi formiranja određenih službi zaštite i spašavanja koje će angažirati u obavljanju operativnih zadataka u oblasti zaštite i spašavanja ljudi i materijalnih dobara. Te službe su namijenjene za djelovanje na području Kantona, kada se zahtjeva provođenje mjera i aktivnosti na sprečavanju nastanka prirodne ili druge nesreće ili ublažavanju njenog djelovanja, od momenta kada Kantonalni štab civilne zaštite naredi njihovu upotrebu do momenta kada naredi prestanak njihovog rada, kao i za vrijeme vježbi civilne zaštite i drugih oblika obuke.

### **U izvještajnom periodu sačinjeni su i radni materijali:**

Izmjena i dopuna Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu i

Izmjena i dopuna Zakona o zaštiti od požara i vatrogastvu na području Tuzlanskog kantona  
Navedeni materijali nisu poslani u proceduru donošenja iz razloga stanja prirodne nesreće, a kasnije predizbornih i izbornih aktivnosti.



## **PROGRAMIRANE A NEIZVRŠENE MJERE**

### **Plan korištenja sredstava naknade za zaštitu od požara i vatrogastvo u 2014. godini**

**Razlozi neizvršavanja:** Plan nije donesen zbog toga što nije bila donesena Odluka o korištenju finansijskih sredstava namijenjenih za zaštitu od požara i vatrogastvo i zbog prosvjeda građana i prirodnih nesreća u toku godine.

## **KANTONALNA UPRAVA ZA INSPEKCIJSKE POSLOVE**

### **Nacrt Programa rada Kantonalne uprave za inspekcijske poslove za 2015. godinu**

Razlog donošenja: Sačinjavanje Nacrta Programa rada Vlade TK za 2015. godinu

## **KANTONALNI ZAVOD ZA PRUŽANJE PRAVNE POMOĆI**

### **Nacrt Programa rada Kantonalnog zavoda za pružanje pravne pomoći za 2015. godinu**

Razlog donošenja: Sačinjavanje Nacrta Programa rada Vlade TK za 2015. godinu

## **URED ZA INTERNU REVIZIJU**

## **PROGRAMIRANI PROPISI KOJE JE DONIJELA VLADA TK I SKUPŠTINA TK**

### **Strateški plan Ureda za internu reviziju Vlade Tuzlanskog kantona za period 2014.-2016. godina**

**Razlog donošenja:** Svrha strateškog plana je da se odrede glavni ciljevi, programi i aktivnosti Ureda za internu reviziju za period 2014. - 2016. godine.

### **Godišnji plan rada Ureda za internu reviziju Vlade Tuzlanskog kantona za 2014. godinu**

**Razlog donošenja:** Godišnji plan se zasniva na strateškom planu Ureda za internu reviziju za period 2014. - 2016. godina. Godišnji plan rada definiše vrstu/predmet, obim, ciljeve, vremenski raspored i resurse koji su neophodni za izvršavanje pojedinačnih revizija i ostalih aktivnosti interne revizije.

### **Program mjera za otklanjanje propusta i nepravilnosti u finansijskim izvještajima Budžeta Tuzlanskog kantona za 2013. godinu konstatovanih od strane Ureda za reviziju institucija FBiH u 2013. godini**

**Razlog za donošenje:** Vlada Tuzlanskog kantona je, na prijedlog Ureda za internu reviziju, donijela Program mjera za otklanjanje propusta i nepravilnosti u finansijskim izvještajima Budžeta Tuzlanskog kantona za 2013.godinu konstatovanih od strane Ureda za reviziju institucija FBiH u 2013.godini, broj:02/1-14-028509/14, od 18.12.2014. godine. Vlada Kantona je s ciljem otklanjanja uočenih propusta i nepravilnosti u finansijskim izvještajima Budžeta Tuzlanskog kantona za 2013. godinu i uočenih rizika koji za posljedicu imaju određene propuste i nepravilnosti u poslovanju budžetskih korisnika, donijela Program mjera u okviru kojeg je predviđen i način upravljanja rizicima svodeći ih na kontrolisanu/prihvatljivu mjeru, kako bi se otklonila mogućnost nastanka propusta i nepravilnosti u narednom periodu.

### **Nacrt Programa rada Ureda za internu reviziju za 2015. godinu**

**Razlog donošenja:** Sačinjavanje Nacrta Programa rada Vlade TK za 2015. godinu

## **KANTONALNA AGENCIJA ZA PRIVATIZACIJU**

**Nacrt Programa rada Kantonalne agencije za privatizaciju za 2015. godinu**

**Razlog donošenja:** Sačinjavanje Nacrta Programa rada Vlade TK za 2015. godinu

## **KANTONALNA DIREKCIJA ROBNIH REZERVI**

**Nacrt Programa rada Kantonalne direkcije robnih rezervi Tuzla za 2015. godinu**

Razlog donošenja: Sačinjavanje Nacrta Programa rada Vlade TK za 2015. godinu

### **PROGRAMIRANE A NEIZVRŠENE MJERE**

**Pravilnik o postupanju sa privremeno odnosno trajno oduzetom robom u inspeksijskom i sudskom nadzoru**

**Razlozi neizvršavanja:** Pravilnik će biti urađen po usvajanju Zakona o robnim rezervama.

## **KOMISIJA ZA KONCESIJE TK**

**Nacrt Programa rada Komisije za koncesije Tuzlanskog kantona za 2015. godinu**

**Razlog donošenja:** sačinjavanje Nacrta Programa rada Vlade TK za 2015. godinu

## **PEDAGOŠKI ZAVOD TUZLANSKOG KANTONA**

**Nacrt Programa rada Pedagoškog zavoda Tuzlanskog kantona za 2015. godinu**

Razlog donošenja: sačinjavanje Nacrta Programa rada Vlade TK za 2015. godinu

### **PROGRAMIRANE A NEIZVRŠENE MJERE**

**Uredba o polaganju stručnog ispita u ustanovama osnovnog i srednjeg obrazovanja na području Tuzlanskog kantona**

**Razlozi neizvršenja:** Usaglašavanje prijedloga određenih odredaba nove Uredbe u toku, umjesto programiranih izmjena i dopuna važeće Uredbe.

## 5. TEMATSKI DIO

### MINISTARSTVO ZA BORAČKA PITANJA TUZLANSKOG KANTONA

Realizovani poslovi i zadaci na provođenju zakona i utvrđene politike Ministarstva za boračka pitanja su:

**Izveštaj o radu Ministarstva za boračka pitanja za 2013. godinu** - Izveštaj prihvaćen Zaključkom Vlade Tuzlanskog kantona od 15.04.2014. godine/Nije u roku

#### NEPROGRAMIRANI A IZVRŠENI POSLOVI I ZADACI

- Odluka o prihvatanju naplate potraživanja prenosom dionica od "Dasozem" d.j.l. Tuzla na Vladu Tuzlanskog kantona,
- Odluka o izmjeni Odluke o imenovanju Komisije za realizaciju Projekta podizanja jedinstvenih spomen obilježja šehidima-poginulim borcima Oružanih snaga Republike Bosne i Hercegovine u ratu 1992. - 1995. godine,
- Odluka o proširenju upisne kvote za upis učenika iz reda boračke populacije,
- Odluka o dopuni Odluke o proširenju upisne kvote za upis učenika iz reda boračke populacije,
- Odluka o odobravanju sredstava na ime jednokratnih novčanih primanja dobitnicima ratnih priznanja i odlikovanja i članovima uže porodice poginulog, umrlog ili nestalog dobitnika ratnog priznanja i odlikovanja u 2014. godini,
- Odluka o davanju saglasnosti o zaključivanju ugovora sa udružiocima sredstava za izgrađene stanove u Srebreniku,
- Odluka o davanju saglasnosti za nastavak isplate novčanih sredstava za obavljanje pripravničkog staža borcima i članovima njihovih porodica po važećim propisima,
- Odluke o izmjeni Odluke o privremenom regulisanju ovjere zdravstvenih legitimacija i uplati premije za ratne vojne invalide i članove njihovih porodica

### MINISTARSTVO FINANSIJA

Realizovani poslovi i zadaci na provođenju zakona i utvrđene politike Ministarstva finansija su:

**Izveštaj o izvršenju Budžeta TK za 2013. godinu** – Izveštaj prihvaćen Zaključkom Skupštine Tuzlanskog kantona broj 01-02-364-2/14 od 26.06.2014. godine/U roku

**Izveštaj o utrošku tekuće rezerve Budžeta Tuzlanskog kantona za period 01.01. - 31.12.2013. godine** – Izveštaj prihvaćen Zaključkom Skupštine Tuzlanskog kantona broj 01-02-365-2/14 od 26.06.2014. godine/U roku

**Izveštaj o utrošku tekuće rezerve Budžeta Tuzlanskog kantona za period 01.01. - 30.06.2014. godine** – Izveštaj prihvaćen Zaključkom Vlade Tuzlanskog kantona broj 02/1-14-19796-1/14 od 09.09.2014. godine, upućen od strane Vlade TK i nije razmatran od strane Skupštine Tuzlanskog kantona/Nije u roku

**Izveštaj o ostvarenim prihodima i izvršenim rashodima Budžeta TK za period 01.01.- 31.03.2014. godine** – Izveštaj usvojen Zaključkom Vlade Tuzlanskog kantona broj 02/1-14-13407-1/14 od 10.06.2014. godine

**Izveštaj o utrošku tekuće rezerve Budžeta Tuzlanskog kantona za period 01.01. - 31.03.2014. godine** – Izveštaj usvojen Zaključkom Vlade Tuzlanskog kantona broj 02/1-14-13407-2/14 od 10.06.2014. godine

**Izveštaj o izvršenju Budžeta TK za period 01.01.-30.06.2014. godine** – Izveštaj prihvaćen Zaključkom Vlade Tuzlanskog kantona broj 02/1-14-19796-2/14 od 09.09.2014. godine/Nije u roku

**Izveštaj o utrošku tekuće rezerve Budžeta Tuzlanskog kantona za period 01.01. - 30.06.2014. godine** – Izveštaj prihvaćen Zaključkom Vlade Tuzlanskog kantona broj 02/1-14-19796-1/14 od 09.09.2014. godine/Nije u roku

**Izveštaj o ostvarenim prihodima i izvršenim rashodima Budžeta TK za period 01.01.-30.09.2014. godine** – Izveštaj usvojen Zaključkom Vlade Tuzlanskog kantona broj 02/1-14-26847/14 od 20.11.2014. godine/Nije u roku

**Izveštaj o utrošku tekuće rezerve Budžeta Tuzlanskog kantona za period 01.01. - 30.09.2014. godine** – Izveštaj usvojen Zaključkom Vlade Tuzlanskog kantona broj 02/1-14-26847-1/14 od 20.11.2014. godine/Nije u roku

**Izveštaj o radu Ministarstva zdravstva za 2013. godinu** – Izveštaj je usvojen

## **NEPROGRAMIRANI A IZVRŠENI POSLOVI I ZADACI**

- Elaborata o izvršenom popisu sredstava i izvora sredstava Budžeta Tuzlanskog kantona sa stanjem na dan 31.12.2013. godine
- Odluka o izmjenama i dopunama Odluke o dugoročnom kreditnom zaduženju
- Odluka o usvajanju godišnjeg obračuna za 2013. godinu
- Informacije o nedostajućim sredstvima u operativnom planu Budžeta Tuzlanskog kantona u periodu januar - mart 2014. godine, broj: 07/1-14-8705/14 od 10.04.2014. godine
- Odluke o davanju saglasnosti na Odluke Ministarstva finansija o odobravanju sredstava u operativnom planu Budžeta Tuzlanskog kantona
- Odluka o utvrđivanju prijedloga Odluke o izmjenama i dopunama Odluke o dugoročnom kreditnom zaduženju Tuzlanskog kantona
- Odluke o otvaranju podračuna u okviru Jedinstvenog računa trezora Tuzlanskog kantona za namjenska sredstva uplaćena po osnovu naučno istraživačkog rada
- Odluka o utvrđivanju prijedloga Odluke o pokretanju procedure dugoročnog kreditnog zaduženja Tuzlanskog kantona
- Preporuke u dijelu vlastitih i namjenskih prihoda
- Odluka o utvrđivanju prijedloga Odluke o prihvatanju supsidijarnog zaduživanja kod Federacije BiH za sredstva dodatnog finansiranja po IV Stand by aranžmanu MMF-a (Međunarodni monetarni fond)
- Odluke o usmjeravanju neplaniranih donacija u Budžet Tuzlanskog kantona
- Odluke o unutrašnjim preraspodjelama u Budžetu Tuzlanskog kantona
- Odluke o odobravanju sredstava tekuće rezerve
- Odluka o utvrđivanju osnovice za obračun plaće
- Odluka o utvrđivanju visine naknade za ishranu u toku rada

**MINISTARSTVO INDUSTRIJE, ENERGETIKE I RUDARSTVA TUZLANSKOG KANTONA**

Realizovani poslovi i zadaci na provođenju zakona i utvrđene politike Ministarstva industrije, energetike i rudarstva su:

**Informacija o prihodima i stepenu naplate po Ugovorima o koncesiji iz nadležnosti industrije, energetike i rudarstva** - Informacija je usvojena Zaključkom Vlade Kantona broj: 02/1-14-16375/14 od 15.07.2014. godine/Nije u roku

**Izveštaj o radu Ministarstva industrije, energetike i rudarstva za 2013 godinu** - Izveštaj usvojen Zaključkom Vlade Kantona broj: 02/1-05-11456/14 od 20.05.2014 godine/Nije u roku

**Informacija o ostvarenim rezultatima poslovanja privrednih društava iz oblasti industrije, energetike i rudarstva Tuzlanskog kantona za period I-XII 2013. godine** - Informacija prihvaćena Zaključkom Vlade Kantona broj: 02/1-18-10233/14 od 13.05.2014 godine i Zaključkom Skupštine Kantona broj: 01-02-363-2/14 od 26.06.2014 godine/U roku

**Informacija o monitoringu stanja stijenskog masiva na Tuzlanskom ležištu kamene soli** - Informacija usvojena Zaključkom Vlade Kantona broj: 02/1-18-17207/14 od 31.07.2014 godine/Nije u roku

**Informacija o stanju u privrednim društvima koja su u nadležnosti Ministarstva industrije, energetike i rudarstva sa aspekta nadzora, upravljanja i poslovanja** - Informacija usvojena Zaključkom Vlade Kantona broj: 02/1-18-9560/14 od 22.04.2014. godine/Prije roka

**Informacija o ostvarenim rezultatima poslovanja privrednih društava za period I-VI 2014. godine iz oblasti industrije, energetike i rudarstva Tuzlanskog kantona** - Informacija usvojena Zaključkom Vlade Kantona broj: 02/1-34-17575/14 od 09.10.2014 godine/Nije u roku

**Informacija o proizvodnji slane vode kao osnove za razvoj hemijske industrije Tuzlanskog kantona** - Informacija usvojena Zaključkom Vlade Kantona broj: 02/1-18-30435/14 od 30.12.2014 godine/U roku

#### **PROGRAMIRANI A NEREALIZOVANI POSLOVI I ZADACI:**

**Informacija o radu nadzornih odbora u privrednim društvima u kojima prava i obaveze vlasnika po osnovu državnog kapitala vrši Vlada Tuzlanskog kantona**

**Razlozi za neizvršavanje:** Nije sačinjena Informacija o radu nadzornih odbora u privrednim društvima sa većinskim državnim kapitalom iz razloga što je u većini privrednih društava bio nekompletan sastav nadzornih odbora kao i sa privremenim imenovanjima zbog čega je Ministarstvo moralo kontinuirano djelovati u cilju imenovanja nadzornih odbora a takođe zbog teškog stanja u tim privrednim društvima i drugih uslova potrebnih za ta imenovanja (posjedovanje sertifikata), nema odziva kandidata. O ovom problemu Ministarstvo je obavijestilo predsjednika Skupštine TK dopisom broj: 03/1-18-831/15 od 12.01.2015 godine

**Informacija o utrošku sredstava sa budžetske pozicije "Intervencije javnim preduzećima i privrednim društvima" sa postignutim efektima**

**Razlozi za neizvršavanje:**

Informacija je pripremljena za razmatranje na Vladi Kantona za januar 2015 godine.

#### **NEPROGRAMIRANI A IZVRŠENI POSLOVI I ZADACI**

- Davanje saglasnosti na tekst Protokola o načinu izmirenja obaveza po osnovu obračunatih a neuplaćenih koncesionih naknada, koji će se zaključiti između JP

“Elektroprivreda BiH” d.d. Sarajevo, ZD Rudnik mrkog uglja “Đurđevik” d.o.o. Đurđevik i Vlade Tuzlanskog kantona

- Odluka o formiranju Ekspertnog tima za usklađivanje Elaborata o sporazumnom razrješavanju sanacije posljedica slijeganja zemljišta u gradu Tuzla uslijed nekontrolisane eksploatacije slane vode na Tuzlanskom ležištu soli
- Odluka o izmjenama i dopunama Programa raspodjele sredstava sa potrošačke jedinice 13010002 – “Intervencije javnim preduzećima i privrednim društvima”
- Odluka o kriterijima za vrednovanje prijave po Javnom pozivu za prikupljanje prijave za intervencije u privrednim društvima iz oblasti hemijske industrijske grane
- Odluka o utvrđivanju prijedloga Odluke o izboru privrednog društva za intervencije u privrednim društvima iz hemijske industrije
- Davanje saglasnosti na tekst Aneksa IV Ugovora o reprogramu povrata novčanih sredstava po osnovu kredita odobrenog po Ugovoru broj: 02/1-14-8838/99 od 30.08.1999. godine, odobrenog RMU “Đurđevik” Đurđevik d.o.o., sada pravnim sljednikom JP Elektroprivreda BiH, d.d. Sarajevo, Z.D. Rudnici uglja “Đurđevik” Đurđevik d.o.o.
- Odluka Ministarstva industrije, energetike i rudarstva broj: 03/1-34-14298/14 od 02.07.2014. godine o odobravanju finansijskih sredstava u iznosu od 37.329,00 KM na ime pomoći privrednim društvima sa većinskim državnim kapitalom iz resorne nadležnosti, koja u održavanju tekuće likvidnosti nisu u mogućnosti da plaćaju zdravstveno osiguranje radi osiguranja pristupa pravima iz obaveznog zdravstvenog osiguranja zaposlenicima i članovima uže porodice zaposlenika u skladu sa zakonom
- Izvještaj stručnog tima za pokretanje proizvodnog procesa u privrednom društvu „Dita“ d.d. Tuzla o do sada poduzetim radnjama i aktivnostima - usvojen Zaključkom Vlade Kantona broj: 02/1-18-10233/14 od 13.05.2014 godine
- Informacije o aktivnostima na pokretanju eksploatacije magnezita u “Rudniku nemetala Kladanj” d.o.o. Kladanj
- Informacija o hronologiji i aktivnostima Vlade Tuzlanskog kantona na rješavanju statusa privrednog društva “DITA” d.d. Tuzla, sa ciljem ponovnog pokretanja proizvodnog procesa sa osvrtom na daljnje aktivnosti
- Informacija o koncesionim obavezama JP „Elektroprivreda“ BiH d.d. Sarajevo ZD Rudnici „Kreka“ d.o.o. Tuzla, broj: 03/1-18-20943/14 od 24.09.2014. godine
- Izvještaj o realizaciji Zaključka Vlade Tuzlanskog kantona o formiranju Fonda Tuzlanskog kantona za sanaciju posljedica slijeganja zemljišta uslijed nekontrolisane eksploatacije slanice na prostoru Općine Tuzla;
- Odluka o odobravanju finansijskih sredstava privrednom društvu “Koksno hemijski kombinat” d.d. Lukavac
- Odluka o odobravanju finansijskih sredstava privrednom društvu Fabrika obuće “Aida” d.d. Tuzla
- Odluka o odobravanju finansijskih sredstava privrednom društvu “Bosnia valves” d.o.o. Tuzla
- Odluka o odobravanju finansijskih sredstava privrednom društvu “Rudnici nemetala Kladanj” d.o.o. Kladanj
- Odluka o odobravanju finansijskih sredstava privrednom društvu “Polet” d.d. Tuzla
- Odluke o odobravanju sredstava privrednim društvima iz nadležnosti Tuzlanskog kantona za sufinansiranje troškova izrade elaborata i podnošenja zahtjeva za finansijsku konsolidaciju ( x 5)
- Odluka o odobravanju sredstava sa budžetske pozicije 11010017 “Sredstva sa Escrow računa” – namjenska sredstva

- Odluke o odobravanju finansijskih sredstava za potrebe privrednog društva "Elektromontaža" d.o.o. Tuzla u vezi sa podnošenjem zahtjeva za finansijsku konsolidaciju.

## **MINISTARSTVO OBRAZOVANJA, NAUKE, KULTURE I SPORTA TUZLANSKOG KANTONA**

Realizovani poslovi i zadaci na provođenju zakona i utvrđene politike Ministarstva obrazovanja, nauke, kulture i sporta su:

**Izveštaj o radu školskih odbora osnovnih i srednjih škola u 2013. godini** – Izveštaj usvojen Zaključkom Vlade od 15.4.2014.godine i upućen Skupštini Tuzlanskog kantona na razmatranje. Skupština Tuzlanskog kantona usvojila Izveštaj/U roku.

**Informacija o stanju u oblasti predškolskog, osnovnog i srednjeg obrazovanja u školskoj 2013/2014. godini** – Informacija prihvaćena Zaključkom od 9.12.2014.godine i upućena Skupštini Tuzlanskog kantona na razmatranje/U roku

**Informacija o radu JU Univerzitet u Tuzli** – Informacija prihvaćena Zaključkom Vlade od 20.5.2014. godine i uputila Skupštini Tuzlanskog kantona na razmatranje/Nije u roku

**Izveštaj o upisu učenika u prvi razred osnovnih i srednjih škola za školsku 2014/2015. godinu** - Izveštaj usvojen Zaključkom Vlade od 21.10.2014.godine/Nije u roku

**Informacija o stanju kulture u Tuzlanskom kantonu u 2013. godini** - Informacija prihvaćena Zaključkom od 17.6.2014.godine i upućena Skupštini Tuzlanskog kantona na razmatranje/Nije u roku

**Izveštaja o radu Ministarstva obrazovanja, nauke, kulture i sporta za period januar – decembar 2013. godine** - Izveštaj usvojen Zaključkom Vlade od 13.05.2014. godine/Nije u roku

### **PROGRAMIRANI A NEREALIZOVANI POSLOVI I ZADACI SU:**

#### **Informacija o stanju u oblasti saobraćajne edukacije za 2013. godinu**

**Razlog neizvršenja:** U toku je obrada statističkih podataka. Informacija će biti prosljeđena Vladi TK nakon obrade podataka.

#### **Informacije o stanju u oblasti sporta u TK u 2013. godini**

**Razlog neizvršenja:** Zbog kadrovske nepopunjenosti službenika u odjeljenju za kulturu i sport i ne izvršavanje obaveze Sportskog saveza TK.

### **NEPROGRAMIRANI A IZVRŠENI POSLOVI I ZADACI**

- Odluka o odobravanju sredstava za troškove smještaja, ishrane i zdravstvenog osiguranja studenata iz Palestine u akademskoj 2013/2014. godini
- Odluka o odobravanju sredstava Sportskom savezu Tuzlanskog kantona na ime sufinansiranja rada Sportskog saveza u 2014. godini
- Odluka o davanju saglasnosti na Plan upisa učenika u prvi razred srednjih škola Tuzlanskog kantona za školsku 2014./2015. godinu, broj: 10/1-38-9627-4/14 od 28.05.2014. godine
- Odluka o davanju saglasnosti na Odluku Ministarstva obrazovanja, nauke, kulture i sporta broj: 10/1-38-9627-6/14 od 04.07.2014. godine o izmjeni Plana upisa učenika u prvi razred srednjih škola Tuzlanskog kantona za školsku 2014/2015. godinu



- Odluka o davanju saglasnosti na Odluku Ministarstva obrazovanja, nauke, kulture i sporta broj: 10/1-38-18762-2/14 od 25.08.2014. godine o utvrđivanju uslova, kriterija, način bodovanja i sufinansiranja volontera radi osposobljavanja za samostalan rad bez zasnivanja radnog odnosa (volonterski rad) u osnovnim i srednjim školama Tuzlanskog kantona koje imaju status javne ustanove i ustanovama kulture
- Odluka o prihvatanju teksta Sporazuma o obrazovanju Mirovnog vijeća za rješavanje kolektivnih radnih sporova u oblasti visokog obrazovanja
- Odluka o prihvatanju teksta Sporazuma o poslovima koji se ne mogu prekidati za vrijeme štrajka u oblasti visokog obrazovanja
- Odluka o prihvatanju teksta Sporazuma koji će se potpisati između Vlade Tuzlanskog kantona i Samostalnog sindikata radnika osnovnog obrazovanja i odgoja Tuzlanskog kantona
- Odluka o prihvatanju teksta Sporazuma koji će se potpisati između Vlade Tuzlanskog kantona i Sindikata srednjeg i visokog obrazovanja, odgoja, nauke i kulture BiH Kantonalni odbor Tuzlanskog kantona
- Protokola o poslovno-tehničkoj saradnji na implementaciji projekta e-obrazovanje
- Rješenje o imenovanju Komisije za zbrinjavanje zaposlenika za čijim radom je prestala potreba u ustanovama srednjeg obrazovanja u školskoj 2014/2015. Godini
- Odluka o davanju saglasnosti na Odluku Senata Univerziteta u Tuzli broj: 03-5161-2.2.1/14 od 08.09.2014. godine o izmjenama Odluke o broju studenata za upis u prvu godinu prvog i integriranog prvog i drugog ciklusa studija na fakultete/Akademiju Univerziteta u Tuzli te utvrđivanju visine školarine i participacije u troškovima studija u akademskoj 2014/2015. godini
- Informacije o provedenom konkursu/oglasu za prijem zaposlenika u osnovnim i srednjim školama Tuzlanskog kantona
- Odluka o davanju saglasnosti na Odluku o izmjenama i dopunama Pravila Javne ustanove Arhiv Tuzlanskog kantona
- Odluka o davanju saglasnosti na prijedlog Odluke Senata Univerziteta u Tuzli broj: 03-821-3/14 od 12.02.2014. godine o izmjenama i dopunama Statuta Univerziteta u Tuzli
- Odluka o davanju saglasnosti na prijedlog Odluke Senata Univerziteta u Tuzli, broj: 03-3540-5/14 od 11.06.2014. godine o broju studenata za upis na prvu godinu prvog i integriranog prvog i drugog ciklusa studija na fakultete/Akademiju Univerziteta u Tuzli, te utvrđivanju visine školarine i participacije u troškovima studija u akademskoj 2014/2015. godini
- Program raspodjele sredstava za sufinansiranje i ostvarivanje javnog interesa Tuzlanskog kantona u oblasti tjelesne kulture i sporta za 2014. godinu
- Odluka o davanju saglasnosti na prijedlog Pravila Javne ustanove Specijalna biblioteka “Behram – beg” u Tuzli, od 19.06.2012. godine
- Odluka o davanju saglasnosti na Pravilnik o izmjenama i dopunama Pravilnika o osnovama i mjerilima za utvrđivanje plaće i drugih ličnih primanja zaposlenika u javnim ustanovama u oblasti osnovnog obrazovanja
- Odluka o davanju saglasnosti na Pravilnik o izmjenama i dopunama Pravilnika o osnovama i mjerilima za utvrđivanje plaće i drugih ličnih primanja zaposlenika u javnim ustanovama u oblasti srednjeg obrazovanja
- Odluka o davanju saglasnosti na Pravilnik o izmjenama i dopunama Pravilnika o osnovama i mjerilima za utvrđivanje plaće i drugih ličnih primanja zaposlenika u javnim ustanovama u oblasti kulture
- Analiza bruto plaća za period I – VIII 2014. godine sa procjenom do kraja 2014. godine. Vlada prihvatila Analizu.

- Informacija o provedenom Konkursu/Oglasu za prijem zaposlenika u osnovnim i srednjim školama Tuzlanskog kantona.
- Izvještaj o radu JP RTV TK u 2013. godini. Vlada prihvatila Izvještaj. Skupština Tuzlanskog kantona usvojila Izvještaj.

## **PEDAGOŠKI ZAVOD TUZLANSKOG KANTONA**

### **Realizovani poslovi i zadaci su:**

**Izvještaj o radu Pedagoškog zavoda Tuzlanskog kantona za 2013. godinu -** Izvještaj usvojen Zaključkom Vlade TK od 22.04.2014. godine/Nije u roku

**Izvještaj o obavljenoj eksternoj maturi za opće gimnazije -** Izvještaj usvojen Zaključkom Vlade TK od 20.11.2014. godine/U roku

### **PROGRAMIRANI A NEREALIZOVANI POSLOVI I ZADACI**

**Polugodišnji izvještaj o izvršenom stručnom nadzoru u ustanovama predškolskog, osnovnog i srednjeg odgoja i obrazovanja, u okviru godišnjeg izvještaja o radu Zavoda**  
**Razlog neizvršavanja:** Izvještaj dostavljen Ministarstvu obrazovanja, nauke, kulture i sporta na razmatranje po mrežama škola

**Izvještaj o stručnom usavršavanju nastavnika, stručnih saradnika i direktora odgojno-obrazovnih ustanova**

**Razlog neizvršavanja:** Predmetni Izvještaj sastavni dio Izvještaja o radu Pedagoškog zavoda TK za 2014. godinu

## **MINISTARSTVO POLJOPRIVREDE, ŠUMARSTVA I VODOPRIVREDE TUZLANSKOG KANTONA**

Realizovani poslovi i zadaci na provođenju zakona i utvrđene politike Ministarstva poljoprivrede, šumarstva i vodoprivrede su:

**Izvještaj o radu Ministarstva poljoprivrede, šumarstva i vodoprivrede za 2013. godinu -** Izvještaj usvojen Zaključkom Vlade TK broj:02/1-05-8895/14 od 22.04.2014.godine/Nije u roku

**Izvještaj o zdravstvenom stanju životinja za 2013. godinu –** Izvještaj usvojen Zaključkom Vlade TK broj:02/1-24-9169/14 od 28.04.2014. godine/Nije u roku

**Izvještaj o realizaciji novčanih podrški u primarnoj poljoprivrednoj proizvodnji za 2013. godinu –** Izvještaj prihvaćen Zaključkom Vlade TK broj:02/1-24-9812/14 od 13.05.2014.godine i dostavljen Skupštini TK na usvajanje/U roku

**Plan proljetne sjetve –** Plan usvojen Zaključkom Vlade TK broj:02/1-24-222/14 od 08.04.2014.godine/U roku

**Izvještaj o realizaciji Programa korištenja sredstava prikupljenih od promjene namjene poljoprivrednog zemljišta za 2013. godinu –** Izvještaj usvojen Zaključak Vlade TK broj:02/1-24-10503/14 od 13.05.2014.godine/U roku

**Izvještaj o realizaciji Programa ulaganja sredstava vodnih naknada u oblast vodoprivrede na području Tuzlanskog kantona za 2013. godinu –** Izvještaj usvojen Zaključkom Vlade TK broj:02/1-14-8783/14 od 22.04.2014.godine/U roku

**Izveštaj o realizaciji ulaganja namjenskih sredstava prikupljenih po osnovu Zakona o šumama za 2013. godinu** – Izveštaj usvojen Zaključkom Vlade TK broj:02/1-26-8861/14 od 22.04.2014.godine/U roku

**Informacija o stanju u privrednim društvima iz oblasti primarne poljoprivredne proizvodnje, prehrambene i drvne industrije, šumarstva i vodoprivrede na području Tuzlanskog kantona za 2013. godinu** – Informacija prihvaćena Zaključkom Vlade TK broj: 02/1-24-16215/14 od 22.07.2014.godine i dostavljena Skupštini TK na usvajanje/U roku

**Izveštaj o finansijskom poslovanju JU Veterinarski zavod za 2013. godinu** – Zaključkom Vlade TK broj:02/1-24-10689-3/14 od 10.06.2014.godine konstatovano da Izveštaj nije dobio potrebnu većinu glasova članova Vlade i dostavljen Skupštini TK na usvajanje/U roku

**Izveštaj o realizaciji proljetne sjetve** – Izveštaj usvojen Zaključkom Vlade TK broj:02/1-24-010380/14 od 24.06.2014.godine

**Izveštaj o radu JP „Šume Tuzlanskog kantona“ D.D. Kladanj za 2013. godinu** - Zaključkom Vlade TK broj:02/1-26-15542/14 od 08.07.2014. godine je konstatovano da Izveštaj o poslovanju Javnog preduzeća “Šume Tuzlanskog kantona” D.D. Kladanj za 2013. godinu, nije dobio potrebnu većinu glasova članova Vlade i dostavljen Skupštini TK na usvajanje/U roku

**Izveštaj o radu JP „Spreča“D.D. Tuzla za 2013. godinu** – Izveštaj prihvaćen Zaključkom Vlade TK broj:02/1-25-16172/14 od 22.07.2014.godine i dostavljen Skupštini TK na usvajanje/U roku

**Izveštaj o realizaciji žetve strnih žita** – Izveštaj usvojen Zaključkom Vlade TK broj:02/1-24-19737/14 od 09.09.2014. godine/U roku

**Program rada Ministarstva poljoprivrede, šumarstva i vodoprivrede za 2015. godinu** - Odlukom broj:02/1-05-031239/14 od 30.12.2014. godine utvrđen nacrt Programa rada Vlade TK za 2015. Godinu koji je sačinjen na osnovu dostavljenih nacrt ministarstava.

**Izveštaj o realizaciji jesenje sjetve** – Izveštaj usvojen Zaključkom Vlade TK broj: 02/1-24-28937/14 od 30.12.2014. godine/U roku

#### **PROGRAMIRANI A NEREALIZOVANI POSLOVI I ZADACI SU:**

**Informacija o efektima ulaganja sredstava novčane podrške u poljoprivredi u Tuzlanskom kantonu za period 2010.-2013. godina**

**Razlozi neizvršavanja:** Informacija o efektima ulaganja sredstava novčane podrške u poljoprivredi u Tuzlanskom kantonu za period 2010-2013.godina, predviđena Programom rada Ministarstva za 2014. godinu nije dostavljena Vladi Tuzlanskog kantona na razmatranje i usvajanje. U periodu 2010-2013. godina Vladi Tuzlanskog kantona dostavljani su na razmatranje i usvajanje izvještaji o realizaciji novčanih podrški u primarnoj poljoprivrednoj proizvodnji, koji su sadržavali i analizu efekata novčanih podrški u navedenom periodu.

#### **NEPROGRAMIRANI A IZVRŠENI POSLOVI I ZADACI**

- Odluka broj: 02/1-24-9773/14 od 22.04.2014. godine o davanju saglasnosti Ministarstvu poljoprivrede, šumarstva i vodoprivrede da donese Odluku o određivanju lokacije i načina zbrinjavanja mlijeka sa povećanim sadržajem aflatoksina M1 primjenom “Alternativne metode”,
- Odluka broj: 04/1-26-9580/14 od 21.04.2014. godine o davanju saglasnosti JP “Šume Tuzlanskog kantona” D.D. Kladanj za učešće u postupku ispravke pogrešnog upisa u katastru nekretnina,
- Odluka broj: 02/1-05-1144/14 od 13.05.2014. godine kojom se traži od Skupštine JP “Šume Tuzlanskog kantona” D.D. Kladanj da izglasa nepovjerenje i razriješi

predstavnik državnog kapitala u Nadzornom odboru tog Javnog preduzeća te imenuje privremeni Nadzorni odbor JP „Šume Tuzlanskog kantona” D.D. Kladanj, ispred državnog kapitala, do imenovanja novog Nadzornog odbora u skladu sa zakonom, a najduže do 90 dana,

- Odluka o utvrđivanju prijedloga kandidata za privremeni Nadzorni odbor Javnog preduzeća za vodoprivrednu djelatnost „Spreča“ D.D. Tuzla, broj: 02/1-34-031190-6/13 od 13.05.2014.godine,
- Zaključak o prihvatanju Informacije Ministarstva poljoprivrede, šumarstva i vodoprivrede u vezi sa eksproprijacijom nepokretnosti podnosioca prijedloga RMU „Banovići” D.D. Banovići, broj: 04/1-21-26-10878/14 od 21.05.2014. godine,
- Odluka broj: 02/1-14-12743/14 od 29.05.2014. godine, o davanju saglasnosti na tekst Sporazuma o regulisanju međusobnih prava i obaveza između Ministarstva poljoprivrede, šumarstva i vodoprivrede i JP „Šume Tuzlanskog kantona“ D.D. Kladanj, a koji se odnosi na obavljanje poslova i finansiranje troškova čuvarske službe u državnim šumama, stručnih poslova gospodarenja privatnim šumama i poslova iz člana 15. stav (6) Zakona o šumama, za 2013 i 2014. godinu u iznosu 3.213.147,12 KM,
- Zaključak o prihvatanju teksta Inicijative Ministarstva poljoprivrede, šumarstva i vodoprivrede za izmjene i dopune Zakona o poljoprivrednom zemljištu, broj: 02/1-24-10230/14 od 13.05.2014. godine,
- Odluka broj: 02/1-24-34455-1/14 od 03.06.2014. godine o davanju saglasnosti Ministarstvu poljoprivrede, šumarstva i vodoprivrede, da donese Odluku o određivanju lokacije i načina zbrinjavanja mlijeka sa povećanim sadržajem aflatoksina M1 primjenom „Alternativne metode”, iz objekta „PPM” Tuzla, na farmi „Farma Spreča” doo Kalesija,
- Prijedlog Odluke o utvrđivanju kriterija za vrednovanje prijava po Javnom pozivu za prikupljanje prijava za intervencije u privrednim društvima iz oblasti drvoprerađivačke industrijske grane broj: 02/1-1816238/14 od 15.07.2014. godine,
- Odluka broj: 02/1-26-10878-3/14 od 15.07.2014. godine o davanju saglasnosti Kantonalnom pravobranilaštvu Tuzlanskog kantona i JP „Šume Tuzlanskog kantona“ D.D. Kladanj za potpunu eksproprijaciju nekretnina u korist korisnika eksproprijacije RMU „Banovići“ D.D. Banovići,
- Odluka o utvrđivanju prijedloga Odluke o izboru privrednog društva za intervencije u privrednim društvima iz drvoprerađivačke industrije broj: 02/1-18-16238-2/14 od 22.07.2014. godine,
- Odluka broj:02/1-26-10878-5/14 od 31.07.2014. godine, o davanju saglasnosti JP „Šume Tuzlanskog kantona“ D.D. Kladanj i Kantonalnom pravobranilaštvu da, u postupku pred nadležnom službom Općine Banovići, prihvate pismenu ponudu RMU „Banovići“ D.D. Banovići, broj: 8345/14 od 24.07.2014. godine za sporazumno određivanje naknade za nekretnine ekspropisane u korist RMU „Banovići“ D.D. Banovići,
- Odluka broj: 02/1-26-20753/14 od 16.09.2014.godine, o davanju saglasnosti na tekst Sporazuma o regulisanju međusobnih prava i obaveza između Ministarstva poljoprivrede, šumarstva i vodoprivrede i JP „Šume Tuzlanskog kantona“ D.D. Kladanj, a koji se odnosi na obavljanje poslova i finansiranje troškova čuvarske službe u državnim šumama, stručnih poslova gospodarenja privatnim šumama i poslova iz člana 15. stav (6) Zakona o šumama za 2014. godinu u iznosu 1.750.000,00 KM,
- Odluka broj: 02/1-14-21084/14 od 16.09.2014. godine, o odobravanju sredstava općinama kojom se utvrđuje da će Vlada Tuzlanskog kantona svakoj općini na području Tuzlanskog kantona dodijeliti sredstva u iznosu od po 100.000,00 KM za

radove hitnih intervencija u vodotocima II kategorije, uzrokovane stanjem prirodne nesreće iz sredstava vodnih naknada koja pripadaju Kantonu, kroz Program ulaganja sredstava vodnih naknada u oblast vodoprivrede za 2014. godinu koji donosi Ministarstvo poljoprivrede, šumarstva i vodoprivrede, uz saglasnost Vlade Tuzlanskog kantona,

- Zaključak o prihvatanju Informacije Ministarstva poljoprivrede, šumarstva i vodoprivrede u vezi sa pozivom Općinskog pravobranilaštva Banovići za sporazumno rješavanje sticanja prava vlasništva u postupku potpune eksproprijacije nepokretnosti, broj: 02/1-26-12524-8/14 od 09.10.2014. godine,
- Odluka o utvrđivanju prijedloga kandidata za privremeno imenovanje Nadzornog odbora JP „Šume Tuzlanskog kantona“ D.D. Kladanj, broj: 02/1-34-23672/14 od 21.10.2014. godine,
- Odluka o utvrđivanju prijedloga Odluke o odobravanju Programa sufinansiranja Projekta vodosnabdijevanja južnog dijela općine Gradačac , broj: 02/1-14-22671-2/14 od 21.10.2014. godine,
- Odluka broj: 02/1-24-25064/14 od 30.10.2014. godine, o davanju saglasnosti JP “Šume Tuzlanskog kantona “ D.D. Kladanj da potpiše Sporazum o sticanju prava vlasništva na nekretninama,
- Odluka o davanju saglasnosti na Program utroška budžetskih sredstava –tekući transferi i drugi tekući rashodi za 2014.godinu broj: 04/1-14-22680-1/14 od 04.11.2014.godine,
- Odluka broj: 02/1-14-25968/14 od 11.11.2014. godine,o davanju saglasnosti na tekst Aneksa I Ugovora o finansiranju i izvođenju radova Sanacija brane Modrac – III faza,
- Odluka o izmjeni Programa novčanih podrški u poljoprivredi i ruralnom razvoju u 2014. godini, broj: 02/1-14-017923-5/14 od 24.12.2014. godine,
- Odluka o davanju saglasnosti na Odluku o izmjenama Programa utroška sredstava prikupljenih u skladu sa Zakonom o šumama za 2014. godinu, broj: 02/1-14-19387-4/14 od 24.12.2014. godine,
- Odluka broj: 02/1-26-030450/14 od 24.12.2014. godine o davanju saglasnosti na tekst Sporazuma o regulisanju međusobnih prava i obaveza između Ministarstva poljoprivrede, šumarstva i vodoprivrede i JP “Šume Tuzlanskog kantona” D.D. Kladanj koji se odnosi na obavljanje poslova i finansiranje troškova čuvarske službe za 2013. godinu u iznosu 1.750.000,00 KM,
- Odluka o pristupanju postupku dodjele koncesije po samoinicijativnoj ponudi “KONJUH NATURAL RESOURCE” doo Sarajevo i određivanju koncesora, broj: 01-02-175-2/14 od 06.03.2014. godine,
- Odluka o dodjeli koncesije za korištenje pitke vode za potrebe snadbijevanja vodom građana naseljenog mjesta Gračanica, broj: 02/1-25-14078-1/14 od 19.08.2014. godine,
- Odluka o pristupanju postupku dodjele koncesije po samoinicijativnoj ponudi “VODOVOD VRELO” doo Mionica, općina Gradačac i određivanju koncesora, broj: 02/1-18-7922/14 od 09.12.2014. godine.

## **MINISTARSTVO PRAVOSUĐA I UPRAVE TUZLANSKOG KANTONA**

Realizovani poslovi i zadaci na provođenju zakona i utvrđene politike Ministarstva pravosuđa i uprave su:

**Izveštaj o radu Ministarstva pravosuđa i uprave za 2013. godinu - Izveštaj usvojen**  
Zaključkom broj: 02/1-05-12898/14 od 03.06.2014. godine/Nije u roku

**Informacija o rješavanju upravnih stvari u upravnom postupku u organima uprave Tuzlanskog kantona u 2013. godini** – Informacija usvojena Zaključkom broj: 02/1-05-020778/14 od 23.09.2014.godine/U roku

**Informacija o rješavanju upravnih stvari u upravnom postupku u službama za upravu općina na području Tuzlanskog kantona u 2013. godini** - Informacija usvojena Zaključkom broj: broj: 02/1-05-020778-1/14 od 23.09.2014.godine/U roku

**Program rada Ministarstva pravosuđa i uprave Tuzlanskog kantona za 2015. godinu** - Odlukom broj:02/1-05-031239/14 od 30.12.2014. godine utvrđen nacrt Programa rada Vlade TK za 2015. Godinu koji je sačinjen na osnovu dostavljenih nacrt ministarstava.

## **NEPROGRAMIRANI A IZVRŠENI POSLOVI I ZADACI**

- Shodno zakonskoj obavezi, a u skladu sa tačkom VIII. tada važeće Odluke o metodologiji izrade i donošenja programa rada i izvještaja o radu Vlade Tuzlanskog kantona, kantonalnih organa uprave i upravnih organizacija („Službene novine Tuzlanskog kantona“, broj 15/11), pripremljen je i Vladi u ranijem sastavu, dana 06.12.2013. godine, dostavljen nacrt Programa rada Ministarstva pravosuđa i uprave Tuzlanskog kantona za 2014. godinu. U tom Nacrtu Programa su, ovisno o aktuelnom stanju i ranije započetim aktivnostima, definisani ciljevi, programi i aktivnosti Ministarstva tokom 2014. godine. Nacrt Programa je razmatran i Zaključkom, broj: 02/1-05-334775/13, prihvaćen na sjednici Vlade, održanoj 27.12.2013. godine.

Nakon toga, Vlada u drugom sastavu je dana 05.08.2014. godine donijela novu Odluku o metodologiji izrade i donošenja programa rada i izvještaja o radu Vlade Tuzlanskog kantona, ministarstava, samostalnih kantonalnih uprava i kantonalnih upravnih organizacija i Uputstvo za izradu godišnjeg programa rada i izvještaja o radu vlade Tuzlanskog kantona, ministarstava, samostalnih kantonalnih uprava i kantonalnih u pravnih organizacija. Time je stvorena obaveza da Ministarstvo, kao i drugi kantonalni organi, pored već ranije pripremljenih i utvrđenih programa rada za 2014. godinu, ponovo izrade godišnje programe rada za 2014. godinu.

Zbog toga se u augustu 2014. godine, ponovno pristupilo izradi Programa rada za tu godinu po novoj metodologiji i uputstvu, što je zajedno sa programima rada drugih kantonalnih ministarstava, korišteno kao osnova za izradu programa rada Vlade i Skupštine.

- Mimo programskih aktivnosti, početkom mandata nove Vlade u 2014. godini i dalje, Ministarstvo je bilo obavezno da razmatra zahtjeve Plenuma građanki i građana TK i Udruženja nezaposlenih lica iz svoje nadležnosti i da drugim kantonalnim organima pomogne u razmatranju osnovanosti i prihvatljivosti pojedinih zahtjeva, te da preispita zakonske mogućnosti za udovoljavanje istim. Nakon toga su pripremljena odgovarajuća izjašnjenja i odgovori. To je, zajedno sa odgovorima drugih organa, bila podloga za izradu jedinstvenog Izvještaja o mogućnostima i načinima implementacije zahtjeva Plenuma građanki i građana TK i Udruženja nezaposlenih lica, koji je Vlada razmatrala i prihvatila na sjednici održanoj 28.04.2014. godine.
- Ministarstvo je od dolaska nove Vlade krajem marta 2014. godine nadalje, na kantonalnom nivou, imalo koordinirajuću ulogu u aktivnostima koje su preduzimate u cilju realizacije Projekta IPA 2012/2013 - rekonstrukcija Doma vojske Federacije BiH u Tuzli za potrebe Općinskog suda u Tuzli, kojim bi se u konačnom riješilo pitanje adekvatnog smještaja tri pravosudne institucije sa sjedištem u Tuzli. Naime, kako su postojeći smještajni kapaciteti i uslova u kojima rade Kantonalni i Općinski sud u

Tuzli, kao i Kantonalno tužilaštvo u Tuzli, skoro najlošiji u državi, rješavanje tog pitanja je prepoznato i opredijeljeno kao prioritet od strane VSTV-a i Delegacije EU. Svjesni izuzetne važnosti tog Projekta, kao i nenadoknadive štete ne samo za pravosudni sistem nego za Kanton u cjelini u slučaju da se zbog neriješenih imovinsko-pravnih odnosa izgubi šansa za dobijanje finansijskih sredstava po osnovu istog, ministrica i sekretar Ministarstva su, za Vladu, Federalno ministarstvo pravde, VSTV i druge relevantne organe i institucije, pripremali periodične informacije o statusu aktivnosti, prijedloge mjera za rješavanje pitanja izmještanja sadašnjih korisnika tog objekta, kao i prijedloge ugovora odnosno sporazuma, što je praćeno brojnom korespondencijom. Na taj način se značajno doprinijelo samom toku i okončavanju sudskih postupaka, koji su se u vezi s tim vodili, kao i njihovom pozitivnom ishodu.

Također, kao rezultat tih aktivnosti zaključeni su Ugovor o korištenju Doma Vojske Federacije Bosne i Hercegovine u Tuzli, između Službe za zajedničke poslove organa i tijela Federacije Bosne i Hercegovine i Tuzlanskog kantona, potpisivanjem istog od strane Premijera Kantona dana 22.04.2014. godine, te Sporazum o regulisanju osnovnih pitanja dobrovoljne predaje u posjed i slobodno raspolaganje objektom Doma vojske Federacije BiH u Tuzli, koji je zaključen između Vlade Tuzlanskog kantona i JU Univerzitet u Tuzli dana 30.12.2014. godine.

Ujedno se napominje da je svojevremeno, još u maju 2014. godine, u nastojanju rješavanja sporne situacije, u Ministarstvu pripremljen i multilateralni Sporazum o regulisanju međusobnih odnosa u cilju stvaranja pretpostavki za promjenu namjene Doma Vojske Federacije Bosne i Hercegovine u Tuzli, koji je trebao biti zaključen između Vlade Kantona, Kantonalnog tužilaštva, JU Univerzitet u Tuzli i Općinskog suda u Tuzli, ali do zaključivanja tog sporazuma u konačnom nije došlo, jer ga zastupnik Univerziteta nije htio potpisati.

## **MINISTARSTVO PROSTORNOG UREĐENJA I ZAŠTITE OKOLICE TUZLANSKOG KANTONA**

Realizovani poslovi i zadaci na provođenju zakona i utvrđene politike Ministarstva prostornog uređenja i zaštite okolice su:

**Izveštaj o radu sa izveštajem o finansijskom poslovanju Javne ustanove Zaštićeni pejzaž „Konjuh“ za 2013. godinu** - Izveštaj usvojen Zaključkom Vlade Tuzlanskog kantona od 03.06.2014. godine/Nije u roku

Skupština Tuzlanskog kantona na sjednici održanoj dana 05.08.2014. godine nije prihvatila Izveštaj o radu i finansijskom poslovanju JU Zaštićeni pejzaž „Konjuh“ za 2013. godinu

**Izveštaj o radu Ministarstva prostornog uređenja i zaštite okolice za period 01.01. – 31.12.2013. godine, sa Izveštajem o rješavanju upravnih stvari u upravnom postupku za 2013. godinu** - Izveštaj usvojen Zaključkom Vlade Tuzlanskog kantona od 22.04.2014. godine/Nije u roku

### **NEPROGRAMIRANI A IZVRŠENI POSLOVI I ZADACI**

- Pismo podrške Ministarstva prostornog uređenja i zaštite okolice kojim se podržava implementacija projekta KHK d.d. Lukavac za remedijaciju prostora bivše fabrike katrana u Lukavcu,



- Prijedlog Ministarstva prostornog uređenja i zaštite okolice Vladi Tuzlanskog kantona, a u saradnji sa Kantonalnim pravobranilaštvom, za postupanje po zahtjevu općine Lukavac,
- Zahtjev Ministarstva prostornog uređenja i zaštite okolice u vezi sa imenovanjem Upravnog odbora Fonda za zaštitu okoliša Federacije Bosne i Hercegovine,
- Prijedloga mjera Radne grupe za analizu propisa iz oblasti građenja i Ministarstva prostornog uređenja i zaštite okolice,
- Inicijativa Ministarstva prostornog uređenja i zaštite okolice za izmjene i dopune propisa donesenih od strane Federacije BiH iz oblasti prostornog planiranja, rudarstva, poljoprivrede, zaštite okoliša, upravljanja cestama, građevinskog zemljišta, upravljanja vodama, propisa iz oblasti premjera i katastra nekretnina, zemljišnih knjiga i drugih propisa koji predstavljaju smetnju ili usporavaju razvoj poduzetništva i investicija a u cilju stvaranja povoljnijeg ambijenta za podršku zapošljavanja i otklanjanja prepreka u oblasti razvoja poduzetništva, te potpunije primjene zakonskih propisa,
- Plan interventnih mjera u slučajevima izuzetne zagađenosti zraka,
- Odluke o odobravanju sredstava za projekte iz oblasti zaštite okoliša,
- Zajedno sa HABITAT-om realiziran je projekat Energetske efikasnosti stambenih zgrada za domaćinstva sa umanjenim primanjima (REELIH) na stambenoj zgradi u Živinicama.

## **MINISTARSTVO ZA RAD, SOCIJALNU POLITIKU I POVRATAK TUZLANSKOG KANTONA**

Realizovani poslovi i zadaci na provođenju zakona i utvrđene politike Ministarstva za rad, socijalnu politiku i povratak su:

### **Izveštaj o radu Ministarstva za rad, socijalnu politiku i povratak za 2013. godinu -**

Izveštaj usvojen na sjednici Vlade TK od 10.06.2014. godine Zaključkom broj: 02/1-34-13471/14/Nije u roku

**Izveštaj o radu i izvršenju finansijskog plana JU Službe za zapošljavanje Tuzlanskog kantona za 2013. godinu -** Izveštaj prihvaćen Zaključkom Vlade Tuzlanskog kantona broj: 02/1-14-5984/14 od 28.04.2014. godine, a Skupština Tuzlanskog kantona nije usvojila. Razlozi neusvajanja Izveštaja nisu poznati budući da na Izveštaj nije bilo primjedbi od strane poslanika Skupštine./U roku

**Informacija o angažovanju osoba sa visokom stručnom spremom u cilju odradivanja pripravnčkog/volonterskog rada na TK-a i informacija o zapošljavanju i samozapošljavanju Roma** – Informacija usvojena Zaključkom Vlade Tuzlanskog kantona na sjednici održanoj 13.01.2015. godine/Nije u roku

**Informacija o provođenju Akcionog plana za provedbu Politike zaštite djece bez roditeljskog staranja i porodica pod rizikom od razdvajanja na području Tuzlanskog kantona za period 2013. – 2014. godine** – Informacija usvojena Zaključak Vlade TK od 30.12.2014. godine./U roku

**Informacija o efektima ulaganja za povratak iz Budžeta Tuzlanskog kantona na području Republike Srpske i Tuzlanskog kantona u 2013. godini -** Informacija usvojena Zaključkom Vlade Tuzlanskog kantona broj:02/1-36-28390/14 od 09.12.2014. godine/U roku

### **PROGRAMIRANI A NEREALIZOVANI POSLOVI I ZADACI SU:**

**Informacija o radu Centra za rehabilitaciju ovisnika o psihoaktivnim supstancama za period od 01.01. do 31.12.2014. godine**

**Razlozi neizvršavanja:** Informacija nije realizovana zbog činjenice da Centar za rehabilitaciju ovisnika o psihoaktivnim supstancama Smoluća nije Ministarstvu blagovremeno dostavio nacrt Informacije kako bi Ministarstvo sačinilo konačnu Informaciju i istu uputilo na razmatranje Vladi TK. U međuvremenu je Centar dostavio Informaciju Ministarstvu i ista će nakon obrade biti dostavljena na razmatranje Vladi TK u narednom periodu.

**Informacija o realizaciji mjera na osnivanju Centra za autizam nakon usvajanja Elaborata i izrade projekta za izgradnju Centra**

**Razlozi neizvršavanja:** Navedena Informacija nije realizovana zbog činjenice da je krajem decembra 2014. godine u završnoj fazi bio odabir izvođača radova za izgradnju anexa Centra za autizam u skladu sa već urađenom projektnom dokumentacijom, tako da je Ministarstvo čekalo navedene podatke kako bi Informacija bila cjelovita i ista će biti dostavljena na razmatranje Vladi TK u narednom periodu.

## **MINISTARSTVO RAZVOJA I PODUZETNIŠTVA TUZLANSKOG KANTONA**

Realizovani poslovi i zadaci na provođenju zakona i utvrđene politike Ministarstva razvoja i poduzetništva su:

**Izveštaj o radu Ministarstva razvoja i poduzetništva za 2013. godinu -** Izveštaj o radu Ministarstva za 2013. godinu je usvojen Zaključkom broj 02/1-05-9742/14 od 16.05.2014. godine/Nije u roku

**Izveštaj o implementaciji Akcionog plana za realizaciju Strategije razvoja i Strategije socijalnog uključivanja BiH za Tuzlanski kanton za 2013. godinu –** Izveštaj prihvaćen Zaključkom Vlade broj 02/1-02-019606/14 od 09.09.2014. godine/Nije u roku

Tim za implementaciju Akcionih planova SR/SSU je istovremeno pripremio dva dokumenta: Izveštaj o implementaciji Akcionog plana za realizaciju Strategije razvoja i Strategije socijalnog uključivanja BiH za Tuzlanski kanton za 2013. godinu i Akcioni plan za realizaciju SR/SSU BiH za Tuzlanski kanton za razdoblje 2014 – 2016. god. sa namjerom da ih istovremeno uputi Vladi Kantona na razmatranje. Zbog poznatih događanja u februaru koja su zadesila Tuzlanski kanton, Tim za implementaciju Akcionih planova SR/SSU je u martu 2014. godine odlučio da se u okviru svih resornih ministarstava napravi dodatna analiza svih predloženih aktivnosti u dokumentu Akcioni plan za realizaciju SR/SSU BiH za Tuzlanski kanton za razdoblje 2014 – 2016. godina (naročito onih za čiju realizaciju su potrebna budžetska sredstva) i da se tako uređeni dokumenti dostave novoimenovanim ministrima na razmatranje i usaglašavanje prije nego se upute na sjednicu Vlade Kantona radi njihovog usvajanja. Zbog toga nije došlo do usvajanja Izveštaja o implementaciji Akcionog plana za realizaciju Strategije razvoja i Strategije socijalnog uključivanja BiH za Tuzlanski kanton za 2013. godinu u predviđenom roku.

**Informacija o stanju obrta na području Tuzlanskog kantona u 2013. godini sa prijedlogom smjernica –** Informacija prihvaćena na sjednici Vlade Zaključkom broj: 02/1-28-14808/14 od 24.06. 2014. godine/U roku

Na Skupštini nije usvojena zbog nedovoljnog broja prisutnih poslanika na sjednici odnosno zbog političkih nesuglasica poslanika pozicije i opozicije

**Informacija o stanju u malim i srednjim poduzećima na području Tuzlanskog kantona u 2013. godini sa prijedlogom smjernica rada za naredni period –** Informacija prihvaćena na Zaključkom od 04.11.2014. godine/U roku

**PROGRAMIRANI A NEREALIZOVANI POSLOVI I ZADACI SU:**

**Izveštaj o ažuriranim poticajima u okviru liste investicionih poticaja ministarstava, samostalnih uprava i upravnih organizacija Tuzlanskog kantona**

**Razlog neizvršavanja:** Izveštaj o ažuriranim poticajima u okviru liste investicionih poticaja ministarstava, samostalnih uprava i upravnih organizacija Tuzlanskog kantona je pripremljen, ali nije blagovremeno upućen Vladi Kantona na razmatranje zbog odsustva sa posla pomoćnika ministra za poduzetništvo i obrt.

**Informacija o efektima ulaganja iz Budžeta Tuzlanskog kantona za 2012./2013. godinu, sa budžetske pozicije “Podrška razvoju kantona”**

**Razlog neizvršavanja:** Informacija o efektima ulaganja iz Budžeta Tuzlanskog kantona za 2012./2013. godinu, sa budžetske pozicije “Podrška razvoju kantona” nije urađena jer nije realizovana Evaluacija efekata dodijeljenih grant sredstava (zbog neblagovremene uplate sredstava korisnicima, neblagovremene realizacije projekata od strane korisnika sredstava, kao i dužeg odsustva sa posla pomoćnika ministra za poduzetništvo i obrt tokom godine).

**Izveštaj o realizaciji Programa „Business start up fond za mlade sa područja Tuzlanskog kantona“**

**Razlog neizvršavanja:** Obzirom da se nije počelo sa implementacijom navedenog Programa iz već navedenih razloga, nije mogao biti kreiran Izveštaj o realizaciji Programa.

## **MINISTARSTVO UNUTRAŠNJIH POSLOVA TUZLANSKOG KANTONA**

Realizovani poslovi i zadaci na provođenju zakona i utvrđene politike Ministarstva unutrašnjih poslova su:

**Izveštaj o radu Ministarstva unutrašnjih poslova Tuzlanskog kantona u 2013. godini –**

**Informacija o stanju sigurnosti na području Tuzlanskog kantona u periodu januar –juni 2014. godine –** Informacija Prihvaćena Zaključkom Vlade TK dana 28.10.2014. godine/Nije u roku.

Nije razmatrana na sjednici Skupštine TK iz razloga što poslije Općih izbora nije zasjedala Skupština kantona.

## **MINISTARSTVO TRGOVINE, TURIZMA I SAOBRAĆAJA TUZLANSKOG KANTONA**

Realizovani poslovi i zadaci na provođenju zakona i utvrđene politike Ministarstva trgovine, turizma i saobraća su:

**Informacija o stanju u turističko-ugostiteljskoj djelatnosti na području Tuzlanskog kantona za 2013. godinu –** Informacija usvojena Zaključkom Vlade od 01.07.2014. godine/U roku

**Informacija o stanju trgovačke djelatnosti na području TK u 2013. godini –** Informacija usvojena Zaključkom Vlade Tuzlanskog kantona od 22.07.2014. godine/Nije u roku

**Izveštaj o radu Javne ustanove „Direkcija regionalnih cesta Tuzlanskog kantona” za 2013. godinu –** Zaključkom Vlade od 09.10.2014. godine konstatovano da Izveštaj nije dobio potrebnu većinu glasova članova Vlade/Nije u roku

**Izveštaj o radu Javne ustanove „Direkcija regionalnih cesta Tuzlanskog kantona” za 2013. godinu -** Zaključkom Vlade od 30.09.2014. godine konstatovano da Izveštaj nije dobio potrebnu većinu glasova članova Vlade/U roku

**Izveštaj o radu Ministarstva trgovine, turizma i saobraćaja za 2013. godinu – Izveštaj usvojen Zaključkom Vlade od 29.05.2014. godine/Nije u roku**

## **PROGRAMIRANI A NEREALIZOVANI POSLOVI I ZADACI SU:**

### **Informacija o stanju u privrednom društvu DD „Konjuh” Kladanj**

**Razlozi neizvršavanja:** Informacija nije razmatrana kao pojedinačni dokument, ali su podaci o ovom privrednom društvu dostavljani prilikom izrade drugih dokumenata o stanju u privredi i privrednim društvima sa većinskim državnim kapitalom, te u obrazloženju prijedloga odluka koje su upućivane prema Vladi, a odnose se na DD „Konjuh” Kladanj

## **NEPROGRAMIRANI A IZVRŠENI POSLOVI I ZADACI**

- Ministarstvo je kontinuirano sprovodilo Zaključak Vlade TK, broj: 02/1-27-691-1/12 od 09.05.2012. godine u vezi sa provođenjem Operativnog plana mjera za suzbijanje nelegalnog rada u oblasti prijevoza na području Tuzlanskog kantona. Na osnovu izvještaja inspekcije i policije urađena je Informacija o realizaciji Operativnog plana mjera za suzbijanje nelegalnog rada u oblasti prijevoza na području Tuzlanskog kantona, koja je obuhvatila 6 mjeseci 2014. godine i razmatrana je na sjednici kolegija Vlade TK. Navedeni Operativni plan ima za cilj suzbijanje nelegalnog rada u oblasti prijevoza na području TK i stvaranje povoljnijeg ambijenta za poslovanje subjekata koji su registrovani za navedenu djelatnost. Takođe, Operativnim planom mjera zaduženi su Ministarstvo trgovine, turizma i saobraćaja, Ministarstvo unutrašnjih poslova, Ministarstvo pravosuđa i uprave i Kantonalna uprava za inspeksijske poslove da, svako iz svoje nadležnosti, poduzme mjere s ciljem suzbijanja nelegalnog rada u oblasti prijevoza na području TK. Ministarstvo po potrebi, a najmanje dva puta godišnje, prikuplja podatke, vrši analizu realizovanih mjera iz Operativnog plana za suzbijanje nelegalnog rada u oblasti prijevoza na području TK, te sačinjava pisanu informaciju o rezultatima poduzetih mjera i dostavlja Vladi TK na razmatranje i informisanje.
- Nastavljeno je sa započetim procesom kontrole poštivanja zakonskih procedura, načina rada (pregleda vozila) od strane stanica tehničkih pregleda na području TK, kao i načina izdavanja potvrda i rješenja o tehničko-eksploatacionim uslovima za vozila koja učestvuju u prijevozu putnika i tereta. S ciljem što kvalitetnijeg rada na stanicama tehničkog pregleda na području TK, Ministarstvo je saradivalo sa njihovim predstavnicima na području TK, tražeći načine da se prevaziđu uočeni problemi sa kojima se suočavaju u svom radu.
- Projekat prekategoricizacije javnih cesta na području Tuzlanskog kantona  
Nakon donošenja Odluke o kategorizaciji cesta u autoceste i brze ceste, magistralne ceste i regionalne ceste od strane Vlade Federacije BiH na 104 sjednici održanoj 20.03.2014. godine Ministarstvo je u saradnji i na prijedlog nadležnih općinskih službi pripremio i predložilo Odluku o kategorizaciji lokalnih cesta i ulica u gradovima na području Tuzlanskog kantona, koju je Vlada TK donijela 16.09.2014. godine.  
Po donošenju navedenih Odluka Vlade Federacije BiH, odnosno Vlade TK, stvorene su neophodne pretpostavke za ravnomjernijom raspodjelom finansijskih sredstava koja će pripadati nadležnim organima kojima je povjereno upravljanje, građenje, rekonstrukcija, održavanje i zaštita javnih cesta.  
Projektom kategorizacije cesta na području Federacije BiH, odnosno na području Tuzlanskog kantona, kao i ravnomjernijom raspodjelom prihoda u ovisnosti od dužine i ranga cesta, kao i od saobraćajnog opterećenja kroz prosječan broj vozila koji koriste

navedene ceste u posmatranom vremenskom razdoblju, doći ćemo do optimalnog modela finansiranja cestovne infrastrukture koji će za cilj imati stvaranje optimalnog transportnog sistema koji može omogućiti nesmetan razvoj privrede na području TK, odnosno BiH.

Stvaranjem optimalnog transportnog sistema omogućit će se nesmetan protok putnika i robe kako na području TK, tako i na području BiH, što će, nadamo se, doprinijeti bržem razvoju privrede i jačanju konkurentnosti privrednika iz oblasti prijevoza robe i putnika.

- Projekat implementacije Kantonalnog daljinara i minimalnih vremena vožnje za linijski prijevoz putnika za područje Tuzlanskog kantona

U skladu sa Programom rada Ministarstva za 2014. godinu i obavezama iz člana 10. i 26. Zakona o cestovnom prijevozu Federacije Bosne i Hercegovine, Ministarstvo je dostavilo Federalnom ministarstvu prometa i komunikacija Kantonalni daljinar i minimalna vremena vožnje za linijski prijevoz putnika za područje Tuzlanskog kantona koji bi, ukoliko bude prihvaćen u predloženom obliku, trebao biti inkorporiran u Daljinar i minimalna vremena vožnje Federacije BiH i činio bi njegov sastavni dio. Nakon toga bi Kantonalni daljinar bio objavljen u Službenim novinama.

- Intenzivno se radilo na unapređenju poslovnog ambijenta na području TK, odnosno privlačenja novih investicija kroz implementaciju projekta racionalizacije administrativnih postupaka koji je kreiran u saradnji sa IFC-om i Vladom TK.

Ministarstvo je iz resorne oblasti u saradnji sa IFC-om predložilo značajnu racionalizaciju administrativnih postupaka, skraćivanje rokova rješavanja predmeta i smanjenje troškova postupaka čime se ažurnost u rješavanju administrativnih postupaka dodatno povećala, odnosno smanjilo se vrijeme rješavanja administrativnih postupaka iz nadležnosti Ministarstva, o čemu se svakog mjeseca izvještava Vlada TK.

- Strateški projekat „MAT - Regionalni cargo centar sa airparkom”

Sagledavajući kompletnu situaciju u Javnom preduzeću „Međunarodni aerodrom Tuzla“, analizirajući i valorizirajući mogućnosti koje može pružiti ovo preduzeće, Ministarstvo je, u saradnji sa menadžmentom i Nadzornim odborom preduzeća, radilo na realizaciji projekta „Međunarodni aerodrom Tuzla - Regionalni cargo centar sa airparkom“, odnosno na sprovođenju predloženog Plana mjera za prevazilaženje lošeg finansijskog stanja na Aerodromu Tuzla.

Nastavkom saradnje i potpisivanjem ugovora između J.P. „Međunarodni aerodrom Tuzla” i najveće „nisko-tarifne” avio kompanije u centralnoj i istočnoj Evropi – „Wizz Air”, uspostavljen je znatno veći zračni most između TK i značajnih destinacija u Evropi, te je stvorena pretpostavka za još značajnije angažovanje aerodromskih kapaciteta, kao i da se opravdaju dosadašnja ulaganja i potvrdi njegov strateški značaj. Nastavljeno je i sa aktivnostima na razvoju avio saobraćaja otvaranjem novih avio linija tako da pored destinacija otvorenih u 2013. godini (Malmö, Gothenburg i Basel) Wizz Air, kao najznačajniji partner Aerodroma i i najveća „nisko-tarifna” avio kompanija u centralnoj i istočnoj Evropi, u 2014. godini je otvorio i dvije dodatne destinacije (Dortmund i Eindhoven), čime je stvorena pretpostavka za još značajnije angažovanje aerodromskih kapaciteta, kao i da se opravdaju dosadašnja ulaganja i potvrdi njegov strateški značaj.

Broj putnika prevezenih u 2014. godini u odnosu na 2013. godinu se povećao sa **61.564** na **151.285** prevezenih putnika.

U novembru 2014. godine potpisan je novi 5-godišnji ugovor sa Wizz Air-om koji podrazumijeva otvaranje baze Wizz Air-a na aerodromu Tuzla i dodatne 4 destinacije sa Aerodroma Tuzla (Stockholm, Oslo, Frankfurt-Hahn, Memingen-Minhen). Očekivani broj putnika koji bi se trebali prevesti sa Aerodroma Tuzla u 2015. godini je

oko **250.000** a projekcijom za 2016. godinu je predviđeno oko **350.000** prevezenih putnika.

Smatramo da će se otvaranjem avio linija proširiti mogućnosti za razvoj Tuzle, TK i regije sjeveroistočna Bosna, što će u znatnoj mjeri doprinijeti razvoju turizma, te će Aerodrom biti generator razvoja, ne samo turizma nego i ostalih privrednih grana, a da će svoju punu valorizaciju JP „Međunarodni aerodrom Tuzla“ doživjeti uspostavljanjem kargo saobraćaja u punom kapacitetu.

Svakako, svi koji su zaduženi za realizaciju ovog strateškog projekta trebaju intenzivirati aktivnosti na prevazilaženju sadašnjeg stanja i dovođenja J.P. „Međunarodni aerodrom Tuzla“ do samoodrživosti, a potom i u poziciju da bude generator privrednog razvoja TK i šire.

## **MINISTARSTVO ZDRAVSTVA TUZLANSKOG KANTONA**

Realizovani poslovi i zadaci na provođenju zakona i utvrđene politike Ministarstva zdravstva su:

**Izveštaj o radu Ministarstva zdravstva za 2013. godinu** – Izveštaj je usvojen Zaključkom Vlade od 20.05.2014. godine/Nije u roku

**Izveštaj o izvršenju Finansijskog plana Zavoda zdravstvenog osiguranja Tuzlanskog kantona za 2013. godinu** - Izveštaj je usvojen Zaključkom Vlade od 22.04.2014. godine/U roku

**Izveštaj o poslovanju Zavoda za javno zdravstvo Tuzlanskog kantona za 2013.godinu** - Izveštaj je usvojen Zaključkom Vlade od 22.04.2014. godine/U roku

**Izveštaj o radu JZU Univerzitetski klinički centar Tuzla za 2013. godinu** - Izveštaj je usvojen Zaključkom Vlade od 22.04.2014. godine/U roku

**Izveštaj o obračunu sredstava u zdravstvu na području Tuzlanskog kantona za 2013. godinu** - Izveštaj je usvojen Zaključkom Vlade od 03.06.2014. godine/U roku

**Izveštaj o izvršenju finansijskog plana Zavoda zdravstvenog osiguranja Tuzlanskog kantona za period 01.01.-30.09.2014. godine** - Izveštaj je usvojen Zaključkom Vlade od 09.12.2014. godine/Nije u roku

**Informacija o obezbjeđenju rezerve krvi za potrebe liječenja građana u Tuzlanskom kantonu sa osvrtom na status dobrovoljnih davalaca krvi i mogućnostima obezbjeđenja krvi kao lijeka za 2013. godinu** - Informacija je prihvaćena Zaključkom Vlade od 02.12.2014. godine/Nije u roku

**Analiza zdravstvenog stanja stanovništva Tuzlanskog kantona i indikatori zdravlja u 2013. godini, sa prijedlogom mjera** - Analiza je prihvaćena Zaključkom Vlade od 02.12.2014. godine/Nije u roku

### **PROGRAMIRANI A NEREALIZOVANI POSLOVI I ZADACI SU:**

**Izveštaj o izvršenju finansijskog plana Zavoda zdravstvenog osiguranja Tuzlanskog kantona za period 01.01. - 30.06.2014. godine**

**Razlog neizvršavanja:** Izveštaj je urađen, ali ga prema novom Zakonu o Budžetima ne razmatra Vlada TK.

### **NEPROGRAMIRANI A IZVRŠENI POSLOVI I ZADACI**

- Informacije o stanju u oblasti lijekova koji se propisuju i izdaju na teret sredstava Zavoda



- zdravstvenog osiguranja Tuzlanskog kantona, sa posebnim osvrtom na cijene lijekova i prijedlogom mjera i aktivnosti
- Informacije o stanju informatizacije u oblasti zdravstva na području Tuzlanskog kantona sa prijedlogom mjera i aktivnosti
- Smjernice za zaštitu domaćih proizvođača farmaceutskih proizvoda
- Informacije o poduzetim mjerama, aktivnostima i trenutnoj situaciji u vezi postupka izrade listi lijekova na području Tuzlanskog kantona

## **URED PREMIJERA**

### **Realizovani poslovi i zadaci su:**

**Informacija o stanju u privrednim društvima sa većinskim udjelom vlasništva Tuzlanskog kantona sa programom mjera za poduzimanje aktivnosti u 2014. godini**  
**Razlog donošenja:** Upoznavanje Vlade i Skupštine Tuzlanskog kantona sa različitim aspektima poslovanja i stanja u privrednim društvima sa većinskim udjelom vlasništva Tuzlanskog kantona sa programom mjera za poduzimanje aktivnosti u 2014. godini.

## **KANTONALNA UPRAVA CIVILNE ZAŠTITE**

### **Realizovani poslovi i zadaci:**

**Lista prioriteta deminiranja na području Tuzlanskog kantona za 2014. godinu** – Lista prihvaćena Zaključkom Vlade od 24.01.2014. godine/U roku

**Informacija o ostvarenim rezultatima deminiranja i uništavanja neeksplozivnih ubojitih sredstava na području TK u 2013. godini** – Informacija prihvaćena Zaključkom Vlade od 24.01.2014. godine/U roku

**Izveštaj o radu KUCZ i pregleda aktivnosti u oblasti zaštite i spašavanja, na području TK u 2013. godini** - Izveštaj prihvaćen Zaključkom Vlade od 22.04.2014. godine/U roku

### **Neprogramirani a izvršeni poslovi i zadaci:**

**Prijedlog mjera za procjenu štete na objektu zgrade „SODA SO“ u Tuzli**

**Odluka o prihvatanju teksta Zahtjeva za dodjelu sredstava pomoći za hitne intervencije od Federalnog štaba civilne zaštite i Vlade Federacije BiH, u odbrani od poplava i klizišta u maju 2014. godine na području TK**

**Informacija o poplavama i klizištima na području Tuzlanskog kantona od 05. do 09.08.2014. godine**

**Informacija o poplavama i klizištima na području TK, u periodu maj-august 2014. godine i nevremenu sa obilnim kišnim padavinama, snažnim vjetrom i gradom**

**Izveštaj - Informacija o načinu utroška sredstava doznačenih prema odluci o izdvajanju sredstava iz Budžeta Federacije Bosne i Hercegovine za 2014. godinu sa pozicije 6141-Tekući transferi drugim nivoima vlasti-pomoć područjima pogođenim elementarnim nepogodama**



**Odluka o proglašenju stanja prirodne nesreće uzrokovane poplavama i klizištima na području Tuzlanskog kantona**

**Odluka o prestanku stanja prirodne nesreće zbog poplava i klizišta na području Tuzlanskog kantona**

## **KANTONALNA UPRAVA ZA INSPEKCIJSKE POSLOVE**

**Realizovani poslovi i zadaci:**

**Izveštaj o radu Kantonalne uprave za inspekcijske poslove za 2013. godinu** – Izveštaj prihvaćen Zaključkom Vlade TK od 08.04.2014. godine i dostavljen Skupštini Tuzlanskog kantona na usvajanje/Nije u roku

**Izveštaj o radu Kantonalne uprave za inspekcijske poslove za period 01.01. - 30.06.2014. godine** - Izveštaj prihvaćen Zaključkom Vlade od 28.10.2014. godine/Nije u roku

## **KANTONALNI ZAVOD ZA PRUŽANJE PRAVNE POMOĆI**

**Izveštaj o radu Zavoda za pružanje pravne pomoći za 2013. godinu** - Izveštaj prihvaćen Zaključkom Vlade TK

## **URED ZA INTERNU REVIZIJU**

**Realizovani poslovi i zadaci:**

**Godišnji Izveštaj o aktivnostima interne revizije za period 2013. godine** - Izveštaj o aktivnostima interne revizije za period 2013. Godine je usvojen od strane Vlade Tuzlanskog kantona Zaključkom broj: 02/1-14-9787-2/14, od 20.05.2014.godine/Nije u roku

Navedeni izveštaj sadrži pregled osnovnih zaključaka iz svih obavljenih internih revizija u 2013. godini po budžetskim korisnicima.

**Neplanirani a realizovani poslovi i zadaci:**

**Izveštaj o realizaciji Programa mjera za otklanjanje propusta i nepravilnosti u finansijskim izvještajima Budžeta Tuzlanskog kantona za 2012. godinu konstatovanih od strane Ureda za reviziju institucija FBIH** - Konačan Izveštaj je prihvaćen Zaključkom broj: 02/1-14-031001-2/14 od 13.01.2015. godine

**Izveštaj o realizaciji preporuka interne revizije datim u okviru obavljenih internih revizija u 2013. godini** - Konačan Izveštaj je prihvaćena Zaključkom broj: 02/1-14-031013-2/14 od 13.01.2015. godine

## **KANTONALNA AGENCIJA ZA PRIVATIZACIJU**

**Realizovani poslovi i zadaci:**

**Izveštaj o radu Kantonalne Agencije za privatizaciju Tuzla za 2013. Godinu** – Izveštaj prihvaćen Zaključkom Vlade od 08.04.2014. godine/U roku

**Neplanirani a realizovani poslovi i zadaci:**

**Izveštaj o radu KAP Tuzla za period 01.01.-30.06.2014. godine** - Izveštaj usvojen Zaključkom Vlade od 11.11.2014. godine/U roku

## **KANTONALNA DIREKCIJA ROBNIH REZERVI**

### **PROGRAMIRANI A NEREALIZOVANI POSLOVI I ZADACI**

**Informacija o trenutnom stanju robnih rezervi Tuzlanskog kantona i prijedlog mjera i aktivnosti za proširenje obima i strukture robnih rezervi u narednom periodu**

**Razlog neizvršavanja:** Nije bilo očekivanih promjena u odnosu na prethodnu Informaciju

## **KOMISIJA ZA KONCESIJE TUZLANSKOG KANTONA**

**Realizovani poslovi i zadaci su:**

**Izveštaj o radu Komisije za koncesije za 2013. godinu** - Izveštaj prihvaćen Zaključkom Vlade TK broj: 02/1-14-008458/14 od 15.04.2014. godine/Nije u roku

Skupština Tuzlanskog kantona je na sjednici održanoj 26.06.2014.godine, Zaključkom broj: 01-02-286-3/14 prihvatila Izveštaj o radu Komisije za koncesije za period od 01.01.2013.godine - 31.12.2013.godine i Finansijski izvještaj Komisije za koncesije za period 01.01.-31.12.2013.godine.

**Informacija o izvršenom kontrolnom nadzoru, provjeri rada koncesionara i praćenje izvršenja koncesionih ugovora** – Informacija usvojena Zaključkom Vlade TK broj: 02/1-05-17454/14 od 31.07.2014. godine.

U sklopu aktivnosti na realizaciju praćenja izvršenja koncesionih ugovora, kako je planirano Programom rada Komisije za koncesije, ovlašteni predstavnici Komisije za koncesije su izvršili uvid u dokumentaciju u periodu 03.06.-30.06.2014.godine, vezanu za provođenje Ugovora o koncesijama.

## **OSTALE MJERE**

**Izveštaj o radu JU Disciplinski centar za maloljetnike za 2013. godinu** – Izveštaj prihvaćen Zaključkom Vlade od 08.04.2014. godine i upućen Skupštini Tuzlanskog kantona na razmatranje/U roku

**Izveštaj o radu Kantonalnog pravobranilaštva za 2013. godinu** – Izveštaj prihvaćen Zaključkom Vlade od 20.05.2014. godine i upućen Skupštini Tuzlanskog kantona na razmatranje/U roku

## 6. KAPITALNI PROJEKTI

U ovom dijelu Izvještaja o radu Tuzlanskog kantona za 2014. godinu dat je tabelarni prikaz svih kapitalnih projekata ministarstava/samostalnih kantonalnih uprava/kantonalnih upravnih organizacija u 2014. godini sa opisom prikazanih kapitalnih projekata, sa naznakom faze realizacije i iznosa utrošenih sredstava.

NAZIV KAPITALNOG PROJEKTA	VRIJEDNOST KAPITALNOG PROJEKTA	FAZA REALIZACIJE	IZNOS UTROŠENIH SREDSTAVA U REALIZACIJU PROJEKTA
<b>MINISTARSTVO ZA RAD, SOCIJALNU POLITIKU I POVRATAK</b>			
Izgradnja centra za autizam	300.000,00 KM	Prva faza- Pripremljena je izvedbena projektna dokumentacija sa pribavljenim dozvolama za izgradnju od Općine Tuzla; Završene procedure oko odabira izvođača radova za izgradnju Anexa Centra za autizam	
Transformacija Doma za djecu bez roditeljskog staranja Tuzla- Primpripremanje prostornih kapaciteta prema propisanim normativima	cca 110.000,00	Završna faza	Projekti su finansirani od NVO „HHC“ i „Zemlja djece“ u vrijednosti cca 110.000,00
<b>MINISTARSTVO FINANSIJA</b>			
Nabavka opreme	5.000,00	Realizovano	7.979,23
Nabavka stalnih sredstava u obliku prava	0,00	Realizovano	799,58
<b>MINISTARSTVO PROSTORNOG UREĐENJA I ZAŠTITE OKOLICE</b>			
Izrada Studije o uticaju na okoliš za Regionalnu sanitarnu deponiju na području Tuzlanskog kantona (JP Eko – Sep, Živinice)	25.000	U toku	25.000
Obuhvatanje većeg broja korisnika radi adekvatnog korištenja međuopćinske deponije (JP Komunalno, Banovići)	49.700	U toku	49.700
Nabavka kamiona sa nadogradnjom nosivosti do 3.000 kg za odvoz i prikupljanje komunalnog otpada (JP Komunalno, Banovići)	15.784	U toku	15.784
Poboljšanje uslova za odvoz kabastog otpada, održavanje vodotoka i održavanje zelenih površina na području općine Tuzla (JP Komunalac, Tuzla)	10.852	U toku	10.852
Priključak deponije komunalnog otpada na magistralnu saobraćajnicu i nabavka kolske vage u skladu sa Glavnim projektom sanacije postojeće deponije komunalnog otpada “Višnjik” na lokalitetu Zrnići uz izgradnju pratećih objekata prilagođenih sanitarnom konceptu odlaganja do njenog zatvaranja, općine Gradačac (JP Komunalac, Gradačac)	17.757	U toku	17.757
Zamjena postojećih metal halogenih reflektora snage 1.000 W, LED reflektorima snage 241 W, u dvoranama i vanjskoj rasvjeti objekta	11.838	U toku	11.838

SKPC Mejdan (JP SKPC Mejdan, Tuzla)			
Povećanje energetske efikasnosti dijela objekta zamjenom dotrajale fasadne stolarije u prostorijama JP Vodovod i kanalizacija d.o.o. Banovići (JP Vodovod i kanalizacija, Banovići)	13.811	U toku	13.811
Prikupljanje i trajno zbrinjavanje komunalnog otpada (JKP Teočak)	7.892	U toku	7.892
Unapređenje i jačanje komunalnog preduzeća općine Kladanj (JP Komunalac, Kladanj)	13.811	U toku	13.811
Projekat za izradu fasade na objektu u cilju provedbe energetskih programa na skijalištu Karaula, Kladanj (JP Karaula, Kladanj)	13.811	U toku	13.811
Zamjena starog parnog kotla novim Viessman „Vitomax 200“ HS Tip M237 sa plinskom instalacijom i rezervoarom za plin (Fragmat Izolirka, Gračanica)	28.125	Završen	28.125
Uspostavljanje odvojenog sakupljanja ambalažnog otpada na području općina Tuzlanskog kantona – zeleni otoci u TK (Eko Život, Tuzla)	23.437,50	U toku	23.437,50
Izgradnja solarne elektrane snage 60 kW (KOP i KO, Živinice)	28.125	U toku	28.125
Energetska učinkovitost toplovodnog kotla na biomasu pelet u Variplast d.o.o. (Variplast, Gračanica)	18.750	U toku	18.750
Akreditacija sistema upravljanja kvalitetom prema standardima ISO/IEC 17025:2005 ispitne laboratorije TQM d.o.o. Lukavac za područje „Mjerenje i ocjenjivanje okolinske buke“, nabavka softvera za izradu karti i elaborata buke za praćenje i kontroliranje buke na otvorenom prostoru (TQM, Lukavac)	25.000	U toku	25.000
Glavni projekat prikupljanja, odvodnje i tretmana otpadnih voda pogona RK „Vijenac“, Lukavac (Rudnik krečnjaka Vijenac, Lukavac)	28.125	U toku	28.125
Sanacija i toplifikacija poslovnog objekta – radionice tekućeg održavanja (Delvir Prom, Tuzla)	28.125	U toku	28.125
Plinska stanica i kotlovnica na plin BONY Tuzla (Bony, Tuzla)	21.875	Završen	21.875
Nabavka presa za obradu otpadnog papira i kartona (Eko Partner, Tuzla)	26.562,50	U toku	26.562,50
Toplifikacija naselja Divkovići, MZ Bukinje u Tuzli (Grad Tuzla)	700.000	U toku	0,00
Toplifikacija MZ Šićki brod – II faza (Grad Tuzla)	1.024.325,69	U toku	0,00
Toplifikacija MZ Bukinje – II faza (naselje Kolone) (Grad Tuzla)	927.375,94	U toku	0,00
Pilot projekat – visinska zona MZ Kula (vrelod + centralna podstanica) (Grad Tuzla)	371.795,35	U toku	0,00
Proširenje vrelodovne mreže u zapadnom dijelu grada Lukavca u ulicama Kulina bana, Kralja Tvrtka i 25. Novembra (Općina Lukavac)	414.908,19	U toku	0,00
Proširenje, izgradnja i rekonstrukcija dijela postojeće vrelodovne mreže DN 125., DN 150., DN 200 u ulici Redžepa	747.268,79	U toku	0,00

Muminhodžića i sanacije nadzemnog dijela vrelovoda na relaciji Petrak – Elektrodistribucija, te sanacija i zamjena dotrajalih toplinskih podstanica (Općina Lukavac)			
Proširenje vrelovodne mreže u zapadnom dijelu grada Lukavca u ulici Sarajevska (Općina Lukavac)	349.571,51	U toku	0,00
Toplifikacija Živinica – sekundarni dio II faza (Općina Živinice)	1.511.748,49	U toku	0,00
Povećanje energetske efikasnosti putem utopljanja zgrada organa uprave općine Gradačac (Općina Gradačac)	74.790	U toku	0,00
Rekonstrukcija mašinskih instalacija u kotlovnici zgrade općine Sapna (Općina Sapna)	30.387	Završen	30.387
Zamjena fasadnih stolarskih otvora – prozori (Općina Kladanj)	75.412,96	Završen	75.412,96
Utopljanje objekta zgrade općine Banovići (Općina Banovići)	99.900	U toku	0,00
Utopljanje objekta sportske sale Luke u Gračanici (Općina Gračanica)	149.994,81	U toku	0,00
Elektroenergetska ušteda grijanja – zamjena peći na ugalj – pelet u zgradi općine Doboj Istok (Općina Doboj Istok)	18.587,80	Završen	18.587,80
Poboljšanje energetske efikasnosti zgrade općine Kalesija (Općina Kalesija)	49.842	Završen	0,00
Izrada glavnog kanalizacionog voda – kolektora od naselja Pobrđani do glavne pristupne saobraćajnice Bašigovcima, odnosno Rajskom jezeru (sa zapadne strane) (Općina Živinice)	91.325,49	U toku	91.325,49
Izrada kanalizacione mreže u Modračkoj ulici; MZ-e Oskova i Gornje Živinice sa upojem u sifon/glavni kolektor (Općina Živinice)	88.573	U toku	88.573
Izgradnja kolektora fekalne kanalizacije naselja Đurđevik – Stara pruga – I faza, u MZ – ima Stari Đurđevik i Rudar, općina Živinice – II dio (Općina Živinice)	29.000	U toku	29.000
Povećanje energetske efikasnosti Doma kulture u MZ Bistarac Donji (Općina Lukavac)	25.415,65	U toku	25.415,65
Sanacija, rekultivacija i modernizacija pješačke staze Aleja kestenova u Gradačcu – II faza (Općina Gradačac)	168.619,25	U toku	168.619,25
Poboljšanje usluge i postepeno proširenje pokrivenosti prikupljanja i odvoza otpada sa teritorije općine Sapna (Općina Sapna)	22.735,18	U toku	22.735,18
Izrada projekta reciklažnog dvorišta (Općina Teočak)	9.479,04	U toku	9.479,04
Nabavka kamiona za skupljanje otpada (Općina Banovići)	140.572,79	U toku	140.572,79
Nabavka, isporuka i ugradnja toplinskih podstanica u naselju Miladije, MZ Kreka u Gradu Tuzla (Grad Tuzla)	128.538,12	U toku	128.538,12
Nabavka specijalnih komunalnih vozila za potrebe javnih komunalnih preduzeća u Tuzli (Grad Tuzla)	267.396,69	U toku	267.396,69

Toplifikacija dijela ulica (Meše Selimovića, Vinjište i Pašabunar) u Gradu Tuzli (Grad Tuzla)	140.194,68	U toku	140.194,68
Nabavka i ugradnja toplinske podstanice u objektu Centra za socijalni rad Tuzla (Grad Tuzla)	32.250	U toku	32.250
Izrada Elaborata zaštite od buke sa detaljnom kartom opterećenja od buke za područje grada Lukavac (Općina Lukavac)	27.590	U toku	27.590
Izrada Elaborata određivanje kvaliteta voda rijeke Turije i njenih pritoka (Općina Lukavac)	7.216	U toku	7.216
Proširenje vrelovodne mreže u ulici Titova i Septembarska (Općina Lukavac)	76.542	U toku	76.542
Utopljanje (zamjena stolarije) na objektu BKC Gračanica (Općina Gračanica)	20.000	U toku	20.000
Priključak vatrogasnog doma na gradski toplovod sa izgradnjom instalacije (Općina Gračanica)	12.000	U toku	12.000
Izgradnja dijela kolektora fekalne kanalizacije u dijelu naselja Varoš, MZ Gračanica (Općina Gračanica)	66.151,44	U toku	66.151,44
Izgradnja primarne mreže fekalne kanalizacije Bukva u MZ Soko (Općina Gračanica)	32.912,10	U toku	32.912,10
Izgradnja kanalizacije dijela naselja Bazen III (Općina Gračanica)	6.764,36	U toku	6.764,36
Izgradnja mješovite kanalizacije za naselje Mehmedovići u MZ Džakule (Općina Gračanica)	15.590,60	U toku	15.590,60
Izgradnja fekalne kanalizacije u naselju Ritašići, MZ Gračanica (Općina Gračanica)	10.810,76	U toku	10.810,76
Izgradnja i rekonstrukcija fekalne kanalizacione mreže u naselju Drama u Gračanici (Općina Gračanica)	90.300,60	U toku	90.300,60
Izgradnja dijela kolektora fekalne kanalizacije u naselju Varoš II, MZ Gračanica (Općina Gračanica)	12.815,40	U toku	12.815,40
Sufinansiranje projekata energetske efikasnosti osnovnih škola Lukavac mjesto u Lukavcu i Duboki potok u Srebreniku (Ministarstvo prostornog uređenja i zaštite okolice TK)	172.000	U toku	172.000
Nabavka opreme za izvještavanje sa Sistema za praćenje kvaliteta zraka (Ministarstvo prostornog uređenja i zaštite okolice TK)	38.610	Završen	38.610
Nabavka informatičke opreme (Ministarstvo prostornog uređenja i zaštite okolice TK)	1.853,70	Završen	1.853,70
Nabavka opreme za prenos podataka sa Sistema za praćenje kvaliteta zraka (Ministarstvo prostornog uređenja i zaštite okolice TK)	29.893,50	Završen	29.893,50
Izrada Kantonalnog Plana zaštite okolice (Ministarstvo prostornog uređenja i zaštite okolice TK)	35.100	U toku	35.100
Izrada Kantonalnog Plana upravljanja otpadom (Ministarstvo prostornog uređenja i zaštite okolice TK)	34.544,25	U toku	34.544,25
Nabavka softvera za Sistem za praćenje	19.980	Završen	19.980

kvaliteta zraka (Ministarstvo prostornog uređenja i zaštite okolice TK)			
<b>MINISTARSTVO TRGOVINE, TUIZMA I SAOBRAĆAJA</b>			
Povećanje nivoa tehničke, kadrovske i sigurnosne opremljenosti JP „Međunarodni aerodrom Tuzla” d.o.o.	750.000,00	I faza realizacije	125.000,00
<b>MINISTARSTVO OBRAZOVANJA, NAUKE, KULTURE I SPORTA</b>			
Nabavka namještaja	15.000,00		0,00
Alarmni uređaji za ispitna mjesta	8.000,00		0,00
Nabavka audio-vizuelne opreme za praćenje polaganja ispita na ispitnim mjestima	20.000,00		0,00
Nabavka sigurnosnih kasa za čuvanje ispitne dokumentacije po ispitnim mjestima	18.900,00	realizovano	18.837,00
Nabavka kompjuterske opreme	14.100,00	realizovano	3.999,00
Nabavka višenamjenskog laserskog uređaja (faks/skener/laser)	500,00	realizovano	455,00
Izgradnja informacionog sistema	6.000,00	realizovano	5.850,00
Rekonstrukcija ustanova obrazovanja preko Ministarstva obrazovanja, nauke, kulture i sporta (sredstva Federalnog ministarstva obrazovanja i nauke)	94.960,00	realizovano	94.960,00
Rekonstrukcija ispitnih mjesta Gradačac i Banovići	24.000,00		0,00
<b>MINISTARSTVO UNUTRAŠNJIH POSLOVA</b>			
Nabavka opreme – pozicija 821300	1.125.481,00	Realizovano	1.125.481,00
Nabavka ostalih sredstava – pozicija 821400	5.000,00	Realizovano	5.000,00
Nabavka stalnih sredstava u obliku prava – pozicija 821500	100.000,00	Realizovano	100.000,00
Rekonstrukcija i investiciono održavanje objekata – pozicija 821600	134.000,00	Realizovano	134.000,00

## MINISTARSTVO POLJOPRIVREDE, ŠUMARSTVA I VODOPRIVREDE

Akumulacija Modrac, kao najznačajniji vodni resurs Tuzlanskog kantona i Federacije BiH, s obzirom na njene namjene, svrstava se u višenamjenske vodne objekte. Akumulacija Modrac obezbjeđuje u prosjeku 2,30 m<sup>3</sup>/sek sirove vode i 4,70 m<sup>3</sup>/sek kao hidrobiološki minimum u rijeci Spreči nizvodno od Modraca.

Brana Modrac je višelučna, armirano – betonska brana, koja po svojim tehničkim karakteristikama i zapremini akumulacije spada u visoke brane. Sastoji se od deset svodova (lukova), od kojih su tri sa prelivnim organima, devet kontrafora i dva gravitaciona obalna porpca. Dužina brane u kruni iznosi L = 205 m, a maksimalna visina H = 28,0 m.

Obzirom na činjenicu da su sistematska osmatranja brane koja traju od njene izgradnje, početkom 2000-tih ukazala na promjenu statičkog sistema čija je posljedica smanjenje nosivosti konstrukcije, odnosno stanje koje karakteriše uslovna stabilnost, te na neophodnost sanacionih radova kojim bi se uspostavio funkcionalan objekat u pogledu stabilnosti i vododrživosti, najznačajniji i finansijski i tehnički najzahtjevniji projekat, koji se fazno realizira od 2007. godine, jeste sanacija brane Modrac. U 2012. godini provedena je procedura javne nabavke radova III faze sanacije brane Modrac ukupne vrijednosti 1,9 miliona KM, izvedeni radovi u vrijednosti oko 800.000 KM. Završetak radova je bio planiran do kraja 2013. godine, no u 2013. godini, zbog neobezbijedenih sredstava u Budžetu Tuzlanskog kantona, radovi na III fazi sanacije nisu izvođeni. Obzirom da su Budžetom Tuzlanskog kantona za 2014. godinu, predviđena potrebna sredstva vodnih naknada za završetak III faze



sanacije brane Modrac, Ministarstvo je Programom ulaganja sredstava vodnih naknada u oblast vodoprivrede za 2014. godinu planiralo 1,25 miliona KM za III fazu sanacije uključujući prenesene ugovorene obaveze, te su radovi nastavljeni u decembru 2014. godine, a završetak III faze planiran do kraja 2015. godine.

Sve aktivnosti na pripremi i realizaciji I, II i III faze sanacije brane Modrac, Ministarstvo je provelo u saradnji sa JP za vodoprivrednu djelatnost "Spreča" D.D. Tuzla.

U poplavama iz maja 2014. godine, zabilježen je apsolutno najviši nivo vode u akumulaciji od 203,42 m.n.m, dakle sa visinom vode na prelivu brane od 3,42 m, što je dodatno pogoršalo stanje brane. Potrebno je istaći da je statički proračun brane izvršen na velike vode ranga pojave jednom u 1000 godina - sa 3,0 m visine vode na prelivu, dok je maksimalna visina preliva dakle veća od proračunske vrijednosti za 0,42 m. Poplavni val usljed rušenja brane, a radi se o trenutnom lomu, predstavlja opasnost za stanovnike i industriju gradova Lukavac, Gračanica, Petrovo, Doboj Istok, Doboj i dalje nizvodno rijekom Bosnom.

Tek završetkom IV faze sanacije bit će implementiran kompletan projekat sanacije brane Modrac i uspostavljena funkcionalnost objekta brane Modrac, u pogledu stabilnosti i vododrživosti. Obzirom na neizvjesnost obezbjeđenja potrebnih sredstava za IV fazu sanacije, koji su, putem Federalnog ministarstva poljoprivrede, vodoprivrede i šumarstva kandidovani za Regionalni projekat oporavka od poplava Bosne i Hercegovine i Srbije, na činjenicu da je, bez obzira na pripadnost II. kategoriji vodotoka, Agencija za vodno područje rijeke Save Sarajevo sufinansirala radove I faze u iznosu od 800.000,00 KM i radove II faze u iznosu od 500.000 KM, te na urgentnost završetka svih sanacionih radova, Ministarstvo je kandidiralo radove IV faze sanacije brane Modrac za Plan i finansijski plan Agencije za vodno područje rijeke Save Sarajevo za 2015. godinu. Traženo je da se poduzmu sve potrebne aktivnosti i uključenje Vlade Federacije Bosne i Hercegovine u cilju obezbjeđenja sredstava u visini 2,0 miliona KM od strane Agencije. Ukoliko se aktivnosti na pripremi procedure javne nabavke radova IV faze sanacije brane provedu do kraja 2015. godine, svi sanacioni radovi bi se mogli završiti do kraja 2016. godine.

Za pomenuti Regionalni projekat oporavka od poplava Bosne i Hercegovine i Srbije, Tuzlanski kanton je, pored brane Modrac, kandidovao izvođenje regulacionih radova na nekoliko vodotoka, za koje je urađena projektna dokumentacija za izvođenje i imovinsko-pravni odnosi najvećim dijelom ili u potpunosti riješeni za rijeku Sapnu, općina Sapna, rijeku Drinjaču, općina Kladanj, rijeku Jalu i Turiju, općina Lukavac i rijeku Tinju, općina Srebrenik.

U prethodne tri godine, Ministarstvo je, uz podršku Vlade Tuzlanskog kantona intenziviralo aktivnosti u cilju zaštite akumulacije Modrac, najvećeg i najznačajnijeg višenamjenskog vodnog resursa za Tuzlanski kanton i Federaciju Bosne i Hercegovine, kao strateškog cilja za dalji razvoj Tuzlanskog kantona.

Nakon usvajanja Strategije zaštite akumulacije Modrac od strane Skupštine Tuzlanskog kantona u septembru 2012. godine, i zvaničnog odobrenja grant sredstava od 1,0 milion EUR iz WBIF fonda (Western Balkan Investment Framework), u okviru sektora Okoliš, podsektor Voda i sanitacija, za projekat "Optimizacija sistema odvodnje i tretmana komunalnih otpadnih voda u slivu akumulacije Modrac", za koja je aplikaciju u cijelosti uradilo Ministarstvo, i potpisivanja Predugovora o financiranju Projekta "Izgradnja sistema za odvodnju i postrojenja za tretman komunalnih otpadnih voda u naseljima na obali akumulacije Modrac", od strane Vlade Tuzlanskog kantona, JP za vodoprivrednu djelatnost "Spreča" D.D. Tuzla i EBRD početkom 2013. godine, nastavljeni su pregovori sa Evropskom bankom za obnovu i razvoj (EBRD) o mogućnostima finansiranja i podrške realizaciji I faze projekta zaštite Modraca, koja obuhvata izgradnju sistema za odvodnju i

postrojenja za tretman komunalnih otpadnih voda u naseljima na obali Modraca. Krajem decembra 2013. godine, sa EBRD je usaglašen Projektni zadatak (TOR) za izradu Studije izvodljivosti, u aprilu 2014. godine od strane EBRD objavljen poziv za izražavanje interesa za izradu Studije, te nakon evaluacije prispjelih prijava, u decembru 2014. godine sačinjena 'kratka lista' nakon čega će EBRD provesti drugi krug izbora konsultanta, te bi ugovor za izradu Studije trebalo zaključiti do polovine 2015. godine.

Ukoliko, na osnovu Studije izvodljivosti „Optimizacija sistema odvodnje i tretmana komunalnih otpadnih voda u slivu akumulacije Modrac“, EBRD ocijeni da je njegova realizacija prihvatljiva, slijedi kreditni aranžman za projekat izgradnje sistema za odvodnju i postrojenja za tretman komunalnih otpadnih voda u naseljima na obali akumulacije Modrac, po kome JP za vodoprivrednu djelatnost „Spreča“ D.D. Tuzla dobija kredit od EBRD u iznosu od 5,0 EUR, uz najmanje 2,5 miliona EUR grant sredstava.

U okviru trogodišnjeg projekta „Poboljšanje kvaliteta vode akumulacije Modrac primjenom mjera ekoremedijacije“, koji se implementira od marta 2014. godine, putem UNIDO programa (grant sredstva Vlade Republike Slovenije u iznosu 300.000 EUR), bazirano na zajednički identifikovanim zagađivačima u slivu, kroz Prvi izvještaj o progresu, prezentiran i prihvaćen u augustu 2014. godine, izvršeno je utvrđivanje hotspotova u slivu akumulacije prema Unido metodologiji i metodologiji Limnos, definirani su hotspotovi koji mogu biti riješeni mjerama ekoremedijacije, identifikovane potencijalne lokacije za implementaciju pilot projekta mjera ekoremedijacije, i lokacija SOS Selo mira Turija odabrana za gradnju biljno-zemljanog uređaja za prečišćavanje otpadnih voda, dok su u septembru 2014. godine pokrenute pripremne aktivnosti na izradi investiciono-tehničke dokumentacije i prikupljanju dokumenata potrebnih za gradnju.

Radovi na izgradnji pilot biljno-zemljanog uređaja vrijednosti 100.000 EUR, prema dinamičkom planu ovog trogodišnjeg projekta, planirani su u 2015. godini, dok bi se u 2016. godini vodile aktivnosti na monitoringu kvaliteta vode nakon prečišćavanja i diseminaciji rezultata projekta.

Tokom 2014. godine nastavljeni su u 2013. godini započeti radovi na realizaciji Projekta izgradnje kanalizacije i vodosnadbijevanja Općine Čelić, ukupne vrijednosti 3.111.802,57 EUR, od čega 64% sufinansira Tuzlanski kanton, u skladu sa odlukama Skupštine Tuzlanskog kantona o kreditnom zaduženju, a 36% Općina Čelić. Radovi obuhvataju izgradnju separatnog kanalizacionog sistema u Čeliću, gradnju mjesnih kanalizacionih sistema u naseljima Vražići, Ratkovići, Velino Selo, Nahvioci, D. Humci, G. Humci i Drijenča, radove na vodozahvatu „Branu“ Vražići, rezervoaru sa taložnikom „Krčevine“, izgradnju niza primarnim cjevovoda u vodovodnom sistemu, revitalizacija dubokog bunara „Ratkovići“, te automatizaciju vodovodnog sistema. Završetak svih radova očekuje se polovinom 2015. godine.

U 2014. godini, takođe je finansiran, odnosno sufinansiran niz projekata izgradnje i rekonstrukcije općinskih i mjesnih vodovodnih i kanalizacionih sistema, te zaštitnih vodnih objekata, za koje su detaljni podaci dati u Izvještaju o realizaciji Programa ulaganja sredstava vodnih naknada u oblast vodoprivrede na području Tuzlanskog kantona za 2014. godinu

## 7. OCJENA STANJA I POSTIGNUTIH REZULTATA

**Ministarstvo finansija**, radi specifičnih nadležnosti u svom Programskom, ali i Normativnom djelu Programa rada za određenu godinu uvrštava izradu Budžeta Tuzlanskog kantona i drugih bitnih dokumenata za neometano funkcionisanje Tuzlanskog kantona (izrada nacrti i prijedloga Zakona o izvršenju Budžeta Tuzlanskog kantona, priprema i izrada Dokumenta okvirnog budžeta (DOB-a) i dr.). U Akcionom planu za 2014. godinu, Ministarstvo finansija predvidjelo je 2 programa - Kreiranje dokumenata za efikasno planiranje javnih sredstava Budžeta TK, pravnog okvira za izvršavanje Budžeta TK i pravnog okvira za unapređenje poslovnog ambijenta te Priprema i izrada izvještaja, prijedloga odluka/rješenja, informacija, instrukcija i mišljenja, sa 28 planiranih aktivnosti, uz napomenu da je 19 njih uvršteno u pregled izvršenja normativnih odnosno tematskih mjera. Od 6 programskih aktivnosti, koje nisu istovremeno uvrštene u normativni odnosno tematski dio, Ministarstvo finansija je u 2014. godini realiziralo dvije. Izrađen je plan novčanih tokova te pripremljena i izrađena Odluka o odobravanju sredstava u operativnom planu Budžeta za 2014. godinu. Priprema i izrada nacrti i prijedloga Budžeta Tuzlanskog kantona za 2015. godinu te Zakona o izvršenju Budžeta Tuzlanskog kantona nisu realizirani iz razloga što je Vlada Tuzlanskog kantona Dokument okvirnog Budžeta Tuzlanskog kantona (DOB) usvojila 02.12.2014. godine, ali je isti stavljen van snage na osnovu zahtjeva Sindikata budžetskih korisnika. Iz navedenog razloga, donesena je Odluka o privremenom finansiranju Tuzlanskog kantona za period 01.01.-31.03.2015. godine. Od planiranih petnaest normativnih i dvanaest tematskih mjera Ministarstvo je realiziralo većinu mjera, od čega je ukupno 12 mjera razmatrano na sjednici Vlade u predviđenom roku.

**Ministarstvo industrije, energetike i rudarstva Tuzlanskog kantona** je, osim 17 programiranih i planiranih mjera i aktivnosti u Programu rada za 2014. godinu i Akcionom planu izvršilo i jednu neplaniranu aktivnost, koja se odnosila na kreiranje prijedloga Zakona o dopunama Zakona o koncesijama koji je usvojen na sjednici Skupštine Tuzlanskog kantona 05.08.2014. godine. Od 18 mjera, Ministarstvo je realiziralo 15 mjera, a među nerealiziranim programskim mjerama jeste i Program pokretanja proizvodnog procesa u industriji deterdženata DITA. Sproveden je niz aktivnosti i uloženi maksimalni naponi u realizaciji ovog programa, ali se u završnoj fazi kupovine većinskog dijela paketa dionica naišlo na prepreke pravne prirode koje su zahtijevale da se proces morao zaustaviti. U normativnom dijelu, Ministarstvo je planiralo tri mjere, koje su izrađene i dostavljene u roku, uz realizaciju prethodno navedene neplanirane mjere. Od devet tematskih mjera, Ministarstvo nije izvršilo dvije mjere, odnosno nije sačinilo Informaciju o radu nadzornih odbora u privrednim društvima sa većinskim državnim kapitalom iz razloga što je u većini privrednih društava bio nekompletan sastav nadzornih odbora. Također, sa zakašnjenjem je izrađena Informacija o utrošku sredstava sa budžetske pozicije "Intervencije javnim preduzećima i privrednim društvima" sa postignutim efektima, koja je pripremljena za razmatranje i usvajanje na Vladi TK za januar 2015. godine.

**Ministarstvo obrazovanja nauke, kulture i sporta** je u 2014. godini predvidjelo realizaciju 6 programa sa ukupno 23 aktivnosti, 28 normativnih mjera i 10 tematskih mjera. Od ukupno 6, 2 programa su cjelovito realizirana (ukupno 5 aktivnosti), dok za preostala 4 programa od ukupno 18 nije realizirano 8 aktivnosti. U okviru programa razvoja ljudskih resursa u Ministarstvu, nije potpuno realizirana aktivnost popunjavanja radnih mjesta prema sistematizaciji. Odnosno, popunjeno je jedno radno mjesto, a za četiri radna mjesta okončan je postupak i traži se postavljenje. U okviru programa profesionalizacije komisije za polaganje vozačkih ispita, preostala je aktivnost donošenja rješenja o postavljenju 4 državna službenika i 3 namještenika. O realizaciji 3 od ukupno 6 aktivnosti programa koji se odnosi na

poboljšavanje uslova za realizaciju programa redovnih aktivnosti u oblasti pozorišne, muzejske, likovno – galerijske, arhivske i bibliotečke djelatnosti, te redovnih i novih manifestacionih vidova kulturne i umjetničke aktivnosti, Ministarstvo nije raspolagalo podacima, jer je rok za dostavljanje izvještaja o radu ustanova kulture za 2014. godinu do 31.1.2015. godine. U okviru programa organizovanja školskih sportskih takmičenja (male olimpijske igre) i otvaranja većih finansijskih mogućnosti za provođenje procedure javnog poziva za podršku temeljnim oblicima sportskog aktivizma i tjelesne kulture – prije svega među mladima, nisu održane finalne aktivnosti u okviru „Malih olimpijskih igara“, seminari iz oblasti sporta i proširenje baze učesnika u raznim sportskim aktivnostima, kao osnove za unapređivanje i stvaranje mogućnosti za profesionalizam među mladim sportistima, u raznim sportovima. Kao razlog se navode nedostatna finansijska sredstva.

Od 28 normativnih mjera, od kojih je 14 planirano za razmatranje na sjednici Vlade, u cijelosti nije realizovano 6 mjera. Iako je kreiran Nacrt Zakona o obrazovanju odraslih, prijedlog Zakona nije donesen zbog općih izbora i nekonstituisanja Skupštine TK u mjesecu oktobru, kada se prijedlog Zakona trebao naći na sjednici. Prijedlog standarda i normativa visokog obrazovanja je pripremljen i upućen prema Vladi, te je u toku usaglašavanje istih. Pravilnik o materijalnoj i disciplinskoj odgovornosti učenika osnovnih škola je izrađen i u toku je rasprava. Standardi i normativi za arhivsku djelatnost i Pravilnik o sadržaju i načinu vođenja evidencije sportskih objekata nisu doneseni zbog kadrovske nepopunjenosti službenika u odjeljenju za kulturu i sport. Godišnji program razvoja sporta u 2015. godini nije donesen zbog kadrovske nepopunjenosti službenika u odjeljenju za kulturu i sport i neizvršavanja obaveze Sportskog saveza TK.

Od ukupno 10 tematskih mjera, od kojih su 2 planirane za razmatranje na sjednici Vlade TK, nisu realizovane 2 mjere. Informacija o stanju u oblasti sporta u TK u 2013. godini nije usvojena zbog kadrovske nepopunjenosti službenika u odjeljenju za kulturu i sport i neizvršavanja obaveze Sportskog saveza TK. Kada je u pitanju Informacija o polaganju vozačkih ispita, instruktorskih ispita, licenciranju predavača i ispitivača, saobraćajnoj edukaciji djece predškolskog uzrasta i učenika osnovnih škola, u toku je obrada statističkih podataka, te će nakon toga Informacija biti prosljeđena Vladi TK na usvajanje.

**Ministarstvo poljoprivrede, šumarstva i vodoprivrede** je Programom rada za 2014. godinu planiralo realizaciju 6 programa sa ukupno 56 aktivnosti, 1 normativnu mjeru i 17 tematskih mjera. Od ukupno 56 aktivnosti nije realizirana jedna i to u okviru programa razvoja ljudskih resursa u Ministarstvu. Odnosi se na popunjavanje radnih mjesta prema sistematizaciji. Kao razlog se navodi da je u skladu sa stavovima Vlade Tuzlanskog kantona u cilju provođenja mjera štednje, između ostalog zaustavljeno zapošljavanje u kantonalnim organima. Normativna mjera je provedena. Od ukupno 17 tematskih mjera nije realizirana jedna mjera i odnosi se na kreiranje Informacije o efektima ulaganja sredstava novčane podrške u poljoprivredi u Tuzlanskom kantonu za period 2010.-2013. godina. Međutim, u periodu 2010.-2013. godina Vladi Tuzlanskog kantona dostavljani su na razmatranje i usvajanje izvještaji o realizaciji novčanih podrški u primarnoj poljoprivrednoj proizvodnji, koji su sadržavali i analizu efekata novčanih podrški u navedenom periodu.

**Ministarstvo pravosuđa i uprave Tuzlanskog kantona** je u Programu rada za 2014. godinu i Akcionom planu definisalo ukupno 10 mjera, od kojih 3 programa sa 6 aktivnosti, čije je realizacija ostvarena sa 50%. Od 3 planirane mjere u normativnom dijelu, izrada prijedloga Zakona o robnim rezervama nije urađena iz razloga što Ministarstvo nije moglo pripremiti prijedlog Zakona o robnim rezervama, jer Skupština Tuzlanskog nije utvrdila nacrt Zakona,

iako joj je isti upućen od strane Vlade TK. Četiri tematske mjere ministarstva su upotpunosti realizirane u skladu sa postavljenim rokovima.

**Ministarstvo prostornog uređenja i zaštite okoline** je Programom rada za 2014. godinu planiralo realizaciju 13 programa, 7 normativnih mjera i 3 tematske mjere. Od 13 planiranih programa nije realizirano 7. Od planiranih 7 normativnih mjera nije realizirano 5. Odluka o pristupanju izradi Izmjena i dopuna Prostornog plana za područje Tuzlanskog kantona za period 2005.-2025., Odluka o utvrđivanju uvjeta, kriterija i postupka za raspodjelu namjenskih sredstava iz naknada za korištenje podataka premjera i katastra za 2014. godinu i Program raspodjele namjenskih sredstava iz naknada za korištenje podataka premjera i katastra Ministarstva prostornog uređenja i zaštite okoline za 2014. godinu nisu realizovani zbog nedostatka finansijskih sredstava u Budžetu Tuzlanskog kantona za ove namjene. Zakon o zaštiti od buke je usvojen u formi nacrt, a u formi prijedloga će biti upućen u proceduru usvajanja početkom 2015. godine iz razloga što je javna rasprava po ovom Zakonu produžena. Od strane nekoliko općina sa područja Tuzlanskog kantona iskazan je zahtjev za dodatnim konsultacijama, te su se čekale određene preporuke od strane federalnog Ministarstva okoliša i turizma, koje još uvijek nisu pristigle. Kantonalni plan zaštite okoliša Tuzlanskog kantona 2012.-2018. godine i Kantonalni plan upravljanja otpadom Tuzlanskog kantona 2013.-2018. godine su u završnoj fazi izrade i uputit će se u proceduru usvajanja početkom 2015. godine. Izvještaj o radu sa izvještajem o finansijskom poslovanju Javne ustanove Zaštićeni pejzaž „Konjuh“ za 2013. godinu je izrađen i upućen u Skupštinsku proceduru. Međutim, Skupština Tuzlanskog kantona na sjednici održanoj dana 05.08.2014. godine nije prihvatila Izvještaj.

**Ministarstvo razvoja i poduzetništva** je u Programu rada za 2014. godinu planiralo ukupno 29 mjera, od čega 13 programskih, 9 normativnih i 7 tematskih mjera. Ministarstvo je u 2014. godini planiralo da realizuje ukupno 106 aktivnosti. Od tog broja realizovano je 87 aktivnosti, dok 19 aktivnosti iz opravdanih razloga nije realizovano (stepen realizacije 82 %). U okviru 13 programskih mjera definisano je 90 aktivnosti od kojih 15 aktivnosti odnosno 16,6% nije realizirano. U okviru normativnog dijela, Izmjena Procedura izrade Programa javnih investicija Tuzlanskog kantona sa kriterijima za vrednovanje kandidiranih projekata nije realizirana iz razloga kašnjenja sa donošenjem Uredbe od strane FBiH sa kojom je procedura trebala da bude usklađena, dok je preostalih 8 normativnih mjera realizirano. Od 7 tematskih planiranih mjera, 4 mjere (Izvještaj o radu Ministarstva razvoja i poduzetništva za 2013. godinu, Izvještaj o implementaciji Akcionog plana za realizaciju Strategije razvoja i Strategije socijalnog uključivanja BiH za Tuzlanski kanton za 2013. godinu, Informacija o stanju obrta na području Tuzlanskog kantona u 2013. godini i pravicima razvoja obrta i Informacija o stanju u malim i srednjim poduzećima na području Tuzlanskog kantona u 2013. godini sa prijedlogom smjernica rada u 2014. godini) su realizirane, dok tri tematske mjere nisu realizirane.

**Ministarstvo trgovine, turizma i saobraćaja** je u 2014. godini realiziralo 7 programa od planiranih 10, 6 normativnih mjera od planiranih 13 i 4 tematske mjere od planiranih 7. Program za razvoj seoskog turizma nije izrađen, ali se vrše pripreme kako bi se sa ovom aktivnošću nastavilo u narednom periodu. Također, nije izrađen program međusobne saradnje, ali se poduzimaju aktivnosti na uspostavi Registra putničkih agencija koje će biti glavni promoteri definisane turističke ponude. Iako planirane, u saradnji sa JP „Međunarodni aerodrom Tuzla“ nisu realizirane aktivnosti da se riješe zakonske obaveze o prenosu vlasništva, a time i uslova za nastavak radova na dogradnji putničkog terminala I za uknjižavanje postojećeg objekta/zgrade. Izrada nacrt, a u formi prijedloga Zakona o turističkim zajednicama i promicanju turizma u Tuzlanskom kantonu nije finalizirana, te je u toku korigovanje radne verzije nacrt, a u formi prijedloga Zakona. Nacrt Zakona o izmjenama i dopunama Zakona

o osnivanju Javne ustanove Direkcija regionalnih cesta Tuzlanskog kantona je kreiran, ali još uvijek nije upućen u daljnu proceduru. Također, kreirana je radna verzija Zakona o izmjenama i dopunama Zakona o osnivanju JP Međunarodni aerodrom Tuzla, ali nije riješeno pitanje njegove usaglašenosti, sa materijom koju reguliše Zakon o privrednim društvima i Zakon o ministarskim, vladinim i drugim imenovanjima u pogledu imenovanja direktora. Nakon rješavanja tog pitanja, Zakon će biti stavljen u proceduru. Pravilnik o polaganju posebnog ispita za taksi vozače je donesen i objavljen u Službenim novinama TK, a Pravilnik o obrascima na kojima se podnose zahtjevi, nakon konsultacija sa Uredom za zakonodavstvo, se koriguje i isti će biti ubrzo donesen. U skladu sa Programom, a na osnovu Zakona o izvršenju Budžeta TK, pripremljena je Odluka o utvrđivanju kriterija, uslova i postupka za raspodjelu sredstva sa pozicije Ministarstva trgovine, turizma i saobraćaja-Vrsta prihoda 722424-Naknada za tehnički pregled vozila i upućena Komisiji za privredu, ekonomsku i finansijsku politiku Skupštine Kantona radi davanja mišljenja, dana 19.11.2014. godine. Mišljenje nije dostavljeno. Priprema Srednjoročnog programa je u obavezi JU Direkcija regionalnih cesta TK na osnovu Zakona o cestama FBiH. I pored inicijative Ministarstva, prijedlog Srednjoročnog programa nije dostavljen. Ministarstvo će ponovo tražiti od Direkcije izradu i dostavljanje prijedloga, kako bi nakon toga bio sačinjen konačan prijedlog i isti upućen prema Vladi. Informacija o stanju u privrednom društvu "Konjuh" d.d. Kladanj nije razmatrana kao pojedinačni dokument, ali su podaci o ovom privrednom društvu dostavljani prilikom izrade drugih dokumenata o stanju u privredi i privrednim društvima sa većinskim državnim kapitalom, te u obrazloženju prijedloga odluka koje su upućivane prema Vladi, a odnose se na „Konjuh” d.d. Kladanj. Razmatranje Plana i Programa rada i Finansijskog plana JP "Međunarodni aerodrom Tuzla" Tuzla za 2014. godinu nije provedeno. Izvještaj o radu Javne ustanove „Direkcija regionalnih cesta Tuzlanskog kantona” za 2013. godinu je razmatran na Vladi, ali nije dobio potrebnu većinu glasova članova Vlade.

**Ministarstvo unutrašnjih poslova** je u 2014. godini, u okviru tri strateška cilja Ministarstva definisalo deset programa sa 69 planiranih aktivnosti, od kojih 13 nije realizirano, zbog nedostatka finansijskih sredstava u Budžetu MUP-a TK, ograničenosti kadrovskih kapaciteta i sl., a tri aktivnosti su u toku, uz napomenu da su dvije aktivnosti planirane u okviru Programa „Unaprijediti pravni okvir iz nadležnosti unutrašnjih poslova kroz usaglašavanje kantonalnih zakona sa državnim i federalnim zakonima“ definisane i u normativnom dijelu. Od dvije planirane normativne mjere, realizirana je mjera donošenja Zakona o izmjenama i dopunama Zakona o unutrašnjim poslovima Tuzlanskog kantona, dok je Zakon o izmjenama i dopunama Zakona o policijskim službenicima Tuzlanskog kantona, trebao da se uskladi sa federalnim Zakonom o policijskim službenicima, te je u toku 2014. isti upućen u skupštinsku proceduru. Ministarstvo je izradilo i realiziralo dvije tematske mjere: Izvještaj o radu Ministarstva unutrašnjih poslova Tuzlanskog kantona u 2013. godini, dok je Informacija o stanju sigurnosti na području Tuzlanskog kantona u periodu januar –juni 2014. godine prihvaćena na sjednici Vlade TK, ali ista nije razmatrana na sjednici Skupštine iz razloga što poslije Općih izbora 2014. nije zasjedala Skupština kantona sa uvrštenom navedenom tačkom dnevnog reda.

**Ministarstvo za boračka pitanja** je u 2014. godini od tri planirana programa, realiziralo dva. Vlada Kantona je na prijedlog Ministarstva donijela Program korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2014. godini i Program o rasporedu sredstava u svrhu zapošljavanja branilaca, i članova njihovih porodica. Međutim, programi nisu realizirani iz razloga što, u skladu sa odredbama provedena dva postupka javnih nabavki, nije bilo niti jedne zainteresovane poslovne banke putem koje bi se realizovala sredstva. Svih planiranih 15 normativnih mjera je realizirano u 2014. godini. Od tri planirane tematske mjere, dvije su

realizirane u 2014. godini, dok je kreirana Analiza o socijalno statusnim pitanjima branilačke populacije TK na sjednici Vlade TK razmatrana i prihvaćena u januaru 2015. godine.

**Ministarstvo za rad, socijalnu politiku i povratak** je u 2014. godini planiralo realizaciju 12 programa, 12 normativnih mjera i 8 tematskih mjera. Svi planirani programi su provedeni tokom 2014. godine. Od ukupno 12 normativnih mjera, nisu realizirane 2. Usvajanje Finansijskog plana JU Službe za zapošljavanje TK za 2015. godinu, što je predviđeno za mjesec decembar 2014. godine, nije izvršeno zbog neusvajanja Budžeta TK i donesene Odluke o privremenom finansiranju za 2015. godinu. Usvajanje Zakona o neprofitnom socijalnom stanovanju Tuzlanskog kantona nije realizovano, jer se planira ozbiljniji pristup realizaciji zadataka iz analize stanja ove oblasti. Od ukupno 8 planiranih tematskih mjera, nisu realizirane 3. Izvještaj o izvršenju finansijskog plana JU Službe za zapošljavanje Tuzlanskog kantona za 2013. godinu nije usvojen od strane Skupštine TK zbog nedobivanja potrebne većine glasova. Informacija o radu Centra za rehabilitaciju ovisnika o psihoaktivnim supstancama za period od 01.01. do 31.12.2014. godine i Informacija o realizaciji mjera na osnivanju Centra za autizam nakon usvajanja Elaborata i izrade projekta za izgradnju Centra nisu usvojene, te će biti upućene na razmatranje Vladi TK u februaru 2015. godine.

**Ministarstvo zdravstva** je u okviru četiri planirana programa u 2014. godini, definisalo 13 aktivnosti od kojih je 11 realizirano. Aktivnost razvoja, implementacije i integracije postojećih informacijskih sistema u cjeloviti informacioni sistem zdravstva nije realizirana iz razloga što nije izvršena nabavka softvera koji bi omogućio integraciju postojećih sistema, s obzirom da sredstva u Budžetu TK za 2014. godinu nisu odobrena. Od šest planiranih normativnih mjera, tri mjere su realizirane, dok je Odluka o ostvarivanju prava iz primarne zdravstvene zaštite povratnika u Republiku Srpsku u JZU Dom zdravlja na području Tuzlanskog kantona pripremljena i upućena Vladi TK na dalje postupanje. Finansijski plan Zavoda zdravstvenog osiguranja Tuzlanskog kantona za 2015. godinu je pripremljen i prosljeđen Vladi TK na dalje postupanje. Vlada TK nije razmatrala pomenuti dokument, te je stoga donesena odluka o privremenom finansiranju Zavoda zdravstvenog osiguranja. Ministar zdravstva je donio Odluku o utvrđivanju uslova, kriterija i postupaka za raspored sredstava sa pozicije „Tekući transferi“ sa Programom raspodjele sredstava za 2014. godinu, ali isti nisu razmatrani na Vladi TK, obzirom da nije konstituisana Komisija za rad, zdravstvo i socijalnu politiku Skupštine TK do kraja 2014. godine. Realizirano je i 10 tematskih planiranih mjera, s tim što Smjernice za izradu finansijskog plana Zavoda zdravstvenog osiguranja Tuzlanskog kantona za 2015. godinu nisu prihvaćene od strane Vlade TK, te je naloženo donošenje odluke o privremenom finansiranju.

**Kantonalna agencija za privatizaciju** je u 2014. godini planirala realizaciju 2 programa sa ukupno 5 aktivnosti, 1 normativnu i 5 tematskih mjera. Dvije aktivnosti nisu realizirane. U okviru programa pokretanja proizvodnje u „Rudniku nemetala Kladanj“, postupak donošenja odluke o metodu privatizacije od strane Vlade TK nije iniciran. Međutim, izvršen je prenos prava iz Ugovora o koncesiji sa „Rudnika nemetala Kladanj“ d.o.o. Kladanj na preduzeće „Rudar“ d.o.o. Tuzla, te zaključen ugovor o poslovno tehničkoj saradnji između ovih privrednih subjekata. U okviru privatizacije komunalnih preduzeća i rješavanja problematike isknjižavanja vrijednosti dobara u općoj upotrebi iz početnog bilansa stanja, upravni postupci i upravni sporovi nisu okončani. Za preduzeća „9 septembar“ Srebrenik i „Komunalac“ Kladanj upravni postupak nije započet iz razloga nedostavljanja tražene dokumentacije od strane preduzeća. Za preduzeće „Rad“ Lukavac, završena je prva faza upravnog postupka. Upravni sporovi za ostala preduzeća iz oblasti komunalne djelatnosti sa područja Tuzlanskog kantona nisu okončani pred nadležnim sudom. Planirana normativna mjera je realizovana, dok je od ukupno 5 tematskih mjera izvršeno 3. Izrada Analize zakonitosti izvršene privatizacije

JP „9 septembar“ d.d. Srebrenik i Analize zakonitosti izvršene privatizacije JP „Komunalac“ d.d. Kladanj nije provedena, jer preduzeća nisu izvršila potrebne prethodne aktivnosti.

**Kantonalna direkcija robnih rezervi** je u 2014. godini realizovala 2 programa od 4 ukupno planirana, odnosno 3 aktivnosti od 6 ukupno planiranih. Nabavka novih robnih rezervi nije provedena zbog izostanka kapitalnih ulaganja iz Budžeta TK. Također, sufinansiranje poljoprivredne proizvodnje za potrebe robnih rezervi nije realizovano zbog izostanka kapitalnih ulaganja u razvojne projekte. U 2014. godini planirana je realizacija jedne normativne mjere, odnosno izrada Pravilnika i postupanju sa privremeno odnosno trajno oduzetom robom u inspeksijskom i sudskom nadzoru. Pravilnik će biti urađen po usvajanju Zakona o robnim rezervama TK. Planirana je i jedna tematska mjera koja nije provedena. Odnosno, Informacija o trenutnom stanju robnih rezervi i prijedlog mjera i aktivnosti za poboljšanje stanja u ovoj oblasti nije kreirana s obzirom da nije bilo očekivanih promjena u odnosu na prethodnu.

**Kantonalna uprava civilne zaštite** je od 31 programsku mjeru planiranu za realizaciju u 2014. godini, izvršila 22. Pravilnik o unutrašnjoj organizaciji KUCZ je urađen, ali zbog smjene Vlade TK i prirodnih nesreća nije ušao u proceduru donošenja na Vladi TK. Kada je u pitanju primjena Uredbe o organiziranju službi zaštite i spašavanja na području TK, obavljeno je usaglašavanje prijedloga ugovora, te je u toku potpisivanje ugovora. Zbog smjene Vlade TK i imenovanja novog saziva kao i prirodnih nesreća nije obavljena klasična obuka štaba civilne zaštite i općinskih štabova civilne zaštite, nego je to vršeno kroz praktično rukovođenje akcijama zaštite i spašavanja u toku proglašenog stanja prirodne nesreće. Kantonalna uprava civilne zaštite nije vršila izradu odgovora na poslanička pitanja, jer istih nije bilo u 2014. godini. Plan korištenja sredstava naknade za zaštitu od požara i vatrogastvo u 2014. godini je pripremljen, ali zbog događanja vezanih za smjenu Vlade TK i prirodnih nesreća nije aktueliziran. Izmjena i dopuna Zakona o zaštiti i spašavanju ljudi i materijalnih dobara od prirodnih i drugih nesreća u TK i Izmjena i dopuna Zakona o zaštiti od požara i vatrogastvu na području Tuzlanskog kantona nisu poslana u proceduru donošenja iz razloga prirodne nesreće, a kasnije predizbornih i izbornih aktivnosti. Od ukupno planirane 3 normativne mjere, 2 su realizovane, dok su, također, realizovane 3 neplanirane normativne mjere. Realizovano je 7 tematskih mjera, od čega su 3 planirane, a 4 neplanirane.

**Kantonalna uprava za inspeksijske poslove** je u izvještajnom periodu izvršila 16.253 inspeksijskih nadzora, ili 39,5% više u odnosu na planirani broj nadzora. Procenat realizacije svih strateških ciljeva Inspektorata za poljoprivredu, vode, šumarstvo i veterinarstvo je 99,2%, Inspektorata za urbanizam, građevinarstvo, ekologiju i industriju 101,5%, Inspektorata za promet roba, usluga i saobraćaj 94,1%, Inspektorata rada, zaštite na radu i socijalne zaštite 107,7%, Inspektorata za farmaceutske, zdravstvene i farmaceutske poslove 93,2%, Inspektorata za obrazovanje, nauku, kulturu i sport 97,3% i Odjeljenje za IT, stručne i zajedničke poslove 94,4%.

**Kantonalni zavod za pružanje pravne pomoći** je u 2014. godini od planirana tri programa u okviru dva strateška cilja u cjelosti realizirao dva programa. U okviru programa popunjavanja radnih mjesta prema sistematizaciji planirano je popunjavanje 11 radnih mjesta, od čega je popunjeno 7 radnih mjesta, dok su 4 ostala nepopunjena. Svih 5 planiranih normativnih mjera i jedna tematska mjera su realizovane.



**Komisija za koncesije Tuzlanskog kantona** je od 16 programskih mjera planiranih za realizaciju u 2014. godini, izvršila dvije, i to postupak dodjele koncesije za eksploataciju magnezita privrednom društvu „Rudnici nemetala Kladanj“ d.o.o. Kladanj i postupak dodjele koncesije za eksploataciju termomineralne vode JZU Centar za fizikalnu medicinu, rehabilitaciju i banjsko liječenje "Ilidža" Gradačac, dok su ostali postupci dodjele koncesija i dalje u toku, i realizuju se u saradnji sa resornim ministarstvima. Kako je Komisija za koncesije jedno od nadležnih tijela za oblast javno-privatnog partnerstva na području Tuzlanskog kantona, planirane aktivnosti edukacije lica koja treba da učestvuju u provedbi programa JPP-a zbog odgađanja do daljnjeg dolaska direktora i stručnih lica iz Agencije za JPP Republike Hrvatske, nisu realizirane. Komisija je u 2014. godini izvršila osam normativnih i tri tematske mjere.

**Pedagoški zavod Tuzlanskog kantona** je u Akcionom planu realizacije Programa rada za 2014. godinu definisao pet programa sa 35 grupa programskih aktivnosti od kojih 4 nisu realizirane. U okviru normativnog dijela Programa rada za 2014. godinu, Pedagoški zavod Tuzlanskog kantona je planirao 10 mjera, od kojih je osam realizirano dok Prijedlog Odluke o određivanju škola-vježbaonica nije kreiran iz razloga što nije ostvarena potrebna koordinacija sa JU Univerzitet u Tuzli. Također, Prijedlog Uredbe o izmjeni Uredbe o polaganju stručnog ispita je dostavljen Vladi Tuzlanskog kantona na usvajanje, ali je u toku izrada prijedloga nove Uredbe, u saradnji sa Ministarstvom obrazovanja, nauke, kulture i sporta Tuzlanskog kantona. Dvije od ukupno sedam mjera u tematskom dijelu, nisu realizirane, a radi se o Polugodišnjem izvještaju o izvršenom stručnom nadzoru u ustanovama predškolskog, osnovnog i srednjeg odgoja i obrazovanja, koji je dostavljen Ministarstvu obrazovanja, nauke, kulture i sporta Tuzlanskog kantona po mrežama škola, dok je Izvještaj o stručnom usavršavanju nastavnika, stručnih saradnika i direktora odgojno-obrazovnih ustanova sastavni dio Izvještaja o radu Pedagoškog zavoda Tuzlanskog kantona za 2014. godinu.

**Ured za internu reviziju Vlade Tuzlanskog kantona** u 2014. godini planirano je realizaciju ukupno 46 mjera. U okviru šest programa, definisane su 24 aktivnosti, od kojih aktivnost Edukacije uposlenika Ureda za pripremu projektnih prijedloga (EU metodologija, EU standardi) nije realizirana iz razloga što su interni revizori učestvovali na edukacijama organizovanim od strane CHJ FMF i PIFC projekta u okviru II ciklusa obuke za interne revizore. Četiri normativne mjere su realizirane, od kojih su tri dokumenta kreirana u roku, ali zbog dešavanja iz februara 2014.godine (protesti i paljenja) i rekonstrukcije Vlade Kantona isti nisu usvojeni u predviđenom roku. U tematskom dijelu planirano je 36 mjera, od kojih su 24 izvršene – 67% (4 u toku), dok 12 nije realizirano, od kojih je 9 revizija zamijenjeno revizijom po zahtjevu Vlade Kantona, dok 3 revizije nisu provedene iz razloga što nije bilo slobodnih revizorskih dana i zbog odsustva internog revizora zbog bolesti.

*Pregled izvršenja programiranih i neprogramiranih programskih, normativnih tematskih mjera ministarstava i organa uprave Tuzlanskog kantona u 2014. godini, sa detaljnim pojašnjenjima i osvrtima na indikatore i efekte sprovedenih aktivnosti dat je u prilogu Izvještaja.*

## 8. PROGRAMSKA ORIJENTACIJA

U 2015. godini **prvi prioritet za građane Tuzlanskog kantona je ostvarenje mira**, neophodnog za nastavak započete politike stabilizacije, a nakon toga i kreiranje politike prosperiteta koja će donijeti više novih-boljih radnih mjesta i viši stepen kvaliteta života građana Tuzlanskog kantona. Ostvarenje ovog prioriteta moguće je suočavanjem i pozitivnim ishodom dva aktualna izazova-problema, i to:

- **Prvi izazov** se odnosi na **pokriće hroničnog godišnjeg tekućeg deficita Budžeta Tuzlanskog kantona**, čije pojavljivanje i trajanje se vezuje za početak primjene Zakona o pripadnosti javnih prihoda u Federaciji BiH. Aktualni saziv Vlade je dizajnirao mogući pristup rješavanju ovog problema kroz pokretanje široke kampanje zagovaranja na temelju sistemski pripremljenih analiza, donesenih zaključaka, pokrenutih inicijativa i animiranja velikog broja relevantnih učesnika. Dogovoreno je da poslanici u Parlamentu Federacije BiH sa područja Tuzlanskog kantona potpišu i Vladi Federacije i Parlamentu Federacije BiH po hitnom postupku upute **Prijedlog Zakona o izmjenama Zakona o pripadnosti javnih prihoda u Federaciji Bosne i Hercegovine** („Službene novine FBiH“, broj: 22/06, 43/08, 22/09 i 35/14).
- **Drugi izazov je rješavanje zahtjeva „obespravljenih radnika“** koji duži niz godina, svake sedmice, protestuju pred institucijama pravosuđa, Vlade i Skupštine Tuzlanskog kantona. Vlada Tuzlanskog kantona je, svjesna rizika i šteta po građane Tuzlanskog kantona, donijela Odluku o formiranju Radne grupe za izradu prijedloga Programa mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla. Programom zasnovanim na zakonskim propisima potrebno je dizajnirati rješenja prihvatljiva za zaposlenike u smislu uvezivanja radnog staža i materijalnog zbrinjavanja za vrijeme nezaposlenosti kako bi se kroz proces revitalizacije i/ili stečaja pokrenula proizvodnja u preduzećima koja posluju sa poteškoćama.

Pored navedenih izazova, izuzetno važna je i realizacija sljedećih aktivnosti Vlade u 2015. godini koje će doprinijeti stabilizaciji i jačanju osnova za prosperitet u tekućoj i narednim godinama.

- U cilju unapređenja efikasnosti rada kantonalnih organa uprave, jedna od najznačajnijih aktivnosti u narednom periodu bi trebala biti donošenje **Zakona o službenicima i namještenicima u organima uprave i upravnim organizacijama Tuzlanskog kantona**, a za čije kreiranje nacрта je Vlada u 2014. godini formirala Komisiju i namjeravala predložiti navedeni Zakon, ali zbog nedostatka vremena i prioritarnijih pitanja, navedena aktivnost nije realizirana. Zakon bi omogućio veću prohodnost službenika koji su zaposleni u ministarstvima, organima uprave i upravnim organizacijama Tuzlanskog kantona, mjerenje učinaka rada državnih službenika i namještenika prema ostvarenim rezultatima, a time i njihovo angažovanje u ministarstvima, organima uprave i upravnim organizacijama. Navedeni Zakon ne bi išao na štetu državnim službenicima i namještenicima, ali bi zasigurno doprinjeo većoj efikasnosti rada, a time i zadovoljstva građana radom organa uprave Tuzlanskog kantona.
- Nastavak aktivnosti na **smještanju ureda i ministarstava Tuzlanskog kantona u zgradu TTU**, prvobitno na način zakupa prostora, a zatim i kupovine zgrade TTU u Tuzli, po modelu planiranog preseljenja Kantonalne uprave za inspeksijske poslove u zgradu u Rudarskoj ulici, koja se trenutno renovira, i modela zamjene rata za zakupnine za rate

otplate kredita, a kako bi se osigurale uštede u Budžetu Tuzlanskog kantona i doprinijelo većoj efikasnosti rada Vlade Tuzlanskog kantona.

- Usvajanje **Standarda i normativa visokog obrazovanja** radi omogućavanja nesmetanog odvijanja nastave na Univerzitetu u Tuzli na sva tri ciklusa obrazovanja. Naime, postojeći Standardi i normativi visokog obrazovanja su trebali biti usvojeni još 2008. godine kada je u članu 149. Zakona o visokom obrazovanju Tuzlanskog kantona, koji je objavljen u Službenim novinama Tuzlanskog kantona br. 08/08, propisano da će Vlada u roku od šest mjeseci od dana stupanja na snagu Zakona utvrditi standarde i normative visokog obrazovanja.
- Završetak procesa izrade i **usvajanje Strategije razvoja Tuzlanskog kantona za period 2016.-2020. godina.** Vlada Tuzlanskog kantona je u maju 2014. godine započela proces izrade ovog značajnog strateškog dokumenta. U narednom periodu slijedi faza programiranja i definisanje konkretnih mjera i razvojnih projekata, pri čemu je potrebno istaći četiri strateška projekta koja se trebaju naći u Strategiji razvoja Tuzlanskog kantona: 1. Izgradnja i rekonstrukcija prostornih kapaciteta za potrebe Kampusa Univerziteta u Tuzli 2. Uspostava regionalnog CARGO centra sa Airparkom na Međunarodnom aerodromu Tuzla 3. Čišćenje nanosa iz jezera Modrac 4. Cesta Tuzla – Rijeka Sava.
- Vlada Tuzlanskog kantona je u 2014. godini osmislila instrument **Fonda solidarnosti**, te je donesen Zakon o podsticajima za zapošljavanje i intervencijama u privrednim subjektima čiji je cilj bio da doprinese novom zapošljavanju. S obzirom da su stvorene sve zakonske i programske pretpostavke za realizaciju ovog projekta u 2015. godini potrebno je nastaviti sa promocijom ovog instrumenta poticanja novog zapošljavanja i animirati zaposlene u svim sektorima na području Tuzlanskog kantona na solidarnost u poticanju novog zapošljavanja.
- Zalaganje da Skupština Tuzlanskog kantona razmatra i usvoji **Zakon o izmjenama i dopunama Zakona o Vladi Tuzlanskog kantona** u okviru kojeg je predloženo smanjenje broja ministarstava, time i članova Vlade, sa 12 na 8, čime bi se osigurala veća efikasnost organa uprave, ali i uštede od oko 1,1 milion KM na godišnjem nivou; zatim **Zakon o izmjenama i dopunama Zakona o srednjem obrazovanju i Zakon o izmjenama i dopunama Zakona o osnovnom odgoju i obrazovanju Tuzlanskog kantona** čime bi se osiguralo usklađivanje navedenih zakona sa Jedinim pravilima za izradu propisa u institucijama BiH, odgovarajućim odredbama Okvirnog zakona o srednjem obrazovanju i odgoju odnosno Okvirnog zakona o osnovnom obrazovanju i odgoju, popuna pravnih praznina i preciziranje pojedinih odredbi. Potrebno je napomenuti da je aktualni saziv Vlade utvrdio prijedloge gore pomenutih zakona i u 2014. godini uputio Skupštini TK na razmatranje.

U nastavku su prezentirane najznačajnije planirane aktivnosti ministarstava i organa uprave Tuzlanskog kantona u 2015. godini.

**Ministarstvo za boračka pitanja** će u 2015. godini pažnju posvetiti pravu osiguranja zdravstvene zaštite branioaca i članova njihovih porodica i njegovoj kontinuiranoj primjeni, obzirom da se radi o posebno osjetljivim kategorijama stanovništva kojima je zdravstvena zaštita od posebne važnosti (ratni vojni invalidi, demobilisani branioци i članovi šehid-poginulih boraca). Zapošljavanje branilaca i članova njihovih porodica, podrazumijeva obezbjeđenje namjenskih sredstava za finansiranje programa koji ima za cilj radno

angažovanje i smanjenje nezaposlenosti istih. U cilju ostvarivanja navedene mjere, pristupiće se donošenju programa o rasporedu sredstava za dodjelu sredstava u svrhu zapošljavanja boraca i članova njihovih porodica. Kontinuirana podrška stambenom zbrinjavanju branilaca i članova njihovih porodica, podrazumijevat će uspostavljanje novog sistema raspodjele finansijskih sredstava u oblasti stambenog zbrinjavanja branilaca i članova njihovih porodica, uvećanjem kreditnih sredstava u odnosu na bespovratna sredstva, kao i uspostavljanje novog načina pružanja pomoći u stambenom zbrinjavanju socijalno ugroženih branilaca i članova njihovih porodica. U cilju ostvarivanja navedene mjere, pristupiće se donošenju odgovarajućih podzakonskih akata kao i odgovarajućih programa o rasporedu sredstava za 2015. godinu. Stipendiranje studenata i učenika pripadnika branilačke populacije, aktivnost je koja kontinuirano traje duži niz godina i sa kojom će se nastaviti u 2015. godini, kroz obezbjeđenje namjenskih sredstava. Takođe će se pristupiti donošenju posebnog programa o rasporedu sredstava za obavljanje pripravničkog/volonterskog staža branilaca i članova njihovih porodica.

**Ministarstvo finansija** će u 2015. godini realizirati aktivnosti na informisanju javnosti o Budžetu Tuzlanskog kantona, kako bi svi budžetski korisnici, ali i građani bili upoznati sa strukturom Budžeta za 2015. godinu kao i iznosom raspoloživih budžetskih sredstava. Prioritetan zadatak Ministarstva finansija Tuzlanskog kantona u 2015. godini ogledaće se u praćenju prikupljanja javnih prihoda koji su Zakonom o pripadnosti javnih prihoda u Federaciji BiH i finansiranju Federacije BiH, stavljeni u nadležnost Kantona. Također, Ministarstvo finansija će permanentno pratiti izvršenje Budžeta za 2015. godinu i o tome izvještavati Vladu. U svrhu održavanja fiskalne stabilnosti Kantona pravovremeno će se izraditi Budžet i Zakon o izvršenju Budžeta Tuzlanskog kantona za 2016. godinu, te Dokument okvirnog budžeta (DOB-a) za period 2016.-2018. godine u skladu sa propisanim kalendarom. U oblasti porezne politike za 2015. godinu, Ministarstvo finansija će kreirati porezne politike iz oblasti poreza koji su u nadležnosti Tuzlanskog kantona, a u cilju stvaranja povoljnijih uvjeta za zapošljavanje i investicije. Ministarstvo će kreirati Program fiskalne konsolidacije čiji sadržaj bi predstavljale mjere koje bi za rezultat trebale imati veću finansijsku stabilnost i poboljšanje poslovnog ambijenta na području Tuzlanskog kantona.

**Ministarstvo industrije, energetike i rudarstva** će u 2015. pratiti realizaciju finansijske konsolidacije privrednih društava za koja se donese odluka da mogu ući u proces finansijske konsolidacije, i zajedno sa Vladom Tuzlanskog kantona obezbjediti finansijsku, stručnu i drugu podršku koja je neophodna za ostvarenje uspješnosti finansijske konsolidacije privrednih društava iz resorne nadležnosti. Nastaviti će se i sa realizacijom aktivnosti na povezivanju radnog staža zaposlenicima privrednih društava sa većinskim državnim kapitalom koji su stekli uslove za penzionisanje, zaposlenicima koji su dio radnog staža proveli u privrednim društvima sa većinskim državnim kapitalom, a uslove za penzionisanje stekli u drugim privrednim društvima te zbrinjavanju zaposlenika koji će se u procesu finansijske konsolidacije pojaviti kao tehnološki višak. Inicirati će se da Rudnik soli „Tuzla“ d.d. Tuzla obavlja neophodne aktivnosti (istražni i eksploatacioni radovi, investiciona ulaganja) radi obezbjeđenja potrebnih količina slane vode spram iskazanih potreba kupaca. U 2015. godini nastaviti će se sa aktivnostima na unapređenju efikasnosti sistema upravljanja koncesijama, sa posebnom pažnjom usmjerenom na adekvatnu naplatu potraživanja od koncesionara i rješavanju predmetnih pitanja. U 2015. godini Ministarstvo će putem nadzornog odbora vršiti i praćenje realizacije Ugovora o poslovno-tehničkoj saradnji između „Rudnika nemetala Kladanj“ i „Rudar“ Tuzla, o čemu će blagovremeno informisati Vladu Tuzlanskog kantona

**Ministarstvo obrazovanja, nauke, kulture i sporta** će u 2015. godini nastaviti saradnju sa Pedagoškim zavodom Tuzlanskog kantona i organizacijom Save the Children u opremanju učionica u osnovnim školama, u sredinama gdje nema predškolskih ustanova, kako bi predškolski odgoj približio korisnicima. Jedno od strateških opredjeljenja Ministarstva je i racionalizacija mreže osnovnih i srednjih škola, u okviru koje će Ministarstvo u 2015. godini poduzeti neophodne radnje u cilju osnivanja JU Muzička škola Tuzla spajanjem JU Osnovna muzička škola Tuzla i JU Srednja muzička škola Tuzla. Ministarstvo će raditi na donošenju Izmjena i dopuna Pedagoških standarda i općih normativa za osnovni odgoj i obrazovanje i Izmjena i dopuna Pedagoških standarda i normativa za srednje škole u cilju stvaranja pretpostavki za racionalni i kvalitetniji rad obrazovnih ustanova. Takođe će se raditi na izmjeni Zakona o osnovnom i Zakona o srednjem obrazovanju. U skladu sa prijedlogom mjera sadržanih u Informaciji o stanju u oblasti predškolskog, osnovnog srednjeg odgoja i obrazovanja u 2013/2014. godini, Ministarstvo će provoditi aktivnosti unapređenja kvaliteta nastavnog procesa osnovnih i srednjih škola kroz nabavku savremenih nastavnih sredstava i učila i rekonstrukciju školskih zgrada i namještaja. Ministarstvo će posebnu pažnju posvetiti, i predložiti konkretne aktivnosti, u svim strateškim pitanjima koja se odnose na razvoj Univerziteta u Tuzli, finansiranja, upisne politike, rekonstrukcije i sanacije postojećih objekata Kampusu Univerziteta u Tuzli, problemima akademskog kadra, postupku akreditacije Univerziteta, ali i svim drugim otvorenim pitanjima vezanim za ovu značajnu visokoškolsku ustanovu Tuzlanskog kantona. Ministarstvo će u 2015. godini u saradnji sa kompanijom Kurgan d.o.o. Sarajevo biti uključeno u realizaciju projekta osnivanja Tuzlanskog univerziteta za istraživanje, učenje i primijenjeno znanje (TURLAK - Tuzla University for Research, Learning and Applied Knowledge).

**Ministarstvo poljoprivrede, šumarstva i vodoprivrede** je u oblasti poljoprivrede i prehrambene industrije fokusirano na sljedeće prioritete: realizacija novčane podrške u poljoprivredi i ruralnom razvoju, sklapanje ugovora o zakupu poljoprivrednog zemljišta u vlasništvu države, edukacija poljoprivrednih proizvođača i uspostava poljoprivredne savjetodavne službe u skladu sa Zakonom o poljoprivrednim savjetodavnim službama („Službene novine Federacije Bosne i Hercegovine“, broj: 66/13). U oblasti veterinarstva Ministarstvo će nastaviti provođenje mjera zdravstvene zaštite životinja, vršiti procjenu vrijednosti i neškodljivo uklanjanje zaraženih životinja, kao i donošenje upravnih akata po zahtjevu stranaka i upravnih akata u predmetima pokrenutim po službenoj dužnosti u skladu sa Zakonom o veterinarstvu. U oblasti šumarstva, planirane aktivnosti su provođenje šumsko-gospodarskih osnova za šume u državnom i privatnom vlasništvu, priprema za izradu šumsko-gospodarskih osnova za ŠGP „Majevičko“ i ŠGP „Vlaseničko“, priprema i realizacija projekata iz oblasti šumarstva, organiziranje čuvarske službe u Kantonalnoj upravi za šumarstvo i održavanje Certifikata FSC za šume u državnom vlasništvu. U oblasti lovstva u narednoj godini, Ministarstvo će nastaviti započete aktivnosti sa općinama Tuzlanskog kantona i JP „Šume TK“ d.d. Kladanj, za utvrđivanje granica privredno-sportskih lovišta za UGLD „Zelemboj“ Banovići, UGLD „Toplica“ Živinice, UGLD „Sokolina“ Kladanj. U 2015. godini planiran je završetak treće faze sanacije brane jezera Modrac, za što su sredstva planirana na odgovarajućem ekonomskom kodu u Budžetu Tuzlanskog kantona za 2014. godinu, a radovi su ugovoreni u novembru 2014. godine, a nakon završetka III faze sanacije krajem 2015. godine potrebno je realizirati pripremne aktivnosti četvrte faze sanacionih radova.

**Ministarstvo pravosuđa i uprave** će u 2015. učestvovati u nastavku aktivnosti na definisanju i usvajanju revidirane Strategije za reformu sektora pravde u Bosni i Hercegovini za naredni period i Akcionog plana za provođenje ovog strateškog dokumenta. Adekvatno planiranje i osiguranje potrebnih sredstava za rad pravosudnih organa i aktivnosti koje će

imati za cilj povećanje broja izvršenih alternativnih krivičnih sankcija – rada za opće dobro, kao i povećanje broja poslodavaca sa kojima će biti zaključeni ugovori o izvršavanju rada za opće dobro kako bi se u tom pogledu omogućila teritorijalna pokrivenost Kantona i izvršavanja te mjere u mjestu prebivališta odnosno boravišta, su planirane aktivnosti u 2015. godini. Također, sprovoditi će se i aktivnosti na povećanju broja imenovanih povjerenika za izvršavanje rada za opće dobro. Ministarstvo će u 2015. godini, između ostalog, raditi na usklađivanju kantonalnog zakonodavstva sa federalnim Zakonom o zaštiti i postupanju sa djecom i maloljetnicima u krivičnom postupku 20 te stvaranju pretpostavki za uspješnu implementaciju navedenog Zakona. Raditi će se i na analiziranju organizacije kantonalne uprave i predlaganju odgovarajućih mjera za uspostavljanje racionalnije, efikasnije i odgovornije administracije, kao i na usavršavanju i daljem educiranju zaposlenika u cilju sticanja znanja i vještina. Također, sprovoditi će se i aktivnosti na osiguravanje bržeg, jednostavnijeg i lakšeg načina ostvarivanja prava i izvršavanja obaveza stranaka u upravnom postupku, kao i na osiguranju pretpostavki za nastavak projekta rekonstrukcije objekta Doma armije za potrebe Općinskog suda u Tuzli koji se provodi uz finansijsku pomoć Europske Unije u okviru IPA 2012/2013.

**Ministarstvo prostornog uređenja i zaštite okolice** u 2015. godini planira donošenje Zakona o izmjeni Zakona o prostornom uređenju i građenju, Odluke o pristupanju izradi Izmjena i dopuna Prostornog plana za područje Tuzlanskog kantona za period 2005.-2025., Izvještaja o stanju prostora na području Tuzlanskog kantona za period 2012.-2014. godine, te praćenje realizacije Prostornog plana Tuzlanskog kantona za period 2005.-2025. godine, potom aktivnosti na uspostavljanju i održavanju jedinstvenog geoinformacionog sistema (GIS-a). Planirana je i izrada Prostornog plana posebnih obilježja od značaja za Kanton, dijela Slivnog područja akumulacije Modrac (I faza izrade – Prostorna osnova) kako bi se omogućilo efikasnije korištenje, upravljanje i zaštita jezera Modrac i prostora na dijelu Slivnog područja akumulacije Modrac. Planirano je i donošenje Odluke o utvrđivanju uvjeta, kriterija i postupka za raspodjelu namjenskih sredstava iz naknada za korištenje podataka premjera i katastra za 2015. godinu i Programa raspodjele namjenskih sredstava iz naknada za korištenje podataka premjera i katastra Ministarstva za 2015. godinu, kako bi se unaprijedio sistem premjera, izrade karata i uspostavljanje katastra nekretnina, te omogućilo efikasnije i brže izdavanje urbanističko-tehničke dokumentacije. U 2015. godini planirano je i donošenje Zakona o zaštiti od buke, Odluke o utvrđivanju uvjeta, kriterija i postupka za raspodjelu namjenskih sredstava iz ekoloških naknada za 2015. godinu i Programa raspodjele namjenskih sredstava Ministarstva za 2015. godinu kako bi se zakonska regulativa uskladila sa federalnim propisima, te unaprijedio sistem praćenja kvaliteta okoliša i pružila finansijska podrška za realizaciju projekata iz oblasti zaštite okolice. U istoj oblasti, je pored ostalih aktivnosti, planirano donošenje Kantonalnog plana zaštite okoliša Tuzlanskog kantona 2015.-2020. godine i Kantonalnog plana upravljanja otpadom Tuzlanskog kantona 2015.-2020. godine radi unapređenja i očuvanja kvaliteta okoliša, te planskog pristupa problemu zbrinjavanja i upravljanja otpadom.

**Ministarstvo za rad, socijalnu politiku i povratak** je u 2015. godini opredijeljeno na očuvanje postojećih radnih mjesta i stvaranje uslova za otvaranje novih radnih mjesta, što je jedan od strateških ciljeva. Realizacija ovog cilja je planirana kroz provođenje programa prvog radnog iskustva za nezaposlene osobe dobi do 30 godina. Planirano je i sufinansiranje sezonskog zapošljavanja, sufinansiranje zapošljavanja Roma, realizacija programa obuke za aktivno traženje posla, sufinansiranje obavljanja pripravničkog staža za djecu bez roditeljskog staranja, djecu porodica povratnika u TK i djecu porodica koja primaju stalnu novčanu pomoć i sufinansiranje zapošljavanja osoba kojima je prestao institucionalni smještaj. Ministarstvo će

kroz svoje programe materijalnog zbrinjavanja osigurati i rješavanje problema „obespravljenih“ radnika preduzeća koja su se u proteklom periodu susrela sa ozbiljnim poteškoćama u radu. Programom rada je planirana realizacija programa koji se odnose na raspodjelu sredstava jednokratne novčane pomoći za oko 7.000 lica i porodica koje se nađu privremeno u stanju socijalne potrebe, raspodjelu sredstava za materijalno zbrinjavanje oko 11.000 lica i porodica u stanju socijalne potrebe, raspodjelu sredstava za subvenciju prijevoza djece, učenika i studenata i raspodjelu sredstava prevencije ovisnosti o drogama. Značajan projekat je i transformacija JU Dom za djecu bez roditeljskog staranja u niz novih usluga koje će podržati odrastanje djece u porodicama, u čijoj realizaciji učestvuju Ministarstvo za rad, socijalnu politiku i povratak Tuzlanskog kantona, Hope and Homes for Children, JU Dom za djecu bez roditeljskog staranja Tuzla u saradnji sa centrima za socijalni rad i nevladinim organizacijama. Također, u 2015. godini Ministarstvo će u partnerstvu sa Gradom Tuzla i organizacijom „Hilfswerk“ Austrija nastaviti realizaciju projektnih aktivnosti i iznalaženje finansijskih sredstava za potpunu izgradnju Centra za autizam, koji treba rezultirati obezbjeđenjem adekvatnih prostornih, kadrovskih i tehničkih kapaciteta za provođenje rehabilitacije i rehabilitacije djece-odraslih lica sa poremećajima iz autističnog spektra.

**Ministarstvo razvoja i poduzetništva** će i u 2015. godini raditi na unapređenju saradnje sa drugim relevantnim institucijama, na unapređenju informiranosti postojećih i potencijalnih poduzetnika i obrtnika putem Info deska Tuzlanskog kantona te na održavanju elektronskog protoka informacija kroz postojeću web stranicu Ministarstva. Sprovoditi će se aktivnosti na izradi razvojnih programa, ali i pripremi prijedloga projekata za međunarodne donatorske programe. Također, neke od ključnih planiranih aktivnosti se odnose i na jačanje internih upravljačkih kapaciteta MSP-a i obrta i promociju poduzetništva te unapređivanje poduzetničkog učenja. Ministarstvo će nastaviti sa realizacijom programa poticaja sa pozicije „Podrška razvoju kantona“ te programa „Business start up fond za mlade sa područja Tuzlanskog kantona“. Ministarstvo će i dalje vršiti ulogu koordinatora i implementacione jedinice u procesu i implementacije izrade Strategije razvoja Tuzlanskog kantona za period 2016. - 2020. godina i nastaviti sa aktivnostima na ažuriranju Liste investicijskih poticaja investitorima i Elektronskog registra administrativnih postupaka te sa angažmanom u AFTERCARE programu za podršku stranim investitorima u BiH. S obzirom da je 2014. godine usvojen i stupio na snagu Zakon o podsticajima za zapošljavanje i intervencijama u privrednim subjektima, Ministarstvo će u 2015. godini koordinirati sa JU Služba za zapošljavanje vezano za plasiranje doniranih sredstava kroz provođenje Programa za sufinansiranje zapošljavanja na području TK, uspostaviti i u elektronskoj formi voditi evidenciju prikupljenih sredstava za podsticaj novog zapošljavanja na području TK te izvještavati Vladu o realizaciji navedenih sredstava. Poseban program u 2015. godini biti će posvećen poticanju osnivanja novih starih i tradicionalnih zanata.

**Ministarstvo unutrašnjih poslova** će i u 2015. godini provoditi će aktivnosti na efikasnijem provođenju krivičnih istraga i dokazivanju krivičnih djela, efikasnijem suprotstavljanju privrednom i organizovanom kriminalu te razvoju mehanizama za efikasnije suprotstavljanje korupciji. Također, provoditi će se i aktivnosti na implementaciji Strategije za prevenciju i borbu protiv nasilja u porodici 2013.-2017. i donošenju Plana prevencije maloljetničkog prestupništva na području TK-a. I dalje će se raditi na uspostavi bolje saradnje policije i građana povratnika kroz koncept rada policije u zajednici i implementaciji projekta „Jačanje sposobnosti lokalne policije u pogledu sigurnosti povratka“, a nastaviti će se i sa razvojem koncepta rada policije u zajednici. Policijska struktura će naročito biti usmjerena na prevenciju težih oblika narušavanja javnog reda i mira, kao i prevenciju masovnih oblika narušavanja javnog reda i mira, naročito na sportskim terenima. U 2015. godini, Ministarstvo će realizirati i aktivnosti kreiranja i primjene Programa preventivnog djelovanja u oblasti

sigurnosti saobraćaja i Plana aktivnosti na sprečavanju i suzbijanju nelegalnog taxi – prevoza, kao i aktivnosti koje se odnose na unaprijeđenje pravnog okvira iz oblasti unutrašnjih poslova. Uspostavljanje sigurnosnog područja u zgradi MUP-a TK u skladu sa Pravilnikom o načinu obrade i rukovanja tajnim podacima MUP-a TK, uspostavljanje i opremanje prostorija za ispitivanje i saslušavanje lica u svim organizacionim jedinicama MUP-a TK u skladu sa Zakonom o krivičnom postupku FBiH te nastavak renoviranja CIPS lokacija, su također, planirane aktivnosti MUP-a TK u 2015. godini.

**Ministarstvo trgovine, turizma i saobraćaja** u 2015. godini planira nastaviti realizaciju projekta “Kupujmo domaće” koji se odnosi se na kreiranje promotivnog spota koji će se emitovati na Radio televiziji Tuzlanskog kantona i kreiranje drugih vrsta promotivnih materijala. U 2015. godini planira se izrada programa za razvoj seoskog turizma, definisanje turističke ponude Tuzlanskog kantona, realizacija projekta “Turistička patrola” i provođenje stručnog ispita za ugostitelje. Ministarstvo će raditi na usklađivanju kantonalnih linija u skladu sa Zakonom o cestovnom prijevozu („Službene novine Federacije Bosne i Hercegovine“, br: 28/06 i 2/10) i Pravilnikom o kriterijima, postupku i načinu usklađivanja, registracije i ovjere redova vožnje te sadržaju i načinu vođenja registra („Službene novine Federacije Bosne i Hercegovine“, br: 79/13), kako bi se postigao optimalan transportni sistem koji omogućava mobilnost putnika na području Tuzlanskog kantona. Pored toga, sprovest će se Operativni plan mjera na suzbijanju nelegalnog rada u oblasti prijevoza na području Tuzlanskog kantona, što će rezultirati smanjenjem broja nelegalnih prijevoznika. Izradom i provođenjem Programa utroška namjenskih sredstava uplaćenih na osnovu naknada za obavljene tehničke preglede vozila, povećat će se nivo bezbjednosti saobraćaja i unaprijediti kontrola tehničke ispravnosti vozila. Takođe, pružit će se podrška radu JP Međunarodni aerodrom Tuzla u uspostavljanju efikasnijeg prijevoza putnika i tereta. Planira se i početak realizacije projekta Regionalni Cargo centar sa Airparkom, proglašenim od strateškog interesa za Tuzlanski kanton od strane Skupštine i Vlade Tuzlanskog kantona. Cilj je da tuzlanski aerodrom postane jedan od vodećih u regionu za prijevoz, prihvat i daljnju distribuciju tereta.

**Ministarstvo zdravstva** će u 2015. godini realizirati preventivne programe rane dijagnostike (karcinoma dojke, karcinoma grlića maternice, kolorektalnog karcinoma i karcinoma kože), dok će u cilju osiguranja veće dostupnosti i efikasnije zdravstvene zaštite, Ministarstvo provoditi aktivnosti na stvaranju osnovnih preduslova za pružanje pravovremene i kvalitetne zdravstvene zaštite i to na načelima kontinuiranosti, sveobuhvatnosti, dostupnosti, cjelovitog i specijaliziranog pristupa. Provoditi će se i aktivnosti na daljem razvoju JZU UKC Tuzla, a Ministarstvo će u 2015. godini, u skladu sa svojim nadležnostima, raditi na aktivnostima koje će doprinijeti očuvanju statusa Javne zdravstvene ustanove Univerzitetsko klinički centar Tuzla, te će, u skladu sa svojim nadležnostima raditi na aktivnostima koje će doprinijeti očuvanju statusa Javne zdravstvene ustanove Univerzitetsko klinički centar Tuzla, kako ova zdravstvena ustanova ne bi stekla status kantonalne bolnice, što bi imalo negativan utjecaj na ovu ustanovu. U okviru projekta jačanja zdravstvenog sektora – HSEP, u 2015. godini će se poduzimati aktivnosti na jačanju primarne zdravstvene zaštite kroz intenzivniju implementaciju porodične medicine i reorganizaciju domova zdravlja, a posebna pažnja će se posvetiti jačanju vještina timova porodične medicine kroz dodatnu obuku iz porodične medicine, nastavak programa specijalizacije iz porodične medicine, kao i podršku u akademskom razvoju osoblja edukativnih centara porodične medicine. Uz obuku, nastaviti će se i aktivnosti adaptacije i opremanja ambulanti porodične medicine. U 2015. godini Ministarstvo će sprovesti aktivnosti na izgradnji informacijskog i komunikacijskog sistema u zdravstvenom sistemu Tuzlanskog kantona, te na organizaciji rada mrtvozorničke službe na području Tuzlanskog kantona.



**Kantonalna uprava civilne zaštite** će i u 2015. godini nastaviti daljnju izgradnju sistema zaštite i spašavanja ljudi i materijalnih dobara od prirodnih i drugih nesreća, u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća (“Službene novine Federacije BiH”, broj: 39/03, 22/06 i 43/10) i Zakonom o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu (“Službene novine TK”, broj: 10/08). Također, biti će intezivirana implementacija Zakona o zaštiti od požara i vatrogastvu (“Službene novine Federacije BiH”, broj:64/09) i Zakona o zaštiti od požara i vatrogastvu u Tuzlanskom kantonu (“Službene novine TK”, broj: 1/12).

KUCZ će obavljati svoju misiju izgradnje sistema zaštite i spašavanja na području Tuzlanskog kantona (TK), projektiranog Zakonom o zaštiti i spašavanju i Zakonom o zaštiti od požara, koji će biti u stanju osigurati zaštitu i spašavanje ljudi i materijalnih dobara u odgovoru na opasnosti, prirodne i druge nesreće koje se mogu dogoditi na području TK.

U skladu sa nadležnostima, utvrđenim Zakonom o zaštiti i spašavanju i Zakonom o zaštiti od požara, KUCZ će obavljati poslove na razini Tuzlanskog kantona i koordinaciju poslova zaštite i spašavanja na općinskoj razini. Svoju misiju u 2015. godini KUCZ planira ostvariti u okvirima svoje zakonom utvrđene nadležnosti i ostvarivanje više ciljeva: Ostvarivanje osnovne funkcije i unapređenje rada KUCZ, Koordinacija poslova deminiranja i umanjenje opasnosti od mina i neeksplozivnih ubojitih sredstava na području Tuzlanskog kantona i Stvaranje povoljnijeg ambijenta za daljni razvoj sistema zaštite i spašavanja.

U realizaciji navedenih ciljeva KUCZ će ostvariti potpunu suradnju sa kantonalnim organima uprave i institucijama, pravnim licima i drugim subjektima u skladu sa navedenim propisima na izgradnji i unapređenju sistema zaštite i spašavanja, prevenciji, unapređenju organizacije rada i korištenja snaga i sredstava civilne zaštite, izradi planskih i izvještajnih dokumenata i provođenju mjera zaštite i spašavanja ljudi i materijalnih dobara od prirodnih i drugih nesreća.

KUCZ će voditi stalne aktivnosti na još aktivnijem uključivanju, pored organiziranih struktura civilne zaštite, općinskih službi za upravu, kantonalnih ministarstava, drugih kantonalnih organa uprave, javnih službi i preduzeća, privrednih društava i drugih pravnih subjekata čija je djelatnost od značaja za zaštitu i spašavanje, kako bi se ostvarila koncepcija Zakona o zaštiti i spašavanju o jedinstvenom i sveobuhvatnom pristupu poslovima zaštite i spašavanja. U općinskim službama i KUCZ poduzeti će se sve neophodne mjere, putem obuka, savjetovanja i vježbi kako bi se unaprijedila spremnost pripadnika struktura civilne zaštite i građana, za poduzimanje preventivnih mjera zaštite i spašavanja ljudi i materijalnih dobara od prirodnih i drugih nesreća kao i stvaranje pretpostavki za funkcioniranje operativnih centara civilne zaštite u svim općinama, 24 sata dnevno, za vrijeme trajanja stanja prirodne ili druge nesreće, ili u periodu kada se ocjeni da postoji neposredna opasnost od nastanka prirodne ili druge nesreće.

U neprekidnom kontaktu sa općinskim načelnicima radit će se na ispunjenju obaveza utvrđenih u Zakonu o zaštiti i spašavanju i Zakonu o zaštiti od požara i vatrogastvu a naročito u dijelu obaveze uređenja statusa općinske službe civilne zaštite i formiranja i opremanja profesionalne vatrogasne jedinice u okviru općinske službe civilne zaštite ili rješenjem zaštite od požara na neki od načina predviđenim zakonom. Nastaviti će se i dalje unapređivati suradnju sa Federalnom upravom civilne zaštite, kantonalnim upravama civilne zaštite sa područja Federacije BiH, regionalnim i općinskim organima civilne zaštite Republike Srpske i Distrikta Brčko.

**Kantonalna uprava za inspekcijske poslove** će se u 2015. godini usmjeriti na realizaciju tri strateška cilja. Prvi se odnosi na kontinuirano provođenje produktivnog upravljanja ljudskim resursima u svrhu postizanja ciljeva ove organizacije i zadovoljavanja pojedinačnih potreba zaposlenika, kroz stratešku funkciju koja pokriva sticanje, motivaciju, razvitak i upravljanje ljudskim resursima unutar Uprave, s ciljem oblikovanja odgovarajuće organizacijske kulture unutar procesnih organizacija i upoznavanja zaposlenika sa programima koji reflektiraju i podržavaju osnovne vrijednosti organizacije i osiguravaju njen uspjeh. Kantonalna uprava za inspekcijske poslove TK je strateški opredijeljena i za kontinuirano vršenje inspekcijskih nadzora u elektronskoj formi nad zakonitošću rada u 2015. godini, u svim upravnim oblastima koje nadziru inspekcijske službe Kantonalne uprave za inspekcijske poslove TK, radi uređenja istih i stvaranja povoljnijeg poslovnog okruženja za razvoj poduzetništva. Jačanje organizacionih i institucionalnih kapaciteta Kantonalne uprave za inspekcijske poslove TK je treći strateški cilj u čije ostvarenje će ova Uprava uložiti svoje napore.

**Kantonalni zavod za pružanje pravne pomoći** će u 2015. godini nastaviti sa svojim kontinuiranim aktivnostima pružanja besplatne pravne pomoći licima koje prema općem imovinskom stanju nemaju sredstava niti mogućnosti za plaćanje advokata i troškova zastupanja. S tim u vezi Zavod će kontinuirano obavljati poslove davanja usmenih pravnih savjeta, sastavljanja različitih podnesaka (tužbe, žalbe, molbe, zahtjevi, prigovori, predstavke i dr.), odbrane u krivičnom postupku i zastupanje stranaka – fizičkih osoba u postupcima pred Kantonalnim sudom Tuzla i općinskim sudovima na području Kantona, Kantonalnim tužilaštvom, kao i drugim organima Kantona, zastupanja stranaka, korisnika besplatne pravne pomoći koju im pruža Zavod i u drugim postupcima i to u parničnom, prekršajnom, upravnom postupku, kao i u postupcima propisanim posebnim zakonima te preduzimanja drugih radnji u cilju zaštite prava i pravnih interesa stranaka.

I u 2015. godini **Ured za internu reviziju** će kontinuirano upoznavati budžetske korisnike TK sa sistemom internih kontrola i pružati asistencije i konsultacije budžetskim korisnicima u vezi sa sistemom internih kontrola. Planirana aktivnost Ureda u 2015. godini jeste i identifikacija i procjena rizika (visok, srednji, nizak) kod budžetskih korisnika Tuzlanskog kantona. Obavljanje internih revizija sistema, organizacionih dijelova, programa, aktivnosti i uopšte procesa svih budžetskih korisnika Tuzlanskog kantona uključujući i njihove niže potrošačke jedinice koje nemaju obavezu da uspostave svoju internu reviziju, te davanje mišljenja po zahtjevima budžetskih korisnika su redovne planirane aktivnosti Ureda. Ured za internu reviziju će u 2015. godini kreirati Strateški plan Ureda za internu reviziju Vlade Tuzlanskog kantona za period 2015.-2017.godina, koji se donosi s ciljem procjene i praćenja upravljanja rizicima i utvrđivanja prioriternih oblasti za revidiranje, blagovremenog izvještavanja radi osiguranja potpunih informacija o izloženosti rizicima, mogućem unapređenju finansijskog upravljanja i kontrole kao pomoći Vladi Kantona i rukovodiocima budžetskih korisnika kod donošenja upravljačkih i operativnih odluka s ciljem povećanja nivoa svijesti i odgovornosti službenika i namještenika u obavljanju poslovnih aktivnosti, trošenju javnih sredstava, upravljanju imovinom Tuzlanskog kantona i promovisanja usklađenosti poslovanja s propisima, politikama i procedurama.

**Kantonalna agencije za privatizaciju** je u 2015. godini strateški fokusirana na privatizaciju preduzeća „Konjuh“ d.d. Kladanj. Po okončanju spora nastalog između ovog preduzeća i Hotela Tuzla. Okončanjem spora nastalog između preduzeća „Konjuh“ d.d. Kladanj i Hotela Tuzla, Kantonalna agencija za privatizaciju inicirat će pripreme za postupak privatizacije (dostavljanje početnog bilansa i programa privatizacije sa pratećom dokumentacijom i kontrola dostavljene dokumentacije) i pripremu prijedloga odluke za odobravanje početnog bilansa i programa privatizacije od Upravnog odbora. Po pribavljanju saglasnosti/odluke

Vlade o metodu privatizacije preduzeća “Konjuh” d.d. Kladanj, vodit će se aktivnosti na pripremi dokumentacije neophodne za provođenje postupka prodaje i objavu javnog poziva za prodaju, te provođenje postupka prodaje i zaključivanje kupoprodajnog ugovora sa kupcem. Drugi strateški fokus u 2015. godini se odnosi na privatizaciju komunalnih preduzeća i rješavanje problematike isknjižavanja vrijednosti dobara u općoj upotrebi iz početnog bilansa stanja preduzeća, te će ovim aktivnostima biti obuhvaćeno 12 preduzeća. Pored toga, u 2015. godini se planiraju aktivnosti prodaje imovine preduzeća „Polet“ d.o.o. Tuzla koja nije pod hipotekom, u postupku male privatizacije. Uz Kantonalnu agenciju za privatizaciju, na ovom programu će raditi i Ministarstvo industrije, energetike i rudarstva i preduzeće „Polet“ d.o.o. Tuzla.

**Kantonalna direkcija robnih rezervi** je u 2015. godini strateški opredijeljena na utvrđivanje obima i strukture robnih rezervi u skladu sa zakonskim normama i standardima. Ove aktivnosti će biti realizirane u saradnji sa pojedinim nadležnim ministarstvima u Vladi Tuzlanskog kantona. Za sve postojeće robne rezerve, Kantonalna direkcija robnih rezervi Tuzla će obezbijediti adekvatna i uslovna skladišta. U 2015. godini, Kantonalna direkcija robnih rezervi će provesti aktivnosti postupanja, odnosno uskladištenja i raspolaganja sa privremeno i trajno oduzetom robom u sudskom i inspekcijском nadzoru, a u skladu sa pokrenutom inicijativom oko izmjene postojećih zakonskih propisa (Zakona o robnim rezervama Tuzlanskog kantona, Zakona o izvršenju sankcija, Zakona o inspekcijama Tuzlanskog kantona, Zakona o ministarstvima i drugim organima uprave Tuzlanskog kantona). Strateški cilj Direkcije je i kontinuirano proširenje obima i strukture postojećih robnih rezervi kroz planiranje nabavki osnovnih artikala, prvenstveno iz domaće proizvodnje. Kantonalna direkcija robnih rezervi će sa zainteresovanim poljoprivrednim proizvođačima sa područja Tuzlanskog kantona ispitati mogućnosti tih proizvođača za potpisivanje ugovora o sufinansiranju dijela poljoprivredne proizvodnje za potrebe robnih rezervi.

**Komisija za koncesije Tuzlanskog kantona** će u 2015. godini raditi na provođenju zakonski definisanih postupaka o dodjeli koncesija, zakonski definisanih postupaka projekata javno-privatnog partnerstva te nadzoru i provjeri rada koncesionara i praćenja izvršenja koncesionih ugovora. Komisija će u 2015. godini nastaviti rad na postupcima dodjele koncesija za devet predmeta koncesija za koje je postupak dodjele započeo u 2014. godini. Također, u 2015. godini provesti će se drugi ciklus educiranja učesnika u postupcima pripreme i provedbe projekata JPP-a, predstavnika javnih tijela sa područja Kantona (ministarstva, općine, javne ustanove, javna preduzeća, privredna društva u vlasništvu ili u većinskom vlasništvu Kantona ili jedinice lokalne samouprave), čime se stvaraju pretpostavke za realizaciju projekata iz oblasti JPP-a na području Kantona. Komisija će, također, raditi i na provedbi postupaka dodjele koncesija za nove predmete koji budu kandidovani od strane resornih ministarstava u toku 2015. godine. Vođenje registra 30 koncesija i stalno ažuriranje podataka i prezentiranje na stranici Vlade TK, kao i nadzor, provjera rada koncesionara i praćenje izvršenja koncesionih ugovora, su, također, planirale redovne aktivnosti Komisije.

**Pedagoški zavod Tuzlanskog kantona** će u 2015. godini izvršiti testiranje oko 4.800 učenika završnih razreda osnovnih škola u skladu sa standardima, i testiranje oko 3.720 učenika završnih razreda srednjih tehničkih i stručnih škola u okviru uvođenja eksterne mature za učenike završnih razreda srednjih tehničkih i stručnih škola na području Tuzlanskog kantona. Planirane aktivnosti Zavoda u 2015. godini obuhvataju i razvijanje optimalne mreže predškolskih ustanova i opremanje učionica za realizaciju programa predškolskog odgoja i obrazovanja u godini pred polazak u osnovnu školu, pri čemu će se nastaviti i aktivnosti u okviru projekta „Obrazovanje po mjeri djeteta-TK na putu ka EU“ koji podržava Save the Children, a što će rezultirati opremanjem dodatnih 37 učionica za predškolski odgoj. Pod

pokroviteljstvom Save the Children u 2015. godini tokom mjeseca marta i aprila u Pedagoškom zavodu Tuzlanskog kantona obuku će proći dodatnih 60 odgajatelja i profesora razredne nastave. U 2015. godini usmjerenje Zavoda će i dalje biti pružanje usluga nastavnicima i školama da bi se unaprijedila njihova kvalifikovanost i opremljenost prema međunarodnim standardima. Provođenje eksterne mature u općim gimnazijama na području Tuzlanskog kantona kojom će biti obuhvaćeno 1.350 učenika završnih razreda općih gimnazija, edukacija iz Indeksa inkluzivnosti i Društvene pravde, za 750 nastavnika i stručnih saradnika u 33 osnovne škole, organizacija i provođenje stručnih ispita za samostalan odgojno-obrazovni rad za 350 kandidata, pripravnika u odgojno-obrazovnim ustanovama, obavljanje užeg stručnog nadzora nad radom odgajatelja, nastavnika, stručnih saradnika i saradnika, kao i nadzor nad izvođenjem praktične nastave učenika u srednjim školama, obavljanje općeg nadzora nad radom osnovnih i srednjih škola, testiranje učenika osnovnih škola kroz pilot projekat „mala matura“ i vrednovanje svih osnovnih i srednjih škola na području Kantona, neke su od ključnih planiranih aktivnosti Pedagoškog zavoda Tuzlanskog kantona u 2015. godini.

### **Najznačajnije planirane normativne mjere u 2015. godini**

#### **Nacrt i prijedlog Zakona o turističkim zajednicama i promicanju turizma u Tuzlanskom kantonu**

**Nosilac izrade:** Ministarstvo trgovine, turizma i saobraćaja

**Razlozi za donošenje:** Na području FBiH na snazi je bio Zakon o turističkim zajednicama i promicanju turizma u Federaciji Bosne i Hercegovine („Službene novine FBiH“ broj 19/96 i 28/03) koji je u proteklom vremenu pokazao svu nelogičnost i neefikasnost definisanog ustroja turističkih zajednica ostavljajući im mogućnost da postanu otuđeni centri moći, što je u proteklom periodu veoma vješto iskorišteno. Iz razloga što je turizam ustavno u podijeljenoj nadležnosti kantona i entiteta, a zbog neprovođenja postupka koji se odnosi na međusobno dogovaranje na trajnoj osnovi Ustavni sud FBiH je presudom broj U-34/13 u cjelosti proglasio neustavnim navedeni Zakon kao i sve podzakonske akte koji su proizašli iz ovog Zakona te je postojanje i djelovanje Turističke zajednice postalo upitno.

#### **Prijedlog Zakona o izmjenama Zakona o prostornom uređenju i građenju**

**Nosilac izrade:** Ministarstvo prostornog uređenja i zaštite okolice

**Razlozi za donošenje:** Razlog donošenja Zakona o izmjenama Zakona o prostornom uređenju i građenju je taj što 31.12.2014. godine ističe rok do kojeg su općine trebale donijeti svoje prostorne planove, te zbog činjenice da od navedenog datuma, shodno članu 181. stav (3), neće biti moguće izdavanje rješenja o urbanističkoj saglasnosti i odobrenja za građenje na području općina koje ne donesu svoje prostorne planove, potrebno je da se predmetni rok produži do 31.12.2015. godine.

#### **Kantonalni plan zaštite okoliša Tuzlanskog kantona 2015. - 2020. godine**

**Nosilac izrade:** Ministarstvo prostornog uređenja i zaštite okolice

**Razlozi za donošenje:** Odredbom člana 45. Zakona o zaštiti okoliša propisano je da sistem okolinskog planiranja obuhvata donošenje određenih programskih dokumenata, između ostalog i Kantonalnog plana zaštite okoliša. Odredbama člana 49. navedenog Zakona određeno je da su kantoni dužni donijeti Kantonalni plan zaštite okoliša usklađen sa Federalnom Strategijom zaštite okoliša, te da kantonalno ministarstvo priprema prijedlog Plana zaštite okoliša. Navedenim članom, takođe je propisano da Skupština Kantona donosi Kantonalni plan zaštite okoliša na period od najmanje pet godina.

### **Kantonalni plan upravljanja otpadom Tuzlanskog kantona 2015. - 2020. godine**

**Nosilac izrade:** Ministarstvo prostornog uređenja i zaštite okolice

**Razlozi za donošenje:** Odredbom člana 9. stav 1. Zakona o upravljanju otpadom propisano je da će svaki kanton donijeti Plan upravljanja otpadom na svom području. Odredbom istog člana navedenog Zakona određeno je da Plan mora biti usaglašen sa Strategijom upravljanja otpadom Federacije BiH.

### **Prijedlog Zakona o izmjenama i dopunama Zakona o izvršenju sankcija**

**Nosilac izrade:** Ministarstvo pravosuđa i uprave

**Razlozi za donošenje:** Početkom februara 2015. godine, kada počinje primjena novog federalnog Zakona o zaštiti i postupanju sa djecom i maloljetnicima u krivičnom postupku („Službene novine F BiH“ broj 07/14), sudovi će maloljetnim počiniocima krivičnog djela umjesto sadašnje odgojne mjere upućivanja maloljetnika u disciplinski centar za maloljetnike izricati mjeru upućivanja u odgojni centar. Imajući u vidu da izvršenje te odgojne mjere spada u regulativu kantonalnog zakonodavstva, neophodno je pripremiti odgovarajuće izmjene Zakona o izvršenju sankcija. Kako je procijenjeno da neće biti potrebno u većem obimu vršiti intervencije u tekstu važećeg kantonalnog Zakona o izvršenju sankcija, opredijeljeno je da se izmjene tog zakona pripreme u formi prijedloga, te da se Skupštini Kantona predloži njegovo razmatranje i usvajanje po skraćenoj proceduri.

### **Prijedlog Zakona o zaštiti od buke**

**Razlozi za donošenje:** Razlog donošenja Zakona o zaštiti od buke je donošenje federalnog Zakona o buci sa kojim treba da se uskladi, naročito u pogledu nadležnosti i izdavanja saglasnosti za obavljanje stručnih poslova mjerenja buke.

### **Prijedlog Zakona o obrazovanju odraslih**

**Razlozi za donošenje:** Usklađivanje sa Okvirnim zakonom o osnovnom i srednjem obrazovanju u BiH i normativnog uređivanja obrazovanja i cjeloživotnog učenja odraslih.

### **Standardi visokog obrazovanja i normativi**

**Nosilac izrade:** Ministarstvo obrazovanja, nauke, kulture i sporta

**Razlozi za donošenje:** Popuna pravnih praznina, preciziranje pojedinih odredbi

### **Nacrt i Prijedlog Zakona o izmjenama i dopunama Zakona o šumama Tuzlanskog kantona**

**Nosilac izrade:** Ministarstvo poljoprivrede, šumarstva i vodoprivrede

**Razlog donošenja:** Presudom Ustavnog suda Federacije Bosne i Hercegovine broj: U-6/14 od 17.09.2014.godine utvrđeno je da je Zakonom o šumama Tuzlanskog kantona („Službene novine Tuzlanskog kantona“, broj: 9/12 i 17/13) povrijeđeno pravo na lokalnu samoupravu Općine Kladanj, te je Ustavni sud odredio prelaznu mjeru, kojom daje mogućnost Skupštini Tuzlanskog kantona da u roku od šest mjeseci od dana objavljivanja presude u „Službenim novinama Federacije BIH“ i „Službenim novinama Tuzlanskog kantona“ izvrši usaglašavanje ovog zakona sa Zakonom o principima lokalne samouprave u Federaciji Bosne i Hercegovine („Službene novine Federacije Bosne i Hercegovine broj:49/06 i 51/09).

### **Prijedlog Zakona o izmjenama i dopunama Zakona o srednjem obrazovanju i odgoju**

**Razlozi za donošenje:** Popuna pravnih praznina uočenih u dosadašnjoj primjeni Zakona o srednjem obrazovanju i odgoju.

### **Prijedlog Zakona o osnovnom odgoju i obrazovanju**

Razlozi za donošenje: Popuna pravnih praznina uočenih u dosadašnjoj primjeni Zakona o osnovnom odgoju i obrazovanju.

### **Nacrt Zakona o oružju Tuzlanskog kantona**

**Nosilac izrade:** Ministarstvo unutrašnjih poslova

**Razlozi za donošenje:** Usaglašavanje odredbi Zakona o oružju Tuzlanskog kantona sa standardima Evropske unije, posebno kada se radi o kategorizaciji oružja, ograničenjima u nabavi količine oružja, regulisanje zamjene oružja između fizičkih i pravnih lica, trofejno oružje, izdavanje uvjerenja o evidentiranju oružja, oduzimanje oružja u posebnim slučajevima narušavanja javnog reda i mira, regulisati osnivanje civilnih strelišta, prekršajne sankcije i dr.

### **Prijedlog Zakona o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu**

**Nosilac izrade:** Kantonalna uprava civilne zaštite

**Razlozi za donošenje:** Izmjene i dopune Zakona o zaštiti i spašavanju TK će omogućiti usuglašavanje sa izmjenama i dopunama federalnih propisa koje su se u međuvremenu dogodile a koje je potrebno unijeti u kantonalne propise.

### **Nacrt i prijedlog Zakona o korištenju, upravljanju i održavanju zajedničkih dijelova i uređaja zgrade**

**Nosilac izrade:** Ministarstvo prostornog uređenja i zaštite okolice

**Razlozi za donošenje:** Razlog donošenja Zakona je potreba da se određena do sada neriješena pitanja u oblasti upravljanja i održavanja riješe novim zakonskim rješenjima kao i da se dosadašnja rješenja prilagode iskustvima iz njegove dosadašnje primjene, te usklađivanje zakonske regulative sa federalnim propisima.

### **Nacrt i prijedlog Zakona o visokom obrazovanju**

**Nosilac izrade:** Ministarstvo obrazovanja, nauke, kulture i sporta

**Razlozi za donošenje:** Popuna pravnih praznina, preciziranje pojedinih odredbi

### **Izmjene i dopune Pedagoških standarda i općih normativa za osnovni odgoj i obrazovanje**

**Nosilac izrade:** Ministarstvo obrazovanja, nauke, kulture i sporta

**Razlozi za donošenje:** Popuna pravnih praznina i preciziranje pojedinih odredbi.

### **Izmjene i dopune Pedagoških standarda za srednje škole**

**Nosilac izrade:** Ministarstvo obrazovanja, nauke, kulture i sporta

**Razlozi za donošenje:** Popuna pravnih praznina i preciziranje pojedinih odredbi.

### **Smjernice ekonomske i fiskalne politike za period 2016-2018. godine**

**Nosilac izrade:** Ministarstvo finansija

**Razlozi za donošenje:** Smjernice ekonomske i fiskalne politike sadrže strateške ciljeve i pokazatelje ekonomske i fiskalne politike, pretpostavke društvenog i privrednog razvoja, procjenu prihoda budžeta, predviđene promjene javnog duga za budžetsku i za sljedeće dvije godine. Smjernice predstavljaju prvi planski dokumenat u budžetskom procesu.

### **Prijedlog Odluke o pristupanju izradi Izmjena i dopuna Prostornog plana za područje Tuzlanskog kantona za period 2005. - 2025. godine**

**Nosilac izrade:** Zavod za prostorno planiranje i urbanizam i Ministarstvo prostornog uređenja i zaštite okolice

**Razlozi za donošenje:** Prostorni plan za područje Tuzlanskog kantona za period 2005.-2025. godine, zajedno sa Odlukom o provođenju Prostornog plana usvojen je od strane Skupštine Tuzlanskog kantona 2006. godine („Službene novine Tuzlanskog kantona“, broj: 9/06). Zadnjim četverogodišnjim Izvještajem o stanju u prostoru Tuzlanskog kantona za period 2008.-2011. godine, koji je razmatrala i usvojila Vlada Tuzlanskog kantona na sjednici održanoj 09.02.2012. godine, konstatovano je između ostalog, da je potrebno u slijedećem planskom razdoblju, nakon izrade i usvajanja prostornih planova općina, pristupiti izmjenama i dopunama Prostornog plana Tuzlanskog kantona.

Također, Prostorni plan Federacije BiH za period 2008.-2028. godine je u fazi prijedloga prosljeđen prema Vladi FBiH na postupak usvajanja, te je nakon njegovog donošenja, obavezno usaglašavanje Prostornog plana Kantona sa istim.

### **Nacrt Zakona o izmjenama i dopunama Zakona o unutrašnjim poslovima Tuzlanskog kantona**

**Nosilac izrade:** Ministarstvo unutrašnjih poslova

**Razlozi za donošenje:** Usklađivanje postojećeg Zakona o unutrašnjim poslovima Tuzlanskog kantona sa Zakonom o unutrašnjim poslovima FBiH, koji je usvojen u oktobru 2014. godine.

### **Nacrt Zakona o izmjenama i dopunama Zakona o inspekcijama Tuzlanskog kantona**

**Nosilac izrade:** Kantonalna uprava za inspeksijske poslove TK

**Razlozi za donošenje:** Razlozi radi kojih se planiraju provesti gore navedene normativne aktivnosti Kantonalne uprave su sadržani u potrebi noveliranja postojećeg Zakona o inspekcijama TK, kao esencijalnog zakona za rad ove Uprave, kao i usaglašavanja, odnosno harmoniziranja istog, kako sa odredbama materijalnih propisa (lex specialis), tako i sa odredbama federalnog Zakona o inspekcijama, s ciljem stvaranja preduslova za kvalitetan i ujednačen rad inspeksijskih službi na prostoru Federacije BiH.

Kantonalna uprava za inspeksijske poslove TK nije u 2015. godini, nije planirala predlagati i donosi zakone i druge propise iz svoje nadležnosti, a obzirom da nema nadeležnosti da predlaže i donosi nacрте i prijedloge zakona, kao i druge propise iz nadležnosti ministarstava svih nivoa vlasti, u dijelu Godišnjeg Programu rada ove Uprave za 2015. godinu, stoga smo po upravnim oblastima smo predložili niz inicijativa za izmjene i dopune propisa koji uređuju navedene oblasti, radi uočenih nedostataka i brojnih propusta u istim, kako bi nadležna resorna ministarstva imala što kvalitetniju podlogu za izradu ili pokretanje inicijativa prema višim nivoima vlasti, za izmjene i dopune navedenih zakona, koji trenutno predstavljaju veliko ograničenje za efikasno vršenje inspeksijskih nadzora u ovim oblastima.

### **Dokument okvirnog budžeta Tuzlanskog kantona za period 2016-2018. godina**

**Nosilac izrade:** Ministarstvo finansija

**Razlozi za donošenje:** Dokument okvirnog budžeta je akt koji sadrži makroekonomske projekcije i prognoze budžetskih sredstava i izdataka za naredne tri godine i na njemu se zasniva priprema i izrada budžeta

### **Nacrt i prijedlog Zakona o neprofitnom socijalnom stanovanju Tuzlanskog kantona**

**Nosilac izrade:** Ministarstvo za rad, socijalnu politiku i povratak

**Razlozi za donošenje:** Tuzlanski kanton je započeo proces izgradnje objekata za neprofitno socijalno stanovanje koji se nastavlja i u 2015.godini u partnerstvu sa HO HILSWERK

Austija. Ministarstvo djelimično participira u ovim projektima čija je ukupna vrijednost 2.500.000,00 €. Cijenimo važnim definisati ovu oblast Zakonom, a što su već uradili Zeničko-Dobojski i Goraždansko-Podrinjski kanton. Zakon će obuhvatiti norme kojima se definiše krug lica koja ostvaruju pravo, kriterije za ostvarivanja prava, nosice za određivanje prioriteta i korisnika stanovanja, i druge uslove koji će se bliže definisati provedbenim aktom koji će biti donesen nakon usvajanja Zakona.

### **Nacrt i prijedlog Zakona o izmjenama i dopunama Zakona o policijskim službenicima Tuzlanskog kantona**

**Nosilac izrade:** Ministarstvo unutrašnjih poslova

**Razlozi za donošenje:** Usklađivanje postojećeg Zakona o policijskim službenicima Tuzlanskog kantona sa Zakonom o unutrašnjim poslovima Tuzlanskog kantona čije je donošenje predviđeno u toku 2015. godine.

### **Nacrt i prijedlog Budžeta Tuzlanskog kantona za 2016. godinu**

**Nosilac izrade:** ministarstvo finansija

**Razlozi za donošenje:** Budžet je akt kojim se planiraju prihodi i primici, te rashodi i izdaci Kantona za period od jedne godine. Sredstva budžeta koriste se za finansiranje poslova, funkcija i programa organa Kantona, kao i drugih korisnika budžeta, te prava primalaca sredstava budžeta utvrđena zakonima i drugim propisima donesenim na osnovu zakona.

### **Nacrt i prijedlog Zakona o izvršenju Budžeta Tuzlanskog kantona za 2016. godinu**

**Nosilac izrade:** Ministarstvo finansija

**Razlozi za donošenje:** Zakonom o izvršenju budžeta se uređuje struktura prihoda i primitaka, te rashoda i izdataka budžeta i njegovo izvršavanje, prioriteta plaćanja, obim zaduživanja i izdavanja garancija, upravljanje dugom, te finansijskom i nefinansijskom imovinom, prava i obaveze korisnika budžetskih sredstava, ovlaštenja vlade, ministarstva finansija i ministra finansija u izvršavanju budžeta za tekuću godinu, kazne za neispunjavanje obaveza i itd.

### **Nacrt Zakona o izmjenama i dopunama Zakona o javnom okupljanju Tuzlanskog kantona**

**Nosilac izrade:** Ministarstvo unutrašnjih poslova

**Razlozi za donošenje:** Otklanjanje pravnih nejasnoća po pitanju organizovanog i neorganizovanog okupljanja građana u odnosu na obaveze prijavljivanja javnog okupljanja nadležnim policijskim stanicama, postupanje policije kroz jasnije utvrđene nadležnosti i ovlaštenja te predvidjeti kaznene odredbe za lica-učesnike javnih okupljanja. Izmjenama i dopunama Zakona naročito je potrebno jasnije definisati i regulisati oblast organizovanog okupljanja građana kroz neformalne grupe, koje nisu registrovane, nemaju naziv, nemaju ovlaštene predstavnike i dr.

### **Prijedlog Zakona o izmjenama i dopunama Zakona o inspekcijama Tuzlanskog kantona**

**Razlozi za donošenje:** Razlozi radi kojih se planiraju provesti gore navedene normativne aktivnosti Kantonalne uprave su sadržani u potrebi noveliranja postojećeg Zakona o inspekcijama TK, kao esencijalnog zakona za rad ove Uprave, kao i usaglašavanja, odnosno harmoniziranja istog, kako sa odredbama materijalnih propisa (lex specialis), tako i sa odredbama federalnog Zakona o inspekcijama, s ciljem stvaranja preduslova za kvalitetan i ujednačen rad inspekcijских službi na prostoru Federacije BiH. Kantonalna uprava za inspekcijske poslove TK nije u 2015. godini, nije planirala predlagati i donosi zakone i druge propise iz svoje nadležnosti, a obzirom da nema nadeležnosti da predlaže i donosi nacрте i



prijedloge zakona, kao i druge propise iz nadležnosti ministarstava svih nivoa vlasti, u dijelu Godišnjeg Programu rada ove Uprave za 2015. godinu, stoga smo po upravnim oblastima smo predložili niz inicijativa za izmjene i dopune propisa koji uređuju navedene oblasti, radi uočenih nedostataka i brojnih propusta u istim, kako bi nadležna resorna ministarstva imala što kvalitetniju podlogu za izradu ili pokretanje inicijativa prema višim nivoima vlasti, za izmjene i dopune navedenih zakona, koji trenutno predstavljaju veliko ograničenje za efikasno vršenje inspekcijskih nadzora u ovim oblastima.

**Odluka o utvrđivanju Liste lijekova koji se mogu propisivati i izdavati na teret sredstava obaveznog zdravstvenog osiguranja Tuzlanskog kantona**

**Nosilac izrade:** Ministarstvo zdravstva

**Razlozi za donošenje:** Zakonska obaveza iz, člana 8. Zakona o lijekovima i člana 31. Pravilniku o bližim kriterijima za izbor lijekova, postupku i načinu izrade listi lijekova u Federaciji Bosne i Hercegovine, načinu stavljanja i skidanja lijekova sa listi lijekova, obavezama ministarstava zdravstva, zavoda zdravstvenog osiguranja, te proizvođača i promotnika lijekova uvrštenih na liste lijekova, kao i korištenje lijekova. Stupanjem na snagu Pravilnika proizšla je obaveza revizije kantonalnih listi lijekova.